

ANALYSIS

ANALYTICO- RVM POSTERIORVM

SIVE LIBRORVM ARISTO-

telis de Demonstratione, in

qua singula capita per quæ-

stiones & responsiones

: perspicuè exponuntur:

adhibitis

QVIBVSDAM SCHOLIIS,
ex optimis quibusq; interpretibus

desumptis, operâ & studio G. P. Oxoniensis

confecta & edita in usum iuniorum.



OXONIÆ,

Excudebat IOSEPHVS BARNESIUS,

M. D. XCIII.

ANALYTIC

OF THE

PROGRESS

OF THE

ARTS

AND

MANUFACTURES

IN

ENGLAND

FROM

THE

YEAR

1700

TO

1790

IN

THE

REIGN

OF

GEORGE

THE

THIRD

ILLVSTRISSIMO VIRO

AC DOMINO D. ROBERTO ES-

SEXIAE COMITI, AVREAE

PERISCELIDIS EQVITI AVRATO,

MAGISTRO EQVORVM RE-

gie Maiestatis, eidemq; Serenissimae Regi-

nae Elizabethae à Consilijs, & colendis-

simo literarum Mecœnati.

* *

*



Emeritati meae celsi-
tudo tua ignoscet, vti
spero, (illustrissime
Comes) quòd te per
hanc meam qualem-
cunq; epistolam hoc
tempore tam fiden-
tèr audeam interpel-
lare: atque eò magis

ignoscet, cum mei consilij causam, quâ addu-
ctus, hoc in me suscipio, tibi paucis exposuero.
Cum ab ineunte meâ etate mirum in modum
clarissimo illi viro Thomæ Perotto aurato e-
quiti, clarissimæ & nobilissimæ sorori tuæ (cui
non minus quàm illi debeo) matrimonij so-
cietate coniuncto, ob infinita quæ in me

cumulatè contulit beneficia, nec non summam, qua me prosecutus est beneuolentiam usque adeò fuerim deuinctus, vt, si illi vni me totum dedissem, necnon tanquam dedititium consecrasset, non arbitrarer vel minimam ipsius beneficiorum partem rependisse: vel meum officium erga illum aliqua ex parte persoluisse: hæc si cælarem, essem ingratus; si negarem, impius: tamen ne ingratitudinis voragine penitus absorberer, in animo mihi fuit hunc libellum, laboris mei primitias, tanquam grati & officiosi animi symbolum ei consecrare: sed, dum in eo imprimendo versarer, ornatissimus Perottus, quem patronum delegeram, lethali (proh dolor) oppressus ægritudine, vitam cum immaturâ morte commutauit: sic

---cecidit Rhipheus iustissimus vnus

Qui fuit in Teucris, & seruantissimus aquis:

Cuius mors illustrissimæ sorori tuæ summam animi mœstitiâ, patriæ insignem calamitatem, domo suæ ruinam (nisi Deus auertat) intulit, adduxit, minitatur: Et me quasi attonitum, præterquam quòd summo afficiebar mœrore, in eas angustias adegit, vt an rem institutam absoluerem, an desisterem, incertus fuerim. Sed cum memoriâ repeterem (nobilissime Comes) quòd tu sis

---spes

—*Spes nunc una sororis,*

Tu requies patrie: decus imperiumq, Perotti

Te penes: in te omnis domus inclinata recumbat,

Officium meum esse duxi, ut id debitum, quod illi restituere astringebar, tibi tuo iure illud quodammodo vendicatum, persoluerem non inuitus. Quare accipe (Comes amplissime) hunc qualemcunque libellum, non ut meum: sed ut illius donationem, aut (si vis) legatum tibi, dignissimo legatario, ab eo relictum. Quod ad me attinet, idem mihi faciendum arbitror, quod olim *Æschinem* pauperem fecisse video, qui, (ut refert *Seneca*)


Lib. I. de beneficiis. cap. 8.

cum *Socrati* multa multi pro suis quisque facultatibus offerrent, nihil, inquit, dignum se, quod dare possim, inuenio: Et hoc modo pauperem me esse sentio: itaque dono tibi, quod unum habeo, me ipsum: hoc munus rogo, qualemcunque est, bonus consulas, cogitesque alios, cum multum tibi darent, plus sibi reliquisse. At multum dare quis potest tibi o decus patriæ, lumen ecclesiæ, *Athenarum* lydus? sub velo orationis infinita in finuo, cum stilo non possim, quæ velim, aut debeam, graphice depingere: omnia igitur eo versu, quæ olim *Athenienses* in urbis foribus (ut refert *Plutarchus*) *Pompeio Magno*, cum *Athenas* peruenisset, inscripserunt, concludam,

Temiramur, & te videmus, comitamur, colimus.
Deus opt. max: tuam celsitudinem Ecclesie,
Reipub: & tuis quàm diutissimè incolumem
conseruet. Ex Collegio Iesu Oxoniæ Tertio
Calend: Martii.

Honoris tui studiosissimus,

GRIFFINVS POWEL.



Ad Lectorem Academicum.

SI fortè, idq̃, non immeritò mireris (lector Academicæ) post tot doctissimorum virorum doctissimos cōmentarios in Posteriora Aristotelis Analytica, ad eò omni ex parte perfectos, ut nihil ijs addi posse reuerà videatur, me hanc meam qualemcunq̃, Analysin scholijs quibusdam illustratam in vulgus edidisse: si mei consilij causam rationemq̃, cognoueris, nō dubito quin vel id, quod facio, non improbabis: vel saltem hoc meum consilium, fortasse temerarium, mihi condonabis. Eos, qui rei Dialecticæ operam nauant, in duo genera partitos video: Quosdam optima spei & indolis, nec minoris diligentia iuuenes, ut Aristotelis mentē & sensum eruant, ita interpretum tricis & commentarijs implicatos video, ut in *Maëndros* quosdam adaecti, nec non in *Labyrinthum* coniecti mihi videantur: ubi à *Minotauro* vel penitus deuorati Aristotelem non attingunt: vel ab eodem miserè lacerati & sauciati (animus meminisse horret) ad Aristotelis oracula seriùs & maiori cum labore perueniunt, cum citiùs & minori cum negotio potuissent peruenisse. Alios non minoris indolis, quàm priores, et si minoris industria adolescentes conspicio, qui tanquàm *Penelopes* proci, quia vnâ vel alterâ petitione, aut breuî aliquo tempore *Penelopen*, hoc est, Aristotelis doctrinam, quæ *Penelope* multò venustior & castior

est, assequi nequeunt, ad adulterinas Penelopes ancillas, hoc est, Aristotelicæ disciplinæ epitomas, quibus nihil fucatus & periculosus, animum & animum conuertunt: quarum fūco fascinati, & fumo obcicati purum, & igneum, hoc est, splendidum Penelopes vultum contemnunt, fastidiunt, aspernantur. Vt ergo hos tergiversantes & ab Aristotele deficientes ad Aristotelem allicerem: illos venientes, aut venire magnoperè cupientes citius adducerem, hanc Analysin, quicquid est in Aristotelis Analyticis continentem, in ipsorum tantum vsum, non ut mihi aliquam (Deū testor) captare gloriolam, confeci, confectā promulgauit: quā hi (ut spero) placide instructi sine tadio: illi illasi sine erroris vulnere ad Aristotelis sensum possint aspirare. Quod si postea ijs in vastum Interpretum Oceanum intrare placuerit, poterunt tutò, hac analysi perlectā, illud pertransire, & namque sine periculo ad portum appellere. Tunc enim omnia traduntur commodissime (inquit optimus ille Imperator Iustinian⁹) si primò leui ac simplici via: post deindè diligentissima atq; exactissima interpretatione singula tradantur: alioqui, si statim ab initio rudè adhuc & infirmum animū studiosi multitudine ac varietate rerū onerauerimus, duorum alterum, aut desertorem studiorum efficiemus: aut cum magno labore, sepe etiā cū diffidētia (quæ plerumq; iuuenes auerit) seru-

us

Institut: de
Iusticia & iu-
re Paragra.
His igitur.

us ad id perducemus, ad quod, leuiore via ductus, sine magno labore, & sine vlla diffidētia, maturius perducere potuisset. Ego leuem ac simplicem illam viam tyronibus ostendi, per quam, tanquam per ianuam ad diligentissimam & exactissimā aliorum interpretationem, praesertim Zabarella & Crellij, (quos solos in hac re consuli vellem,) aditus patefiat. *Analysin* enim omnes viri politioris literaturae, & sanioris iudicii facillimā & maximè expeditam methodum iudicarunt, praesertim eam, quae per quaestiones & responsiones explicatur. Testis huius rei locupletissimus sit ornatissimus ille vir *Vrsinus*: cuius *Analyticam* explicationem in *Organon Aristotelicum* usque ad posteriora *Analytica* ad sensum ipsius eliciendum, non mille, sed myriadi interpretum centonum praeferenda doctissimus quisque iudicabit: Hanc methodum, quam ipse in lib. *Categoriarum*: de Interpretat.: & *Analyticarum* Prior: obseruauit, ego in his *Analyticis* Poster. quantum potui, imitari & obseruare decreui. Atque haec una causa est, quae praeter ceteris me impulit, ut primò *Analysin* horum librorum in lucem ederem: quia ibi mihi exordium institui, ubi doctissimus *Vrsinus* (quem veluti exemplar & ducem imitandum propono) suae tractationi finem imposuit. Talem *analysin*, etsi non perpolitam, habeo in *Topica* *Aristotelis* & lib. *Elenchorum* quam, si Deus voluerit, & aliqua temporis usura ad eam efformandam mihi concedatur

datur unà cum alià analysi in *Physica Arist.* promul-
gabo. In hac *Analysi* interpretationē clarissimi illius
viri *Iulij Pacij*, praterquā in cap. distinctionibus &
in literis, ut manifestiora *Arist.* redderem exempla,
sequutus sū: qui, cū reliqui ferē ōnes florē orationis
secuti, *Aristotelis* sensū nō referāt, unicui ipsius cō-
textū quā fidelissimē interpretatur: Nullū vocabu-
lū, quod apud *Arist.* reperiatur, quodq; alicui sit mo-
menti aut difficultatis, pratermissi, quin in capitis a-
nalyti exposuerim: quae verò in eā explicari cōmodē
nō potuerint, in scholijs, ex optimis quibuscq; inter-
pretibus, & alijs autoribus desumptis, subiunxi, ut
quod in illā deficit, in his suppleatur. In utrisq; tibi
(lector *Academice*) me submitto: rudē & impolitū
orationis meae cōtextū mihi (spero) condonabis: pra-
sertim cū in tali verser materia, in qua verborū pro-
prietas, non orationis ornatu requirendus est. Non
Tarētini aut (*ōsentini* scribe (ut inquit *Lucillus*)
sed eruditis, quorū iudicio cōiētus, quid de me impe-
ritorū rumusculi iactū ēt, flocci pēdo. Errare possum,
& scio me in hac re errasse: tamē sicut olim *Orestes*
pedagogū suū (ut est in *Soph. Electra*) alloquutus
est: sic ego hac in re te ipsum alloquor.

Si loquar quid fortē, non fat commodē,

Aut sicubi errauero, tuū est me ut corrigas.
Tuū est (*Academice*, hoc est, erudite) nō aliorū: qui
aut eruditionē primoribus labris nō degustarūt: aut
qui eruditionis tātū titulo intumescūt: qui vnguib;
in aliorū faciē; detibus in famā cōsue scūt inuolare.

Prolegomena.

De Inscriptione Analyticorum.

HI duo libri, sicut & duo libri qui hos praecedunt, appellantur Analytica, hoc est, resolutoria: quia Aristoteles in his quatuor libris agit de resolutione conclusionis syllogismi in sua principia & causas, ac docet quare ratione hac resolutio fiat. *Analysis* siue resolutio est causarum, ex causis continuata eoque persequentio, donec ad prima illius rei, de qua quaeritur, principia perueniamus. *Resolutio* duplex est: una physica & realis, quae non intellectu, sed re ipsa fit: ut cum totum aliquod iuxta in prima sua principia, siue in partes suas dividitur: Altera est Logica & rationis, quae non re ipsa sed intellectu fit: ut cum conclusio manens integra & illaesa in prima sua principia & causas intellectus beneficio resolvitur & reuocatur: Hae resolutio, non illa in his libris traditur. Principia conclusionis sunt in duplici differentia: Quaedam sunt principia siue cause inferendi, & secundum formam: qualia sunt Modus & Figura. Quaedam sunt principia siue causa probandi, & secundum materiam: cuiusmodi sunt termini, praesertim Medius terminus, & propositiones immediate, quae efficiunt, ut conclusio non solum inferatur, sed etiam sit vera: Hinc in conclusione duo spectantur: illatio & probatio. Unde & conclusionis resolutio duplex est: una secundum formam

Analysis quid

Resolutio
duplex.

Hic non de
omni resolu-
tione Logica
agitur sed de
resolutione
syllogismi.

Principia cō-
clusionis du-
plicia.

In conclusio-
ne duo spe-
ctantur.

Resolutio cō-
clusionis
duplex.

Prolegomena.

formam in principia & causas inferendi: altera secundum materiam & causas probandi: Illa dicitur uniuersalis, consequentia & prior resolutio: hac particularis, consequentia & posterior. Nam quemadmodum Dialecticus, aliqua proposito syllogismo, prius debet formam syllogismi examinare, utrum recte & legitime Modo & figura concludatur, & necessariam habeat vim concludendi; deinde eius materiam, nempe terminos & propositiones uerificare, utrum scilicet uerus sit an falsus syllogismus, sicut habet Arist: 2. Elench: Sic primo debemus syllogismi conclusionem in principia inferendi, nempe in Modum & Figuram; deinde in principia probandi siue essendi, nempe in materiam resolvere: quod obseruat Arist: in his quatuor libris. Quoniam itaque in libris priorum de priori illa resolutione: in his uero de posteriori tractationem instituit: ideo illi Analytica Priora: hi uero Posteriora merito appellantur. Hinc est quod Arist: libros Priorum nuncupet Resolutionem circa Figuras, ut eos seungat a libris Posteriorum Analyticorum, in quibus non resolutio circa figuras, hoc est, formam, sed resolutio circa materiam continetur. Sed queri possit, cum Arist: in his libris non solum de analysi siue resolutione conclusionis, sed etiam de eiusdem synthesi siue compositione agat, cur hi libri potius analytici, id est, resolutoria, quam synthetici, id est, compositoria nuncupentur? Respondet nonnulli quia

C. 3.

Lib. 1. poster.
c. 5.

Dubium.

Solutio.

nam cum libri priorum de analytica potius resolutio, quam synthetica, cui in eo tractatu de compositione resolutio, ut in libro posteriorum, ubi agitur de synthetica, est sit dictio

resolutio sicut difficilior: ita multo nobilior & praestantior est compositione. Nam (ut inquit Philoponus) ex resolutione syllogismi potius quam ex eiusdem compositione de bonitate ipsius indicium ferri potest: adeoque quicumque scit resolvere, idem quoque sciat componere, sed non e contra: Quod in idiotis experimur, qui nomina & verba in orationem componunt; verum eandem artificiose in subiectum & predicatum resolvere non possunt. Vnde Boëtius ἀναλυτικὴν idem quod κριτικὴν, id est, indicatoria hic valere putat: quia analysis expeditum, certum ac unicum indaganda veritatis instrumentum sit. Libri Priorum etiam appellantur libri de syllogismo, sicut patet ex lib. 2. Poster. cap. 3. quia tum de syllogismi compositione: tum de eiusdem resolutione in illis agit Arist.: sicut & libri Posteriorum vocantur libri de demonstratione lib. 2. Poster. c. 18.

De diuisione Analyticorum Posteriorum.

PRior liber Analyticorum Posteriorum in quinque partes distingui potest. Prima pars agit de principiis Demonstrationis, eiusque natura & proprietatibus quibusdam, idque ab initio libri usque ad caput 12. Secunda syllogismum deceptorium, qui ex diametro Demonstrationi repugnat & qui ignorantiam & inscitiam parit, dilucide exponit una cum illa ignorantia, quae ex sensu defectu proficiscitur, idque a capite

capite 12. usq; ad 15. Tertia de terminorum Demonstrationis progressu tractat usq; ad caput 20. Quarta Demonstrationum quarundam comparationem completitur usq; ad cap: 23. Quinta Demonstrationis effectum, nempe scientiam comprehendit, ubi tum ipsius comparatio, tum à ceteris habitibus distinctio continetur usq; ad finem libri. Secundi libri partes precipue sunt quatuor. Prima agit de questionum generibus, & quatenus unum earum genus, nempe ipsum Quid est concludi & innotescere possit, idq; a principio libri usq; ad caput 11. Secunda ostendit quomodo causa & effecta locū habeant in Demonstratione: ubi varia tū causarum, tum effectorum genera explicantur usq; ad caput 14. Tertia inuentionem & methodum tradit, qua definitiones, necnon problemata seu conclusiones & Media Demonstrationis inuestigari queant idq; à capite 14. Usq; ad ultimum caput: in quo tractationem quandam specialem, seuinctam a Demonstrationis tractatione, de principiorum cognitione instituit.

De Demonstratione ac Demonstratiua scientia.

Ex Mathisio.

CV in duo genera distincta sit Philosophia, quorum alterum in cognitione, alterum in actione versatur: illud quidem de veritate ac mendacio considerat: hoc de bono ac malo scrutatur. At vero

verò quia de bono & malo & vero & falso non levis est inter homines controuersia, aliq³ aliud & bonū & malum, & verum & falsum esse arbitrantur: instrumentum, quo hac discernerentur, nobis tradidit, id quod est Demonstratio. Perinde enim ut lignarius faber amussi utitur in curuis & rectis lignis discernendis, & adificator perpendiculo, ut rectos & obliquos parietes internoscatur: ita Philosophi Demonstrationem rectam exactamq³ rerum diiudicandarum regulam habent. Ammonius in præfatione in Aristotelis Categorias.

Quia Philosophus in omnibus suis libris Demonstratiua docendi ratione ac via utitur, egrègè nobis hac prius elaboranda est, ut scripta eius reliqua facilius assequamur. Idem.

Is liber, in quo de Demonstratione differitur, finis est omnis logica tractationis: Siquidem omnia logica volumina ob Demonstrationem Aristoteles nobis tradidit. Iohannes Philoponus in lib. primum de Demonstratione.

Apud Philosophos Demonstratiui syllogismi ratio habetur, qui non ex opinabilibus, sed ex necessarijs, & quæ per se fidem faciunt, propositionibus conficitur. Quamobrem & impossibile est dissuadere, qui eiusmodi rationum necessitatem sectatur. Neq³ enim omnino spectatis nos credere personis decet (siquidem id mobilis est ingenij) sed veritatem persequi beneficio Demonstrationis. Idem.

ANALYSIS CAP. I.



Demonstrationis vim ac naturam explicaturus in his libris Aristoteles, ordinem questionum in principio secundum libris secutus optimam sanè rationem a questione. An sic, hanc illustrationem auspicatur, & in hoc capite ostendit esse demonstrationem, idq; ab effectu proprio, sicut postea patebit. Quatuor sunt partes huius capitis. Primo ostendit esse demonstrationem. Secundo, duo esse prænotionum genera. Tercio modum cognoscendi propositiones demonstrationis. Quarto conclusionem, quam cognoscere velimus, partim notam esse, partim ignotam, ubi quendam cavillum Sophistarum diluit.

Est ne aliqua doctrina & disciplina diænoëtica?

Est.

Unde oritur huiusmodi doctrina?

Ex antecedente cognitione.

Qua ratione illud ostendi potest?

Inductione. Nam si percurramus singulas facultates & disciplinas, illud nobis fiet manifestum. 1. Mathematicas scientias. 2. Cæteras artes. In his enim conclusionum cognitio ex antecedente cognitione acquiritur: nempe principiorum. 3. Rationes seu argumentationes Dialecticas, quæ sunt Syllogismi & Inductiones, in quibus cognitio conclusionis docetur ex præhabita cognitione. Nam in Syllogismo accipientes quasi ab intelligentibus, id est, ex cognitione præmissarum, quæ ante cognitæ sunt, in Inductione ex cognitione singularium, ex quibus illa fit, quæ prius nobis nota sunt, quæ universalis, in conclusionis cognitionem devenimus.

* Dialectici est docere, oratoris persuadere.

*Enthymema
est apud Rhe-
toricos, quod
apud Diale-
cticos est Syl-
logismus, &
Exemplum,
quod apud
Dialecticos
est inductio.
Tolce.

rationes Rhetoricas seu oratorias, quæ persuadent; aut
Exemplis, quæ Inductiones; aut Enthymematibus,
quæ Syllogismi sunt; unde patet omnem doctrinam
Dianoeticam oriri ex antecedente cognitione.

Quotuplex est antecedens illa cognitio?

Duplex oritur, Quod est, & Ti est. Quid est.

*Quor sunt a Demonstratore antequam Demonstra-
tionem conficiat, præcognoscendas?*

Tria. 1. Axiomata, sub quibus propria principia & Medi-
um veniunt intelligenda. 2. Affectio seu propria passio,
3. Subiectum, quæ Aristoteles non propriis nominibus
designavit (de his enim plenius in 7, cap. acturus est)
sed exemplis tantum adumbravit. Nam intelligit Axi-
omata seu principia his verbis. *Quod est, aut affirmatur,
aut negatur.* Intelligit passionem per *Triangulum*, intel-
ligit Subiectum per *Unitatem* sub qua continetur Nu-
merus, qui est subiectum in Arithmetica.

*Qua specie præcognitionis præcognoscuntur hæc
tria?*

Cognoscan-
tur etiam
principia
seu Axioma-
ta Præcogni-
tione Quid
est sicut pa-
tet in 2. Cap.

Axiomata præcognitione Quod est, passio præcogni-
tione Quid est, subiectum utraq; scilicet & Quod est, &
Quid est præcognoscuntur, unde non eadem præcogni-
tione hæc tria sunt nobis manifesta.

*Quomodo ea quæ Demonstrationem ingrediuntur,
nobis cognoscuntur, aut quomodo iis assensimus?*

Cum Demonstratōne ingrediuntur præmissæ & cōclu-
sio, non eodē modo hæc cognoscuntur. Nonnulla enim
prius cognoscuntur, quā conclusio: Maior scilicet propositio:
ut omne triangulū habet tres angulos duobus rectis æ-
quales alia simul, & eodem tempore cum conclusione
cognoscuntur, Minor nempe propositio, si sub uniuersa-
libus continetur, hoc est, si sit singularis, ut hæc: quod
in semicirculo describitur, triangulum est. Cum enim
Minor propositio singularis est, & sensilis, solo se su cog-
noscitur sine medio vna cum conclusione.

Nam fieri potest, ut qui conclusionem, antequam Ma-
iorē induxeris, vel syllogismū confeceris, cognoscat
 Maximè. Conclusio enim, sola Maiore propositione pro-
 lata, aliquo modo cognoscitur, aliquo modo ignoratur.
 Quod enim simpliciter nesciebat an esset, quomodo il-
 lud habere tres angulos æquales duobus rectis simplici-
 ter & perfectè sciret? Tamen illud ex parte nouit, scilicet in
 vniuersali, hoc est, in Maiore simpliciter autè, & destini-
 tè non nouit, antequam Minorè perspectā habuerit. Nisi
 itaq; sic distinguamus, facilè nos irretitos videbimus tū
 illo: Dilemmate quod est in Platonis dialogo, qui Me-
 nō siuè de virtute inscribitur, ut, aut omnino nihil discā-
 mus, aut id, quod antea sciebamur, & sic scientia (ut vo-
 luit Plato) erit reminiscētia: tū illo Sophistarū cauillo,
 quo omnem scientiam è medio tollere conabantur.

Recense hunc Sophistarum cauillum,

Si quis se conclusionem aliquam scire asseruisset, velu-
 ti, binarium esse parē, hoc modo Sophistæ illum ag-
 grediebantur. Scis-ne omnem binarium esse parē? illo
 autem se scire dicente, proferebant binarium (hoc est
 binas res) quem occultum in manu tenuerant, & dice-
 bant: Hunc non sciebas esse parē. Nam non sciebas
 eum esse binarium, cum eum nunquam conspexeris.
 Ergo non omnem binarium sciebas esse parē. Simili
 ratione probabant illum non scire omne triangulum
 habere tres angulos pares duobus rectis, Ostende-
 bant enim triangulum, quod ipse ne esse quidem
 suspicabatur, quare illud tres angulos habere non scie-
 bat.

Quomodo diluendus est hic Sophistarum cauillus?

Dux illius habentur solutiones: Vna Antiquorum, Ar-
 istotelis altera. Antiqui, cum se captos a Sophistis hoc
 Dilemmate viderent, hoc modo soluentes, euadere pu-
 tabant: dicebant se nō omnē binariū scire parē esse, sed
 illum solum, quem sciebant esse binariū. Eodem modo

respondebant de triangulo. Hanc solutionem rejicit Philosophus, quia illa propositio (Scilicet omnem binarium esse parem?) vniuersalis erat, nec restringenda ad omnem numerum binarium, quem ipsi scirent, vel ad tale triangulum, sed simpliciter de omni numero binario, & de omni triangulo accipienda erat. Nulla enim Demonstrationis propositio, cum vniuersalis sit, sic coarctari debet, quem tu scis esse numerum, quod tu scis esse rectilineum, siue rectas lineas habere, sed simpliciter de omni numero & rectilineo erit intelligenda.

Quæ est Aristotelis solutio?

Aristoteles respondet nihil incommodi, aut absurdi sequi, si quis conclusionem, quam discit, vel cognoscere velit, partim sciat, partim nesciat: sciat in vniuersali, in genere, in principiis suis, in virtute, in confuso & in potentia: nesciat in particulari, in propria forma, distincte, & in actu. Vnde ait non esse incommodum, aliquem quodammodo scire quod discit, sed tamen non eadem ratione cum scire, quâ discit. Hoc enim incommodum est.

*Maior enim
propositio
conclusionē
in se conti-
net potestate

SCHOLIA IN CAP. I.

Tota difficultas huius capitis in hac vna propositione consistit: unde totus est Arist: in eâ vna explicandâ, quæ ut melius innotescat, duo in eâ exponendâ, veniunt animaduertenda, sensus ipsius, & Aristotelis institutum siue intentio, cur eam hoc in loco proposuerit. Ut sensus eruatur, examinanda sunt partes huius propositionis, subiectum scilicet & prædicatum. Subiectum est, omnis doctrina omniq; disciplina diuineorica. Prædicatum, Ex antecede-

dente

dente cognitione. Doctrina & Disciplina v.
nam & eandem rem designant, nempe cognitionem
conclusionis, vel scientiam: sed dicitur Doctrina,
quatenus a docente procedat, dicitur Disciplina,
quatenus a discipulo recipitur. Unde Doctrina
respectu docentis, Disciplina respectu discipuli
vocatur. *Dianoëtica* seu discursiva, id est, quae ex
discursu oritur, hoc est, (ut ait Rayanus) quae per
Syllogismum, Inductionem, Exemplum & Enhy-
memat fit. Unde patet cognitionem sensitivam hic
non intelligi, nec omnem intellectivam, sed eam tan-
tum, quae est cum discursu, hoc est, cognitionem con-
clusionis: idcirco aliqui (ut ait Zabarella) male *διανοητικήν* vertunt in intellectivam. Nam *διανοητικήν* signifi-
cat intellectivam, non *διανοητικήν*. *Διαλογική* enim apud
Arist. significat quidem partem animae intellecti-
vum, sed ut cum discursu & rationatione operan-
tem, siquidem eadem anima pars, ut cognoscens te-
rminatur ad & essentias rōe potius ab Arist. vocat-
ur & *λογική* *δράμας*, quam *διανοητική*. Unde *διανοητική*
idem sonat, quod *λογική* *ἐκείνη*, a *λογίζεσθαι*,
a *λογίζεσθαι*, ut ait Simplicius, id est, syllogistica, demon-
strativa, & ratiocinativa. Hae Zabarella. *Διαλογική*
tamen apud Arist. interdum significat intellectum,
& *διανοητική* idem intellectivum, sicut patet ex I. ca.
6. Eth. ubi dividit virtutes in virtutes nōus, id est,
mōrales, & in virtutes *διανοητικές*, id est, intellectus. &
ex I. 3. cap. 1. Eth. ubi itidem virtutes dividit in
διανοητικές, id est, mōrales & in *διανοητικές* id est, intel-
lectivas.

Sensus propo-
sitionis.

Due cogniti-
ones in De-
monstratio-
ne.

Institutum
Philosophi.

Loum:

lecturas, sic etiam diavola sumitur c. 18. lib. 2. Po-
ster. Ex, non significat causam materiale, aut ter-
minum a quo, sed causam efficientem Antecedente
cognitione, id est, ex cognitione principiorū, &
premissarū. Sensus ergo propositionis istius est, quod
omnis cognitio alicuius conclusionis oriatur ex cog-
nitione premissarum: unde videre licet duas esse cog-
nitiones in omni demonstratione, unam conclusionis,
qua est subiectum in hac propositione, alteram prin-
cipiorum seu premissarum, qua est in eadem predi-
catum, illamq; ex hac, non hanc ex illa oriri. Hac
de sensu huius propositionis. Institutum Philosophi
est, ostendere esse Demonstrationem, & ratio hoc
modo ab effectu colligi potest. Est scientia. (Nam
per doctrinam & disciplinam intelligit scientiam)
Ergo est Demonstratio. Ratio sequitur, quia po-
sito effectu ponitur causa, sed scientia est effectus
Demonstrationis. Ergo si sit scientia, est Demon-
stratio. Anteced. probat inductione, sicut ante ostē-
sum est. Rayanus sic colligit rationem Philosophi. omnis
doctrina & omnis disciplina intellectiva fit ex ante-
cedente cognitione: omnis Demonstratio est doctri-
na & disciplina intellectiva. Ergo omnis Demon-
stratio fit ex antecedente cognitione. Sed priori modo
melius colligitur. Hanc propositionem ponit Philo-
sophus contra duas falsas de scientia & Demon-
stratione opiniones, unam Heraclyti, & quorundam
Sophistarum, qui omnem scientiam & demonstrati-
onem ē medio tollebant, licet non eādē ratione: alterā

Socratis

Socratis & Platonis. Heraclytus negabat esse scientiam propter rerum mutabilitatem & inconstantiam, aut quia omnia incerta sunt ob latentem veritatem seu obrutam vel confusam, aut propter tenebras quasdam, & rerum inter se indistingnibilem (ut ita loquar) similitudinem, quemadmodum dicebant Academicis presertim noni: Sophista non hac ratione, sed eanillo quodam adducti, negabant scientiam, ut supra dictum est. Socrates & Plato dicebant, aut nullam esse scientiam, aut, si sit, non de nouo acquiri, sed obliuioni traditam recuperari: unde tenebant scientiam esse remiſcentiam, & scire remiſci. Existimabant enim animas humanas in initio, omnium scientiarum genere excultas a Deo creari, sed postea ob unionem cum corporibus, quasi sopitas, omnes scientias obliuioni mandare, donec paulatim per viam sensus uerum remiſcantur, & per interrogationes & responsiones ordinatas reducantur in memoriam, ideo per argumentationem & Demonstrationem non in nobis recentem & de nouo gigni scientiam, sed oriri remiſcentiam asseriebant. Hinc in duos incidebant errores. Primo, quia dicebant animas humanas ante corpora creari, Secundo, quia docebant eas omnium scientiarum genere imbutas creaturam. Arist: utrumq; negat. Animas enim non ante corpora creari docet in Metaph: ubi distinguit inter causam efficientem, & causam formalem. Efficiens (inquit) potest esse ante effectum, formalis

Falsa opinio
Heraclyti &
Sophistarum.

anno I

Falsa opinio
Socratis &
Platonis.

Duo errores
Platonis.

Lib. 12. ca. 3.

verò effectum, hoc est, totam compositionem tempore
 precedere non potest. Cum ergo Anima sit forma hu-
 manis, cum tempore non antecedit. Anima non esse
 praedita scientiis in earum oratione ostendit Philo-
 sophus lib. 3. de Anima. cap. 4. Unde et intelle-
 ctum humanum, hoc est, Animam, similem esse ta-
 bulae abrase, politae, lenigatae & complanatae in qua
 nihil depictum est, quodammodo omnis scientia
 & cognitionis sui experta, eius tamen conditionis, ut
 omnium scientiarum sit capax, sicut tabula ista
 diuersissimas rerum potest suscipere picturas. Un-
 de iuxta Arist. scientia in nobis de nouo per
 Demonstrationem acquiritur. Vtramque igitur opi-
 nionem in illa propositione conuenit. Nam cum dicit
 Doctrinam & Disciplinam dianōeticam, id
 est, scientiam esse priorem sententiam, Heracliti
 scilicet & Sophistarum. cum dicit eam fieri Ex ante-
 cedente cognitione scilicet principiorum, posteriorē
 refutat. Plato enim dicebat eam fieri ex antece-
 dente, eaque distincta, superius cognitione. Praeter ea hic
 duo quarunt interpretes, primo utrum cognitio con-
 clusionis tantum syllogismi, an omnislibet argumen-
 tationis, scilicet Enthymematis, Exēple & Inductionis
 hoc loco sit intelligenda? Secundo utrum cognitio co-
 clusionis syllogismi tantum demonstratiui, an etiam
 Dialectici & Rhetorici hic sumatur? Respondent non
 nulli hic intelligi cognitionem conclusionis cuiuslibet
 argumentationis, & cognitionem conclusionis syllo-
 gismi Demonstratiui hic non tantum sumendam esse,
 sed

Louan.

Duz que-
stiones.

Scientiam Dialecticam et Rhetoricam. Vtrumque probant
ex verbis Philosophi, ubi illam proposuerunt omnibus
Doctis et sapientibus non solum in conclusionibus
syllogisticis, sed etiam in hypotheticis. Exempli gratia
deductionis syllogisticae non solum demonstratur, sed
Dialectica etiam Rhetorica. Quare illa affirmat
hanc autem accipere cognitionem syllogisticam, eiusque de-
monstratur, et inductionem Philosophi absolutam esse
iis verbis: Et ceterarum Artium unaquaeque Ra-
tionem habet a se invicem. Dialectica et Rhetorica
non esse partem inductionis, sed nonnullam esse argu-
mentum a simili, quo istam propositionem confir-
mat. Hac opinio valde probabilis est. Nam cognitio
tantum conclusionis Demonstrationis est scientia
proprie dicta: tamen cognitio conclusionis ceterarum
argumentationum quodammodo scientia, sed
largo modo sumpta dici possit, quod existimo conclu-
sionem cuiuslibet argumentationis hinc intelligi, unde
Obiectio.

Scientia iuxta Arist. fit ex antecedente sui cognitione.
Nam conclusio, omnis est scientia, ante erat cognitio,
sicut patet ex hoc ea. Ergo scientia est reminiscetia.

Solutio.

Scientia revera fit ex antecedente sui cognitione, non
tamen distincta, sicut Plato statuit scientiam fieri,
sed confusa. Conclusio enim (inquit Arist.) ante erat
cognita, sed in universali, non distincte.

b) Nomine Mathematicarum nonnulli asserunt
Philosophum comprehendisse ceteras omnes scientias

Mathematica
scientia
quæ?

* Plures ta-
men sunt sed
omnes redu-
cuntur ad
Geometriam
& Arithmeti-
cam sicut do-
cet insignis
ille Mathe-
maticus
Io: Dee
in præfatio-
ne sua Ma-
thematica

speculativas, & Artium nomine practicas scientias.
Zabarella per Mathematicas intelligit vnde Arith-
meticam & Geometriam, quæ proprio Mathema-
ticae scientie sunt, per Artes scientias contemplativas
tantum & non practicas. Mathematica scientia (in-
quit Theodoricus) sunt, quæ extrinsecus ex certis prin-
cipijs nobis sumuntur, certâ methodo rerum natura-
lium proprietates & accidentia perpetua & immu-
tabilia, hoc est, quantitatem continuam & discretam,
& quæ his cognata sunt, inquirunt & explicant: a
μαθημα, quod significat discere, intelligo, recorder.
* Quatuor vulgò enumerantur Mathematica sci-
entia, Arithmetica, Musica, Geometria, Astrono-
mia, quarum duæ priores quantitatem discretam,
hoc est, Numerum, duæ posteriores continuam, nem-
pe Magnitudinem tractant. Sed Arithmetica &
Geometria dicuntur pura Mathematica, quia tra-
ctant illas quantitates, non ut sunt in subiectis, sed
ut ab omni materiâ sensibili separate sunt: unde ab-
stractione uti dicuntur. Abstrahunt enim accidentia
a subiectis, hoc est, considerant accidentia non consi-
deratis subiectis, aut eo modo, quo in materia insunt.
Arithmeticus enim considerat Numerum, non ut
est in aliquo subiecto, aut aliqua materia sensibili. Si-
mili ratione Magnitudinem considerat Geometra.
Musica & Astronomia dicuntur mixta & impu-
ra Mathematica, quia tractant has quantitates,
ut sunt in subiecto, unde non abstrahunt. Musica e-
nim considerat Numerum, ut est in sono. Astrono-
mia

ma magnitudinem cæli. Plura vide apud Theodoricum prima parte *Quest: Sphericarum*.

c Tribus illis exemplis omnes ferè interpretes, quos vidi, volunt Aristotri illa præcognita denotare, de quibus antea in *Analyt: cap: Zabarella* y re-

De his tribus
plura vide
infra Cap. 7.

fragatur. 1 Quia hoc in loco partium Demonstrationis distinctionem considerare non debet. 2. Quia Triangulum non est passio, sed subiectum. 3. Quia hæc tria non sumuntur ex eadem disciplinâ seu scientiâ. Ego (pace tanti viri) a communis interpretum opinione recedendum non puto: eius tamen rationes intactas & inconcussas alijs examinâdas relinquo, quas vel reijcere, vel recipere per me licebit. Quomodo axiomata demonstratione ingrediuntur, videbimus infra. cap. 8.

d Triangulum est figura ex tribus rectis lineis constans: cuius affectio est, habere tres angulos pares duobus rectis. Sed hic sumitur concrete pro triangulari, ut significet passionem cuiuspiam, de qua loqui volunt primum theorema primi libri Geometriæ Euclidis. scil: Super datam lineam triangulum æquilaterum constitutere. Ibi enim (scilicet Roberto Lincomiensi) non tantum ostenditur lineam in æquilateram posse euadere, sed & in triangulum.

Louan.
Mathic

e Præcognitio Quod est, est quâ præcognoscitur re esse, vel propositionem esse verâ: unde nō unius modi & simplex est. Alio enim intelligitur cū ad subiectū, alio cum ad principia seu præmissas refertur.

Quod est, vel
simplex, vel
complexum
est.

Nam

Nā cum ad subiectum, refertur, illud esse in rem
naturā significat, & ad questionem An sic pertinet.
cum vero ad principia, ea vera esse denotat, & ad
questionem qualitatis spectat, unde illic existens cum
hic veritatem significat. Præcognitio Quid est, est
quā præcognoscitur, quid nomen significat: unde hic
Quid nominis, non quid rei sumitur. Hoc enim qua-
estio est, non præcognitio.

Obiectio.

*Quod est, est questio sicut patet ex 1. cap. 2. poster.
Ergo non est precognitio.*

Solutio.

Si referatur ad conclusionem, est questio, si verò ad principia seu premissas, est præcognitio: sic nonnulli respondent de præcognitione Quid est.

f. *Angulus rectus est uterq; angulorum conti-
guorum quos recta linea recte insitens, aut eam se-
cans aequales fecerit. Sunt enim omnes anguli recti
aequales. Hoc est, Angulus rectus est, quomodo si non
recta, perpendiculariter cadit in lineam rectam, vel
eam secat. Angulus acutus est minor recto, angulus*

Angulus quid obtusus est maior recto. Angulus est duarum linea-
rum, vel plurium quam duarum superficierum non
in directum positarum, & terminis suis se invicem
contingentium, mutua inclinatio: dividitur angulus
ratione quantitatis in rectum, acutum & obtusum, de
quibus iam dictum est.

g Plato in illo dialogo, qui Menon inscribitur, se
ne de virtute, introducit Menonem de virtute cum

Socrate differentem in quo tandem Menon a Socra-
te victus, asserit virtutis naturam inueniri non posse.
Summa illius cavillationis siue Dilemmatis hac est;
Illud, quod ut cognoscatur, querimus, vel nobis ante
notum est, vel ignotum: si notum, nihil de nouo disci-
mus: si ignotum, frustra etiam querimus. Nam cum
inuenimus, id non cognoscemus, quod exemplo serui
fugitiui probari possit. Nam sicut fugitiuum, cuius
neque formam, nec indicia vlla novimus, si forte ob-
uium habeamus, non agnoscimus: ita & illud quod
omni ratione nobis ignotum est, cognosci non potest.
Hoc Menonis Dilemma concedit Socrates, & of-
tendit nihil de nouo nos discere, sed id solum, quod an-
te nouimus: prout de nostram scientiam esse tantum
reminscentiam. Hoc Dilemma nullarum est viri-
um, quia eodem modo dissoluitur, quo Sophistarum
ille cavillus. Similitudo enim, quae nititur, non valet,
quia conclusionis, quam querimus, habemus quedam
indicia & confusam quandam cognitionem, ex qua
distincta illius ardetur cognitio.

h Hinc patet duplicem esse cognitionem conclu-
sionis, unam confusam & imperfectam, quam habet
a Maiori propositione: alteram distinctam & perfe-
ctam, quam ab inductione Minoris acquirit. Aristote-
les lib. 2. Prior. cap. 21. asserit aliquid posse sciri
tribus modis, vel ut cognitione vniuersali, vel ut pro-
pria, vel ut actu & operatione, unde ait & nos igno-
rare tot modis. Conclusio propria cognitione sciri dici-
tur, cum separatim per se extra syllogismum cognoscitur.

Videlib.
Prior. c. 21.

Cognitio
conclusionis
duplex. *scilicet confusa
vel distincta*

Mathisius

ANA-

ANALYSIS CAP. 2.

ARGVMENTVM.

Naturæ ordo postulat, vt quæstionem An sit se-
quatur quæstio Quid sit, cum itaq; in capite
precedere ostēderit Philosophus esse scientiā
& Demonstrationē: in hoc capite utrāq; defi-
nit. Quinq; hīc agit Philosophus. Primò definit sciētiā
siue ipsum scire. Secundò definit Demonstrationē, o-
iūsq; definitionē explicat. Tertiò definit principia De-
monstrationis. Quartò ea diuidit in species suas. Quin-
tò confert principia cum conclusione quoad ipsorum
cognitionem.

Quid est scire?

^a Scire putamus vnāquāq; rē simpliciter, non ^b sophi-
stico modo, id est, ex accidente, cum putamus ^c causam
cognoscere, hoc est, cum causam cognoscimus, propter
quam res est, ^d eius rei causam esse, ^e nec posse eam rem
aliter se habere.

*Quomodo hanc definitionem, præsertim verò postre-
mā eius partem, legitimam esse confirmas?*

Ex cōmuni hominū testimonio seu loquendi modo. Nā
& ij, qui nesciūt, id est, qui sciri se putāt, sed nō sciūt, & ij,
qui reuerā sciunt, ob id aut nesciunt, aut sciunt, quòd rē
ita se habere aut reuerā cognoscūt, vt scientes, aut tātū
existimāt, vt nescientes. vnde id, cuius est sciētia, id est, ob
iectū sciētiæ, necessariū est, & nō potest aliter se habere.

*Est-ne alius modus sciendi præter eum, qui in dicta
definitione comprehenditur?*

Vtrum ^a alius sit necne, postea dicetur, sed scire, de quo
iam agitur, est: per Demonstrationem cognoscere.

Quid est Demonstratio?

^a Demonstratio est syllogismus sciētialis, hoc est, gignēs
scientiam

Scientiam, quia per Demonstrationem habemus scientiam tanquam per causam.

Ex quibus propositionibus constas demonstratiue scientia, siue demonstratio potissima?

Ex veris, & primis, & immediatis, & notioribus & prioribus & causis conclusionis. Sic enim erunt propria principia eius, quod demonstratur, hoc est, conclusio.

Nam omnis Syllogismus ex veris constat?

Non: sed Demonstratiue tantum, Syllogismus enim Dialecticus sine his esse potest, Demonstratiue non potest, quia tum non efficiet scientiam.

Quare Demonstratio ex veris constat?

Quia alias non possemus scire. Id enim quod non est, id est, falsum, sciri nequit: veluti, Diametrum² communem habere mensuram cum latere. Cum ergo conclusionis demonstrationis vera sit, necesse est, ut ex veris constet.

Quare ex primis & indemonstrabilibus, id est, immediatis constat?

Quia pari ratione alioqui non sciremus. Nam non haberemus Demonstrationem, scire autem perfecte & non ex accidente, est Demonstrationem habere.

Quare ex causis, notioribus & prioribus constat?

Ex causis constat, quia itidem alioqui non esset scientia. Nam scire est causam cognoscere: ex prioribus & praeognitis, id est, notioribus constat, quia constat ex causis. Causae enim sunt priores & notiores, non solum praenotione. Quid est, id est, quid significant, sed etiam Quod est, id est, quod vera sunt.

Quos modis dicuntur aliqua notiora & priora?

Duobus modis: Naturā, & quoad nos.

Quae sunt notiora quoad nos?

Quae nostris sensibus sunt magis propinqua & familiaria: cuiusmodi sunt singularia, non tamen omnia, sed sensibilia tantum. Et ex his constat Demonstratio. Quis est.

Quae sunt notiora Naturā?

Quae

Quæ longius absunt & remouentius sensibiles: quæ
sunt vniuersalia quæ opponuntur singularibus, & ex
his constat Demonstratio potissimum

Cum antea dixeris Demonstrationem constare ex
primis, velin vbi mihi expedias quid intelligi per
prima? mino dicitur

Per prima intelligo principia propria Demonstrationis, non communia.

Quid est principium Demonstrationis?
Est propositio immediata, hoc est, quæ nulla alia prior
est, quæq; mediū nō habet, per quod possit demonstrari.

Quid est propositio?
Propositio est enunciationis altera pars, vnum de vno
complectens, id est, in quā vnum de vno enuncietur.

Quotuplex est propositio?
Duplex: Dialectica, quæ vtramq; cōtradictionis partē:
Demonstratiua, quæ vnam, veram scilicet, probandam
sumit.

Quid est enunciação?
Enunciação est contradictionis pars vtriusque.

Quid est contradictio?
Contradictio est oppositio medio carens per se.

Quos sunt partes contradictionis?
Dux: affirmatio, quā aliquid de aliquo affirmatur, &
negatio quā aliquid de aliquo negatur.

Quos sunt species principij seu propositionis im-
mediatæ?

Dux: *ᾠσις*, siue positio, & *ἀπίσις* siue dignitas.

Quid est *ᾠσις* siue positio?

ᾠσις est, quam non licet demonstrare, nec necesse est
eum habere, id est, cognoscere, qui discere quiduis de-
beat: hoc est, positio est propositio alicuius scientiæ
indemonstrabilis, quæ discendi siue discipulo non est
necessario cognita.

Enunciatio
latius patet
quam propo-
sicio: illa e-
nim comple-
ctitur affir-
mantem &
negantem
hæc vero, al-
teram illarū
tantum.

Quomodo ax-
iomata ingre-
diuntur de-
monstratio-
nem vide
Cap. 8.
Positio hic
non sumitur
vt in 1. Top.
Cap. 12.

Quid

Quid est ἀξίωμα siue dignitas?

Αξίωμα est principium, quod necesse est cum habere, id est, cognoscere, qui discere quiduis debeat: hoc est, *Αξίωμα* est propositio communis & indemonstrabilis, unicuique ex terminorum apprehensione, necessario cognita (seclusa præceptoris operâ) ut: Quodlibet est, vel non est.

Quot sunt species ὑποθέσεως siue positionis?

Dux: ἡ πρόθεσις siue suppositio (sub qua continetur postularum) quæ utramvis contradictionis partem accipit: veluti, esse aliquid, aut non esse aliquid: ὁρισμός siue definitio, quæ hoc vacat. Id est, quæ neutrum præstat. Quâvis enim definitio sit positio, (Ponit enim Arithmeticus unitatem id esse, quod est individuū secundum quantitatem) non tamen est suppositio. Nam quid sit unitas, & unitatem esse, scilicet inter rerum naturā, non id est.

De his speciebus plura vide infra in cap. 8.

Quomodo se habent principia Demonstrationum secundum præmissæ respectu conclusionis?

Non solum prius cognoscuntur quā conclusio, sed etiam magis cognoscuntur magisq; nobis sunt nota.

Qua ratione illud possis ostendere?

Hæc ratione. Conclusio est nobis cognita propter principia vel omnia vel aliqua. Ergo principia sunt magis cognita, siue notiora nobis. Ratio patet ex communi illo axioma. Sæpe id magis tale est, propter quod vni quodq; est taliter putā id magis dilectū est nobis, propter quod diligimus: unde maiore fidē principis adhibere debemus, quā rei demonstrare, hoc est, conclusioni, neq; id solum, sed nihil aliud debet esse nobis credibilis, aut notius falsitate propositionum oppositarum principis, et quibus sic syllogizamus contrarie deceptionis siue ignorantie. Nam ut illa sunt summè vera: (Qui enim per illa scilicet labi & errare non potest) sic hæc sunt summè falsæ.

SCHOLIA IN CAP. 2.

2 **I**N hac definitione duo sunt animadvertenda.
 1. Hic definitur scientia in concreto, non in abstracto: tamen hinc colligi potest definitio scientia in abstracto: ut: scientia est cognitio cause propter quam res est &c. Quamvis nonnulli velint Scire hoc in loco pro scientia & abstracto sumi, non pro concreto, quo in sensu etiam a poetâ sumitur, cum ait, Scire tuum nihil est, nisi te scire, hoc sciat alter. Hoc est, Scientia tua nihil, vel nulla est &c. 2. In hac definitione duo continentur, Definitum, & ipsa definitio: Definitum ijs verbis continetur. Scire autem putamus vnamquamque rem simpliciter, non Sophistico modo, id est, ex accidente. Ubi occultè distinguit scientiam, & ostendit quo sensu accepta hoc in loco definitur. Cum ergo scientia bifariam sumatur, 1. large pro quacumque cognitione seu notitiâ ipsius intellectus etiam imperfectâ, utpote quæ ex probabilibus, & veris sed non primis oriatur, 2. stricte pro ea cognitione tantum, quam parit Demonstratio, quæ est conclusionis, & simpliciter scientia: monet Aristoteles se hoc in loco hanc posteriorem, non illam priorem definitionem

Scientia
duplex.

explicaturum. Definitio his verbis comprehen-
ditur cum putamus causam cognoscere, prop-
ter quam res est, eius esse causam, nec posse
eam rem aliter se habere. Ubi cognosce-
re genus est (Latius enim patet cognitio quem sci-
entia) reliqua particula differentia locum sup-
plent, quas Zabarella ad duas redigit, propte-
rea quod scientia accidens est spiritale, quod in a-
nimo est, & pendet tum ab animo, ut a subiecto;
tum a re scita, tanquam ab obiecto: quocirca
(inquit) dua requiruntur conditiones, ut dicamur
scire, una in re, altera in animo nostro, qua-
rum prior his verbis continetur, causam prop-
ter quam res est, eius rei esse causam. Altera
vero subiungitur Nec posse eam rem aliter se ha-
bere. Consule (si placet) Zabarellam.

b Sophisticum hic sumitur, non ut Dialectico;
sed ut Demonstrativo opponitur. Unde Sophi-
ste non solum ij dicuntur, qui falsa, sed eti-
am illi, qui probabilia & vera, sed non prima & im-
mediata suis argumentationibus adhibent, sicut
patet ex 5. & 6. capitibus huius libri: unde Dia-
lecticus & Rhetoricus hoc nomine comprehen-
duntur.

c Duplex est causa, una propter quam res est,
quam vocant causam in essendo: altera propter
quam res cognoscitur, quam appellant causam in
cognoscendo. Hic non posterior intelligitur (Nam ef-
fectus potest esse talis causa) sed prior, non interna

sed externa (ut postea patebit) neq; ea omnis sed proxima.

d Non sufficit ut causam cognoscamus, nisi effectui etiam applicemus, & cognoscamus eius esse causam.

e Nam animi quoq; certitudo adsit necesse est, ut credamus rem, quae sub scientiam cadit, non posse aliter se habere. Si enim dubitemus, etiamsi causam rei inuenerimus, tamen non scimus.

f Est alius modus sciendi, quàm, qui fit per Demonstrationem, quo scil: principia cognoscuntur, nempe intelligentia, de qua praecipue Arist: in ultimo ca, lib. 2. poster.

g Nonnulli volunt hanc esse secundam definitionem scientiae.

De hac duplici specie.
Demonstrationis. vide
cap. 10.

h Demonstratio duplex est: una propter quid, potissima, à priori, siue a causa, cum scil: Medium est causa in essendo ipsius conclusionis siue Maioris extremi, quod in conclusione de Subiecto suo demonstratur: alia Quia, à posteriori, vel ab effectu, cuius medium effectus est, non causa in essendo, sed in cognoscendo: Hae definitiones priori tantum conueniunt, quae à fine sumitur: quamuis nonnulli volunt utramq; Demonstrationem hac definitione comprehendi, quia (inquiunt) Demonstratio potissima efficit scientiam perfectam & propriè dictam: Demonstratio verò à posteriori efficit scientiam improprie dictam. Nam sicut Demonstratio: sic scientia alia est àiori. id est, cur sit; alia òri

id est, quod sit res. Ut patet ex cap. 10. huius libri
 Utraq; hæc Demonstrationes discuntur ostensivæ
 De Demonstratione, quæ ducit ad impossibile, siue
 ad incommodum infra dicetur cap. 22.

¶ Aliqui existimant hanc esse secundam definiti-
 onem paucissima Demonstrationis, petitam a mate-
 ria ipsius, quæ per priorem potest probari. Huius de-
 finitionis partes vel sunt absoluta, ut tres prima, vel
 comparata, ut tres ultima. Hæc enim respectu con-
 clusionis discuntur.

¶ Pro aggregato ex præmissis & conclusione.

¶ Pro præmissis tantum, & in eo sensu accep-
 ta efficit scientiam, & etiam constat ex veris.

Demonstra- } primis, immediatis &c. vel sic dicendum est

tio sumi- } Demonstratio est syllogismus scientialis, id est

tur vel } syllogismus, cuius præmissæ efficiunt scientiam

¶ conclusionis: Et, Demonstratio est syllogis-

mus, cuius præmissæ sunt veræ, primæ, im-

mediate &c.

¶ Illa quantitates, quas eadem & communis
 mensura metitur, dicuntur commensurabiles, ut,
 Nouenarium & Duodenarium metitur Ternarius
 Ter enim tria, nouenarium, quater tria duodenari-
 um efficiunt: Illa vero, quas communis mensura
 non metitur, dicuntur incommensurabiles: ut: Nono-
 narius & Denarius, Diameter & latus figure
 Diameter est linea figuram secans, quæ latiss-
 patet, & dicitur Diameter, quasi dimetiens, quia
 duas partes, figuram, æque dimetiendo, digerit.

Vide lib. 10.
 Euclidis.

Diameter
 quid?

Diameter
duplex.



sicut docet Philosophus in probl: Section. 15. quest.

I. Diameter alia in circulo, alia in quadrato cernitur: Diameter in circulo est linea per centrum circuli ducta, applicans suas extremitates ad circuli circumferentiam, eamq; in duas partes aequales, quæ ἡμικύκλια, sine semi circuli vocantur, secans: Diameter in quadrato est linea, quæ ab uno angulo quadri lateræ figuræ ad oppositum ducitur, dividens eam in duo equalia triangula, & dicitur, linea Diagonalis, quia per angulos figuræ, qui γωνίαι Græcè dicuntur, ducitur, in quo sensu sumitur 1. cap. 2. lib. de historia animalium, ubi dicit Philosophus quod motus animalium, quadrupedum & multipedum per Diametrum agitur, quomodo subsistere etiam solent: in hoc etiam sensu hoc in loco sumitur, & quotiescunque est ἀσβμμετος, id est, incommensurabilis lateri seu costæ. Hæc enim unâ & eadem communi mensurâ cum latere quadrati numquam commensuratur: Diameter autem circuli, tametsi proprie latera, quibus commensuratur & componatur, non habeat, totâ tamen circumductioni & circumferentia exequatur, si ter in se ipsa multiplicata, cum septima partis adiunctione accipiat.

Vide sacro-
boscanum, ca
1. de spæra,

1. Tacet immediatis ut vocabulo manifestiori significaret quid per primum & immediatum intellexit. Reverta enim in propositione idam significat primum & immediatum & indemonstra-

huius non tamen tales Demonstrationes erunt perfectae, donec per primas demonstrantur, quae amplius demonstrari nequeant. Prior huius solutionis pars constat ex loco iam citato: & ex 1. Top. cap. 1. Vbi dicitur Demonstrationem esse syllogismum constantem ex veris & primis, vel ex huiusmodi, quae a quibusdam veris & primis, sui cognitionis principium sumpserunt. Posterior pars patet ex cap. 20. huius lib. ubi dicitur quod Demonstratio uniuersalis, quae ex primis & indemonstrabilibus constat, sit praestantior & perfectior particulari Demonstratione, quae ex demonstratis conficitur. Alij respondent propositionem dici immediatam duobus modis, vel respectu conclusionis, quae proximam ipsius causam continet, vel respectu propositionum, quae per priora demonstrari non potest: dicunt ergo propositionem immediatam hic dici altero utro sensu. Sed proculdubio in posteriore sensu hic accipitur. Unde existimo hoc in loco intelligi tantum Demonstrationem uniuersalem, quae praecipue in his libris tractatur, & non particularem: utramque tamen in cap. 8. huius libri intelligi.

Tolct.

Demonstratio duplex.

n Plerique interpretes hic intelligi volunt uniuersalia in predicando, quorum singularia sunt individua, vel minus uniuersalia: Anerroe & Zabarella uniuersalia in causando, hoc est, causas & principia Demonstrationis, quorum singularia sunt effecta, siue conclusiones, & hac opinio magis est consentaneamentum ipsius Arist. Nam hic distinguit ea prio-

ra & notiora ex quibus Demonstratio constat, ea
verò sunt vniuersalia in causando.

Obiectio.

Uniuersalia sunt nobis notiora teste Philosopho. I.
cap. I. Phys. Ergo Singularia non sunt nobis
notiora.

Solutio.

Uniuersalia sunt nobis notiora confusa cognitione,
non distincta: vel sunt notiora quoad Propter quid,
(ut loquuntur) sed non quoad Quia est.

1. Vno modo immediata simpliciter, quia
nulla est alia prior, per quam possit confir-
mari, qualia sunt axiomata seu principia
Propositio, di- communia.

2. Alio modo, quia nulla est prior in tali
scientia per quam probari possit, cuiusmo-
di sunt principia propria, quae proprie De-
monstrationem incedunt. Principia e-
nim communia in ea non ponuntur, nisi sint
concreta, ut habetur. cap. 8.

3. Immediatione causae, sic praemissa
sunt immediata.
4. Immediatione subiecti, sic conclusio
est immediata.

Hoc axioma perpetuo verum est in causis effici-
entibus, proximis & principalibus, quibusdam cau-
telis obseruatis. Una, si qualitas, quam parit effi-
ciens, ipsi insit, unde non sequitur, Hac inferiora
sunt Calida propter Solem. Ergo Sol est magis cali-
dus. Calor enim non est in Sole formaliter (ut lo-
quuntur) & subiectiue, sed virtute tantum & ef-

fectiue, quo sensu Sol dici potest magis calidus. Altera, ut illa qualitas affirmetur secundum magis & minus de subiecto suo: unde non valet. Homo est risibilis propter Rationale. Ergo Rationale est magis risibile. Nonnulli tertiam cautelam addunt, nempe, ut sit causa totalis propter quam illud conueniat causato siue effecto, ideo non sequitur, ferrum est calidum propter ignem, Ergo ignis est magis calidus: sed hac non multum opus est, quia hoc axioma (ut ante dictum est) vim habet in causis efficientibus proximis & principalibus.

¶ Quemadmodum legitimi syllogismi duo sunt species: Demonstratiuus, qui ex principijs necessarijs & proprijs: Dialecticus, qui ex principijs probabilibus & communibus constat: sic vitiosi syllogismi duo sunt species, una, qua Demonstratiuo, altera qua Dialectico opponitur, illa syllogismus deceptorius, syllogismus ignorantie & falsigraphus appellatur; hec vero syllogismus Sophisticus & contentiosus vocatur: syllogismus ignorantie fit vel ex oppositis principiorum, sicut hoc in loco docet Philosophus, vel ex ipsis principijs sed male intellectis & accommodatis, sicut dicit Arist. 1. cap. 1. Topic. Exempli causa. Omnes linee ductae a centro circuli ad circumferentiam sunt aequales. Ex hoc principio Geometrico potest confici Demonstratio (licet particularis) si recte intelligatur, nempe de lineis rectis, at si male intelligatur, nempe de li-

neis obliquis, tum ex eo falsa colligitur conclusio.
De syllogismo ignorantia vide cap. 12. huius libri.

ANALYSIS CAP. 3.

ARGUMENTUM.

TRIA hic agit Philosophus. Primò recenset duos Antiquorum errores, eorūq; rationes. Secundo vtriūq; erroris rationes eādē solutione cōuellit. Tertiò tribus rationibus aduersus secundum errorem ostendit circulum non esse admittendum in Demonstratione.

Recita Antiquorum errores, in quos, circa scientiam & Demonstrationem, inciderunt.

Duo exiterunt errores: Alter² eorum, qui negabant aliquid posse sciri, quia tum prima, id est, principia per priora scire oportet vnde tollebat & Demonstrationē. Alter illorum qui asseriebant omnium esse scientiam ac Demonstrationem, id est, & principiorum, & conclusio-
num. Vterq; error inde ortus est, quod neutri horum intellexerit quomodo principia cognoscantur, & vtriūque huic fundamento innixi sunt, nempe, omnem scientiā per Demonstrationem acquiri, proinde et principia, si sciuntur, demonstranda esse affirmarunt.

Quia erat ratio eorum, qui negabant scientiam & Demonstrationem?

Ratio eorum sic colligi potest. Principia non sciuntur. Ergo conclusio non scitur, & sic non est scientia. Huius argumenti connexio patet, quia cognitio conclusionis fit ex antecedente cognitione principiorū, sicut dictū est in c. 1. Antecedens prob: principia sunt vel infinita, vel finita: sed neutra sciuntur. Ergo &c. Minor prob: primò infinita non sciuntur. Nam quicquid scitur per priora

priora scitur, quorum aliqua tandem sunt prima ac in infinito non sunt prima (Infinitum enim pertransiri non potest) Ergo infinita principia non sciuntur. Secundò finita non sciuntur. Nam illud principium, in quo status est, quodque primum est, non scitur, quia (ut dictum est) quidquid scitur, per priora scitur. Ergo nec reliqua finita sciuntur, unde principia siue sint infinita, siue finita, non sciuntur, si prima principia sciri nequeant, nec illa, quæ ex his efficiuntur, id est, conclusiones, sciri possint propriè & simpliciter, sed sub conditione, nempe si principia sciuntur.

Obiectio.

Videtur Arist: hos homines laudare, qui dixerunt principia per priora sciri, his verbis. Recte dicentes. Ergo non sunt reprehendendi.

Solutio.

Eos laudat ex parte, nempe quòd negarint infinitum posse pertransiri, non eos laudat, quòd posuerint principia per priora sciri.

Quæ eras ratio eorum, qui dicebant omnium esse Demonstrationem & scientiam?

Rationem illorum hoc modo colligere possumus. Si principia per conclusionem possint eque demonstrari, atq; conclusio per principia, tum omnium, id est, & principiorum & conclusionum erit Demonstratio & scientia, at illud fieri potest. Ergo & hoc, Antecedens probabant. Nam & si principia (inquiunt) in directum non possint demonstrari, tamen per circulum possunt. Exempli causa.

Omne rationale est visibile.

Omnis homo est rationalis. Ergo

Omnia homines sunt visibiles.

In hac Demonstratione principia demonstrant & probant conclusionem, & sunt ipsius causa: sed si vice versa, conclusio mutetur in locum vnius præmissarum, cum

sim.

simplici conuersione alterius, principia ipsa demonstra-
bit, & erit ipsorum causa vt.

Omnis homo est risibilis.

Omne rationale est homo. Ergo

Omne rationale est risibile.

*Quomodo Arist: prioris illius erroris rationem
diluuit?*

Negat illius fundamentum, nempe omnem scientiam
acquiri per Demonstrationem siue per priora: vbi oc-
culte scientiam distinguit in scientiam, quæ per De-
monstrationem acquiritur, quæ est ipsius conclusionis
quæque propriè dicitur scientia: Et in scientiam, quæ
sine Demonstratione comparatur, quæ est principio-
rum, quæ medio vacant, per quod demonstratur, vnde
sunt indemonstrabilia: & hæc non solum est scientia,
sed principium scientiæ, nempe Intelligentia, quo ter-
minos, hoc est, principia cognoscimus. Hoc eorum fun-
damento conuulso, verumq; errorem simul refutat. Nō
ergo rectè dixerunt omnem scientiam acquiri per De-
monstrationem. Nam illa propositio erat restringenda
ad scientiam conclusionis, & non extendenda ad sci-
entiam principiorum, quæ demonstrari nequeunt, si-
cut ipsi fecerunt: vnde Arist: mediam viam ingrediens,
neque omnium neque nullorum, sed aliquorum tantū,
hoc est, conclusionum, & non principiorum scientiam
& Demonstrationem esse concedit.

*Quomodo aduersus posteriorem illius errorem doceri potest
circulum non esse admissendum in Demonstratione?*

Circulum non esse admittendum in potissima Demon-
stratione tribus rationibus doceri potest. Prima ratio
hec est. Si circulus admittatur in Demonstratione, tum
ea non constaret ex notioribus & prioribus, at omnis
Demonstratio constat ex notioribus & prioribus sicut
dictum est in 2. cap. Ergo in ea circulus non est admis-
tendus. Maior pater, quia tum constaret ex ignotiori-
bus

Vide lib. 3.
poster cap. 18

Prima cuiusq;
scientiæ prin-
cipia dicun-
tur termini,
non ad quos,
sed a quibus
tota contem-
platio exor-
dium sumit.
Zabarella.

bus & posterioribus, nec non vnum idemque notius & ignotius, prius & posterius esset, quia præmissæ, cum probant conclusionem, notiores sunt & priores illâ: cū verò probantur, ignotiores & posteriores eâ sunt, quod est absurdum.

Obiectio.

Nonne vnum idemque potest esse & prius & posterius?

Solutio.

Potest: illud tamen non eodem, sed diuerso respectu contingit, vt prius naturâ posterius esse potest quoad nos, & è contrâ, quod prius & notius est quoad nos, potest esse posterius & minus notum naturâ: qualia sunt singularia ex quibus fit inductio.

Obiectio.

*Si hæc, quæ proferi, vera sint, tum a nobis non re-
flecte definita est scientia simpliciter in 2. c. quia duplex est scientia, una, quæ fit ex prioribus naturâ, quæ illic definita est: Alia ex prioribus quoad nos, quam illa definitio non completitur.*

Solutio.

Scientia, quæ fit ex prioribus quoad nos, non est simpliciter scientia, nec talis Demonstratio, est potissima: vnde non opus erat, vt talem scientiam talemque Demonstrationem ibi definiremus, sed eam tantum, quæ ex prioribus naturâ acquiritur. Hæc enim simpliciter est scientia.

Quæ est secunda ratio?

Secunda ratio hæc est. Si circulus fit in Demonstratione, non solum illud incommodum, quod iam dictum est, sequitur, quod vnum scilicet & idem prius & posterius naturâ sit, sed hoc etiam, quod idem per se ipsum demonstretur, & idem sit causa sui ipsius, & sic res est,
quia

quia est, vnde petitio principij committitur. Exempli causa, sint tres termini siue propositiones (Nihil enim refert an plures an pauciores, vt duo sumantur) A. B. C. Fiat ergo argumentum. Si est A. est B, si est B. est C. ergo a primo ad vltimum, si est A. est C. Nam quicquid est causa causæ, est causa causati. Si ergo posito A. sequatur B. & posito B. sequatur A. (Sic enim fit circulus) ponatur A. vbi erat C. Illa ergo oratio, si est B. est A. perinde valet, ac si dicatur esse C. hæc autem probat si A. sit, & C. esse. C. enim idem erat, quod A. vnde tandem sequetur. quod ideo A. est. quia A. est. & sic (inquiunt) facile erit omnia demonstrare.

Vide Scholia
in b.

Quæ est tertia ratio?

Tertia ratio hæc est. Admittatur circulus in Demonstratione, tamen nõ inde sequitur omnia circulo posse demonstrari, sicut nõnulli dixerunt, quod hinc fiet manifestum. In prima figura (idque in primo modo,) non possunt omnia demonstrari, at Demonstratio, in qua est circulus, concluditur tantum in prima figura idque in primo modo. Ergo tali Demonstratione, in qua est circulus, non possunt omnia demonstrari. Minor prob: Illa argumentatio, in qua omnes termini sunt reciproci & conuertibiles, tantum concluditur in prima figura idque in primo modo, & non in alijs, aut omnino, aut non de acceptis, vt dictum est in lib: de syllogismo, id est, in 2. l. Priorum cap. 5. 6. 7. sed in Demonstratione, in qua est circulus, tantum sunt termini reciproci & conuertibiles ijque tres (Ex vno enim termino, aut vnâ thesi seu propositione nihil necessario concluditur, sed ad minimum duæ erunt theses siue præmissæ & vna conclusio, Vt, A. B. C. sicut dictum est. i. lib. Priorum ca. 22.) Ergo Demonstratio, in qua est circulus, concluditur in prima figura & non in alijs. Præterea in prima figura non semper vti circulo possumus, cum pauci sint termini reci-

Hæc ratio
non tam cir-
culum infir-
mat, quam
circulo non
posse omnia
demonstrari
confirmat.

reciproci & conuertibiles, ideoque fieri non potest, ut omnia circulo demonstrentur: si circulum in Demonstratione locum habere concedamus.

SCHOLIA IN CAP. 3.

a **P**yr rhoni seu Academici nihil assererebant, sed semper dubitabant, & in vera indagatione occupati, nihil scientiâ comprehendendi posse existimabant, unde Ephectici, Aporetici, sceptici & Ζητητικοὶ dicebantur: Empedocles autem omnium rerum scientiam posse comparari affirmabat. *Mathisius.*

b Circulo & ex se inuicem probari (inquit Philosophus 5. cap. 2. Priorum) est per conclusionem & alteram propositionem attributione inuersam concludi reliquam propositionem quæ accepta seu præmissa fuerat in altero syllogismo: Hoc est, syllogismus seu Demonstratio circularis (si talis esset Demonstratio) est, quando ex conclusione, & alterâ præmissarum conuersa (simpliciter) colligimus siue concludimus alteram præmissam, nempe ex Maiori conuersa & conclusione colligimus Minorem, & similiter ex Minore conuersa & eadem conclusione colligimus Maiorem. Sic enim & præmissa probant conclusionem, & iterum conclusio præmissas. Exempli causa. Sit hæc Demonstratio.

Omne rationale est risibile.

Omnis homo est rationalis. Ergo

Omnis homo est risibilis.

Iam

Vide A.
Gellium.
lib. 11, c. 5.

Vide lib. 2.
c. 13.

Iam si sumatur conclusio & ponatur loco Maioris, & simpliciter conuertatur Minor propositio, haec duae praemissae inferent & probabunt Maiorem illius Demonstrationis: ut.

Omnia homo est risibilis.

Omne rationale est homo. Ergo

Omne rationale est risibile.

Rursum si prioris Demonstrationis Maior propositio conuertatur simpliciter, & ponatur conclusio loco Minoris, haec duae praemissae confirmabunt Minorem: ut.

Omne risibile est rationale.

Omnia homo est risibilis. Ergo

Omnia homo est rationalis.

Perfectus, quando utraque praemissa possumus demonstrari, & locum conclusionis ingredi, & hic tantum est in prima figura, idque in primo modo sicut iam ostensum est.

Circulus in

sylogismo du-

plex est.

Imperfectus, quando una tantum praemissa demonstratur per conclusionem, altera vero demonstrari nequit, & hic reperiri potest in alijs figuris, sed tamen non est circularis syllogismus (ut ait Arist.) De acceptis, i. de veris, quae praemissae, quae acceptae erant.

Neuter circulus in syllogismo Demonstrativo,

terg, vero in syllogismo Dialectico locum habet.

Cur in secunda & tertia figura circulus locum non habent, aut omnino, aut non De Acceptis, hac ratio reddi potest, quia cum in secunda figura una praemissa sit negativa, altera affirmativa, conclusio negativa: affirmativa nunquam potest circulo

Nota.

Cur in secunda & tertia figura perfectus circulus non reperitur,

C

conclu-

concludi, quia tum ex puris negativis concluderetur, quod fieri nequit: unde in secunda figura, negativa, non affirmativa, circulo probatur. In tertia verò figura, cum conclusio sit particularis, premissa vel amba sint universales (ut in Darapti & Felapton) vel una particularis (ut in cæteris modis eiusdem) non potest premissa universalis circulo, & in orbem concludi, quia si una premissarum sit particularis, conclusio erit particularis. (Conclusio enim semper partem deteriorem sequitur, hoc est, si premissa sit negativa, conclusio erit negativa, si premissa sit particularis, conclusio erit particularis) unde in hac figura particularis, non universalis premissa circulo concluditur: atq; hoc est, quod ait Philosophus in his figuris aut non fieri syllogismum circularem omnino, aut non De Acceptis, omnibus scilicet, hoc est, utrisq; premissis. Nam licet in his fiat circulus, tamen utraq; premissa non possunt circulo probari, quia hoc solis modo in prima figura fit, idq; in primo eius modo.

Obiectio.

In demonstratione a priori siue potissima, premissa, qua causa sunt, probant conclusionem & effectum. e contra vero in Demonstratione a posteriori conclusio & effectum probant premissas. Ergo est circulus in Demonstratione.

Solutio.

Talis processus non circulus dicitur sed regressus, quem

quem admittit Arist. Circulus enim dicitur, cum tale probationis genus, sit in eadem Demonstrationis specie, hoc est, in potissima. (Sic enim Antiqui tenebant.) Regressus est, cum hoc sit in diuersis Demonstrationum speciebus, quod admitti potest.

ANALYSIS CAP. 4.

ARGUMENTUM.

HActenus egit Arist. de definitione Demonstrationis, & de his quorum est Demonstratio: iam de qualitate & affectione propositionum Demonstrationis agit: oportet ergo omnes propositiones Demonstrationis esse necessarias: ut autem sint necessariae, tres requiruntur conditiones: scilicet: De omni, Per se, & universale primum, quas hoc in capite exponit Philosophus eo ordine, quo iam propositae sunt, unde hoc caput in tres partes diuidi potest.

Qualis est ea res quae sub scientiam cadit, hoc est, conclusio Demonstrationis?

Necessaria. Nam non potest aliter se habere id, cuius est scientia simpliciter, ut patet ex definitione ipsius Scire cap. 2, Scientiam autem habemus, cum habemus Demonstrationem.

Ex quibus ergo praemissis constat Demonstratio?
Ex necessariis, quia conclusio (ut videmus) est necessaria.

Ut conclusio & praemissa Demonstrationis sint necessariae, quos requiruntur conditiones seu regulae?
Tres, nempe, ut sint. De omni, per se, & vniuersaliter primum, hoc est, ut propositionum praedicata afferantur de omni, per se, & vniuersaliter primum.

Has regulas Græci appellant. *ἡ ἀπὸ παντός, καὶ ἀπὸ παντός καὶ ὅλου πρῶτον.*

Quid est dici De omni?

De omni id apello, quod, non in aliquo est, in aliquo non est, nec interdum est, interdum non est, hoc est, illud prædicatū dicitur de omni, quod affirmatur de suo subiecto & omnibus eius inferioribus, idq; omni tempore: sic animal dicitur de omni homine idq; semper. Item punctum est in omni linea, idq; omni tempore, unde hæc propositiones, Homo est animal, linea est punctum, sunt *De omni*.

Quaratione istud probas?

Illud hoc signo probare possum. Nam cum obicimus, vel instamus aduersus propositiones *De omni*, ideo eas reiicimus, quia vel non de omni subiecto siue inferiori, vel non omni tempore affirmantur earum prædicata.

Quos sunt modi Per se?

Quatuor.

Que dicuntur Per se primo modo?

Quæcunque insunt in attributione declarare quid est, id est, ea prædicata dicuntur Per se primo modo, quæ in definitione subiecti adhibentur, ut Triangulo inest linea Per se, & linea punctum. Nam triangulum est, quod tribus lineis continetur, linea est, quæ punctis terminatur.

Que dicuntur Per se secundo modo?

Que attributis suis insunt in oratione declarante quid est, id est, accidentia ea dicuntur per se secundo modo, in quorum definitione ponuntur subiecta eorum, vel quæ definiuntur per subiecta. Sic rectum & curuum in linea: par & impar, primum & compositum, æquilaterum & alterâ parte longius in numero insunt. In harum enim affectionum definitionibus subiecta earum ponuntur. Linea enim in defini-

nitione

ditiones effecti & curui, in cæterorum definitionibus numerus adhibetur.

Quomodo dicuntur ea, quæ nouo modo, hoc est, nec primo, nec secundo modo conueniunt.

Dicuntur accidentia, id est, per accidens inesse: vt musicum & album insunt in animali.

Quæ dicuntur Per se tertio modo?

Quæ non dicuntur de subiecto aliquo alio, hoc est, a se diuerso, quales sunt omnes substantiæ. Ea autem quæ de subiecto alio dicuntur, accidentia sunt, & per accidens conueniunt, vt, ambulans, album.

Quæ dicuntur Per se quarto modo?

Quæ propter se conueniunt unicuique, quæ verò non propter se, accidentia sunt, hoc est, per accidens conueniunt, vt si ambulante aliquo fulgurauerit, accidens est, Non enim propter ambulationem fulgurauit, sed hoc fortè accidisse dicitur, si verò propter se conueniat, per se inest, vt si quis iugulatus interiit, id per se fieri dicimus, si propter iugulationem interiit, & iugulatio fuit causa interitus, vnde non contigisse dicimus iugulatum interire. Quare hæc propositio, iugulatus interiit, est Per se quarto modo.

Qui ex his quatuor modis necessarij sunt, hoc est, ostendunt connexionem necessariam inter prædicatum & subiectum, vel prædicatum necessario subiecto inesse?

Duo primi modi. Nam quæ insunt attributis, id est, in eorum definitione ponuntur, vt ea, quæ secundo modo: aut quæ ipsis attributa, vt ea, quæ primo modo conueniunt, non possunt non inesse. Ergo necessaria sunt.

Duo 2^o modi

Nonnulli de subiecto, hic accipiunt pro esse in subiecto.

4^o modo.

Quartus modus etiam ad demonstrationes utilis est sed raro: quia raro efficiens

2^o modo

externum cū
suo effectu re-
ciprocatur:
quemadmo-
dum efficien-
te interemp-
to effectu se
manere sepe.
numerosolet,
quæ causa
est, cur tanta
non sit illius
necessitas:
quanta est
primi & se-
cundi.
Cicellius.

*Num eadem ratione insunt ea, quæ primo, aut se-
cundo modo insunt?*

Non. Nam quædam simpliciter conueniunt, id est, quæ
vna & simplici dictione, vel pluribus rem vnā signi-
ficantibus proferuntur, vt omnia prædicata primi
modi, & pluraque secundi: sic animal conuenit homi-
ni, necnon rationis particeps, & aprum ad riden-
dum: quædam non simpliciter conueniunt, sed sunt
opposita, vt linea rectum vel inflexum, numero par
vel impar. Non enim simpliciter linea conuenit
rectum: nec numero par, sed vtrique opposita, ta-
men cum disiunctione: vt: omnis linea est recta, vel
inflexa.

*Quomodo ostendes alterum horum oppositorum sem-
per & necessario inesse subiecto suo?*

Hæc ratione. Vnum contradicentium, & vnum si-
militer priuantium (tempore a natura definito) neces-
sario inest suo subiecto, at hæc opposita siue contra-
ria vel se habent vt contradicentia, vel vt priuantia, vt
par est, quod non est impar. Ergo vnum horum ne-
cessario inest.

*Cum duas conditiones absolueris, iam ad tertiam ac-
cedas: quid est itaq; vniuersale?*

Vniuersale voco, quod & omni inest, & per se, & quæ id
ipsum est vnde apparet quæcunque sunt vniuersalia,
necessario rebus inesse.

Defini vtrius
Per se hic tri-
angulus sumitur
quam in se-
cunda condi-
tione.

*Quid denotant illa verba Per se, & Quæ id
ipsum?*

**Vnam & eandem rem designant, vt: per se linea inest
punctum, & rectum, quia inest, quæ linea est: item tri-
angulo, quæ triangulus est. Intunt duo recti anguli, vel
tres, duobus rectis æquales.**

*Predictam Vniuersalis definitionem planius &
plenius explicet.*

Vniuers

Vniuersale est; quod de quouis, scilicet de omni & primo demonstratur siue affirmatur, id est, quod cum suo subiecto recipitur: unde habere tres angulos duobus rectis & quales figuræ non est vniuersale (etiam si de ea demonstretur) quia non omni competit. Quadratum enim figura est, sed non habet tres angulos duobus rectis & quales. Pari ratione competit & Isosceli, sed non est illius vniuersale, quia illi primo non conuenit. Quod igitur omne & primum habet tres angulos &c. aut quoduis aliud habere, huic primo inest vniuersaliter (hoc erit triangulum) ac Demonstratio per se est huius vniuersalis, aliorum autem modo quodam, non per se, id est, particularis erit Demonstratio, neque enim Isosceli vniuersaliter inest illa affectio, habere tres angulos &c. sed latius patet quam Isosceles.

SCHOLIA IN CAP. 4.

a *Si id, cuius est scientia, siue obiectum scientia, referatur ad propositiones, est conclusio, si vero ad terminos, est Maius extremum, quod est propria passio.*

b *Prima regula (inquit Alberius) est ordinis, secunda necessitatis, tertia iusticia in exequendis Demonstrationis partibus: quamvis Aristotelis calumniatores dicant primam regulam esse veritatis, secundam iusticia, tertiam sapientia. Ad has tres aureas regulas diriguntur omnes rationes apodictice. De omni est duplex, vnum, quod tradit Arist. in lib. Prior. & vocatur prioristica, in quo requiritur vniuersalitas tantum subiecti & non temporis: ut omnis homo canis sit. Alterum, quod tradit in lib. post. (ut in hoc loco)*

De omni, est duplex.

C4 *alterum in quo requiritur vniuersalitas tantum subiecti & non temporis*

Et dicitur posterioristicum, in quo requiritur uniuersalitas subiecti & temporis, ut: Homo est animal. Hæ tres conditiones efficiunt propositionem necessariam, sed non eodem necessitatis gradu. Nam prima efficit propositionem necessariam, secunda magis necessariam, tertia maxime necessariam. Nam sine hæc reliquæ conditiones contingentiam cum necessitate mixtam habent: ut: Homo est animal, de omni est, & per se, sed non uniuersalis, ideo nec summè necessaria. Quamvis enim animal sit necessarium homini, tamen homo non est necessarium animali, sed contingens, quia sine homine animal esse potest: at tertia conditio omnem contingentiam excludit. Zabarella.

Quemadmodum sunt propositiones De omni: sic sunt propositiones De Nullo quæ negatiuæ sunt, & ponuntur etiam in Demonstratione. De Nullo dicitur, quod remouetur & negatur non a quodam, sed ab omni, non aliquo solum, sed omni tempore: ut: Homo non est lapis. Huius tamen conditionis non meminisse Philosophus, siquidem tantum uerba facit de conditionibus affirmatiuæ Demonstrationis, quæ multo præstantior est negatiuæ, ut ipse testatur cap. 2. huius libri.

Auerroes, quem sequitur Zabarella, ponit quinque prædicata, quæ conueniunt subiectis per se primo modo. Definiuam, Genus remotum, Genus proximum, Differentiam remotam, Differentiam proximam. Sed nonnulli definitionem, falsam proximam, & differentiam proximam ad certam conditionem referunt,

runt,

runt, nempe uniuersale. Hinc patet speciem non posse
esse pradicatum in Demonstratione.

d Punctum non per se seorsim affirmatur de linea,
nec linea de triangulo, sed aliquo alio assumpto, nec in
recto, sed in obliquo: ergo non punctum, sed terminari
punctis affirmatur de linea: non linea, sed lineis conti-
neri enunciatum de triangulo: unde Alberius. Quā
vis (inquit) si enunciandi modum species, linea non
dicatur de triangulo. (Neq, enim triangulum line-
am esse dices) tamen si constitutionem trianguli spe-
cies, linea de omni triangulo dicitur.

e Definitio, in qua accidentia per subiecta definiun-
tur, dici solet definitio per additamentum. Hac acci-
dentia propria sunt, siue propria passionis, qua sunt
vel simplices, vel opposita, qua conueniunt subiecto,
sed cum disfunctione, ut ante dictum est.

f Rectum est linea, cuius extrema non egrediun-
tur a medio, vel qua ex aequo posita est inter sua pū-
cta, ut ait Euclides lib. 1.

g Curuum siue inflexum, τὸ καμπύλον, est linea,
cuius extrema egrediuntur a medio.

h Par est numerus, qui in duo equalia diuidi potest,
vel in duos aequales numeros, ut quaternarius, vel in
duas unitates, ut, binarius.

i Impar est numerus, qui in duo inaequalia diui-
di potest, vel in duos inaequales numeros, ut qui-
narius vel in numerum, & unitatem, ut ternarius.

k Primum, vel est numerus, quem numerus non
metitur, sed sola unitas: vel numerus, qui ex alijs non
Vide lib. 2.
poster. c. 14.

meris non componitur, sed ex unitatibus, Vt binari-
es.

l Compositum est numerus, quem alius numerus
metitur, iuste scilicet & precise Vt quaternarius, quem
duo binarij metiuntur.

m Equilaterum est numerus, qui ex quatuor e-
qualibus lateribus constat. Vt nouenarius.

n Alterâ parte longius est numerus, q̄ cōstat ex qua-
tuor equalibus lateribus, sed duobus (oppositis scilicet)
longioribus, Vt octonarius. Quēadmodum est figura
quadradata equilatera, quæ constat ex quatuor e-
qualibus lateribus, nec non quatuor rectis angulis:
Et figura quadrata alterâ parte longior, quæ ex qua-
tuor lateribus, sed duobus (oppositis scilicet) longiori-
bus, nec non quatuor rectis angulis constat: Sic est
numerus quadratus equilaterus, & numerus qua-
dratus alterâ parte longior, ita dicti per similitudi-
nem quandam, quia si uterq̄ numerus per unitates
describatur, formam & effigiem figura quadrata
refert & representat, ille, quadranguli equilateri,
hic, alterâ parte longioris. Omnis ergo numerus du-

AEquilateri.

- • • • • Et si vel multiplicatus, est numerus quadratus: si in
- • • • • seipsum ducatur, efficit quadratū equilaterum: ut:
- • • • • ternarius in se ipsum ductus producit nouenarium,
- • • • • qui figura quadrata equilatera similitudinem ha-
- • • • • bet, cuius quodlibet latus est ternarius; similiter
- • • • • si 4. in se ipsa ducantur, produciunt 16. qui nu-
- • • • • merus etiam est equilaterus: at si numerus non
- • • • • in se ipsum, sed in alium ducatur, tunc efficit

qua-


quadratum numerum alterâ parte longiorem. Ut si 3. ducantur in 4. efficiunt 12, qui numerus est quadratus alterâ parte longior. Nam in duobus lateribus habet 4. in duobus 3. pari ratione si 4. in 5. ducantur, producunt 20. qui numerus etiam est alterâ parte longior. Latus numeri quadrati apud Arithmeticos dicitur Radix. Equilaterum, & alterâ parte longius non conveniunt numero in genere. (Non enim omnis numerus est equilaterus, aut alterâ parte longior) sed numero per numerum ducto vel multiplicato, hoc est, quadrato numero.

O Fit prædicatio per se (inquit Zabarella) quarto modo, quando terminorum alter alterius causa externa est, sive subiectum prædicati, sive prædicatum subiecti: ut: sol generat hominem, eclipsis est interpositio terre: sed necesse est, ut in his terminis sit essentialis quadam connexio, alias non per se, sed per accidens unum alteri convenit, ut illo ambulare coruscavit. Quamvis Lovanienses hoc exemplum satis improprium esse censeant, quia unum alteri non inest aut tribuitur, unde Zabarella non suffragantur.

Obiectio.

Causa potest poni in definitione sui effecti: ut: eclipsis est interpositio terre. Ergo hic quare in modum per se non differt à primo, aut secundo.

Solu-



Solutio.

Hoc discrimen est inter hos modos, in quarto semper disiunctum & separatum est predicatum a subiecto nec ei inest (quamvis Lovanienses videantur contrarium sentire) in primo & secundo predicatum in est subiecto.

Obiectio.

Quinq; sunt modi per se, teste Philosopho 5. Metaphys. cap. 18. Ergo non sunt tantum quatuor.

Solutio.

Duo primi modi, illic traditi, ad primum modum, hoc in loco assignatum, pertinet, ut patet ex verbis Philosophi eo loci.


Universe hoc in loco sumitur, non ut vulgo sumi solet, pro eo quod inest in multis, sed strictius pro eo predicato, quod aequale est subiecto, & cum eo reciprocatur. Ut risibile est universale respectu hominis: & ideo dicitur univiale (ut ait Zabarella) quia univiale natura in tali subiecto inest, nec extra illud invenitur. Nonnulli volunt propriam passionem tantum dici univiale respectu primi & ad equati sui subiecti: Alij quodlibet predicatum aequale subiecto & reciprocum: Unde iuxta hos definitio proxima, & differentia proxima dicuntur univiale. Tres sunt species trianguli. Q. 1. Isopleurus sive equilaterus, qui constat ex tribus equalibus lateribus unde nomen sumpsit. Nam τοδς aequale, & πλάγρον latus significat, 2. Isosceles sive equicrus, cuius duo latera equalia sunt, perti-

Isopleurus.




um inaequale, unde nomē habet ἴσο; enim aequale, & ἰσός, crux, significat 3. Scalenum siue varium, quod constat ex tribus inaequalibus lateribus.

Hinc colligi potest, quod duobus modis contingit affectionem non vniuersaliter, & de primo subiecto demonstrari. Primò, cū subiectum latius patet, quā affectio: unde figura nō est primū subiectū huius affecti: habere tres angulos, & c. quia latius patet, quam ea. Secūdo cū affectio latius patet, quā subiectū; unde Isosceles primò nō cōuenit habere tres angulos, quia alijs etiam attribuitur, nempe Isopleuro, & Scaleno.



Scalenum.



ANALYSIS CAP. 5.

ARGUMENTVM.

CVM in capite precedenti tres regulas seu conditiones propositionum Demonstrationis exposuisset: iam tres errores exponit, quibus à tertia illā regula nonnūquam deflectimus. Duae sunt partes huius cap: Primò agit de tribus illis erroribus vna cum ipsorum exemplis. Secūdo tradit quoddam præceptum, quo illam regulam perpetuò obseruemus, & in eā obseruandā numquam peccemus.

Num in tertiā conditione assignandā, hoc est, vniuersali accipiendo contingit, vt nonnūquā erremus?

Maximè. Nam tres sunt errores, quibus vsu venit non vniuersale pro vniuersali demonstrari, vel cum putamus nos demonstrasse vniuersale de suo subiecto, in quo primò in est, cum ei tamen primò non conueniat.

Recense illos errores.

Per vniuersale hoc in cap. intelligitur propria passio.

Primus

* Videtur ex
margine in
textum itrep-
sisse. Crell.
Exempla ho-
rū errorū in-
uerso ordine
ab Arist. co-
locantur. Nā
exemplum
tertii erroris
in primo lo-
co, exemplū
primi in se-
cundo, & se-
cundi in ter-
tio colloca-
tur.

Primus error est, * quando non licet accipere superius
præter singulare vel * singularia hoc est, quando vnius
speciei vnum tantum vel alterum est individuum, de quo
vniuersale illius speciei demonstrantes, putamus nos v-
niuersaliter demonstrasse, cum tamē illud, non prestite-
rimus: vt si ponamus hominis vnicū esse individuum, nepe
Socratē, de quo risibile demonstrantes (vt: omnis homo
est risibilis, Socrates est homo. Ergo Socrates est risibi-
lis) putamus nos vniuersaliter demonstrasse, & primū ri-
sibilis subiectū assignasse, quod tamen non fecimus. Ri-
sibile enim Socrati cōuenit, nō quā Socrates est, sed quā
homo: vnde homo est primū ipsius subiectū, non Socra-
tes. Exemplū Philosophi hoc est. Sit nullū triāgulū præ-
ter Isoscelē, tū demonstrātes vniuersale ipsius de illa (ha-
bere scilicet tres angulos &c) existimamus nos vniuersali-
ter demonstrasse, quod à nobis factum non est. Nam il-
lud conuenit Isosceli, non quia Isosceles est, sed quia tri-
angulum, quod est primū huius affectionis subiectum.

Quis est secundus error?

Secundus error est, cum multę sunt species diuersę e-
iusdem alicuius generis, sed inominati, cui nomen sci,
nō est impositū, tū demonstrantes vniuersale illius ge-
neris de omnibus eius speciebus, arbitramur nos de pri-
mo subiecto demonstrasse, quod tamen non fecerimus.
Exempli causa, sint diuersę species, Numerus, linea, so-
lidum, id est, corpus & tempus: tum demonstrantes vni-
uersale illius generis inominati (quę est commutata
proportio) de his speciebus, credimus nos primum illi-
us subiectum accepisse, cum tamen non accepimus.
b Commutata enim proportio his competit, nō quā ta-
lia sunt, sed quā sub aliquo ignoto genere comprehen-
duntur. Simili ratione, si quis demonstret omnes species
trianguli nempe Isopleuron, Isoscelem & Scalenum
habere tres angulos duobus rectis æquales, is nondum
nouit, nisi sophistico modo, hoc est, ex accidente, trian-
gulum

Ex hoc loco
colligit Za-
barella quā-
ritatem non
esse genus
continuum &
discretum.

gulum habere tres angulos &c nec vniuersaliter nouit triangulum, licet nullū aliud sit præter hæc triangulum.

Dubium.

Quid fieri potest, ut triangulum non sciamus habere tres angulos &c. cum omnes eius species nouerimus ealem habere affectionem?

Solutio.

Nouerimus triangulum secundum numerum, scilicet specie-
rum, vel secundum materiam, sed non secundum * for-
mam, id est, formalem illam unitatem, quæ consistit in
natura communi, cui soli hæc affectio primò competit.

Recita tertium errorem.

Tertius error est, quādo vniuersale totius de parte, hoc
est, generis de vna specie demonstramus, & cum arbi-
tramur nos eo modo vniuersaliter demonstrasse, cum
tamen non demonstrauerimus, Vt si *Non concurrere* de-
monstratur de omnibus lineis rectis æquidistantibus,
seu parallelis, videtur, quod sit assignatio ipsius vniuer-
salis, quodque propriè & vniuersalis sit Demonstratio,
quia dicitur de omnibus rectis, cum tamen sit particu-
laris. Nam hæc affectio, licet omnibus rectis parallelis
conueniat, tamen his primò non conuenit. Non enim
illis competit, quia ita sunt æquales, id est, quia rectæ
sunt, sed quia sunt quomodocunq; æquales, id est, quia
sunt parallelæ in genere, siue sint rectæ, siue obliquæ &
curuæ.

*Cum quis affectionē aliquam demonstrat de multis,
quando vniuersaliter demonstrat & nouit, quando
non nouit vniuersaliter & simpliciter?*

Si duarum rerum eadem sit essentia, tunc affectio v-
nius de altero vniuersaliter demonstratur, & qui eā de-
monstrat, simpliciter nouit, vt si eadem sit essentia tri-
anguli & æquilateri, aut cuiusvis, aut omnium, tunc vni-
uersale triaguli est æquilateri vniuersale, & qui illud de
æquilatero demonstrat, simpliciter nouit.

Est-ne

* Formam lo-
gicam appel-
lat genus res-
pectu speci-
erum, etiam si
Philosophus
genus appel-
let materiam

Notat Crolli-
us Aristotelē
in primo & se-
cundo errore
non ipsos er-
rores: sed cau-
sam solum er-
rorum expri-
mere: ipsos
autem erro-
res lectori in
de colligen-
gendos relin-
quere: in ter-
tio vero &
causam & ip-
sum errorem

*Est. ne aliqua regula, quâ primum subiectum cuius-
vis uniuersalis cognosci possit?*

Est. Ea ex duabus constat partibus, vnâ negatiuâ: alterâ affirmatiuâ. Negatiua duas itidem habet partes vnâ hæc est. Illa, quibus sublati, non tollitur uniuersale, non sunt primum eius subiectum, vt: æneo triangulo & Isoscele sublati non tollitur hæc affectio, habere tres angulos &c. (Nam potest inesse Ilopleuro & Scaleno) Ergo illa huius affectionis primum subiectum non erāt. Altera hæc est. Illa quibus sublati, tollitur affectio, sed non primò, non sunt primum ipsius subiectum: vt: sublatâ figurâ tollitur hæc affectio, habere tres angulos &c. sed non primò. Nam non quia tollitur figura, affectio illa tollitur, sed quia tollitur triangulum. Ergo figura non erat illius primum subiectum. Affirmatiua pars huius regulæ hæc est. Illud, quo sublato, tollitur affectio, idque primò, est primum subiectum ipsius: vt: sublato triangulo tollitur hæc affectio, habere tres angulos &c. idque primò: ideo triangulum est primum ipsius subiectum.

SCHOLIA IN CAP. 3.

Nonnulli primum errorem sic proferunt (Quâdo vnus generis vnica est species) Dicunt enim verbum Singulare, quod hic reperitur, non tantum sumi pro singulari proprie dicto, hoc est, indiuiduo, sed etiam pro minus uniuersali, quales sunt species respectu generis, & in eo sensu (arunt) hoc in loco; a Philosopho sumptum esse, quod probat ex illius exemplo, quod tale est. (Et si aliud triangulum non esset quam Isosceles.) Vbi patet triangulum ge-

mus esse, & Isoscelem speciem ipsius: Zabarella bis
refragatur, & ait, primum errorem accidere, quan-
do nō licet accipere superius, prater singulare, id est,
quando unius speciei est unicum individuum, Quod
attinet ad exemplū Philosophi non verū est, (inquit)
sed fictum. Cū enim voluerit, Arist. in rebus Geo-
metricis exēpla adducere, utpote omnibus cognita,
nullū potuit individuum nominare, quod in sua specie
unicū esset: quia nihil tale datur in Geometria: fingit
ergo exēplū, & sumit triangulū tanquā speciem, I-
socele non tanquā speciem trianguli, sed tanquā indivi-
duū, quod in specie trianguli unicū sit. Ego Zabarel-
la opinionē sequutus sum, sed non multum refert, hoc
an illo, an utroq; modo exponatur singulare.

b. Cōmutata proportio est, quando quatuor quanti-
tates ita se habent, ut quæ est ratio prima ad secundā,
eadē sit etiā ratio tertiæ ad quartā. Tū enim licet cō-
mutando dicere, ergo quæ est ratio prima ad tertiam
eadē est secunda ad quartā: ut in numeris quā ha-
bēt rationē 12. ad 6. eadē habent 8. ad 4. (Est enim
utriusq; ratio seu proportio dupla) Ergo etiā cōmuta-
tim, quā habēt rationē 12. ad 8. eadē habent 6. ad 4.
(Est enim utrobique, ratio seu proportio* sesquialtera)

Sic dicendū est de lineis, corporibus, & temporibus.
c. Parallele siue æquidistantes, sunt lineæ a se invicē
æqualiter distantes, etsi ducantur in infinitū, nū-
quā cōcurrunt: & hæc vel rectæ, vel obliquæ esse pos-
sunt. Dignoscuntur per lineā in eas incidentē. Cū
enī hæc efficit duos angulos interiores versus partes

Commūta-
proportio
quid?

*Proportio 1
sesquialtera
est cum vna
quantitas al-
iam semel
continet, &
eius dimidiā.
Parallela
quæ?



eiusdē vel equales, & el duobus rectis aequales, paralle
 la sunt, et si in infinitū producātur, nūquā concurrēt.
 ¶ Contendi Zabarella tum pradicatum uniuersa
 liter de subiecto dici, non quando simpliciter duarū
 rerum eadem est essentia, sed quando eadē est essen
 tia superioris & inferioris. Nā tū (inquit) affectio su
 perioris uniuersaliter demonstratur de inferiori: un
 de ait Philosophū hoc in loco non querere aut ostē
 dere quando affectio unius simpliciter de alio dica
 tur, sed quando affectio superioris de inferiori un
 uersaliter affirmetur: hoc (inquit) accidit, quādo ea
 dē est natura & essentia superioris & inferioris,
 quod sit, cū superius est species, inferius verò indi
 uiduū, quādoquidē hęc nullā inter se habent essentialē
 differentiā: si verò superius & inferius non habent e
 andē essentiā, sed diuersas, quod euenit, quādo supe
 rius est genus, & inferius est species, affectio verò
 superiori conuenit, quā id ipsū est, tū de inferiorum
 demonstratur uniuersaliter. Expositionem Zabarel
 le, non sum sequutus. Existimo enim propriam passi
 onem speciei nō magis uniuersaliter de indiuiduo, e
 am si unicum sit, demonstrari posse, quam affectioni
 generis de specie, quæ unica sit: quia non magis una
 & eadem erit essentia speciei & indiuidui, quā ge
 neris & speciei. Fieri enim non potest ut eadem sit
 prorsus essentia superioris & inferioris. Nam quam
 vis essentia superioris sit essentia inferioris, tamen
 non ē regione, essentia inferioris erit essentia superio
 ris.

ANALYSIS CAP. 6.

ARGUMENTVM

IN initio capitis quarti asseruit Philosophus Demōstrationem constare ex propositionibus necessariis, quod illic nō confirmavit Nā in cap. quarto in tribus illis regulis exponendis in cap. quinto in tribus erroribus circa tertiam regulā discutiēdis digressionē quadā vsus est, sed iā absolutā illā digressionē ad propōitiū redit, & ostēdit, Primō Demōstrationē cōstare ex necessariis, & iis quæ sunt per se. Secundō quasdā regulas de necessitate cōclusionis syllogismi tradit. Tertiō ait accidētia nō esse necessaria, nec demōstrationē ingredi.

Ex quibus principiis, siue præmissis cōstat demōstratio?

Ex necessariis, & iis quæ sunt per se.

Quomodo illud probas?

Quōd constant ex necessariis, sic probo. ^a Cōclusio, quæ per Demonstrationem scitur, est necessaria, (Nō enim potest aliter se habere, vt dictum est cap. 4.) Ergo principia illius sunt necessaria. Quod cōstat ex iis quæ sunt per se, ita probo. ^b Quæ per se insunt, sunt necessaria, & principia sunt necessaria. (Vt priori enthymemate probatum est.) Ergo principia sunt per se. Maior prob: inductione, siue sufficienti enumeratione eorū, quæ sunt per se. Illa enim quæ insūt p se, vel insūt in attributione quid est (vt ea quæ primo modo per se dicuntur) vel sunt in quorum quidditate, id est, definitione ponūtur subiecta, quibus ita attribuuntur, vt necesse sit alterum oppositorum inesse, vt ea quæ secundo modo per se insunt, Vide cap. 4. sed hæc ambo sunt necessaria. Ergo quæ per se insunt, sunt necessaria.

Nonne alia insunt præter hæc duo?

Maximè: sed tamen non insunt per se, sed per accidens: ut communia accidentia, hæc autem necessaria non sunt. Ergo ea, quæ duobus illis modis insunt, tantum necessaria sunt. Omne enim, quod inest, vel altero horum modorum per se inest, vel per accidens.

Num adhuc alijs rationibus possit confirmare Demonstrationem constare ex necessarijs?

Possum: idq; quatuor rationibus, quarum duæ sunt Dialecticæ & probabiles, duæ vero analyticæ & propriæ. Prima ratio ex communi hominum opinione ducta, hæc est. Demonstratio est res necessaria, sicut omnes sentiunt, qui hoc tanquam principium statuunt & concedunt. Ergo ex necessarijs constat hic syllogismus. Nā ex veris fieri potest, ut non demonstrans, hoc est, Dialecticus, vel Rhetoricus, ratiocinetur, at ex necessarijs solus Demonstrator ratiocinatur: Hoc enim Demonstrationis est principium.

Secunda ratio à signo ducitur, quæ hæc est, Cum aduersus Demonstrationem obicimus, aut instamus, idè eam, ut vitiosam, reiicimus, quod non est necesse id, quod accipitur, id est, quod non constat ex necessarijs, siue reuera existimemus rem aliter se habere, siue disputationis tantum causa id asseramus: signum ergo est quod ex necessarijs constare debeat. Cum itaq; tum hoc signum, tum communis hominum opinio testetur Demonstrationem ex necessarijs constare, non possunt ij summæ stultitiæ merito non coargui, qui existimant principia Demonstrationis probabilia & vera tantum esse, quales sunt Sophistæ, qui dicunt, 'quod^d scire quocunque, modo siue ex probabilibus, siue ex veris, sit scientiam per Demonstrationem habere. Non enim quod est probabile, aut non probabile, est principium Demonstrationis, nec omne quod verum est, est proprium scilicet principium, sed quod primum¹ est ex genere seu subiecto, de quo res demonstratur, hoc est, quod immediatè est

& necessarium.

Tertia ratio. Nullus, qui per principia non necessaria cognoscit, habet scientiam. Ergo principia erunt necessaria. Antecedens probō. Nullus, qui ignorat causam cur res sit, habet scientiam, (ut patet ex definitione scientiæ cap. 2.) at omnis, qui conclusionem necessariam (ut potest C. est A. id est, homo est risibilis) cognoscit per medium non necessarium, siue contingens, quale est B. (nempe canescens) ignorat causam cur res sit. Ergo nullus, qui per medium non necessarium cognoscit, habet scientiam. Minorem probō; Medium non necessarium non est causa. Ergo qui per illud nouit, non habet scientiam. Antecedens probō causa semper est cum effectu, at medium non necessarium non est semper cum effectu, id est, cum conclusione. Ergo non est causa cur res sit. Minor prob: quia illud medium potest non esse, cum sit contingens; conclusio autem semper est, cum sit necessaria. Ergo non est semper cum effectu aut conclusione.

Quarta ratio ducit ad incommodum, sed priusquam colligatur, hoc iactum sit fundamentum. quatuor scilicet requiri quæ efficiunt, ut scientia, postquam semel acquisita sit, firma & inconcussa maneat. 1. Si sciens sit saluus, id est, non peremptus. 2. Si sciens non obliuiscatur. 3. Si res scita, id est, conclusio sit salua. 4. Si ratio per quam quis sciuit, id est, Demonstratio, sit salua. Si ergo hæc quatuor salua maneant & incolumia, amitti non potest scientia. Hoc iacto fundamento, ratio sic colligi potest. Si conclusio necessaria sciatur per medium contingens & non necessarium, tum corrupto medio non amplius sciatur, (quia causa & effectum simul sunt, ut in precedenti ratione ostensum est) & sic corumpitur scientia, at hoc incommodum est, scientiam corrumperetur quatuor illis saluis manentibus. Nam sciens manet, non obliuiscitur,

citur, res manet, cum sit necessaria; ratio manet, quia adhuc syllogismus est. Ergo per medium non necessarium non scitur. Quare si post medii corruptionem non scitur, nec ante sciebatur conclusio.

Quid, si Medium non sit corruptum, nonne iam conclusio scitur?

Nequaquam. Nam nihil refert utrum corruptum sit, necne, satis est, si possit corrumpi. Illud enim quod possibile & contingens est, iam euenisse sine aliquo incommodo poni potest: quare non scitur conclusio, si medium possit interire.

Quor sunt regule, quæ de necessitate conclusionis syllogismi iraduntur?

Tres. 1. Conclusio potest esse necessaria, interim ut medium non sit necessarium, siue præmissæ. Nam necessarium potest concludi ex non necessariis, sicut verum ex non veris. Ut habetur 2. cap. 2. lib. Prior. 2. Si medium sit necessarium, conclusio erit necessaria, sicut si veræ sint præmissæ, vera semper erit conclusio, ut ibidem habetur: exempli causa: si necessarium sit omne B. esse A. id est, omne rationale esse risibile, & omne C. esse B. id est, omnem hominem esse rationalem, necessarium erit omne C. esse A. id est, omnem hominem esse risibilem. 3. Si conclusio non est necessaria, sed contingens, medium non erit necessarium. Hoc probari potest argumento ducente ad incommodum hoc pacto. Sit hæc conclusio. C. est A. iam si præmissæ, ex quibus fit; ut (omne B. est A. & omne C. est B.) sint necessariae, tum illa conclusio non erit contingens sed necessaria (Nam ex necessariis necessarium sequitur, ut dictum est in secunda regula) at hoc incommodum est, conclusionem esse necessariam. Nam supponebatur contingens esse & non necessaria.

Medium itaq; Demonstrationis semper erit necessarium.

Quid

SCHOLIA IN CAP. 6.

Obiectio.

Potest conclusio esse necessaria, interim ut premissa non sint necessaria, sicut conclusio potest esse vera, quamvis premissa non sint vera, esse Philosopho in hoc cap: Ergo illa ratio, quam in initio ca: adhibuisti, non sequitur, hac scilicet, conclusio est necessaria, Ergo principia sunt necessaria.

Solutio.

Conclusio potest esse vera & necessaria quoad formam syllogismi, interim ut premissa non sint vera & necessaria, sed non potest esse necessaria quoad materiam ipsius, nisi premissa sint necessaria: hoc est, potest conclusio vera & necessaria sequi ex premissis falsis, & contingentibus, tanquam ex principijs inferendi, sed non essendi. Unde

1. Una materia seu predicationis, cuius ipsae propositiones sunt necessariae.

2. Altera forma seu illationis, cum debita necessitas in terminorum & propositionum dispositio, ob-
 syllogismo, dum servatur, cum scilicet conclusio sequitur necessa-
 riam ex premissis, & hanc necessitatem intel-
 ligit Philosophus, cum ait conclusionem ne-
 cessariam posse inferri ex non necessarijs pre-
 missis. Hoc in Demonstratione nunquam lo-
 cum habet.

Nota.

Vraque necessitas est in syllogismo Demonstrativo po-
 tior tantum in Dialectico.

Ob-

Obiectio.

b Illa ratio non sequitur. Nam conclusio est affirmativa in secunda figura. Ergo nihil probat.

Solutio.

Respondet Themistius, Maiorem esse exclusivam, & reciprocam ut sensus sit, Sola per se sunt necessaria, quod idem valet, ac omnia necessaria sunt per se. unde concluditur in prima figura hoc modo. Omnia necessaria sunt per se; principia sunt necessaria. Ergo principia sunt per se.

c Accidentia communia simpliciter non sunt necessaria, quia, ut nonnulli volunt, non omnibus subiectis, quibus conveniunt, necessario insunt, aliqua tamen ex parte & secundum quid, sunt necessaria, ut ea quae sunt inseparabilia, sed necessaria sunt tantum respectu illius subiecti, in quo insunt: non tamen simpliciter & pure respectu illius sunt necessaria, ut de eo demonstrari possit, sed quia respectu aliorum subiectorum, quibus competunt, non sunt necessaria, ideo simpliciter necessaria non sunt. At ea, quae primo & secundo modo per se conveniunt, necessario insunt omnibus subiectis, quibus competunt: ut animal & risibile necessario omnino suis subiectis conveniunt. Alij dicunt accidentia communia, etsi sint inseparabilia, non esse ratione sui subiecti necessaria aliqua ex parte, quia illud est necessarium (inquit) quod vel est de essentia sui subiecti, ut ea, quae conveniunt primo modo per se, vel in cuius definitione ponitur subiectum, ut ea, quae con-

An accidentia communia sine necessaria sunt?

Alberius,

ueniunt secundo modo: unde hac tantum necessaria esse volunt: quia secunda regula est regula Necessitatis.

d Nonnulli, inter quos est Zabarella & videtur esse Pacius, dicunt hic Philosophum exempli causa afferre quandam Sophistarum (Protagora scilicet & aliorum) Demonstrationem, in qua principio probabili utebantur. Volentes enim ostendere, quod, qui callet aliquam scientiam, ut Geometriam, debet nosse quid sit scientia: ita argumentabantur. Habere scientiam, est nosse quid sit scientia, at Scire est scientiam habere. Ergo scire est nosse quid sit scientia: cuius syllogismi Minor propositio, quam solum Arist: nominat, est vera, & necessaria; Maior autem non est necessaria, sed solum probabilis, quia aliud est cognitiorei, aliud est eiusdem possessio. Hec Zabarella. Tanta subtilitate non sum, ut hoc possum perspicere, quod Zabarella & alij perspexerunt. Ego enim non video nisi eam propositionem, quam expressit Philosophus, quam existimo illum sensum habere, quem in cap: analysi reddidi, unde existimo etiam Sophistas hoc in loco sumi, non ut opponuntur Dialecticis, sed Demonstratoribus. Nam aliàs non dixisset Philosophus eos stultitie coargui, qui existimant principia Demonstrationis tantum esse probabilia & vera, quales sunt Sophistæ. Hi enim nunquam ex probabilibus & veris Demonstrant aut ratiocinantur. Vel existimo illam propositionem esse principium pro-

ba

babile, quod tamen Sophistae putabant, esse necessarium. Errare possum corrigi non penitebit.

e Syllogismi, in quo necessaria conclusio ex medio non necessario & contingenti inferitur, exemplum hoc sit.

Omne canescens est risibile.

Omnis homo est canescens. Ergo

Omnis homo est risibilis.

f Aliqui hac quatuor ad tria reducunt, ad scientem, ad rem scitam, & ad rationem: ad scientem manentem, & non obliuiscientem.

ANALYSIS CAP. 7.

ARGUMENTUM.

VSus principiorum (ut ait Zabarella) in duobus consistit: Alterum est, ne utamur principiis alienis: unde Arithmeticus non debet, ad aliquam conclusionem in sua arte probandam, principio Geometrico uti. Alterum est, ne utamur principiis communibus, quae vel omnibus vel pluribus inserviunt scientiis. utrumque Philosophus hoc in cap. separatim ostendit. Hoc caput in quatuor partes partiiri potest. Primo repetit ea, quae in cap. precedente exposuit, nempe Demonstrationem constare ex necessariis. Secundo enumerat partes Demonstrationis, & docet non licere Demonstrationes unius scientiae transferre ad aliam scientiam, seu principiis alienis uti ad probandum aliquod problema: Et hoc probari potest ratione principiorum seu medij, ratione subiecti, & ratione passionum. Quaelibet enim scientia propria habet principia, proprium subiectum, & proprias passiones.

Tertio

Tertiò ostendit Demonstrationem & definitionem esse vniuersalium & æternorum. Quarta docet Demonstrationem non constare ex principiis communibus, sed propriis, vbi etiam docet principia propria non posse demonstrari.

Video Demonstrationem ex necessarijs constare, quia ex his constat, quæ sunt per se, & quæ est vnumquodq; accidentia autem, cum huiusmodi non sint, scientiâ cur res sit, id est, Demonstrationem, non efficere, sed tantum syllogismum ex signo, si semper sint. Nam scire cur res sit, est rei causam cognoscere: unde in omni Demonstratione necesse est Medium tertio, id est, Minori extremo, subiecto scilicet: & primum, id est, Maius extremum, quod est propria posio, Medio per se conuenire, quod in accidentibus non fit. Sed iam expedias velim, vtrum liceat ex vno genere seu subiecto in aliud migrasse demonstrare, vel Demonstrationes ex vna scientia ad aliam transferre, ut Demonstrationes Arithmetice ad Geometriam?

Non licet. Nam cum tria sunt in Demonstratione. 1. Conclusio quæ demonstratur, id est, passio conclusa per se de genere vel subiecto. 2. Axiomata, ex quibus Demonstratio conficitur, hoc est, Medium Demonstrationis. 3. Subiectum, cuius affectiones, & per se accidentia de eo Demonstrantur; Demonstrationes non possunt transferri ex vna scientia ad aliam, quia principia seu medium transferri non possunt, quod intellegam volo, cum subiecta scientiarum sunt prorsus diuersa, qualia sunt subiecta Arithmetice & Geometriæ: aliquando tamen possunt, ut postea dicetur.

Quod est subiectum Geometriæ & Arithmetice?

Subiectum Geometriæ est magnitudo, Arithmetice vero numerus. unde non licet Arithmetice Demonstrationem accommodare ad probandas affectiones

* Ad subiectum scientiæ hæc quatuor requiruntur: ut ens per se sit, non opus nostrum sit, ut utroque modo præcognitum sit: ut proprias affectiones &

mag.

magnitudinis, nisi magnitudines sint numeri, hoc est, nisi idem sit subiectum vtriusque scientiæ, quod interdum contingit, vt postea explicabitur.

Num fieri potest, vt Demonstratio vnius scientiæ aliquando transferatur ad aliam scientiam?

Maximè: nempe cum vtriusque scientiæ idem est genus seu subiectum, vel simpliciter, vel quodammodo, sicut fit in scientijs subalternis, alioqui id fieri non potest: quia ex eodẽ genere siue subiecto hoc est subiecti natura, necesse est, & extrema. i. proprias passiones, & Media desumi, hoc est, debent esse per se & essentialiter connexa, alias accidentia erunt. Vnde ad Geometriam non pertinet demonstrare vñ esse scientiã contrariorũ, nec duos cubos vnum facere (Illud enim ad Metaphysicũ, hoc ad Arithmeticũ pertinet) neq; vlli alij scientiæ licet demonstrare pblema alterius scientiæ.

Quare Demonstrationes transferri non possunt?

Quia Medium, quo probatur conclusio vnius scientiæ, non potest ad aliam transferri ad probandam eius conclusionem, nisi ita affectæ sint, vt subiectum vnius contineatur sub subiecto alterius, hoc est, nisi sint scientiæ subalternæ, siue subordinatæ, quales sunt Optice siue perspectiua & Geometria: Arithmetica & Harmonica siue Musica. In his enim idem Medium inseruit Demonstrationibus Vtriusque.

Num propriae passiones seu affectiones subiecti vnius scientiæ possunt ita transferri, vt demonstrantur de subiecto alterius scientiæ?

Non possunt: vnde non pertinet ad Geometriam demonstrare lineã rectam esse pulcherrimã, aut lineam rectam contrariã esse circumductæ seu circulari. Nam hæ affectiones pulcherrimum & contrarium non pertinet ad lineam, vel subiectum Geometriæ, quia lineæ non conueniunt, quã linea est, hoc est, non sunt propria lineæ, sed aliis sunt communia, præterquam lineæ.

principia habent: vt reliquis omnibus, quæ ad eandem scientiam pertinent, subiungatur, adeo vt quicquid illi non inhæret, extraneum sit. Crellius.

Qualis est conclusio Demonstrationis?

*Vniuersalis & æterna: quod hac ratione probo. Principia Demonstrationis sunt vniuersalia & æterna (sunt enim necessaria) Ergo & conclusio ipsius est vniuersalis & æterna. Vnde non est Demonstratio rerum caducarum, nec scientia absolutè, sed tanquam per accidens, quia non est ipsius vniuersalis, sed interdum & quodammodo, id est, singularis, quod repugnat naturæ vniuersalis, quod est de omni, i. quod de omni subiecto & omni tempore affirmatur, sicut antè dictum est in cap. 4.

Quare conclusio Demonstrationis non est caduca & singularis?

Quia tunc sequeretur vnā præmissarū esse caducā & singularem, quod iis repugnat, quæ antè dicta sunt. In hoc enim conueniunt præmissæ & conclusio, quod si vna præmissarum sit caduca & singularis, talis etiam futura est conclusio, (quia conclusio sequitur deterio-rem partem) & è contra, si conclusio sit caduca & singularis, talis sit vna præmissarum necesse est: vnde non concluditur vniuersaliter, sed quod nunc ita res se habet, id est, particulariter.

Num sicut Demonstratio, ita & Definitio est æternorum?

Maximè. Nam omnis definitio vel est principium Demonstrationis, vel ipsa Demonstratio positione terminorum differens, vel conclusio Demonstrationis: sed hæc omnia æterna sunt. Ergo etiam Definitio erit æterna, siuè æternorum.

Obiectio.

Demonstrationes & scientiæ sunt eorum, quæ non semper sunt, sed interdum, aut sæpè, qualis est eclipsis lunæ. Ergo non sunt æternorum?

Solutio.

vide lib 1. Eclipsis, de qua est Demonstratio, non est singularis, quæ

quæ caduca est, & raro fit, sed vniuersalis, quæ semper est in suis causis. Nam posita eius causa (scilicet interpositione terræ) ea etiam ponitur. Ergo ea ratione, quâ semper est, cadit sub Demonstrationem, non quâ ex parte & interdum contingit: nec de hac lunâ, sed de luna demonstratur Eclipsis, siuè posse pati Eclipsim. Quod de Eclipsi siuè defectione iunæ dictum est, idem de cæteris similibus intelligi debet.

Num sufficit, quod principia Demonstrationis sint vera, indemonstrabilia, & immediata?

Nequaquam: sed requiritur etiam, vt sint propria non communia. Nam quod demonstratur de subiecto (passio videlicet) inest quâ id ipsum est. Ergo necesse est, vt ex principiis propriis demonstretur. Aliàs enim fieri potest, vt tales sint futuræ probationes, qualis erat Brylonis de tetragonismo siuè de quadratura circuli. Huiusmodi enim per communia principia & non propria probant rem alicui inesse: vnde & aliis, quàm suis scientiis in rebus probandis inseruiunt: quare per communia non possumus rem absolutè & per se scire, sed per accedens: perfecte autem tum scimus, cum cognoscimus rem inesse ex principiis, quæ illius, quâ illud ipsum est, principia sunt, hoc est, quæ propria sunt: vt habere tres angulos duobus rectis æquales tum scimus, quando illud, cui per se inest, hoc est, subiectū, ex propriis eiusdem generis principiis cognoscimus. Medium enim debet esse in eadem syngenia, id est, in eadē cognitione siuè ex eodem genere.

Nonne eadem principia & idem Medium pluribus scientiis possunt inseruire?

Non: nisi sint scientiæ subordinatæ, quales sunt Harmonica siuè Musica & Arithmetica. In his enim eadem principia, idemque Medium vsurpantur: sed hoc

Quomodo principia communia ingrediantur Demonstrationē dicetur capite sequenti.

hoc est discrimen quod scientia inferior siue subalter-
nata ostendit quod res sit: superior vero siue subalter-
nans ostendit cur res sit. Nam hæc illi medium tribuit.
Hinc patet nihil posse simpliciter & accuratè demon-
strari, nisi ex principijs. Vnde colligi potest principia
propria non posse demonstratione confirmari.

*Quomodo probas propria principia non posse per
alia principia demonstrari?*

Si propria principia per alia possint demonstrari, tum
certè per principia illius scientiæ, quæ est omnium do-
mina, hoc est, Metaphysicæ: sed non per hæc demon-
strari possunt. Ergo &c Maior patet, quia illa scientia
certissima est, siquidem ex prioribus, & ex iis, quæ tan-
tum sunt causæ, procedit: vnde magis Metaphysicus &
maximè omnium scit, & Metaphysica est magis ceteris
scientiis, immò maximè omnium scientia. Minor
prob: Demonstratio non transfertur ex vno genere sci-
entiæ ad aliud genus, sicut supra dictum est, præterquàm
in subordinatis scientiis, veluti Demonstratio Geometriæ
ad^h Mechanicam & opticeam, Arithmeticæ ad Musicam
potest transferri. Ergo per principia Metaphysicæ non
possunt demonstrari principia, Demonstratione scil: po-
tissima & à priori, Demonstratione autem à posteriori
confirmari possunt.

SCHOLIA IN CAP. 7.

Axiomata hic non significant principia com-
munia, sed propria, vel potius Medium
Demonstrationis. Nam Philosophus in his libris sæ-
pe numero axiomata, principia & Medium promif-
cùè sumit (sed axiomata intelligit limitata & con-
etata,

Axiomata,
principia &
Medium idè.

quia Medium est in utrisq; premissis, quæ vocantur principia, & non in conclusione. Pari ratione conclusionem & propriam passionem pro eodem sumit, quia in conclusione una cum subiecto suo ponitur, & de eo demonstratur. Hinc (ut ante dictum est in cap. 2.) principia siue premissa sunt cause conclusionis, sed per accidens, quia Medium, quod in premissis locum habet, est causa, cur propria passio in conclusione de suo subiecto demonstretur. Hæ sunt tres partes (remota scilicet) Demonstrationis: Medium, subiectum, & passio. Medium appellatur, principium, causa, ratio, dignitas siue axioma, & propositio immediata, quia scilicet in ea reperitur. Subiectum dicitur genus, genus subiectum, materia, Tertium, scilicet extremum, Datum, & id, cui est causa. Passio vocatur affectio, quæ situm, effectum, conclusio, accidens per se & primum scilicet extremum. Medium in Demonstratione est Medius terminus, unde & nomen habet, & est definitio passionis: subiectum est Minus extremum passio est Maius extremum. Hic officium uniuscuiusq; horum explicat Philosophus (ut ait Zabarella) vel quandam eorum descriptionem tradit. Officium passionis est, in subiecto suo inesse per se, & de illo demonstrari: officium subiecti est, alijs subici & subistere, ut de ipso omnes passionis seu affectiones demonstrantur: Officium Medij est, ut ex eo, siue per illud passio de subiecto demonstre-

Tres partes
Demonstrationis.

tur. Hinc patet accidentia communia in Demonstratione locum non habere. Demonstratio semper nomen habet à Medio, tanquam a prastantiori parte: ut si Medium sit Geometricum, Demonstratio vocatur Geometrica.

Cubus
duplex.

b Est cubus Geometricus siue potius Stereometricus, qui dicitur cubicum corpus: Et est cubus Arithmeticus, qui vocatur cubicus numerus. Cubus Geometricus est corpus, siue magnitudo habens sex equalia latera siue superficies: vulgò appellatur corpus quadratum, sed minùs propriè, qualis est tessera vel taxillus. Κύβος enim tesseram significat, & κούβεια ludum alearum, iactum talorum taxillorum iactum, quem, quia plerumq; nequitia sequitur, idèο κούβεια nonnumquam usurpatur pro versutia & nequitia, ut in Epist: ad Ephesios cap. 4.

Cubus Geometricus.

* Terria parte Arithmetica.

Cubus Geometricus hoc modo fit. Constat primum (ut ait Gemma Frisius) ex ductu lateris unius in alterum (sic enim superficies cõstituitur) deinde ex ductu eiusdem superficiei iam procreata in eandem lineam lateris, qualia sunt corpora ea, quæ tessera nomen habent. Vt planius hoc faciam: Imaginatur (inquit Zabarella) Mathematicus ex fluxu punctorum oriri lineam, ex fluxu linearum oriri superficiem, ex fluxu superficiei in profundum oriri corpus, in quo versatur Stereometra. Si igitur sumatur linea tripedalis, ea ducatur in seipsam, i. per tres pedes in latitudinem, oritur superficies quadrata, quæ quodlibet latus tripedale habet, &

¶ unum

Cubus Arith-
meticus.

Unum ipsius latus Radix dicitur: Rursus si hac superficies quadrata ducatur in profunditatem per suam radicem, hoc est, per tres pedes, facit corpus cubicum, quod omni ex parte erit tripedale, & pedes 27. continebit. Hac Zabarella. Cubus Arithmeticus est numerus, qui constat ex ductu seu multiplicatione numeri in seipsum, deinde ex eiusdem numeri ductu in productum: hoc est, qui oritur ex multiplicatione numeri quadrati equilateri per suam radicem. Quadratus numerus equilaterus (ut dictum est in cap. 4.) est, qui oritur ex multiplicatione cuiuslibet numeri in seipsum, Vt; Ternarius, si in seipsum ducatur, producit nouenarium, qui est numerus quadratus, cuius latus vel radix est ternarius: rursus si ducatur nouenarius per radicem suam, scil: ternarium, producit 27. qui est numerus cubicus, siue cubus Arithmeticus: & ternarius qui primus erat numerus, dicitur Radix cubica. Sicut ergo numerus dicitur quadratus, ad similitudinem figurae quadratae: ita & numerus dicitur cubicus ad similitudinem corporis cubici. Similitudo consistit in forma seu similitudine, tum in productione. Nam Numerus quadratus habet formam figuram quadratam (na enim per unitates describi potest) & eodem etiam modo fit ac figura quadrata. Nam ut hac ex ductu litteris vel lineae in seipsum constituitur: ita & ille ex ductu numeri in seipsum, producitur: Sic etiam se habet cubicus numerus. Duos cubos unum facere: scilicet modo (inquit Zabarella)

intelligendum est. Non enim simul iuncti faciunt unum cubum, sed multiplicati. Semper enim cubus siue Geometricus, siue Arithmeticus per cubum multiplicatus, cubum facit. Vnde Euclides Lib. 9. Prop. 3. Si numerus cubus seipsum multiplicauerit, & producat aliquem numerum: is qui produci-
tur, erit cubus. Et in Prop. 4. Si numerus cubus numerum cubum multiplicauerit, & produxerit aliquem, tum numerus productus erit cubus. Et in Prop. 5. si numerus cubus numerum aliquem multiplicet, & producat cubum: & numerus multiplicatus erit cubus. Et Prop. 6. Si numerus aliquis seipsum multiplicet, ac producat cubum: etiā ipsemet cubus erit. Nonnulli hinc intelligi volunt cubicum corpus, quod ad Stereometriam pertinet: Alij cubicum numerum, qui ad Arithmeticum spectat, & hac opinio verior est. Vt patet ex cap. 8. Præterea si hinc cubus Stereometricus intelligeretur, non negaret Philosophus hanc propositionem. Duos cubos facere, pertinere ad Geometriam, cum Stereometria sit vel pars Geometria, vel ei subordinata. Est enim Stereometria ars qua solida siue corpora metitur, unde & nomen habet. $\sigma\epsilon\gamma\epsilon\delta\upsilon$ enim solidum siue corpus. & $\mu\epsilon\tau\epsilon\sigma\upsilon$ mensuram significat. Corpus autem est pars magnitudinis, qua est subiectum Geometria. Theodoricus prima parte qua est: $\sigma\phi\epsilon\rho\iota\kappa\eta$ ait duas esse partes Geometria: $\epsilon\mu\pi\epsilon\delta\omicron\mu\epsilon\tau\epsilon\gamma\iota\alpha\upsilon$ seu $\epsilon\mu\pi\epsilon\delta\omicron\delta\epsilon\omega\pi\iota\alpha\upsilon$, qua explicat figuras & magnitudines planas, hoc est, superficies. Vnde
nomen

Stereometri-
a quid?

nomensumpsit. Empedocly enim superficiem significat. Et sequetur *πλάγ*, quæ exponit figuras & magnitudines Corporeas.

2

Scientiæ duplices.
Scientiæ subalternæ.

c Scientiæ vel sunt prorsus diuersæ, quarum scilicet subiecta sunt diuersa, quales sunt Geometria & Arithmetica: vel subalternæ seu subordinatæ, quarum, subiectum unius continetur sub subiecto alterius: cuiusmodi sunt Arithmetica & Musica: Geometria & Optice, siue perspectiua. Nam subiectum Musica continetur sub subiecto Arithmetica. Subiectum enim Arithmetica est numerus, subiectum Musica est numerus in sonis acceptus, vel numerus sonorum. Pari ratione subiectum Geometria est magnitudo, subiectum optices est magnitudo, quatenus visu percipitur, siue magnitudo visualis. Illa scientia, cuius subiectum continetur sub subiecto alterius, dicitur subalternata, inferior, & veluti filia: altera dicitur subalternans, superior, & veluti mater. Illa enim ab hac accipit principia siue Medium, subiectum & passionem, sed subiecto aliquid addit, sensibilem scilicet qualitatem. Principia siue Media in scientia inferiori sunt causa remota affectionum, in superiori verò sunt causa proximæ: deinde propriae passionem subiecto inferioris scientia non primò sed secundaria quadam ratione conueniunt: ut propriae passionem numeri primò conueniunt numero, qui est subiectum Arithmetica, sed secundariò conueniunt numero in sonis accepto,

qui est subiectum Musica. Zabarella affirmat scientias subalternas in solis Mathematicis locum habere: unde negat artem Medicam Physicam sine Naturali scientia, aut omnes alias scientias Metaphysica subordinari. Nam tum scientia alteri subordinari dicitur, quando idem subiectum, quod in illâ alterâ (viz. superiori) abinuentum a materiâ, & ab omni sensili qualitate consideratur, ipsa (nempe inferior scientia) cum certa materiâ & sensilis qualitatis additione contemplatur. Ut Arithmetica de numero & lat, nullam habente sensilem qualitatem: Musica verò in eodem sonis adiuncto, versatur: est autem sonus qualitas sensilis. Pariratione Geometria considerat lineam siue magnitudinem sine ullâ sensili qualitate: Optice verò eandem, ut in visu positam. Hoc autem si ita se habet, talem subalternationem in solis Mathematicis esse manifestum est. Nam in his tantum rebus locum habet, quæ ipsa cum sensili materiâ existunt, mente tamen & cogitatione ab eâ separantur, quales esset res solas Mathematicas certum est. Hæc Zabarella. Præterea ait scientias subalternas in modo considerandi nullo pacto differre, nec in re considerata penitus differre, sed accidentaliter differentia: additio namq. sensilis qualitatis (quod nemo hætenus intellexit) fit soli rei considerata, non ipsi modo considerandi. ut in Musica res considerata (hoc est subiectum) est numerus sonorum, modus autem considerandi est, ut

ut numerus, nō ut sonus: In Optice res considerata est linea in visu accepta, modus autem considerandi est, ut linea, non ut in visu, quod ab Arist: clara voce prolatum legimus in cap. 3. lib. 13. Metaphys. Quod autem in cap. 2. tex. 20. secundi lib. Physic: contrarium dicere videatur, cum inquit Mathematicum considerare lineam, non quatenus est Mathematicus, sed quatenus est physicus & Naturalis: tamen non est dicendum Arist: sibi contradicere, sed pingui Minervā ibi sumere hanc dictionem quatenus quā ibi non significat modū, sed discrimen solum per spectua & Geometria, qualecūq; illud sit.

Vide Zabarella lib. de tribus cognitis cap. 12. 13 & 14.

- | | |
|------------------|---|
| Toletus ait tria | 1. Vi subiectum unius contineatur sub |
| requiri ut sci- | subiecto alterius. |
| entia sint sub- | 2. Vi subiectum superioris scientiæ non |
| alterne. | sit genus: inferioris vero species eiusdem: |
| | 3. Vi scientia superior probet principia |
| | inferioris. |

d Quod rectam lineam omnium esse pulcherrimā ait, id non tam assuerādū modo, quā πρὸς ἀντι-
κλῆσιν & quasi exempli causa affirmare dicitur. Neq;
enim vere recta linea, circulari pulchrior est. Sed hæc
potius illā, quia hæc undiq; similibus partibus con-
stat, quarum partium una cum altera ad amissam
congruit, id quod de rectis lineis dici non potest, An-
thore Philopono. Mathisius.

e Demonstrationem vel scientiam esse æternorum,
nihil aliud est, quam conclusiones Demonstrationis,
esse æterna & perpetua veritatis.

1 Vno modo simpliciter & absolute, quod
 vi sua & per se eternū, est quodq; omni pri-
 cipio et fine caret: sic Deus opus Max: est so-
 lus eternus.

Aliquid dicitur
 eternum du-
 bus modis.

2 Alio modo ex suppositione, sic univ-
 ersalia sunt eterna, nempe si singularia
 semper existant. Nam si intereant om-
 nia singularia, & universalia interire
 necesse est, siquidem non sunt absq; sin-
 gularibus, unde & propositiones inveni-
 unt.

Propositio

1 Ratione subiecti, cū scilicet est interitui obnox-
 ium: ut: Socrates est homo.

duca vel

2 Ratione predicati: ut: homo est albus.

Nota

Neutra potest esse in Demonstratione: sed hic
 intelligitur prior. Nam liquidū constat posteriorem
 non esse eternam, cum sit contingens.

f Hoc dictum Philosophi exponitur tribus modis.

Vno modo a plerisq; interpretibus qui ponunt tripli-

cem definitionem. Unā passionis, qua conclusio est:

ut: risibile est aptum ad ridendum. Aliam subiecti:

ut: homo est animal rationale, & hac Medium est.

Tertiam ex utraq; congregatam: ut: homo est ani-

mal rationale aptum ad ridendum, & hac est De-

monstratio positione terminorum differens, quia om-

nia, ex quibus fit Demonstratio, continet: deest au-

tem figura & modus, quibus adveniensibus, fit per-

fecta Demonstratio: ut: omne animal rationale est

aptum ad ridendum: omnis homo est animal rationa-

le. Ergo omnis homo est aptus ad ridendum. Alio

modo a Themistio, Philopono & alijs, qui statuunt

triplicem definitionem. Unam materialem: ut, Ira

est

est sanguinis ebullitio circa cor, & hac est conclusio, quae per formalem definitionem demonstratur. Aliam formalem vel finalem: ut: Ira est appetitus vindictae, & hac est Medium. Tertiam ex utraq; constaram: ut: Ira est sanguinis ebullitio circa cor, ob appetitum, un vindicta: & hac est Demonstratio positione terminorum differens. Nam nihil deest prater eorum dispositionem, quae si adveniret, sit Demonstratio: ut: omnis appetitus vindictae est sanguinis ebullitio circa cor. Ira est appetitus vindictae. Ergo Ira est ebullitio sanguinis circa cor. Tertio modo a Zabarella, qui alias tres definitiones statuit. Vnam quae traditur per solam causam: ut: tonitrus est extinctio ignis & hac est Medium, ad quod membrum redigitur, etiam definitio subiecti. Hec enim, si Medium sit Demonstrationis, id non est quatenus est definitio subiecti, sed quatenus est definitio affectionis: ideo definitio affectionis tradita per solam causam, quaecumq; sit illa causa, dicitur definitio causalis, & est Medium Demonstrationis. Aliam per genus & subiectum sine causa: ut: tonitrus est sonus in nube, & hac est conclusio, quia ex his duobus terminis conclusio constat: Nube & sono. Dicimus enim: Ergo in nube est sonus. Tertiam per genus, subiectum, & causam, quae est definitio perfecta: ut: tonitrus est sonus in nube ob extinctionem ignis, & hac est Demonstratio positione differens. Nam ex his tribus terminis constat Demonstratio. Genus est Maius extremum:

E 5

sub-

Vide libris.
Poster. c. 10.

subiectum est Minus extremum: & causa erit Me-
dū: vi: Extinctio ignis est sonus: in nube est extinctio
ignis. Ergo in nube est sonus.

Circulum
quadrare
quid?

g Circulū quadrare nihil aliud est, quā quadratā
figurā describere, quæ æqualis sit dato circulo: adeo
ut area (nēpe interius spaciū) utriusq; æqualis sit.
Nemo tēpore Aristotelis (ut ipse testatur in cap: de
Relatiuis scientiā quadratura circuli cōsecutus est
aut circulū quadrare potuit. Multi tamen (ut idē
ait) hoc ipsum aggrediebātur, & in eo magnopere de-
sudabāt, præsertim hi tres: Antiphon, de quo 1. Phy-
sic: cap. 2. Hippocrates Chius, de quo eap. 10. lib.
Elench: & Bryso, de quo ibidem, & etiam hoc in loco.
Hippocrates vsus est principijs proprijs, Geometria
scil: quibus circuli quadraturam demonstrabat. An-
tiphon verò & Bryso principijs communibus utebā-
tur. Bryso hoc modo circulum quadrare conatus est.
Primo describebat quadratum intra datum circu-
lū, cuius anguli circulū tāgerent: deinde depingebat
quadratū extra illū circulū, cuius latera tāgerent
circulū: deniq; faciebat quadratū in ipso medio inter
exterius quadratū & interius, quod partim extra
circulū, partim intra cōtineretur: & hoc quadratū
dicebat esse æquale illi circulo: idq; hac Demonstra-
tione confirmabat. Ubi unq; possumus reperire ma-
ius & minus, ibi etiā poterimus reperire æquale, at
possumus reperire quadratū maius circulo (illud scil:
quod est extra circulum) & quadratum mi-
nus circulo, illud nempe, quod est intra circulū. Ergo
possumus reperire quadratū, quod est æquale circulo,


Vel sic:
Quæ iisdem
maiora & mi-
nora sunt, ea
inter se æqua-
lia sunt, at cir-
culus & qua-
dratum me-
dium intimo

mediū scilicet quadratū, quod equaliter distat à maiori
 & minori. Hæc erat Brysonis Demonstratio, cuius
 Maior propositio nō est principii propriū Geometria
 ad quā circulus & quadratum pertinet, sed cōmune
 alijs etiā scientijs. Nam non solum magnitudinibus,
 quales sint circulus & quadratū, sed etiā numeris
 & alijs rebus convenit: unde patet illā propositionem
 nō Geometria solum, sed etiā Arithmetica, Astrono-
 mie & alijs scientijs convenire. Præterea in hoc non
 tātū reprehendi debet Bryso, quod vsus sit principio
 copiumi, sed quod vsus sit principio falso aut salte
 male intellecto. Illud enim intelligendū est de ijs tan-
 tum, quæ sunt eiusdem rationis & speciei, qualia nō
 sunt circulus & quadratum. Tenet enim illa propo-
 sitio vel in circulis, vel in quadratis, unde si circulū
 possumus reperire maiorem circulo, & minorem, po-
 terimus etiam aequalē circulū reperire. sed Bryso, il-
 lud principium, quod erat intelligendum de ijs, quæ
 sunt eiusdem speciei, extendit ad ea, quæ sunt diver-
 se speciei.

quadrato sūt
 maiora, extri-
 mo vero mi-
 nora. Ergo
 circulus &
 quadratum
 mediū r-
 qualia sunt.

Vide Simpli-
 cium in lib. 1.
 Phil. & Fab.
 Stapulentem
 in lib. Eleach
 Arist.



Quadra-
 tura
 circuli



iuxta
 Bryso-
 nem.

Hæc quadra-
 ratione ita
 exakte de-
 scribuntur,
 quia extrin-
 & intimum,
 circulum non
 tangunt. si-
 cut nec qua-
 dratum, quod
 describitur
 in pagina seg

Insignis ille Mathematicus Iohannes Dee circulum sic quadrandum censet. Extra circulum describatur quadratum, cuius latera tangant circulum: deinde diuidatur unum latus illius quadrati in 14. aequales partes, & à puncto, quod undecimam partem terminat, ducatur linea recta ad oppositum latus, & fiat parallelogrammum: tum per ultimam propositionem lib. 2. Euclidis illi parallelogrammo, cuius unum latus illas undecem aequales partes continet, fiat quadratum aequale, quod quadratum circulo descripto intra prius quadratū aequale erit, ut in his figuris infra descriptis videre licet.



Mechanicæ
artes quæ?

In Mechanicis seu fabricas artes hic intelligit Philosophus eas, de quibus libellum conscripsit, ubi rationes traduntur, quibus magna pondera cum arte vehi possunt. Dicuntur Mechanicæ à Græca voce μηχανή, quæ est machina seu, excogitatio ar-

sifi-

tificioſa. Zabarella.

i Optice eſt ſcientia, qua tradit naturam & projectionem radiorum, viſus, luminis, colorum, & formarum, & docet de omnium rerum figura, ſitu, magnitudine, numero, motu, quiete & diſtantiâ rectè iudicare. Tres ſunt partes optices: quarum Prima vocatur optica propriè ſic dicta, & pars Optica, qua inquiriſ & explicat deceptionum, viſui accidentium propter longiorem diſtantiâ, cauſas. Altera dicitur $\alpha\tau\omicron\pi\lambda\epsilon\iota\kappa\eta$, qua ſcrutatur & exponit cauſas deceptionum vel apparentium, qua ſunt propter radiorum inflexionem, & refractionem. Tertia nominatur $\sigma\chi\iota\omicron\gamma\pi\alpha\phi\iota\kappa\eta$, qua docet rerum imagines delineare, ita ut conſpici & diiudicari poſſint, etiam ſi ſint innumera, & propter nimiam diſtantiâ & altitudinem ſint informes. Theodoricus prima parte Queſt Spher:

Optice quid?

1
Optices tres ſunt partes.

2

3

ANALYSIS CAP. 8.

ARGUMENTUM.

Cum in variis locis principiorum ipſius Demonſtrationis mentionem fecerit Philoſophus: in hoc cap: principia definit, eaque diuidit. Hoc caput quinque habet partes. Primo oſtendit quòd difficile ſit cognoscere, vtrum quis ſcientiam Demonſtrativam acquiſierit. Secundò Principia definit. Tertiò ea diuidit, & oſtendit quomodo præcipia communia locum habent in Demonſtratione. Quartò quomodo

quomodo differant inter se principia exponit. Quinto duo profert principia maximè communia, vbi etiam quasdam scientias communes enumerat: Dialecticam scilicet & Metaphysicam.

Num difficile est cognoscere, vtrum scientiam per Demonstrationem quis adquisierit, necne?

Maximè. Nam difficile est cognoscere, vtrum ex principiis cuiusq; rei propriis sciamus. Ergo difficile est cognoscere vtrum scientiam Demonstratiuam adquisierimus. Anteced: prob: Quia sæpenumero putamus nos scire ex veris & primis, cum tamen non sciamus, cum non omnia vera & prima, sint propria, nisi etiã sint syngeneæ, id est, ex genere desumpta.

Definias principia.

^a Principia in vnoquoq; genere appello ea, quæ quod sunt, probari nequit.

In quo cõueniunt prima scilicet: principia, & ea, quæ ex his cõcluduntur, id est, passionēs: Et in quo differunt?

In hoc conueniunt, quod quid significant tum principia, tum affectiones sumitur, id est, præcognoscitur: sed in hoc differunt, quod principia non possunt probari, quod sint, affectiones vero possunt: verbi gratia. Quid sit ^b vnitas, aut quid rectum & triangulum præcognoscitur, & etiam esse vnitatem & magnitudinem ponendum est: reliqua verò, id est, passionēs demonstrantur.

Quot sunt genera principiorum, quibus in scientijs Demonstratiuis utimur?

Duo: Alia sunt cuiusq; scientiæ propria: Alia communia, communia inquam secundum ^c proportionem. Propria sunt, veluti lineam esse eiusmodi, & rectum esse eiusmodi, id est, lineæ & recti definitiones sunt propria principia Geometriæ scilicet: vt linea est longitudo sine latitudine: Rectū est linea, cuius medium discrepat ab extremis, vel (si ad angulum refertur) est angulus, quæ facit linea recta, cū perpendiculariter cadit in lineā rectā vel

^a Hinc colligit Zabarella Quantitatem non esse genus & vnicum, sed analogum.

vel eā fecat. Communia sunt. Vt, si ab æqualibus æqualia, auferantur, quæ relinquuntur, sunt æqualia. Hoc enim principium commune est Geometriæ, & Arithmeticæ, & etiam alijs scientiis.

Num principia communia ingrediuntur Demonstrationem?

Maximè: sed tū eam ingrediuntur, cum ad subiectum siuè materiā sciētię restricta & coarctata traducuntur. Vt illud principium: Si ab æqualibus &c. si ad magnitudinem restringatur, & non in generali sua significatione accipiat, Geometriæ: si verò ad numerum, Arithmeticæ erit proprium principium.

Nonne alia sunt principia propria præter definitiones?

Sunt: nempe suppositiones, siuè ea quæ sumuntur esse circa quæ scientia cōsiderat ea, quæ sunt per se, hoc est, subiecta, quorū in explicandis proprietatibus tota scientia versatur: vt: vnitates siuè numerum esse Arithmeticus; puncta & lineas esse Geometra statim in initio supponit. Nam & hæc esse, & esse hoc sumit vterq; id est, quòd sint, & quid sint, siuè quid significant.

Sed quid dicendum est de horum subiectoꝝ affectionibus siuè proprijs passionibus?

Hæ præcognosci debent: quid sint, id est, quid significet. velut Arithmetica debet præcognoscere quid sit impar quid par: quid sit quadratū, quid^d cubus: & Geometria, quid^e irrationale, quid^f inflecti, quid^g concurrere. Quod autē sit vnū quodq; eorū ex cōmunibus (coarctatis) & ijs quę demonstrata fuerūt, id est, cōclusionibus: prius demonstratis, vtrāq; demonstrat. Eodē modo & Astrologia affectiones de subiecto per principia concludit, & quælibet præterea Ars: Nam in omni scientia Demonstratiua, hoc est, in Demonstratione tria sunt, quorum duo ponuntur esse, genus scilicet siuè subiectum, cuius affectiones contemplatur scientia: Et axiomata siuè communia principia (sub quibus Medium comprehen-

(dicitur

De impari, pari & quadrato dictum est supra c. 4.

Quomodo Demonstrationes fiant ex conclusionibus: prius demonstratis dictum est supra c. 3.

ditur) ex quibus omnis fit Demonstratio: tertium est affectiones, quarum quid quæque significat Demonstrator accipit.

Num in omnibus scientijs necesse est hæc tria semper expresse supponere, & declarare quod sint, & quid significent?

Nequaquam. Scientiæ enim nonnumquam hæc despiciunt, id est, omittunt. Nam si manifestum est, & liquiddò constet genus vel subiectum esse, non opus est ipsum expresse supponere, quia satis est, si mente ab omnibus supponatur. Non enim æquè manifestum est Numerum esse atq; calidum & frigidum (Nam numerum esse ratione percipimus, calidum verò & frigidum sensu, unde nobis notiora sunt) Eodem modo si perspicuum est quid significant affectiones & principia, non opus est, ut verbis hoc ipsum declaretur. Quale illud principium est. Si ab æqualibus &c. Nihilominus naturâ hæc tria præcognosci debent, vel ore vel mente: nimirum, Circa quod demonstrat quis, hoc est, subiectum: Quæ demonstrant, id est, affectiones, & Ex quibus, id est, principia siue Medium.

Quot sunt principia Demonstrationis?

Quatuor. Axioma siue dignitas, suppositio, postulatium, siue petitio, & Definirio.

Quomodo hæc a se inuicem distinguuntur. Et primo quomodo suppositio & postulatium ab Axiomate differunt.

* Hinc dignitates appellantur, quia fide dignæ sunt.

Axioma est, quod necesse est esse per se, & videri necesse est, hoc est, quod non potest demonstrari, & quod omnibus cognitum & perspicuum est: suppositio verò & postulatium, non æquè cognita sunt omnibus, atque axiomata, Hæc enim ita manifesta sunt unicuique (vsum rationis habenti) ut negari non possint.

Obiectio.

Aliquis potest axiomata siue dignitates negare.

Ergo

Ergo non ita certa sunt.

Solutio.

Potest verbo tenus & ore, non mente & corde. Nā exteriori oratione potest quis axiomata, vt falsa, negare, quæ tamen interiori sensui & animo vera esse credit: vnde Demonstratio non ad exteriorem sed interiorem pertinet rationem.

Quomodo^h suppositio sine hypothesis & postulatum differunt?

Cum principio, quod a docente profertur, credit & assentitur discipulus, suppositio dicitur, non simpliciter, sed ad illum tantum: cum verò discipulus non credit, aut contrarium existimat, postulatum vocatur: vnde postulatum quodammodo est contrarium discipulis opinionis: aut cum demonstrari possit, citra ullam probationem succurrit.

Quomodo suppositio & definitio differunt?

Suppositio significat aliquid esse vel non esse, quia propositio est, cuius proprium est affirmare vel negare definitio autem hoc non præstat. Nam* intelligi tantum oportet. Hoc autem suppositio non est, nisi quis verbum *AKD JRE* suppositionem esse dixerit. Nam illæ sunt suppositiones, quibus positis, quia illa sunt, nepe vera, efficitur conclusio.

Obiectio.

Suppositiones sunt falsæ. Ergo ex ijs, tanquam ex veris, non efficitur conclusio. Anteced: probò, quia Geometria falsum supponat. Sumis enim lineam pedalem esse, quæ pedalis non est, & rectam esse, quæ non recta est, & ex huiusmodi inferre conclusionem.

Solutio.

Ex ijs lineis, quas expresse supponit, neque quas in tabella describit, nihil demonstrat sed ex ijs, quas in animo concipit, quarum illæ sunt notæ ac figuræ. Quæcunque illa non supponit.

*Non vult Arist. definitionem esse vocem simplicem, sed vult eam non esse orationem perfectam quæ verum vel falsum significat.

Esine

Est-ne aliud discrimen inter suppositionem suæ postulatum & definitionem?

Est. Nam suppositio & postulatum omne vel est, ut totum, vel ut in parte, id est, uniuersale vel particulare, cū sit propositio: at Definitio neutrum horum est, id est, necq; uniuersalis necq; particularis.

Cum Demonstratio sit uniuersaliū, (ut dictum est in cap: præcedenti.) Hoc abs te libenter scirem, utrum necesse est, si Demonstratio fuerit, in eā esse species si uē uniuersalia præter multa, hoc est, quæ à rebus singulis separantur, quales posuit Plato Idæas, an potius uniuersalia, quæ sunt in singularibus?

Illud uniuersale, quod est in Demonstratione, erit unum in multis, hoc est, uniuersale, quod coheret in suis singularibus, quia aliās non erit uniuersale, quod si uniuersale non sit, Medium non erit, nec Demonstratio: oportet ergo ut in Demonstratione sit uniuersale quod unum idemq; sit in multis: deinde quod non sit æquiuocum.

Ex communibus principijs quot sunt maxime generalia & omnium scientiarum communia?

Duo, unum negativum: affirmativum alterum. utraq; vocantur principia contradictionis.

Quod est negativum?

Unum & idem non potest simul affirmari & negari (respectu eiusdem) de eadem re.

Num hoc principium ponitur in Demonstratione?

Non actu ponitur, sed virtute tantum, nempe cum restringitur, quod tum contingit, cum talis etiam conclusio demonstranda sit.

Vbi in Demonstratione locum habet hoc principium, cum eam ingreditur?

Ad primum, hoc est, ad Maius extremum, tum in maiori propositione tum in conclusione apponendum est &

Hoc euenit, quoties cum proteruo aduersario & cauillante agimus.

nūquā ad Mediū, aut ad tertium id est, Minus extremū.

Exemplum proferas.

Sint hi tres termini. Animal, quod erit Maior extremitas, Callias, Minor extremitas. homo, Medius terminus. Ad Maiorem extremitatem ponitur contradictio, si ita proferamus, Animal, non Animal, Fiat ergo Demonstratio. Omnis homo est animal, & non est non animal. Callias est homo. Ergo Callias est animal, & non est non animal.

Hæc non est Demonstratio
o; p; imo quia
est singularis,
deinde quia
Animal non
est affectio.

Num ad Minorem extremitatem, vel ad Medium terminum ponenda erit illa contradictio?

Non. Est enim hoc inutile. Nam si iis vel eorum alii apponeretur, nihilominus sequeretur conclusio: quare hoc non est faciendum, cum sit inutile & superuacaneum.

Quare Maiori extremitati, & non Minori, aut Medii termino apponitur?

Ratio hæc assignari potest. Quia illi termino apponenda est, qui in Demonstratione bis prædicatur, & non omnino subiicitur, talis autem est Maior extremitas, quæ in Maiore propositione de Medio, in conclusione de alio, quod est in pluribus, hoc est, de Minore extremitate seu subiecto vniuersali dicitur.

Hoc intelligi debet in Demonstratione, quæ in prima figura concluditur. Nā in secunda Medium bis prædicatur.

Quod est principium affirmativum?

De quavis re vera est affirmatio vel negatio: hoc est, quodlibet affirmatur vel negatur de quolibet.

Quando locum habet in Demonstratione?

Cum ad proprium subiectum scientiæ restrictum traducitur, idque in Demonstratione obliqua, quæ ad impossibile ducit.

De hac Demonstratione vide infra c. 22.

Num omnes scientiæ principijs communibus communicant.

Maximè. Nam ex his (limitatis & restrictis) quælibet scientia demonstrat tanquam ex causis, sed non secundum ea, de quibus demonstrant, id est, subiecta, nec quod

quod demonstrant, id est, affectiones. Nam hæc duo propria sunt & alijs scientiis non conueniunt.

Num sicut sunt principia omnibus scientiis communia; ita sunt scientiæ communes omnibus scientiis?

Sunt: Dialectica scilicet: & si qua scientia vniuersaliter conatur probare communia principia, quale illud est. De quavis re uera est affirmatio vel negatio, item & illud: Si ab æqualibus &c. intelligo Metaphysicam.

Nonne Dialectica est definitorum, hoc est, certum & definitum habet subiectum, circa quod versatur?

Nequaquam. Nam scientia, quæ proprium & certum habet subiectum, demonstrat. Dialectica non demonstrat. Ergo non habet proprium subiectum. Quod non demonstrat, patet. Demonstrator non interrogat vtramque contradictionis partem, quia ex vtriusque, cum sint opposita, non probatur idem, vt dictum est in lib. de syllogismo, id est, in 2. lib. Priorum. cap. 5. Dialectica interrogat. Ergo non demonstrat.

SCHOLIA IN CAP. 8.

Definiuntur hic non solum principia complexa, quales sunt propositiones, sed etiam principia simplicia, cuiusmodi est subiectum, sicut patet ex Philosophi exemplis, ubi discrimen statuit inter principia, & ea quæ fiunt ex principiis, id est affectiones. Præterea principia complexa tum communia, tum propria hic definiuntur. Nam communia quod sint, vera scilicet non potest omnino demonstrari, propria quod sint, non potest probari in eadē scientiā, cuius sunt principia. Sed quāvis hic definiatur principia

pia cōplexa & simplicia: tamē diuiduntur rātū com-
plexa & nō simplicia, siquidē principia simplicia, qua
lia sunt subiecta, communia non sunt, nisi scientijs
solum subalternis.

b Pluriq; Interpretes vnitatē subiecti exēplū, Re-
ctū & Triangulū affectionū exēpla esse dicūt, ita vt
Triangulū sumatur pro Triangulari vt in cap. 4. Nā
hac omnia quid significent, prae cognoscuntur. Zaba-
rella contendit hac esse exempla subiecti, nō affectio-
num, nempe pro lineā rectā & figurā sumi, quod
probat ex eo, quod Philosophus loco Recti & Tri-
anguli, subiungat Magnitudinem, quae est genus
ipsorum, quod ambo complectitur, quasi breuitatis
causa hāc pro illis sumens, dicat, omnē magnitudinē
Geometra cognoscit esse. Sed res est exigui momēti.

c Axiomata siue principia communia ingrediūtur
demonstrationē, si fuerint coarctata ad subiectū vel
materiā sciētia. Nā tūc nō amplius sunt cōmunia,
sed propria. Verbi gratia. hoc principiū cōmune (si ab
equalibus equalia auferātur, quae remanēt sunt e-
qualia) si ad numerū coarctatū traducatur (vt si ab
equalibus numeris aequales numeri auferūtur, qui
remanēt sunt aequales) nō est āplius cōmune, sed pro-
priū Arithmetice: si ad magnitudinē tantū restrin-
gatur, erit propriū Geometriae. Nā quēadmodū ho-
monymū, siue ābiguū, quā est homonymū, aut ābigu-
um, in propositione, aut in vnā aliquā Categoriā repo-
nerequit, restrictū tamē in vtriusq; locū habet, nec ā-
plius est homonymū, sed synonymū & vniuocū: Sic

An Axioma-
ta siue prin-
cipia commu-
nia ingredi-
antur Demō-
strationem?

Principia
communia
quæ?

Principia
propria quæ?

Irrationale ~
quid?

Rationale
quid?
Lib. 10.

Inflexi quid?

principia communia quâ communia sunt, non ponuntur in Demonstratione, sed si restringantur ad materiam scientiæ, in eâ possunt collocari, & nō amplius sunt cōmunia sed propria. Vnde principia cōmunia ingrediuntur Demonstrationē, nō formalitèr (ut loquuntur) & actū, sed virtute, nempe cum sunt limitata & restricta. principia cōmunia dicuntur generales quædā & communes propositiones, quæ vel omnibus, vel pluribus inserviunt scientiis. Vt omne totum est maius sua parte. Si ab equalibus &c. Propria principia sunt ea, quæ propriè & peculiaritèr uni scientiæ accommodantur: ut omnes lineæ rectæ ductæ à cetro circuli ad circumferentiam eiusdem, sunt æquales: hoc principium est proprium Geometriæ. Vtraq; principia dignoscuntur ex terminis, ex quibus cōficiuntur. Quidam enim termini sunt Artium & scientiarum proprii: quidam sunt cōmunes omnibus, vel pluribus. d Hinc patet cubū in cap. 7. non pro cubo Geometrico aut Stereometrico, sed Arithmetico sumi: tamen hoc in loco cubus non pro ipso numero, sed pro affectione numeri accipitur, sicut etiam & quadratū. e Irrationale est linea vel magnitudo, quæ non cōmēsuratur eadē cōmuni mensura, qua alia cōmēsuratur. Ut: Diameter & latus figuræ sūt irrationales, quia inter eas nō est aliqua ratio seu proportio. Et rationale est linea, cui⁹ eadē est mēsuræ cū alia: Hinc Euclides cōmēsurabiles lineas appellat rationales; & incommensurabiles vocat irrationales, & surdas.

f Inflexi siue reflecti linea dicitur, cum ab uno pū-

cto

Et refilit: ut sit in pila. *Concurrere dicuntur, quæ iunguntur in uno puncto.* (I. q. 1. c. 1.)

Concurrere:

quid, manifestum

est, quod

in uno puncto

concurrunt

omnes

lineæ

et

h. Suppositio & postulatam re & naturâ non differunt, sed respectu discens. Nam si credit, dicitur suppositio, si nō credit, dicitur postulatam: unde eorum distinctio nō in re, sed in nobis est cān. Dicitur postulatam, quia is, qui demonstrat, postulat, ut cōcedatur, sine ulla demonstratōne. Hinc Cicero. *Ut Geometre solent (inquit) non omnia docere, sed postulare, ut sibi quedā cōcedantur, quo facilius, quæ velint, explicet.*

3. Officio.

Vide cap. 3.
& cap. 11.

i. Definitio si sumatur pro predicato, non affirmat aut negat, neq; indicat rem esse aut non esse, si autem accipiat pro predicato & subiecto (addita copula) utrumq; prestat. Tum enim propositio est.

k. Principia communia duplicia sunt: quadam per se nota sunt, quibus ex sola terminorum coniunctōne ac cognitione, quibuslibet alijs semotis, cogimur assentiri: ut. *Quodlibet est, vel non est. Nihil est, & non est. Si ab æqualibus æqualia demas, quæ remanēt sunt æqualia. Omne totum est maior sua parte.*

Alia sunt, quæ ex se non cognoscuntur, sed ad illorū percipiendam cognitionem sensu opus est, aut inducōne, aut experientia, aut analogiâ aut alio huiusmodi. *Ut: omnis quantitas ex partibus conflatur &c.* Nonnulli sunt qui existimant nomine dignitatū aut principiorum communium propriè duntaxat cōprehendi hæc duo principia communia. *Lovan:*

l. Ex hoc loco aliqui colligunt Dialecticam.

Dialectica
nullum habet
subiectu
reale, intenti
onale yero
(vt volunt
nonnulli)
habet.

non esse scientiam, quia nullum proprium & certum
habet subiectum, sed per omnia scientiarum subie-
cta vagatur: unde dicitur (1. Top. cap. 1.) de quo-
libet themate probabiliter differere. Nonnulli ta-
men distinguunt Dialecticam in Docentem & v-
tentem: aiunt illam esse scientiam, & proprium ha-
bere subiectum, nempe Argumentationem: hanc
non esse scientiam, sed instrumentum scientie: Za-
barella vero in contrariam constitutus est opinione. Is
enim existimat docentem non esse scientiam: vten-
tem vero, vel rebus applicatam esse scientiam, sed
ideo non dici scientiam, quia non ita est scientia, ut
distincta sit ab illa, cui applicatur, sed eadem est
prorsus. ut: Logica, applicata rebus naturalibus, est
Philosophia naturalis, applicata Arithmetica, est
Arithmetica. Vide Zabarellam lib. 2. de natura
Logices. cap. 3. 4. 5. & 6. Et Hospinianum cap. 2. de
controuersijs Dialecticis.

ANALYSIS CAP. 9.

ARGUMENTVM

CVM & conclusiones, & propositiones & princi-
pia propria esse in Demonstratione qualibet &
scientia decesset: nunc etiam interrogationes,
responsiones & alia propria esse docet. Quatuor sunt
partes huius cap: Primo ostendit esse in qualibet sci-
entia proprias interrogationes, responsiones & disputati-
ones. Secundo. Tres quæstiones mouet, easque resol-
uit.

dit. Tertiò exponit quomodo syllogismus ignorantie & syllogismus sophisticus distinguantur. Quartò quomodo syllogismus Demonstratiuus & Dialecticus differunt, primò ratione resolutionis, secundò ratione incrementi.

Sunt ne in qualibet scientiâ propriæ interrogationes syllogisticæ?

Sunt: quod hoc modo probari potest. In qualibet scientia sunt propriæ propositiones, ex quibus syllogismus illius scientiæ conficitur, & etiam propria principia: sed interrogationes syllogisticæ cuiuslibet scientiæ sunt propriæ propositiones eiusdem. Ergo in qualibet scientia sunt propriæ interrogationes syllogisticæ.

Ergo non omnis interrogatio est Geometrica vel Medica.

Non est. Sed illæ sunt Geometricæ interrogationes, ex quibus vel probatur eorum quippiam, de quibus est Geometria, hoc est conclusio Geometrica: vel quæ ex iisdem principiis probantur, ex quibus Geometria, hoc est, conclusiones scientiarum, quæ sunt ipsi subordinatæ, quales sunt conclusiones Opticæ. Optica enim est subordinata Geometriæ: vnde de iis, in quibus versatur Optica, hoc est, de conclusionibus Opticis, ratio reddenda est ex Geometriæ principiis & conclusionibus.

Num Geometra de principiis suis rationem reddat?

Non quâ est Geometra. Nam quâ est Geometra, non potest principia sua probare, sed quâ est Metaphysicus. Fieri enim potest vt Geometra sit Metaphysicus, aut Dialecticus.

Num, sicut in qualibet scientia sunt propriæ interrogationes: ita sunt propriæ responsiones & disputationes?

Maximè. Nam non quælibet responsio ad quamlibet interrogationem accommodanda est, nec quælibet dis-

putatio in qualibet scientiâ habenda est, sed quæ sit eius propria: vnde qui disputat cum Geometra, quâ est Geometra, hoc est, si ex principiis Geometricis conclusionem Geometricam probat, rectè facit: sin minus, non rectè. Non enim redarguit, aut conuincit ipsum nisi per accidens. Ita q; apud Geometriæ imperitos de Geometria non est differendum, eo quod rectè ne anperperam disputetur, intelligi non possit. Quod idem in alijs scientiis obseruandum.

Nonnulli has tres questiones ad duas reducunt. Cōfundunt enim primā & secundam.

Hæc tria abs te libèter cognoscerem. 1. Vtrum, sicut sunt Geometricæ interrogationes; sic etiam sunt interrogationes non Geometricæ? 2. Vtrum interrogationes, quæ fiunt ex ignorantia Geometriæ, sunt Geometricæ? 3. Vtrum syllogismus ignorantie is sit, qui ex oppositis principiorum, quæ falsa sunt, constat, id est, qui peccat in materiâ, an paralogismus, de re tamen Geometrica vel alterius scientiæ, id est, qui peccat in formâ?

* Vide supra c. 5. & 8.

Hinc duplex colligitur ignorantia, prout re negationis, & prout dispositionis. vide utramque infra c. 21.

Quod ad primum attinet, dico esse interrogationes non Geometricas, nempe illas, quæ aliarum sunt scientiarum, quales sunt Musicæ & huiusmodi. Quod ad secundum spectat, quale illud est, putare æquidistantes lineas siuè * parallelas concurrere, respondeo tales interrogationes ex parte esse Geometricas, ex parte esse non Geometricas. Nam non Geometricum duobus modis dicitur, sicut & arithmetum, id est, non numerosum. Vno modo purè negatiuè, pro eo, quod nihil habet a Geometriâ, vt non numerosum dicitur, quod nihil habet a numero: Et sic interrogatio Musica, vel alterius scientiæ dicitur non Geometrica. Alio modo priuatiuè, pro eo quod habet aliquid a Geometria (terminos scilicet) sed prauè habet, hoc est, malè eos terminos coniungit: Et sic interrogatio, quæ constat ex terminis Geometricis, malè tamen coniunctis, vt putare li-

neas æquidistantes concurrere, dicitur non Geometrica. Nam etsi sit Geometrica quoad materiam, nempe terminos, tamen non est Geometrica quoad formam & coniunctionem eorum, nempe quoad veritatem. Quod ad tertium pertinet, aio illum esse syllogismum ignorantie, qui ex huiusmodi principiis, id est, ex falsis & oppositis principiorum constat, nempe illum ignorantie syllogismum iudico, qui peccat in materia & non in forma.

Quare in Mathematicis & in cæteris scientiis non eque atq; in disputationibus (Dialecticis) fit paralogismus, i. syllogismus peccans in formâ, & preferim qui ex æquivocatione oritur, qui est vulgarissimus modus decipiendi?

Quia in syllogismo ignorantie, qualis in scientiis aliquando contingit, Medium semper est duplex, id est, idem Medium re & voce bis sumitur, semel in Maiori propositione, semel in Minori. Nam in Maiori aliud, id est, Maior extremitas de ipso omni affirmatur; in Minori ipsum Mediũ de alio, i. de Minori extremitate eoque omni dicitur, (prædicato verò signum universale, ut omne, non subiecto apponitur:) at ubi est æquivocationis paralogismus, idem Medium non bis sumitur. Nā ambiguum est, & duo Media continet, unde intali sunt quatuor termini. In scientiis itaq; numquam later ambiguitas, sicut in disputationibus Dialecticis, quod intelligentia, hoc est, oculis mentis, perspicere possumus. Videmus enim hanc dictionem *circulum* tum in syllogismo ignorantie, tum in Demonstratione eodem modo sumi, nempe pro figura descripta: at in disputationibus Dialecticis, hoc est, in syllogismo sophistico non tantum pro figura, sed etiam pro carminibus usurpari potest. Vnde talem paralogismum conficit Sophista, *omnis circulus est figura. Carmina sunt circulus. Ergo carmina sunt figura.*

Nonnulli hic volunt Philosopherum ad tertiam questionem respondere, & usque ad finem capitis statuere quædam discrimina inter Syllogismum scienciarum & Syllogismum Dialecticum.

Num eadem instantiâ utriq, hi syllogismi, peccantes scilicet in materiâ & peccantes in formâ, solui debent?

Nequaquam. Nam ad syllogismum peccantem in materiâ siuè ad syllogismum ignorantiz diluendum non sufficit instantia siuè propositio inductiua, (ex qua inductio fieri solet) hoc est, singularis, sed requiritur instantia vniuersalis, quod sic probari potest, omnis propositio Demonstrationis est de pluribus, id est, vniuersalis: omnis instantia, quæ affertur contra syllogismum ignorantiz, est propositio Demonstrationis (obiectionis enim siuè instantiz & propositiones eedem sunt) Ergo omnis huiusmodi instantia est vniuersalis: Sed ad destruendum syllogismum sophisticum instantia potest esse vniuersalis, vel singularis siuè particularis.

Obiectio.

Paralogismi sunt in scientijs. Ergo falsa sint ea, quæ suprà protulisti. Anteced: proba. Cæneus Philosophus cum probaret ignem per multiplicem proportionem produci, tali argumento usus est. Quicquid per multiplicem proportionem producitur, celerrimè gignitur. Ignis celerrimè gignitur. Ergo ignis per multiplicem proportionem producitur. In quo argumento Medium est consequens utriusq, extremi, id est, est bis prædicatum, & tamen conclusio est affirmatiua, quod fieri non debet in secundâ figurâ.

Solutio.

Illa argumentatio Cænei legitima erit, si celerrime proportioni consequens sit multiplex proportio: hoc fit, si Maior propositio simpliciter conuertatur, hoc modo. Quicquid celerrimè gignitur, per multiplicem proportionem producitur. Ignis celerrimè gignitur. Ergo ignis per multiplicem proportionem producitur. Vnde aliquando conclusio non potest esse affirmatiua in secundâ figurâ; aliquando potest, sed non videretur
est

esse secunda figura, quia est prima: Et hoc contingit cum termini sunt conuertibiles. Tunc enim per simplicem conuersionem Maioris fit syllogismus in prima figura, sicut iam dictum est.

Cum ostenderis discrimen inter vitiosos syllogismos scientiarum & Dialecticæ: iam ostende discrimen inter legitimis syllogismos earumdem, hoc est, inter syllogismum Demonstratiuum & Dialecticum.

Vnum discrimen hoc est, ex parte resolutionis. Facilius potest, conclusio syllogismi Demonstratiui resolui in sua principia, quam Dialectici, quod sic probari potest. Illa conclusio, quæ pauciora principia habet, facilius resoluitur, quam illa, quæ plura habet: at syllogismi Demonstratiui pauciora sunt principia quam Dialectici. Ergo &c. Minor pater. Quia illius principia vera tantum sunt, huius & vera & falsa esse possunt, cum sint probabilia. Nam ex falsis verum concludi potest in syllogismo Dialectico. 2. cap. 2. Prior: at hoc numquam contingit in Demonstratiuo. vera enim conclusio semper ex veris præmissis colligitur. ut si A. ponatur esse, i. si conclusio vera est, necesse est ut ea, quæ sunt B. i. præmissæ, sint vera. Nam quæ in Mathematicis & scientiis traduntur, magis conuertuntur, quam quæ in Dialectica sunt, quia scientiæ nullum accidens accipiunt (hoc enim differunt ab ijs de quibus differitur siue quæ in * dialogis continentur) sed definitiones: unde termini omnes in Demonstratione affirmatiua sunt cōuertibiles, & si præmissæ sint veræ & necessariae, conclusio talis futura est, & e regione, si conclusio sit vera & necessaria, tales erunt præmissæ.

Estne aliud discrimen inter syllogismum Demonstratiuum & Dialecticum ex parte augmenti siue incrementi ipsorum?

Est. Nam non eodem modo augentur. Syllogismi enim Dialectici, vel eorum conclusiones per media possunt

Si termini sint conuertibiles, conclusio potest esse aliens in secunda figura, quia maior potest conuerti simpliciter.

Conclusionē resoluerē est principia eius inuenire.

Per dialogos intelligit disputationes Dialecticas, Disputationes enim fere dialogis constat cum mutua interrogantium & respondentium quasi ser-

motinatione
perficiuntur.
Ita Diogene
lib. 3. Diale-
cticam defi-
nit ut sit Ars
disputandi,
per quam ali-
quid proba-
mus aut im-
probamus ex
interrogatio-
ne & respon-
sione differe-
tium. Mathis.

possunt augeri. Vnius enim conclusionis Dialectice
plura possunt esse media: at Demonstrationes per me-
dia non augentur, sed aliis duobus modis. Primò
quia assumunt alia: siuè in directum augentur, nempe
cum per vnam conclusionem aliam ostendunt, & per
hanc rursus aliam. Ut cum per A. docent B. per B.
docent C. per C. docent D. Secundò in transuersum,
siuè in latus augentur, ut cum A. propriam passionem
demonstrant de C. & de E. diuersis subiectis per me-
dia B. & D. vel uti numerus tantus, hoc est, ad certam spe-
ciem reductus: aut infinitus, id est, in communi sumptus
de ternario & quaternario per impar & par demonstra-
tur. Primò de ternario per Medium (impar) hoc modo.

Omne B. est A.

Omne C. est B.

Omne C. est A.

id est.

Omne impar est numerus.

Omnis ternarius est impar. Ergo

Omnis ternarius est numerus.

Secundò de quaternario per Medium (par) hoc pacto.

Omne D. est A.

Omne E. est D.

Omne E. est A.

id est.

Omne par est numerus

Omnis quaternarius est par. Ergo

Omnis quaternarius est numerus.

Haec non sunt
demonstrati-
ones, quia nu-
merus non
est affectio.

SCHOLIA IN CAP. 9.

Obiectio.

a **D**ialecticus interrogat, & non Demonstrator,
sicut ostendit Philosophus in fine ca. 8. Ergo

in qualibet scientia non sunt interrogationes.

Solutio.

uterq; interrogat, sed non eodem modo, nec ob eundem finem. Dialecticus interrogat utramq; contradictionis partem: Demonstrator unam, eam nempe, quae vera est: Dialecticus interrogat, quia dubitat, & incertus est, quid respondens ei confirmandum vel refellendum dederit, affirmantem scilicet: vel negantem, contradictionis partem: Demonstrator interrogat, non quia dubitat, aut consensum respondentis vel discentis habeat, sed ut maiorem certitudinem & firmiorem scientiam in eius animo pariat. Vt: Nonne omne animal rationale est risibile? Nonne omnis homo est animal rationale? Ergo omnis homo est risibilis. Hac Zabarella. Nonnulli respondent Dialecticum interrogare praemissas & conclusionem, Demonstratorem conclusionem tantum, non praemissas siue principia: sed hi verbis Philosophi refragantur. Nam erit interrogatio quaedam scientialis (inquit Arist: in cap. 9) de his, ex quibus fit syllogismus in quaq; scientia proprius, hoc est, Demonstrativus: sed tamen ut dictum est, ea interrogat, non quasi ea probaturus sit (in eadem praesertim scientia) sed ut efficacius ex iis inferat conclusionem. Quamvis nonnulli dicant eum interrogare non prima principia, sed ea, quae in alia Demonstratione erant conclusiones. Aliqui per interrogationes intelligunt postulata, quae sunt in unaquaq; scientia.

An demonstrator inter-
roget.

Obiectio.

Propositio significat verum vel falsum. Nulla interrogatio

gatio significat verū vel falsum. Ergo nulla interrogatio est propositio.

Solutio.

Propositio, quatenus extra syllogismum interrogatur non significat verum vel falsum: quatenus, vero in syllogismo (ablata interrogatione) ponitur, verū vel falsum designat: unde solo enunciandi modo haec tria differunt. Interrogatio, quaestio, & propositio. Non omnis interrogatio est propositio, sed ea tantum, quae (ablata interrogandi particula) potest esse in syllogismo & propositionis naturam induere: unde Philosophus non ait omnem interrogationem esse propositionem, sed interrogationem syllogisticam, id est, ex qua confici potest syllogismus.

Arythmus
quid?

Ῥυθμὸς significat rythmum, numerum, concinnitatem: modulationem & aequam proportionem: hinc ἀρρυθμὸς rythmo siue concinnitate carens, nullā habens concinnitatem seu modulationem, qualis est numerorum. Rythmus in oratione (inquit Zabarella) id quod nos latine vocamus numerum, unde orationem dicimus numerosam, de quo fit sermo in lib. Arist: de arte poetica, est quadam conveniens proportio seu harmonia syllabarum longarum & brevium, absq; tamen ulla soni consideratione. Quod dictum est de non Geometrico, & non numero, idem dicendum est de non Musico, non Arithmetico &c. Arist: in lib: Elenchor: cap. 9. talem sophistarum paralogismum recenset. Omnis circulus est figura. Homeri poema est circulus. Ergo Homeri poema est figura.

figura. Ratto autem cur circulus accipiat in
 syllogismo ignorantia uniuoce pro circulo descripto
 siue circulari figura: in sophistico uero æquiuocè pro
 carminibus etiam, hæc reddi solet: quia Demon-
 strator, cui ex diametro repugnat, qui syllogis-
 mum ignorantia conficit, hanc unam circuli sig-
 nificationem considerat, cum tamen Sophista cir-
 culum non tantum, ut ad Geometriam pertinet,
 sed in latâ suâ significatione usurpet. Nam sicut
 Dialecticus: ita & Sophista, qui ipsius simia esse
 videtur, circa omnes scientias versatur, nec ma-
 gis (inquit Zabarella) in Geometria quam in arte
 poetica versatur: unde nullam huius uocis signi-
 ficationem magis quam alias in animo sibi constan-
 tam ac præscriptam habet, proinde nomen circuli
 æque poetice pro carminibus ac Geometricè pro fi-
 gura usurpare solet. Quamobrem (inquit Ma-
 ior) infinite animus (Sophista) distrahitur & in tan-
 tarum significatarum varietate, quid amplecti
 potissimum debeat, ignorat, perinde scilicet.

Ut stat, & incertus qua sit sibi nescit eundem,
 cum uidet ex omni parte viator iter.

Quemadmodum Ouidius ait.

d. Nonnulli illud carmen circulum dici volunt, cu-
 ius idem est principium & finis, quale illud est.

(Crescit amor nummi, quantum ipsa pecunia
 crescit.

Alii illud carmen appellant circulum, cuius literæ
 ordine retrogrado siue inuer solectæ & repetitæ ea-
 dem

dem verba & eundem sensum retinent, quæ ante ordinem retrogradum retinuerunt. Vt.

Signa te, signa, temere me tangis et angis,
Roma tibi subito motibus ibit amor.

Mathis.

Philoponus id carminis genus appellat circulum, in quo idem versus & principium & finis esse potest Vt in illo Homeri Epigrammate, quod in Midæ Phrigi regē, teste Herodoto, cōscripsit, cuius hæc est scētia.

Aërea virgo sum, Midæ autē in sepulchro iaceo

Donec aqua natarit & arbores longē floruerint,

Sol autem ascendens niteat, & lucida luna,

Illie autem manens, lachrymoso in sepulchro,

Nūcio accedetibus, quod Midas hic sepultus est.

Et hæc opinio videtur magis ad mentem Philosophi accedere, qui videtur hoc ipsum Homeri epigramma intellexisse in lib. Elench. cap. 9. Vbi illum paralogismum protulit, quo Sophista conati sunt probare poema Homeri esse figuram, quia circulus est.

e

1. Ad desirvendam tantū falsam Demonstrationem, & sic particularis instantia sufficit.

Tolet.

Instantia

in scienti-

is sit vel

2. Ad construendam etiam oppositam Demonstrationem, quæ vera est, & sic requiritur universalis instantia, quia propositiones Demonstrationis (universalis & propria) sunt universales, ut ante dictum est in cap. 7.

Nota.

Instantia siue obiectio & propositio re idem sunt. Instantia enim est propositio propositioni contraria ut ait Philosophus 2. lib. Prior. sed ratione differunt. Nam dicitur instantia respectu oppositæ falsæ: dicitur propositio respectu conclusionis veræ, quæ ex ea inferitur. Zabarella.

f Mul.

f Multiplex proportio propriè (sicut habet Zabarel-
la) in numeris est, quando multi numeri ita sunt dis-
positi, ut secundum eandem rationem quilibet sequens
sit multiplex præcedentis, hoc est, duplex, vel triplex,
vel huiusmodi. Ut 1. 2. 4. 8. 16. 32. 64. in his est ra-
tio duplex. Quilibet enim sequens numerus præce-
dentem bis superat: in his verò 1. 3. 9. 27. 81. 243.
729. ratio est tripla. Nam quilibet sequens numerus
antecedentem ter superat: unde per hanc multipli-
cem proportionem celerrimè sit augmentum numero-
rum: idè Canens Philosophus eam igni attribuit per
quandam similitudinem, cum celerrimè ignis crescat.
Quare per celerrimam generationem ostendit ignem
generari secundum multiplicem proportionem, quæ De-
monstratio an valida sit, non considerat Philosophus.
Augmentum syllogismorum est duplex. Vnum in-
directum, id est, directo ordine procedendo, cum per
conclusionem demonstratam, iterum aliâ, & per illâ
aliâ demonstramus: ut: Omnis figura habens exte-
riore angulū duobus interioribus, sibi oppositis, æqua-
lè, habet tres angulos duobus rectis æquales: Omne
triangulū est huiusmodi figura. Ergo omne triangu-
lū habet tres angulos &c. Hac conclusio altam de-
monstrare potest: ut: Omne triangulū habet tres an-
gulos duobus rectis æquales. Omnis Isosceles est
triangulum. Ergo &c. rursus: Omnis Isosceles ha-
bet tres angulos duobus rectis æquales: at quæ des-
cribitur in semicirculo, Isosceles est. Ergo &c.
Hoc augmentum est in Demonstrationibus ut

Multiplex
proportio
quid?

Augmentum
Syllogismorum
duplex.

* Eadem affectio de diuersis subiectis demonstratur tantum in scientijs subalternis, vbi subalternantis affectio de subiecto subalternante altera-
to ideoque quodammodo diuerso dicitur.
Crelliur.

docet Arist: in cap. 8. Vbi dicit Demonstrationes fieri tum ex principijs, tum ex conclusionibus demonstratis. Vide supra in cap. 2. Alterū in transuersum siue in latus, idq, bifariam: vel cum aliquam affectionem de diuersis subiectis per diuersa Media demonstramus: Et hoc etiam in Demonstrationibus locum habet. Exempla adiunximus in *Analys:* cap. ex ipso Arist: sed tamen illa Demonstrationes non sunt: vel cum aliquam affectionem de vno & eodem subiecto per diuersa Media demonstramus: Et hoc in Demonstrationibus non reperitur. Ratio est, quia Medium est causa, & vnius effectus siue affectionis vna tantum est causa proxima. Ergo vnicum erit Medium, at in syllogismo Dialectico potest reperiri. Risibile enim potest concludi de homine per animal rationale, capax disciplinae, & huiusmodi.

Obiectio.

Dicit Philosophus in cap. 23. huius lib. quod eiusdem rei multe sunt Demonstrationes, & in cap. 21. quod eiusdem multe sunt Media. Ergo Demonstrationes augentur per Media.

Solutio.

Eiusdem effectus æquiuoci multe sunt Demonstrationes & multa Media, sed nō vniuoci. Huius enim unicū est Mediū, præsertim proximū, etiā si multa possint esse remota Media ipsius. Sic dicendū est de propriā passione. Nā vniuoca nō cōpetit nisi vni subiecto primo per vniū solum Mediū: æquiuoca multis subiectis conuenire potest, idq, per diuersa Media.

ANALYSIS CAP. IO.

ARGUMENTUM.

HActenus Arist. de accurata illa Demonstratione & potissima, quæ ex causis proximis procedit, disserunt: Comparat nunc eam cum altera illa Demonstratione, quæ ex effectis & causis remotis progreditur, quarum utraq; cum scientiæ quedam comparatur: Et quid inter eas scientias intersit, & quomodo illæ Demonstrationes distinguantur, hoc capite explanat. Mathis: Dux sunt partes huius cap. Primò ostendit quomodo illæ Demonstrationes, siue scire cur res sit, & scire quod res sit differant in eadem scientia: Secundò quomodo in diuersis.

Qua ratione differunt inter se scire quod sit res, & scire cur sit?

Primò differunt in eadem scientia: Secundò in diuersis scientiis.

Quo modis differunt in eadem scientia?

Duobus modis. Primò. Scire quod sit res, est scire per causam non immediatam, hoc est, per remotam: scire cur sit, est per causam primam, hoc est, per proximam nosse. Secundò, scire quod sit res, est per effecta cognoscere, quæ tamen immedita sunt: scire cur sit, est per causam scire.

Qui fieri potest, ut per id, quod non est causa, hoc est, per effectum, sciamus, cum ipsum sit posterius?

Effectum est prius & notius nobis, etiam si non naturâ: unde per istud scire poterimus, quia scientia fit per notiora.

Exempla proferas ipsius scire quod sit, ac primò eius quod per effecta sit.

Vnum exemplum hoc est. Sint tres termini, C. Planeta, Minor extremitas. B. non scintillare, Medium. A. propè esse, Maior extremitas. Fiat ergo Demonstratio in hunc modum.

Omne B. est A.

Omne C. est B.

Omne C. est A.

id est.

Quæ non scintillant, propè sunt, ut patet inductione & sensu.

Planeta non scintillans. Ergo

Planeta propè sunt.

Hæc Demonstratio non est propter Quid, unde scientia cur sit, oritur: sed Demonstratio Quia, unde scire Quod sit promanar. Nam demonstratur in eâ causa per effectum. Causa enim est, propè esse, Effectum, non scintillare. Non enim quia non scintillant, ideo propè sunt, sed è contra, quia propè sunt, ideo non scintillant.

Potest-ne alterum per alterum probari, hoc est, potest-ne illa Demonstratio Quia, reduci ad Demonstrationem propter Quid siue potissimam?

Potest, si termini transponantur, nempe si Maior extremitas fiat Medium, & Medium fiat Maior extremitas, quod sit, si Maior propositio conuertatur simpliciter. Fiat ergo B. propè esse, Medium. A. non scintillare, Maior extremitas, & erit Demonstratio propter Quid. Vt.

Omne B. est A.

Omne C. est B. Ergo

Omne C. est A.

id est.

Quæ propè sunt, non scintillant.

Planeta propè sunt. Ergo

Planeta non scintillant.

¶ Iam effectum demonstratur per causam primam & pro

proximam. Nam planetæ non scintillant, quia propè sunt.

Alterum exemplum offeras.

Alterum exemplum hoc sit.

Quod per accresiones illuminatur, id globosum est, & rotundum:

Luna per accresiones illuminatur. Ergo

Luna est globosa & rotunda.

Hic demonstratur etiam causa per effectum. Non enim talis accretio luminis causa est, cur luna sit rotunda, sed quia luna est rotunda, ideo talis est accretio luminis ipsius. Vnde & hæc Demonstratio, si termini transponantur, ut in superiori, erit Demonstratio propter Quid. Sit ergo luna C. rotundum B. luminis accretio A. Ut.

Quod est globosum, per accresiones illuminatur.

Luna est globosa. Ergo

Luna per accresiones illuminatur.

Num semper Demonstratio Quia: quæ sit ex effectis, potest reduci ad Demonstrationem propter Quid?

Non: nisi cum effectum & causa, hoc est Medium & Maius extremum inter se reciprocentur.

Quæ præterea Demonstratio Quia, non potest reduci ad Demonstrationem propter Quid?

Illæ, cuius Medium extrinsecus ponitur, id est, bis est prædicatum, cum scilicet Demonstratio in Mediâ seu secundâ figurâ concluditur, quales sunt Demonstrationes, quæ sunt per causam remotâ. Nullæ enim harum possunt reduci ad Demonstrationem propter Quid, quia in his non dicitur causa, proxima nempe & adæquata. Ut si quis demonstraret parietem non respirare, quia non est animal. Nam non esse animal, non est causa proxima, cur non respiret paries: quod sic probo. Si non animal esset causa non respirationis, tum animal esset

Hoc est, paulatim & incessive, non simul tota: quæ si plana esset tota simul illuminaretur. Nonnulli sic colligunt: Quod in globosam figurâ accrescit, est globosum, luna sic accrescit. Ergo luna est globosa. videlicet lib. 2. de celo c. 12.

causa respirationis: sed hoc falsum est. Ergo & illud. Maior prob: quia si negatio sit causa negationis, vel cur res non insit, tū affirmatio est causa affirmationis, vel cur insit: vt: Si intēperies calidi & frigidi sit causa non bene valendi siue ægitudinis, tum temperies eorundem est causa bene valēdi siue sanitatis: Eodem modo: Si affirmatio sit causa affirmationis, & negatio erit causa negationis. Minor. prob: si animal esset causa adequata respirationis, tum posito animali, ponitur respiratio, (quia posita causa ponitur effectum) sed posito animali non ponitur respiratio, quia multa animalia non respirant, vt pisces. Ergo animal non est causa respirationis.

Exemplum eorum, que dixisti, adducas.

Sint tres termini, A. animal, Medium. B. respirans, Maius extremū. C. paries, Minus extremum. Fiat ergo Demonstratio in Camestres.

Omne B. est A.

Nullum C. est A.

Nullum C. est B.

id est:

Omne respirans est animal.

Nullus paries est animal. Ergo

Nullus paries est respirans.

In hac Demonstratione animal est causa remota respirationis.

Quibus causis assimilantur he cause remotæ?

Assimilantur causis, quæ dicuntur per hyperbolē, id est, superlationem vel excessum: cum scilicet longē recedendo Medium sumimus, quod latius patet, quam causa proxima & adequata, quale est illud Anacharsidis, qui dicebat in Scythia non esse tibicines seu ebrias mulieres, quia vites illic non essent.

Cum ostenderit quo pacto scire quod res sit, & cur sit in eadem scientia differant: iam ostende quomodo in diversis scientiis distinguantur.

Causa proxima respiratio
nis est pulmo
quo carent
pisces, vt ha-
bet Philoso-
phus c. 1. lib.
de respiratio-
ne. Quamuis
Plinius lib. 9.
cap. affirmet
eos respi-
rare: nempe
quod pulmo-
rum vice,

Ut discrimen veriusq; cum ad diuersas scientias perti-
nent, ostendatur, notanda sunt quædam differentia: si-
uè diuersitates scientiarum, quia scientia: sunt in tripli-
ci differentia.

Quæ est prima scientiarum distinctio?

Quædam sunt scientia:, quæ purè sunt subalternæ, cum
scilicet scientia subalternata secundum se totam, vel totum
eius subiectum alteri subordinatur. Ut optice Geome-
tria: & Mechanica Stereometria: Musica Astronomiæ:
& Phænomena. id est, apparentia seu Nautica Astrolo-
gia: Et ferè hæ scientia: sunt synonymæ siuè yniuer-
sæ, hoc est, eodem nomine inferiores appellantur, quo su-
periores. Ut Astrologia dicitur, & ea, quæ est Mathema-
tica, & ea, quæ est Nautica. similiter Musica vocatur, &
i Mathematica siuè speculatiua, & ea, quæ spectatur se-
cundum auditum, hoc est, vocalis siuè practica. In hu-
iusmodi ergo scientiis ita differunt. Scire quod res sit,
& cur res sit, Scire quod res sit & Demonstratio. Quia, est
scientiarum, quæ sensus rationem habent, hoc est, sub-
alternatarum siuè inferiorum: Scire cur res sit, & e-
monstratio propter Quid, est scientiarum Mathematica-
rum, hoc est, subalternatum siuè superiorum. Hæ enim
causarum Demonstrationes habent, id est, cur res sit os-
tendunt, sed sæpè ignorat quod res sit. Sicut qui yniuer-
salia contemplatur, quædam particularia siuè singula-
ria sæpè ignorant, quia ad illi animum fortasse non ad-
uertat. Hoc enim ad inferiores pertinet, quæ versantur
circa subiecta sensibilia, cum superiores non circa sensibi-
lia, sed circa formas, hoc est, subiecta ab omni sensibili
materia abstracta cōsiderant. Res enim Mathematicæ
non sunt in villo subiecto.

Obiectio.

Res Mathematicæ accidentia sunt. (Nam sunt quan-
titates) Ergo sunt in subiecto.

Solutio.

G 1

Quam-

alia quædam
spirabilia vis-
cera ijs a nas-
tura attribu-
ta esse suspic-
atur. Vide
Plinium ibi-
dem.

Vide 21. cap.
2. prior.

Vide 2. cap. 3
Phys.

Quamuis res Mathematicæ, in sua naturâ consideratz
veluti Geometricæ, sint in subiecto, tamen quâ Geo-
metricè considerantur, nō sunt in subiecto, Nō enim ra-
tione, quâ sunt in subiecto, à Mathematico cōsiderā-
tur, sed qua per se sunt, & accidentibus subiiciuntur.

Quæ est secunda differentia scientiarum?

Quædam sunt scientiæ, quæ non purè sunt subalternæ,
sed quædam ex parte, quando scilicet: vna scientia alteri
subordinatur non secundum se totâ, sed secundū partē:
vnde plures sunt gradus subalternarum. Est enim quæ-
dam scientia, quæ eodem modo est affecta ad Opticē,
quo ipsa optice ad Geometriā, hoc est, interdū tres sunt
scientiæ ita ordinatz, vt sicut secunda est sub primâ, ita
tertia sub secūdâ: vt ea pars physicæ scilicet Naturalis Phi-
losophiæ, quæ de¹ Iride siue arcu cœlesti tractat (hoc
est, pars Meteorologicę sciētię) quodammodo subordina-
tur Optice. In huiusmodi ergo scientiis scire quod res sit
in inferiori scientiâ, scire cur sit in superiori reperitur:
vt: scire quod sit Iris, huiusmodi scilicet: coloribus tineta, est
physici siue Naturalis Philosophi: scire verò cur sit, hoc
est, cur tales videatur habere colores, vel cur ita appa-
reat, est opticæ, vel simpliciter opticæ, vel ratione sciē-
tiæ Mathematicæ, hoc est, ratione Geometriæ, cui op-
tica subordinatur.

Quæ est tertia differentia scientiarum?

Quædam sunt scientiæ, quæ quamuis non sint omnino
subalternæ, tamen in vnâ aliquâ conclusione conveni-
unt. Vna enim ostendit quod res sit, altera cur sit. Vt
▪ Medicina, siue Chirurgia & Geometria: Medicus scit
quod vulnera orbicularia siue rotunda tardius sanan-
tur, quam angularia (Hoc enim experiētiâ habet com-
pertum) nescit tamen causam, cur tardius sanantur:
▪ Geometra illam reddit, quia latera rotundæ figuræ
siue circuli magis à se inuicem distant, quam alterius
figuræ, & difficilius coniunguntur,

SCHOLIA IN CAP. 10.

a **Z** Abarella ait scire hoc in cap : non considerari eâ ratione, quâ est finis Demonstrationis, sed quâ est effectû & affectio ipsius. Nam quâ est finis, ant eâ considerabatur in cap. 2. Sicut duplex est scire: ita duplex est Demonstratio. una Quia, qua vel ab effectio, vel à causa remotâ: Altera propter Quid, qua à causa eâq, proxima, progreditur.

b Stellarum alia sunt erratica, alia fixa. Erratica appellantur Planetæ, à verbo πλαναομαι, quod est erro, hi numero septem sunt. Saturnus, Iupiter, Mars, Sol, Venus, Mercurius, Luna. Erratica dicuntur, non quia extra suum orbem errent & vagentur, sed quia eandem inter se, distantiam, non semper obseruent: quod hinc prouenit, quia singuli planeta suos proprios orbés habent, qui nō aequali aut motu, aut tempore mouentur: omnes reliqua stella dicuntur fixa, quia eandem perpetuò inter se distantiam habent. Nam unum & eundem habent orbē, nempe octauum cælum siue firmamentum, ad cuius motum feruntur. Scintillare nihil aliud est, quā scintillas emittere, vel micare. Reuera nulla stella, ne fixa quidem, scintillant, sed nobis videntur scintillare, quia procul à nobis distant. Planetæ autem, cum sint propiores, non videntur scintillare. Scintillatio ergo est accidens potius nostrum, quam stellarum. Nam cum stella fixa pro-

Stella erratica.

Stella fixa.

Scintillare
quid?

cul

Vide lib. 2. de
cælo cap. 8.

Louan.

* Ibi enim ait
Stellas quas-
dam ex reflex-
sione radio-
rum solariū
ad ipsas appa-
rentes scintil-
lare. Cum
enim stellæ
sint corpora
solida æqua-
lis superficiei
necesse est,

cul à nobis remouentur, nos in earum inspectione vacillamus, unde scintillare videntur: Sed Planetae, cum nobis propiores sint, firmitus à nobis conspiciuntur. Nam obiectum visus prope oculum non scintillat, sed remote positum, cum scintillatio procedat ex mala & debili fixatione visiva potentia in obiectum: sed si obiectum sit prope, super ipsum erit fortis fixio. Hoc probat Philosophus inductione, nempe corporū lucidorum (ut ait Mathisius) & splendentium, velut lucerna, f. cis & consimilium, quæ longè diffusa, nobis scintillare videntur, propterea visus longè progrediens infirmior efficitur, & id quod obiectum est, vacillante obtutu, minus constantur à nobis percipitur. Ad perspectiuam attinet disciplinam considerare; An apparens scintillarum emissio proveniat ex solâ lucidi distantia: An ex visus debilitate: An ex continua anguli incidentiæ propter motum diuersitate: An ex radiorum inuolutione: An nõnunquam ex solâ solarium radiorum reflexione, quemadmodum contendit Iohannes Cantuariensis archiepiscopus, secundæ partis suæ communis perspectivæ * 56. propositione.

Hinc colligi possit discrimen inter regressum & circulum in Demonstratione. Illum enim, admittit Philosophus, hunc reijcit. Circulus est, quando sicut effectum demonstratur per causam: ita & causa per effectum, idq; in eodem genere Demonstrationis, scilicet in Demonstratione propter Quid, quod fieri nequit: Sed in diuerso Demonstrationis genere hoc fieri

fieri potest, nempe in Demonstratione Quia, at tum non circulus sed regressus dici debet, & Medium non est causa Maioris extremi in essendo (sicut in Demonstratione potissima) sed tantum in cognoscendo: Non cur sit, sed quod sit, vel cur cognoscatur.

d Per Medium extrinsecus positum aliqui intelligunt Medium non proximum & adequatum; sed remotum & communius: Alij Medium, quod bis predicatū est. Tū enim extra reliquos terminos ponitur. Hoc evenit cū demonstratio in secundā figurā cōcluditur, quod sit, cū Demonstratio super causam remotam. Hanc expositionem sequutus sum.

Obiectio.

e Dua illa, regula, quas habet Philosoph⁹, falsa sūt, nempe. Si negatio est causa negationis, affirmatio erit causa affirmationis, & Si affirmatio est causa affirmationis, negatio erit causa negationis. Ergo fallitur. Antec: probo. Nō animal est causa nō hominis. (Negato enim animali negatur & homo) at animal non est causa hominis. Affirmato enim animali, non affirmatur homo. Pars ratione, affirmato homine, affirmatur animal, sed negato homine non negatur animal. Nam à destructione antecedentis ad destructionē cōsequētis nō sequitur argumentū, quia tum committitur fallacia consequentis.

Solutio.

Philosophus hic nō respicit argumētū ad formā (ut ait Zabarella) sed materiā. Quādo enī causa est proxi-

ut habeant superficies speculares: reflectunt ergo radios solares, sed quia corpora celestia continue mouentur, ideo angulus incidentiæ continue variatur: quare & reflectionis. Talis autem sensibilis variatio facit quandam vibrationis apparentiam. Hec Cautuaricus.

ma & adaequata, necesse est, ut posita causa, ponatur effectum, & ea sublata, tollatur. Unde sensus illarum regularum hic est. Si negatio vel absentia cause adaequata sit causa negationis vel absentiae effecti, tum affirmatio vel praesentia ipsius erit causa affirmationis vel praesentiae effecti, & Si affirmatio vel praesentia causa adaequata sit causa affirmationis vel praesentiae effecti, negatio eiusdem, erit causa negationis effecti: unde si termini sint reciproci & adaequati, argumentum sequitur a destructione antecedentis ad destructionem consequentis, non ex parte formae, sed ex parte materiae: ideo in terminis reciprocis fallacia consequentis non habet locum. Quamvis, si proprie loqui velimus, in terminis reciprocis non sit antecedens, vel consequens. Nam consequens est, a quo non retro committatur consequutio.

f Anacharsis genere Scythae fuit, solus inter hos doctus & Philosophus fuit repertus, unde proverbium de variis hominibus. Anacharsis inter Scythas. Hic cum Athenis degeret, currentibus foeminis praenimio vino saltantibus & tibys canentibus, interrogatus a quodam num in Scythia essent tales: respondit non esse, quia illic vites non essent. Nam non habere vites, est causa, ut vinum non habeant; non habere vinum, est causa, ut non sint ebriae; non inebriari, est causa ut mulieres tibys non canant: unde non esse vites, erat causa remota, sed (ut loquuntur) sine qua non

non, ut tibijs non canerent mulieres. Demonstratio sic colligi potest. Ubi sunt tibicines, ibi sunt vites. In Scythia non sunt vites. Ergo in Scythia non sunt tibicines.

g *Mechanica seu fabrica est subordinata Stereometria, quia hac absolute considerat solida seu corpora: illa vero circa solida quatenus cum ponderositate sumuntur, Docet enim quomodo magna pondera de loco in locum cum artificio vebantur. Zabarella.*

h *Per phenomena siue apparentia significat astro- Phenomena
logiam quandam vulgarem, qualem habent nautae,
& rustici quibus propter navigationem & propter
terre cultum necesse est quorundam astrorum ortus
motusq; cognoscere: quae Astrologia vulgaris quo-
dammodo Astrologica scientia supponitur, licet ipsa
non sit scientia. Idem.*

i *Musica Mathematica seu speculativa ea di-
citur, quae scientialis est, & demonstrat per cau-
sas: Practica siue vocalis est, quae scientia non est,
sed potius ars. Nam consistit in solo auditu, in
solo cantu, absq; ulla cognitione causarum.
Idem.*

k *Inferior scientia alligata est sensili materia,
quia ipsius subiecto additur sensibilis qualitas, quae
quidem superioris subiecto non tribuitur, cum illa
abstrahat ab omni sensili materia, & illud, non
quod est in subiecto, considerat, sed quod af-
fectionibus subicitur. Materia triplex est,
singula*

Maegria
triplex.

1.
Toletus.

2

3

Triples intel-
lectus abstra-
ctio.

1

2

3

Tria scienti-
arum genera

1

2

3

singularis, sensibilis, & intelligibilis: Materia singularis sunt proprietates & conditiones indi-
duorum: Materia sensibilis est subiectum una cum
accidentibus sensibilibus, & cum motu & mutatio-
ne, in quibus versatur ha inferior substantia. Non
enim sunt nisi cum his inuoluta dispositionibus: Ma-
teria intelligibilis sunt quantitates & dimensiones.
iuxta hanc triplicem materiam, triplex est etiam
intellectus abstractio & intelligendi modus: quadam
enim intellectus intelligit abstrahendo a materia
singulari, non tamen a materia sensibili; quadam
intelligit abstrahendo a materia etiam sensibili; qua-
lia sunt res Mathematicae: quadam intelligit abstra-
hendo a materia intelligibili. Hinc tria sunt scienti-
arum speculatarum genera: primum est Philoso-
phia Naturalis, quae a materia singulari, sed non a
sensibili: deinde est Mathematica pura, nempe Geo-
metria & Arithmetica, quae abstrahunt a mate-
ria sensibili, sed non intelligibili: postremo, est Me-
taphysica: quae ab omni materia abstrahit.

1 Cauendum est (inquit Zabarella) ne credamus
Aristotelem dicere scientiam de Iride non esse subal-
ternatam per speciem, ut per speciem est subordina-
ta Geometriae. Quum enim per speciem sit scientia
Mathematica, scientia vero de Iride sit pars sci-
entiae Naturalis, hac illi non potest esse proprie subal-
ternata: sed solum dependentiam huius ab illa sig-
nificare vult, quia tractatio ab Arist. facta de Iri-
de, pendet ex principiis perspectivis, sine quorum

cognitione Iris plenè cognosci non potest. Iris est arcus celestis, (hoc est, sub cælo apparens) in nube rorida, opaca & concava ex radiorum solis oppositi reflexione apparens oculis spectantium: generatur hoc modo: in nube aquosa, & ut in imbrem solvatur parata, è regione opposita soli aut lune refringuntur radij luminosi solis aut lune, eiusq; imaginem obscure & imperfectè exprimant, propter nimiam distantiam & interiectionem vaporum inter solem & nubem. Causam tum figura, tum colorum ipsius Iridis exponit Opticus: causa figura ipsius attribenda est principaliter nubi, sicut testatur Iohannes Cantuariensis lib. 3. cõmantis suæ Perspectivæ propositione 19: ubi ait causã rotunditatis Iridis principaliter consistere in nube: causa colorum ipsius ascribenda est & nubi & luminis variationi, sicut idẽ refert eodem libro propositione 20. Ubi asserit diversitatem colorum Iridis, tam ex nube, quam luminosi variatione provenire. In Iride triplex apparet color pro triplici reflexionis varietate. Nam à sole (ut ait Beverus in cap. 4. lib. 3. Meteor.) mittuntur radij distantes ab axe, id est, linea, qua a centro solis per Iridis polum ad centrũ usq; oculi protracta est: quorum quidem radiorum, alij plus, alij minus distant ab ipso axe, id est, à dicta linea, scilicet radio perpendiculari: quanto autem radius à dicto axe plus distat, tanto imbecillior ac magis obnoxius est reflexioni. Hinc ergo fit, ut in suprema Iridis parte appareat color puniceus, ob infirmitatem scilicet ra-

Iris quid?
Velcurio.

Tuelmannus

Triplex in
Iride color

Funiceus.

H

dio-

Purpureus.

Viridis.

Iris unde?

diorum in eam partem incidentium: siquidem nimium distantes radij nubem penetrare non possunt, sed lumine illam collustrantes reflectuntur, plurimum interim luminis circa nubem colligentes: quod quidem lumen visum per medium nigrum, puniceum apparet: lucidum enim si per nigrum conspiciatur, rubrum esse videtur. In parte verò infima dictæ nubis apparet color purpureus, id est, ruber, plurimum ad nigredinem accedens, idque propter radios validiores, secundum maiorem ab axe distantiam in nubem incidentes, qui nubem penetrantes magis, eò minus reflectuntur, minusque visum aspicientis movent. Color enim ad nigredinem representant. In media autem Iridis parte propter radios medio quodam modo se habentes, ut neque nimium penetrent, neque nimium etiam ab eadem reflectantur, medius apparet color, viridis scilicet, quem medium esse volunt inter puniceum et purpureum. Hæc Beverus. Iris (ut nonnulli volunt) dicitur ab ἴρις, quod dico, siue nuncia significat, quod tanquam Iunonis, id est, aeris nuncia pluviæ prædicat, secundum illud Ovidij lib. 1. Metamorph.

Nuncia Iunonis varios induta colores

(Incipit Iris aquas, alimentaque nubibus affert. Poeta eam Thaumantis filiam esse dixerunt: quod admirationem significat, quam intuentibus inicit. Vide Arist. li. 3. Meteor. ca. 4. & 5. Plinium li. 2. c. 59. & Catuarius li. 3. propositio. 18. 19. 20. & 21. in Antiqui triplicem Medicina distinctionem ferunt.)

cernit.

cerunt. authore Celsi lib. I. *Medicina*, nempe τὴν διατληκὴν, φαρμακευτικὴν, καὶ χειρουργικὴν, quarum prima est, quæ victu altera, quæ medicamentis: tertia quæ manu medetur. Ex his autem postrema hic tantum mentio est. Mathisius.

n Geometra non demonstrat vulnus rotundū tardius sanari, sed demonstrat latera ipsius circuli magis à se invicem distare, quàm latera figurae angularis, ex quo potest colligi hoc vulnus tardius curari, quia tardius compingi & consolidari solet, quàm reliqua vulnera.

ANALYSIS CAP. II.

ARGUMENTUM.

HAtenus copiosè Arist: de Demonstrationis materia, hoc est, de terminis & propositionibus egit: nūc breviter de ipsius formâ agit, quæ in terminorum & propositionum rectâ dispositione consistit, quarum prior Figura: posterior Modus appellatur. Ostendit ergo hoc in cap: Primò in prima Figura (idq; in primo ipsius Modo) aut omninò aut maxima ex parte Demonstrationes cōcludi, quod tribus rationibus confirmat. Secundò, ostendit non solum propositiones affirmantes esse immediatas, sed etiam negantes, ubi etiam exponit tria propositionum negantium mediatarum genera. Tertiò, quæ sunt propositiones negantes immediatæ declarat.

*In quâ figurâ potissimum concluduntur
Demonstrationes?*

^a In primâ figurâ, idq; in primo Modo, nempe in Barbara.

Quamobrem in primâ figurâ concluduntur?

Quia hæc figura est accommodatissima ad scientiam comparandam.

Quibus rationibus illud confirmes?

Illud his rationibus confirmare possum. Primò, illa figura, in qua omnes Mathematicæ scientiæ aut omnino, aut maxima ex parte Demonstrationes Cur res sit conficiunt, est ad scientiam comparandam accommodatissima: sed in prima figura omnes Mathematicæ scientiæ aut omnino, aut maxima ex parte huiusmodi Demonstrationes cōficiunt, sicut patet inductione. Ergo prima figura ad scientiâ cōparādā est accommodatissima. Maior patet, quia ipsius scire proprium est, causam cur res sit, contemplari. Secundò per solam primam figuram scientia, qua quid res sit cognoscitur, id est, scientia^b definitionis quæ est perfectissima scientia, inuestigari potest. Ergo prima figura ad scientiam comparandam est accommodatissima. Anteced: prob: scientia, qua quid res sit cognoscitur, est affirmationis & rerum vniuersalium, hoc est, definitio de suo definito concluditur affirmatiuè & vniuersaliter: Non enim homo est quadantenus & ex parte animal^c bipes. Ergo per solam primam figuram inuestigari potest. Argumētum patet quia in media siuè secunda figura non sit attributivus syllogismus. hoc est, conclusio non est affirmatiua: in vltima autem seu in tertia conclusio est affirmatiua: sed non est vniuersalis. Tertiò prima figura in scientia acquirenda aliis nō indiget: illæ vero hæc indigent. Nam illæ per hanc dēfantur & augēter, donec ad immediata peruentū sit: Et non hæc per illas. Ergo prima figura ad scientiam comparandam est accommodatissima.

Nonne, sicut contingebat A. inesse ipsi B. individuum
id est, prædicatum affirmari de subiecto immediate:
ita & non inesse siue non affirmari contingit? hoc est,

Nonne, sicut sunt propositiones affirmantes imme-
diatæ, quarum nullum est Medium: ita etiam sunt
propositiones negantes immediatæ?

Sunt reuera.

Quæ propositiones negantes sunt immediatæ?

Illæ facilius cognoscantur, si prius explicabitur, quæ
sunt propositiones negantes mediatae, nempe quæ Me-
dium habent, per quod possint confirmari.

Ergo explica quæ sunt mediatae?

Negativæ mediatae, sunt in triplici differentia. 1. quan-
do A. id est, prædicatum, 2. quando B. id est, subiectum.
3. quando utru: quæ est sub aliquo toto, hoc est, sub ge-
nere. Tum enim fieri non potest, ut A. ipsi B. primum
insit, hoc est, fieri non potest, ut propositio sit imme-
diata.

Hæc fusius & planius exemplis illustres.

Primum ergo genus propositionum negantium medi-
atarum est, quando A. id est, prædicatum generi subiici-
tur, B. autem id est, subiectum non subiicitur: ut: Nullum
B. est A. id est, Nulla substantia est habitus. Nam si A.
prædicatum siue Maior extremitas (ut habitus) sit C. id
est, subiiciatur Medio alicui (puta qualitati) & B. non sit
C. id est, subiectum siue Minor extremitas illi Medio
non subiiciatur (fieri enim potest ut A. Maior extre-
mitas subiiciatur alicui toti siue Medio, B. verò Minor ex-
tremitas non subiiciatur) erit syllogismus, quo conclu-
ditur A. non inesse ipsi B. immediate, hoc est, erit pro-
positio mediata conclusa in Camestres hoc modo.

Omne A. est C.

Nullum B. est C.

Nullum B. est A.

id est

H 3

Omne

Omnis habitus est qualitas.

Nulla substantia est qualitas. Ergo

Nulla substantia est habitus.

2. Secundum genus est, cum A. prædicatum generi subiicitur: B. verò subiectum non subiicitur. Vt: Nullum B. est A. id est, Nullus habitus est substantia. Fieri enim potest, ut hæc propositio per Medium D. (qualitatem) quod de B. dicitur, confirmetur in Cæsare hoc modo.

Nullum A. est D.

Omnis B. est D.

Nullum B. est A.

id est,

Nulla substantia est qualitas.

Omnis habitus est qualitas. Ergo

Nullus habitus est substantia.

3. Tertium genus est, cum virumque, id est, prædicatum & subiectum alicui generi siue superiori subiicitur, non tamen eidem sed diuerso, Fieri enim potest, ut tale reperiatur Medium, quod de A. id est, prædicato dicitur, de B. verò subiecto non dicatur, sicut patet ex rerum classibus, hoc est, Categoriis siue prædicamentis, quæ inter se non permiscuntur, aut confunduntur. Nam quod prædicatur de eo, quod est in vna classe, non prædicabitur de eo, quod est in aliâ classe. Exempli causa. Sint duæ classes siue series, nempe A. C. D. & B. E. F. id est, corpus, viues, animal; Et habitus, virtus, fortitudo. Iam sit aliquod genus vt G. id est, substantia, quod dicatur de A. id est, de corpore: Ergo non dicetur de B. id est, de habitu, aut de aliquo ipsius classis. Nam alioqui hæc classes confunderentur & non essent à seinuicem distinctæ. Simili ratione si aliquod genus de B. id est, de habitu dicatur, non dicetur de A. id est, de corpore, aut de aliquo ipsius seriei.

Cum ostendamus, quæ sint propositiones negantes me-

diana

diatexiam ostendas quæ sunt negantes immediata.
 Illæ propositiones negantes sunt & immediata, in quibus nec A. id est, prædicatum, nec B. id est, subiectum alicui toti suæ generi subiicitur. Ut: Nullum B. est A. id est, Nulla substantia est quantitas.

Nonne illa propositio habet Medium?

Non habet: quod sic ostendi potest. Si haberet Medium, necesse est alterum horum, hoc est, vel subiectum, vel prædicatum sub aliquo toto suæ genere esse, quod Medium sit: Et syllogismus esset vel in prima figura in Celarent: vel in secundâ in Cæsare aut Camestres (in tertia enim concludi non potest, quia in ea conclusio est particularis.) Non in primâ figurâ erit syllogismus, quia tum B. id est, subiectum sub aliquo toto suæ genere esset (Minor enim propositio in Celarēt est affirmatiua) non in secundâ, quia tum utrumvis esset sub aliquo genere hoc est, aut subiectum aut prædicatum, quia in hac figurâ, utrius iungatur priuatio, id est, si alterutra præmissarum sit negatiua, sit syllogismus: at si utraq; præmissæ sint negantes, non erit syllogismus: sed neque subiectum neque prædicatum sub aliquo toto est. Ut ante supposuimus. Quare illa propositio immediata erat.

Nam Maior propositio in Cæsare: Minor in Camestres est negatiua.

SCHOLIA IN CAP. II.

IN primâ tantum figurâ idq; in Barbara concluditur Demonstratio potissima, si ostendatur aliquid inesse: si vero non inesse; & in primâ, ut in Celarent, & in secundâ, nempe in Cæsare & Camestres: unde in quatuor modis tan-

rum: concluditur Demonstratio potissima & vniuersalis: sed maximâ ex parte in Barbara propter dignitatem affirmantis conclusionis, quæ præstantior est negante.

b Definitio non demonstratur de suo definito in potissimâ Demonstratione, sed concluditur de suo definito vel ex effectu, vel signo, vel alio modo a posteriori, & in tali probatione semper utimur primâ figurâ & primo modo. Ut. Omne risibile est animal rationale. Omnis homo est risibilis. Ergo omnis homo est animal rationale: Hac Demonstratio non est a causa, sed ab effectu. In secundâ figurâ non concluditur, quia in eâ conclusio est negatiua: nec in tertiâ, quia in eâ conclusio est particularis: definitio autem est affirmatiua & vniuersalis, id est, affirmatiue & vniuersaliter predicatur de suo definito.

c Bipes hoc in loco sumitur pro verâ & genuinâ differentia hominis, sicut in cap. de Substantia, ubi dicitur, quod non inest in subiecto.

Cur secunda
& tertia
figura indi-
gent primâ?

d Ideo secunda & tertia figura indigent primâ, quia in resolutione Demonstrationum in immediata principia utimur semper hac figurâ & primo ipsius Modo: Vnde si in secundâ figurâ conficiatur Demonstratio, cuius affirmatiua propositio demonstrari queat, hæc non potest in secundâ figurâ demonstrari, quia in eâ conclusio semper est negatiua, ideo oportet ut in primâ figurâ demonstretur idq; in Barbarâ. In hoc enim Modo tantum concluditur vniuersalis affirmatiua propositio: ac si in primâ figurâ fiat Demonstratio

monstratio, cuius affirmativa propositio Demonstratione possit concludi, potest illud fieri in hac ipsa figura. Unde prima figura seipsa contenta est, & reliquis non eget, cum verò illa huius adminiculo in resoluendis Demonstrationibus semper indigeant, quia propositiones Demonstrationum, quae in his concluduntur, si demonstrarentur, per primam figuram demonstrantur: quod hic vocat. Arist: Densari, & Augeri. Augentur enim Demonstrationes, quia multiplicantur Demonstrationes, cum in immediata principia resolvuntur: Condensari dicuntur propositiones mediate, cum interposito Medio demonstrantur. Cum enim predicatum immediate non inest in subiecto, videtur (nisi Zabarella) modo quodam, spacium Medium rarum seu vacuum esse, ideoq; impleri & condensari per interpositionem omnium Mediorum, quae inter illos duos terminos interponi possunt. Sed à Medijs extraneis & probabilibus non dicitur propositio condensari. Nonnulli dicunt reliquas figuras primam indigere, quia syllogismi in illis facti reducuntur ad primam: sed satius est, si dicamus Arist: non syllogismorum reductionem, sed Demonstrationum particularium resolutionem hoc in loco respexisse.

Augeri &
condensari.
Demonstrationes quid?

e Propositio immediata ea dicitur, quae non habet Medium seu superius, per quod possit demonstrare: ut: Nulla substantia est quantitas. Mediate ea est, quae habet Medium seu superius: ut: Nulla substantia est habitus. Hac enim propositio potest con-

Propositio
immediata &
mediata quæ?

cludi per aliquod superius, quod de habitu affirmatur, scilicet: per qualitatem. Ut omnis habitus est qualitas: Nulla substantia est qualitas. Ergo nulla substantia est habitus: Quamuis hac Demonstratio non sit. Illa propositio mediata, cuius subiectum & predicatum ponuntur sub genere, habet duo Media genere diuersa, quibus possit probari, nempe Medium scilicet superius subiecti, & Medium predicati, Ut: Nullus habitus est corpus. Hac propositio potest probari per Medium siue genus subiecti, (qualitatem scilicet) hoc modo. Nullum corpus est qualitas. Omnis habitus est qualitas: Ergo Nullus habitus est corpus. Potest etiam probari per genus predicati (nempe substantiam) hoc pacto: omne corpus est substantia, Nullus habitus est substantia. Ergo nullus habitus est corpus. Sed animaduertendum est, quod cum propositio negativa mediata per Medium siue totum subiecti probatur, concluditur in Celarent & in Cesare: quando per Medium predicati confirmatur, in Camestres tantum concluditur: quando per Medium utriusque, in tribus illis Modis concluditur. Unde propositio dicitur mediata ex parte subiecti: ex parte predicati: ex parte utriusque.

An una & eadem vox reponatur in diuersis Categoriis:

f Hinc constat (sicut etiam ex 1. Top. cap. 13.) quod una & eadem vox synonyma siue uniuoca non possit in diuersis Categorijs reponi, etiamsi diuerso respectu consideretur. Hinc etiam patet Ens non esse genus, quia affirmatur de omnibus, quae locum habent in qualibet Categoriâ.

g Illa propositio negativa, in qua subiectum et prædicatum sunt summa genera, est immediata. Illa propositio affirmativa est immediata, in qua qualibet causa proxima prædicatur de suo effectu, et in qua genus proximum dicitur de sua specie, et species de individuo.

ANALYSIS. CAP. 12.

ARGUMENTVM.

CVM hætenus Arist. de syllogismo demonstratiuo, per quem acquiritur scientia, differuisset: iam de syllogismo deceptorio, qui huic ex diametro repugnat, & ex quo oritur ignorantia, differit, ut utriusque naturam perspicue cognoscamus. Opposita enim iuxta se posita magis clucescunt. Hunc autem, non ut eum recipiamus, sed ut penitus reiiciamus, ob oculos proponit. Malum enim cognitum facilius euitatur. Et sicut scientia non solum de propositionibus immediatis, hoc est, principiis, sed etiam de mediatis, hoc est, conclusionibus habetur: sic etiam est ignorantia utrarumque. De utraque ignorantia agit: de ^b ea, quæ est immediatarum, in hoc cap. de illa verò, quæ est mediatarum, in cap. sequenti: In hoc cap. primò distinguit ignorantiam, eamque definit. Secundò agit de ignorantia propositionum negantium. Tertiò de ignorantia affirmantium.

Quotuplex est ignorantia?

Duplex: Vna, quæ est secundum negationem: altera, quæ est secundum dispositionem.

Quid est ignorantia dispositionis?

Est deceptio, quæ per syllogismum (deceptorium) efficitur.

Quo-

Quorum est hæc ignorantia?
 Eorum, quæ primum insunt vel non insunt, hoc est, propositionum immediatarum siue principiorum, tum affirmantium tum negantium. Et immediatarum, hoc est conclusionum, affirmantium etiam & negantium.

Quotuplex est ignorantia propositionum immediatarum?

Duplex: Vna, quæ absq; syllogismo: altera, quæ per syllogismum (deceptorium) concipitur. Illa simplex: hæc composita vocatur.

Quomodo hæc duæ species ignorantie distinguuntur?
 Ex simplici ignorantia alicuius propositionis simplex & vna oritur deceptio, siue falsa opinio, nempe illius tantum propositionis, quam quis ignorat: ex composita verò non vnus sed plures proueniunt errores.

Age, primò videamus ignorantiam immediatarum negantium tamq; compositam: quando ergo quis ignorat propositiones immediatas negantes?

Cum credit oppositas siue contrarias, hoc est, vniuersales affirmantes esse veras. Verbi gratia: si hæc propositio immediata negans, quam verã esse ait Demonstrator: Nullum B. est A. i. Nulla substantia est quantitas. Cum quis ergo per syllogismum deceptorium probare conetur omne B. esse A. id est, omnem substantiam esse quantitatem per Medium C. (nempe qualitatem vel aliquod aliud) ignorat propositionem immediatam negantem, & in errorem incidit, & in Barbara concludit, quia in hoc Modo tantum concluditur vniuersalis affirmatiua.

Quot modis concluditur vniuersalis affirmatiua falsa?

Duobus modis. Nam concluditur vel ex duabus falsis præmissis: vel ex vna vera, altera falsa. Ex duabus falsis præmissis concluditur, cum duæ propositiones affirmantes sumuntur, quæ contrariæ sunt duabus negantibus veris.

veris. Vt si nullum C. est A. & nullum B. est C. sint
vtræque præmissæ, tunc si contrariæ harum accipiantur
vtræque præmissæ erunt falsæ. Fieri enim potest vt
C. Medium ita se habeat ad A. & B. id est, ad Maio-
rem & Minorem extremitates, vt neque ipsi A. sub-
iiciatur, neque de omni B. prædicetur, quia B. non
est in toto aliquo, id est, superiori non subiicitur.
Nam dictum est ipsum A. illi primum inesse, id est,
dictum est hanc propositionem, Nullum B. est A.
esse immediatam: non est autem necesse vt A. de om-
nibus prædicetur vniuersaliter. Quare vtræque præmis-
sæ possunt esse falsæ. Exemplum huius syllogismi ig-
norantiæ hoc sit.

Omnis qualitas est quantitas.

Omnis substantia est qualitas. Ergo

Omnis substantia est quantitas.

Secundò concluditur ex vna præmissa vera, nempe
A C. hoc est, Maiori, & altera falsa, nempe B C. hoc
est, Minori, quia B. nulli subiicitur. At propositio A
C. id est, Maior potest esse vera, vt si A. Maior extre-
mitas de B & C. Minori extremitate & Medio indi-
uiduè & immediatè prædicetur. Quando enim idem
de pluribus primum & immediatè dicitur, neutrum
de altero dicitur. Nec quicquam refert, si insit non
indiuuè, id est, si sit propositio mediata. Exem-
plum hoc sit.

Omnis magnitudo est quantitas:

Omnis substantia est magnitudo. Ergo

Omnis substantia est quantitas.

Et sic fit syllogismus in prima figura idq; in Barbara, &
non in reliquis figuris, quia in illis conclusio non est v-
niuersalis & affirmatiua.

Quando aliquis ignorat vniuersalem affirmatiuam?
Cum contrariam, hoc est, eius negatiuam, credit esse
veram, quæ tamen falsa est.

* Prædicari
hic sumitur
non pro affir-
mari, sed in-
distinctè pro
affirmari, &
negari. Nam
A. de C. affir-
matur in ma-
iori: de B. ve-
ro negatur in
conclusionem.

In qua figurâ hæc negativa falsa concluditur?
In prima figura, nempe in Celarent: Et in media scû se-
cunda, nempe in Cæsare & Camestres.

*Quod modis negativa falsa concluditur in prima
figura?*

Duobus modis: primò ex vtrîsq; falsis præmissis, quan-
do scilicet ipsum A. de C & B. indiuiduè & immediatè di-
citur. Nam si dicamus nullum C est A. & nullum B est
C. sequitur falsa conclusio (nullum B. est A.) ex vtrîsq;
falsis præmissis. Exemplum hoc sit.

Nullus leo est animal.

Omnis homo est leo. Ergo

Nullus homo est animal.

Secundò concluditur ex altera præmissa falsa, & qui-
dem vtravîs. Primò cum præmissa A C. id est, Maior
propositio est vera, sed C B. id est, Minor est falsa. Nam
A C. id est, Maior vera esse potest, quia ipsum A. non
potest de omnibus prædicari: C B. verò, id est, Minor
erit falsa, quia C. Medium de B. Minori extremo non
potest prædicari, cum de hoc vniuersè negetur ipsum
A. Maius extr: Alioqui A C. Maior non esset vera; at si
ambæ essent veræ, conclusio vera esset. Exemplum
hoc sit.

Nulla arbor est animal.

Omnis homo est arbor. Ergo

Nullus homo est animal.

Secundò cum propositio C B. id est, Minor est vera, &
altera, nempe Maior est falsa: vt si de omni B. dicantur
C. & A. necesse est, vt ex his duobus alterum alteri
conueniat. idcirco si sumatur, Nullum C. est A. quæ est
Maior propositio, falsa erit: vt.

Nullum corpus est animal.

Omnis homo est corpus. Ergo

Nullus homo est animal.

Cum negativa falsa concluditur in secunda figura,
qui

quot regule sunt obseruandæ?

Quatuor. Prima hæc est. Propositio negatiua falsa nunquam concludi potest in secunda figura ex vtriusq; præmissis in totum seu omni ex parte falsis. Quando enim in omni B. inest A. id est, de omni aliquo subiecto dicatur Maius extremum, nihil reperiri potest, quod vni omni ex parte conueniat: alteri nulla ex parte inest, Oportet autem si fallax sit conclusio, vt medius terminus alteri extremo conueniat: alteri non conueniat: si igitur ita acceptæ, sint falsæ, manifestum est, quod contrario modo acceptæ, vice versa se habent, quod fieri non potest.

Quæ est secunda regula?

Secunda hæc est. Negatiua falsa potest concludi ex duabus præmissis falsis ex parte: Et hoc contingit cum C. Medium de quodam A. Maiori extremo & de quodam B. Minori extremo dicitur, hoc est, ex parte de vtriusque affirmatur: vt.

Omne A. est C.

Nullum B. est C.

Nullum B. est A.

id est,

Omne viuens est brutum.

Nullum animal est brutum. Ergo

Nullum animal est Viuens.

Vtræque præmissæ falsæ sunt ex parte. Et sic fit syllogismus in Camestres. Potest etiam concludi in Cesare, si commutato ordine pronunciatum priuatiuum fuerit, hoc est, si vtræque præmissæ commutentur: Maior, quæ erat affirmatiua, mutetur in negatiuam: & Minor, quæ erat negatiua, mutetur in affirmatiuam in hunc modum.

Nullum A. est C.

Omne B. est C.

Nullum B. est A.

id est,

Nullum

Nullum viuens est brutum.

Omne animal est brutum. Ergo

Nullum animal est viuens.

Quæ est tertia?

Tertia hæc est. Negatiua falsa potest concludi in C. mestres ex utrâuis falsa: primò ex Maiori vera, & Minori falsa. Nam Medium quod omni A. 1. Maiori extremo conuenit, necessariò omni B. 1. Minori extremo conueniet, vt.

Omne A. est C.

Nullum B. est C.

Nullum B. est A.

id est.

Omne animal est viuens.

Nullus homo est viuens. Ergo

Nullus homo est animal.

In hoc syllogismo A C. id est, Maior est vera. C B. verò, id est, Minor est falsa. Secundò potest concludi ex Maiori falsa, & Minori vera: Et hoc contingit cum C. Medium de nullo B. Minori extremo dicitur. Tū enim Minor propositio vera erit: Maior verò affirmans falsa, quia Medium de Maiori extremo non dicitur: vt.

Omne A. est C.

Nullum B. est C.

Nullum B. est A.

id est

Omne animal est brutum.

Nullus homo est brutum. Ergo

Nullus homo est animal.

In hoc syllogismo p opositio C B. id est, Minor est vera: altera, id est, Maior est falsa.

Quæ est quarta regula?

Quarta est ista. Negatiua falsa potest concludi in Cesare ex utrâuis falsa. Primò ex Maiori vera & Minori falsa: Et hoc contingit quando Medium de A. & B. i. v. trisq;

trisque extremis negatur: Vt.

Nullum A. est C.

Omne B. est C.

Nullum B. est A.

id est.

Nullum animal est lapis

Omnis homo est lapis. Ergo

Nullus homo est animal.

In hoc syllogismo propositio AC. id est, Maior est vera: altera, id est, Minor est falsa. Secundò ex Maiori falsa, & Minori vera, cum scilicet Medium de omni B. Minori extremo dicitur: quia tum falsò accipitur illud de nullo. A. i. Maiori extremo dicit. Nam quod de omni B. subiecto affirmatur, necessariò de quodam A. Maiori extremo affirmabitur. Vt:

Nullum A. est C.

Omne B. est C.

Nullum B. est A.

id est.

Nullum animal est rationale

Omnis homo est rationalis. Ergo

Nullus homo est animal.

In hoc syllogismo propositio AC. id est, Maior est falsa: BC. id est, Minor est vera. Quare Negativa falsa immediata tum ex utrisque falsis præmissis: tum ex altera falsa concludi potest.

SCHOLIA IN CAP. 12.

IN hoc capite per A. predicatum siue Maius extremum: per B. subiectum siue Minus extremum: per C. Medium intelligitur. Rursum, per AC. Maior propositio: per BC. Minor,

nor: per B A. conclusio intelligitur: hac si diligenter studiosi observent, nullam reperient in hoc capite difficultatem.

¹
Ignorantia
est duplex.

²
b Ignorantia est duplex. Pura negationis, qua nihil aliud est, quam defectus & privatio scientiae: cum quis ignorat aliquam propositionem, utrum sit vera, an falsa. Hanc rudes, pueri, rustici & qui sensu aliquo carent, habere dicuntur: hac ignorantia est & principiorum & conclusionum. Hanc tractat Arist: cap. 14. Prava dispositionis, cum quis non solum ignorat propositionem esse veram, aut falsam: sed contrarium sentit, nempe veram esse falsam: siue principium sit, siue conclusio: Et hac crassa dicitur, & est duplex. Simplex quae absq; ullo syllogismo concipitur; ut si quis sensu privatus, vel alicuius autoritate, & non ratione aut ratiocinatione adductus: vel quadam proteruitate aut ingenij hebetudine obcecatus, credit veram propositionem esse falsam, aut falsam esse veram. Composita quae pravo & deceptorio syllogismo concipitur: ut si quis falsa aliqua ratione persuasus, credat veram propositionem esse falsam, aut falsam esse veram: Et haec longe periculosior est, atq; hoc in loco intelligitur.

³
c Definitio ignorantiae quam tradit Arist: intelligitur de ignorantia composita. Nam simplex non fit per syllogismum: tamen est apta nata ut fiat per syllogismum: unde nonnulli per illud verbum Efficitur non tam actum, quam aptitudinē intelligi volunt, ut illā definitione utraq; species ignorantiae, simplex

simplex & composita comprehendantur. Ignorantia praua dispositionis laborabant omnes veteres Sophistae, quorum princeps erat Protagoras, de quo Plato in Protagora: Hac etiam deceptus erat Zeno, negans esse motum, quoniam nesciebat hoc argumentum soluere. Si aliquod mouetur, vel in pleno, vel in vacuo mouetur: non in pleno, quia cum duo corpora essent in eodem loco: non in vacuo, quia non est vacuum. Ergo non est motus.

d Nam qui syllogismo falsum concludit, vel utrāq; praemissam, vel alteram saltem sumit falsam (Ex veris enim falsū non sequitur) unde non solū in una propositione, nempe in conclusione: sed in praemissis etiam, vel earū alterā decipitur. Quare ex hac plures oriuntur deceptiones, quā ex simplici.

e Propositio vniuersalis in totum, vel omni ex parte falsa dicitur, quādo in nullo particulari vera est: unde qualibet propositio particularis aut singularis, quae sub illa continetur, est falsa. Exempli causa. Omnis homo est lapis: Nullus homo est animal: sunt omni ex parte falsa, nec ulla particularis sub illis comprehensa, vera est: ut: Aliquis homo est lapis: Aliquis homo non est animal. Propositio vniuersalis ex parte falsa dicitur, quando in aliquo particulari vera est: Et hoc contingit quotiescunq; inferius praedicatur vniuersaliter ac superior: ut: Nullum animal est homo: Omne animal est homo. Nam harum particulares verae sunt: ut: Aliquod animal est homo: Aliquod animal non est homo. Tales etiam sunt

Propositio
vniuersalis
omni ex parte
falsa quidē

propositiones uniuersales, in quibus subiectū latius patet quam prædicatum: ut: omne album est homo: vel in quibus est materia contingens, aut prædicatū est accidens: Vt. Omnis homo est doctus.

ANALYSIS CAP. 13.

ARGUMENTUM.

IN capite præcedenti egit Philosophus de ignorantia propositionum immediatarum siue principiorum; * Hic agit de ignorantia mediarum siue conclusionum: Primò de ignorantia propositionum affirmantium. Secundò de ignorantia negantium.

Estne ignorantia propositionum, quæ non indiuidui insunt, hoc est, mediarum, sicut & immediatarum?

Est idque & affirmantium & negantium.

Cum quis ignorat propositionem affirmatiuam veram & mediatam, in qua figura concluditur?

In prima figura, scilicet in Celarent. Et in secunda, nempe in Cesare & Camestres.

Quot modis negatiua mediata falsa potest concludi?

Duobus modis: per Medium proprium: Et per Medium extraneum siue non proprium.

Quod vocas Medium proprium?

** Illud, per quod fit syllogismus contradictionis, id est, vera Demonstratio, quæ syllogismo deceptorio contradicit & opponitur.*

Cum ignoratur uniuersalis affirmatiua vera, & concluditur negatiua falsa in primâ figurâ, quot regulæ sunt obseruandæ?

Tres: Prima hæc est, Negatiua mediata falsa non potest

test concludi in primâ figurâ ex vtriusq; falsis præmissis, sed ex vna tantum falsâ, nempe eâ, in qua continetur Maius extremum, hoc est, ex Maiori propositione. Minor enim propositio semper vera erit, quia eadem manet, quæ fuit in syllogismo demonstratiuo (concluso in Barbara) Vt si A. Maius extremum conueniat omni B. Minori extremo per Medium C. necesse est C. B. id est, Minorem propositionem esse affirmatiuam, cum sit syllogismus Demonstratiuus, vnde etiam semper erit vera, quia non mutatur in syllogismo ignorantie: propositio A C. id est, Maior erit falsa, quia ex affirmatiua mutatur in negatiuam, cum sit syllogismus ignorantie. Exempli causa. Affirmatiua vera hæc sit, omnis homo est risibilis, sic in Barbara demonstratur.

Omne rationale est risibile

Omnis homo est rationalis. Ergo

Omnis homo est risibilis.

Per syllogismum ignorantie contraria conclusio probatur, nempe, nullus homo est risibilis, idque proprium suum idem Medium (rationale) in Celarent hoc modo.

Nullum rationale est risibile.

Omnis homo est rationalis. Ergo

Nullus homo est risibilis.

In quo syllogismo deceptorio Minor propositio manet eadem, quæ fuit in Demonstratiuo: Maior tantum mutatur. Idem dicendum est, si conclusio falsa probetur per Medium ex alia classe sumptum, hoc est, non proprium, sed simile proprio. Vt si D. Medium omni A. Maiori extremo subiiciatur, & de omni B. Minori extremo affirmetur, necesse est vt propositio D B. id est, Minor sit vera, quia manet in deceptorio syllogismo: cum altera, id est, Maior mutetur, & sit falsa.

Quæ est secunda regulâ?

Secunda hæc est. Negatiua mediata falsa potest concludi

cludi in prima figura per Medium extraneum, id est, nec proprium, nec simile proprio, ex utrisq; falsis præmissis. Vt si sit D. Medium, de quo affirmatur A. Maior extremitas: sed illud Medium de B. Minori extremo negatur: necesse est ambas præmissas esse falsas. Vt si hæ præmissæ veræ sunt: Omne D. est A. id est, omnis equus est sensibilis: Nullum B. est D. id est, nullus homo est equus: si harum contrariæ sumantur, utraq; erunt falsæ; Vt.

Nullum D. est A.

Omne B. est D.

Nullum B. est A.

id est.

Nullus equus est sensibilis

Omnis homo est equus. Ergo

Nullus homo est sensibilis.

Quæ est tertia?

3

Tertia est ista. Negatiua mediata falsa potest concludi in prima figura ex Maiori vera, & Minori falsa: Et hoc contingit cum de D. Medio negatur A. Maior extremitas: tum propositio A D. id est, Maior, vera erit, & B D. id est, Minor falsa. A D. vera erit, quia A. non poterat affirmari de D. At D B. falsa erit. Nam si vera esset, tum conclusio erit vera, (quia ex veris nihil nisi verum sequitur) sed conclusio falsa erat, sicut supposebatur. Exemplum hoc sit.

Nullum lignum est Viuens

Omnis homo est lignum. Ergo

Nullus homo est Viuens.

Cum vniuersalis negatiua falsa concluditur in secundâ figurâ, quor regule sunt observandæ?

1

Dux. Prior hæc est. Negatiua falsa non potest concludi in secunda figura ex utrisque præmissis in totum seu omni ex parte falsis. Nam cum A. Maius extremum de omni B. Minori extremo affirmatur, nul-

lum Medium reperiri potest, quod de vno eorum
omni ex parte affirmetur; de altero omni ex parte
negetur, sicut dictum est in cap: precedente de pro-
positione immediata. Posterior hæc est. Negatiua
falsa potest concludi in secunda figura ex utrâvis præ-
missa falsa. Primò ex maiore vera, & Minore
falsa in Camestres, quando scilicet C. Medium
de omni A. Et de omni B. id est, de Maiori ex-
tremo & minori affirmatur: ideo si sumatur C. de om-
ni A. de nullo autem B. affirmari, propositio A C. id
est, Maior vera erit: sed altera, nempe Minor
falsa. Vt,

Omne animal est sensibile

Nullus homo est sensibilis. Ergo

Nullus homo est animal.

Secundò, ex Maiore falsa & Minore vera in Cæsare,
quando scil: C. Medium de omni B. Minori extremo,
de nullo autem A. Maiori extremo dicitur. Tum enim
propositio C B. id est, Minor vera est, altera, id est,
Maior falsa: Vt.

Nullum Viuens est corpus.

Omnis homo est corpus. Ergo

Nullus homo est Viuens.

*Cum quis ignorat propositionem vniuersalem negati-
uam veram, in qua figurâ concluditur?*

In prima figura, idque in Barbara. Nam cum igno-
ratur vniuersalis negatiua vera, concluditur vniuer-
salis affirmatiua falsa, quæ in Barbara tantum con-
cludi potest.

Quot modis affirmatiua mediata falsa potest cõcludi?
Duobus modis (sicut & negatiua falsa) nempe per
proprium Medium: Et per Medium non proprium si-
nè extraneum.

*Cum affirmatiua falsa concluditur, quot regule sunt
observandæ?*

Due. Prima hæc est. Affirmatiua falsa nõ potest cõcludi per Mediũ propriũ, ex verisq; falsis præmissis. Nã propositio C B. id est, Minor eadẽ manet in syllogismo deceptorio, quẽ fuit in Demonstratiuo (cõcluso in Celarent) sicut ante dictum est. Ergo propositio A C. id est, Maior tantum falsa est, quia mutatur ex negatiua vera in affirmatiuã falsã sicut supra dictum est affirmatiuã verã mutaram esse in negatiuam falsam. Exempli causa, sit hæc Demonstratio in Celarent,

Nullum rationale est aptum ad hinniendum

Omnis homo est rationalis. Ergo

Nullus homo est aptus ad hinniendum.

In syllogismo ignorantie contraria cõclusio probatur idq; per idem Medium: hoc modo.

Omne rationale est aptum ad hinniendum.

Omnis homo est rationalis. Ergo

Omnis homo est aptus ad hinniendum.

Minor propositio manet eadem. Idem dicendum est, si Medium sit ex alia classe sumptum, hoc est, si sit simile proprio. Nam propositio D B. id est, Minor manet eadem, quæ fuit in Demonstratione: vnde propositio A D. id est, Maior falsa est. Hæc enim mutatur ex negatiua vera in affirmatiuam falsam, sicut cum per proprium Medium concluditur. Vr.

Omne capax discipline est aptum ad hinniendum,

Omnis homo est capax discipline. Ergo

Omnis homo est aptus ad hinniendum.

Minor manet eadem, quæ fuit in syllogismo Demonstratiuo seu potius Dialectico. Qui talis est.

Nullum capax discipline est aptum ad hinniendum,

Omnis homo est capax discipline. Ergo

Nullus homo est aptus ad hinniendum.

Quæ est secunda regula?

Secunda hæc est. Affirmatiua falsa potest concludi per Medium prorsus extraneum ex vna præmissa vera, al-

tera falsa. Primò ex Maiori vera & Minore falsa, quando scilicet in Demonstratione A. Maius extremum de omni D. Medio dicitur: vnde hæc Maior propositio vera est: Minor verò falsa. vt:

Omnis equus est aptus ad hinnendum.

Omnis homo est equus. Ergo.

Omnis homo est aptus ad hinnendum.

Secundò ex Maiore falsa, & Minore vera, quando scilicet in Demonstratione A. Maius extremum nõ affirmatur de D. Medio: tum Maior propositio falsa erit, & propositio D B. id est Minor vel vera esse potest, vel falsa. Nā cum in Demonstratione A. Maius extremum de nullo D. Medio, & de omni B. subiecto dicitur, tum Minor vera est, vt.

Omnis scientia est animal.

Omnis Musica est scientia. Ergo.

Omnis Musica est animal.

Sed cum A. de nullo D. & D. de nullo B dicitur, tum Minor etiam est falsa: vt.

Omnis homo est aptus ad hinnendum.

Omnis leo est Homo. Er. o

Omnis leo est aptus ad hinnendum.

Quare quando Medium ipsi A. Maiori extremo non subiicitur, vel vtræq; præmissæ possunt esse falsæ: vel altera tantum, hoc est, Maior propositio.

SCHOLIA IN CAP. 13.

IN hoc cap: per A: intelligitur Maior extremitas: per B. Minor extremitas: per C. Medium proprium: per D. Medium non proprium: Rursus per A C. intelligitur Maior propositio, in qua est Medium proprium: per C B. Minor: per

B A. Conclusio: per A D. intelligitur Maior propositio in qua est Medium non proprium: per D B. Minor.

1
Duplex Medium potest esse in syllogismo ignorantia.

b Duplex Medium potest esse in syllogismo ignorantia. Proprium, cum quis syllogismo ignorantia falsam conclusionem probat per idem Medium, per quod Demonstrator probat verum conclusionem: Vt hac propositio (Nullus homo est risibilis) eodem Medio, quo hac vera conclusio (omnis homo est risibilis) probatur. Hoc Medium est (rationale) ut supra dictum est.

2 Non proprium, quod est duplex: Quasi proprium vel simile proprio, quod Maiori extremo subijcitur verè, & de Minore extremo predicatur, sed non primo modo per se: nec ut causa, sed ut affectio: ut per (capax disciplina) probatur hac conclusio: Omnis homo est aptus ad ridendum: Et per idem Medium probatur syllogismo ignorantia, quod nullus homo est aptus ad ridendum, mutando Maiorem negativam veram in affirmativam falsam.

3 Hoc Medium vocat Aristoteles Medium ex alia classe sumptum, quia non est in eadem classe, hoc est, in eadem categoria cum subiecto suo: vel quia non est verè causa & Medium affectionis.

4 Extraneum, ex quo nullus verus syllogismus confici potest: Et hoc vel est extraneum simpliciter, quando neutri extremorum convenit: Vt: Omnis equus est aptus ad ridendum: Omnis leo est equus, Ergo omnis leo est aptus ad ridendum. Secundum

dum quid, quando alteri eorum conuenit; alteri non conuenit: ut: *Omne animal est aptum ad hinniendum: omnis homo est animal. Ergo Omnis homo est aptus ad hinniendum.* Syllogismus, in quo ponitur Medium simile proprio ad confirmandam veram conclusionem, non est necessarius & Demonstrativus, sed verus, & Dialecticus: hinc nec syllogismus, huic oppositus, est proprie syllogismus ignorantia, sed sophisticus. Ille enim ex oppositis principiorum Demonstrationis conficitur: tamen is, qui syllogismo ignorantia utitur, existimat talem syllogismum esse Demonstrativum, etiam si per Medium simile proprio concludatur: sicut existimat syllogismum, in quo est Medium extraneum, esse Demonstrativum: unde syllogismus deceptorius, siue ignorantia, proprie is ducitur, qui falsam conclusionem ex Medio proprio: qui vero ex Medio non proprio, Sophisticus appellatur.

c Syllogismus verus, huic oppositus, talis est.

Nulla scientia est animal.

Omnis Musica est scientia. Ergo

Nulla Musica est animal.

ANA-

ANALYSIS CAP. 14.

ARGUMENTUM.

IN duobus cap: præcedentibus copiose egit Philosophus de ignorantia secundum prauam dispositionem, quæ scientiæ contraria est, & cum ea ex diametro pugnat. In hoc cap: breuissimè agit de ignorantia secundum negationem, quæ priuatiuè opponitur scientiæ, explicans causam ipsius necessariam, quæ est defectus ipsius sensus.

Ex quibus causis oritur ignorantia negationis?

Ignorantia negationis ex multis causis oritur, sed præcipuè & necessario ex^a defectu alicuius^b sensus. Nam deficiente sensu, necesse est deficere aliquam scientiam, nempe scientiam eius rei, quæ sub illum sensum cadit, quæ quidem scientia postea numquam acquireretur: vt si aliquis à natiuitate captus sit oculis, distinctam scientiam colorum assequi nunquam poterit.

Quomodo probas scientiam indigere sensu, & deficiente sensu deficere etiam scientiam eius rei, quæ sub illum cadit?

Cum omnis scientia sit vel sensitua, vel intellectiua, hoc est, vel sensus, vel intellectus beneficio acquiratur, cumque manifestum sit sensitiuam deficere, deficiente sensu: quòd intellectiua etiam deficiat, eodem deficiente, sic probò. Omnis inductio & omnis Demonstratio indigent sensu, & eo deficiente deficiunt: sed omnis scientia^c intellectiua aut^d inductione, aut Demonstratione acquiritur. Ergo omnis scientia intellectiua indi-

get sensu, & etiam deficit eodem deficiente. Maiorem probo. Primò, omnis inductio fit ex singularibus, quæ nisi per sensum cognosci nequeunt. Secundò, omnis Demonstratio fit ex vniuersalibus (principijs scilicet) quæ non possunt cognosci nisi per inductionem, quæ etiam non fit sine sensu (vt dictum est.) Ergo tum inductio indiget sensu, tum Demonstratio.

Quaratione ostendis vniuersalia per inductionem cognosci?

A minori illud ostendo. Vniuersalia Mathematica, quæ a rebus sensilibus separata & abstracta sunt, & quæ sensu minus indigere videntur, cognoscuntur per inductionem, Ergo multo magis reliqua omnia, quæ non sunt abstracta, cognoscuntur per inductionem.

Suntne vniuersalia Mathematica, separata, & abstracta ab omni materia sensibili?

Reipla, quatenus existunt, non sunt separata: sed quatenus a Mathematico considerantur.

Nonne is, qui sensu caret, potest per inductionem cognoscere?

Non potest. Nam singularium, ex quibus fit inductio, est sensus, hoc est, singularia sensu cognoscuntur. Ergo qui sensu caret, carebit etiam singularium scientia: qui hac caret, non cognoscat per inductionem.

Nonne is, qui caret sensu, potest vniuersalia cognoscere?

Nequaquam. Nam vniuersalia cognoscuntur inductione, quæ non fit nisi beneficio sensus. Ergo qui sensu caret, non cognoscat vniuersalia. Quare sensus requiritur tum ad inductionem, tum ad Demonstrationem, & hoc precepto, vtrumque interit.

Nam singularia sensibilia primum sensui se offerunt, & deinde ex eis elicit intellectus conceptum vniuersalis. An vero singularia solo sensu cognoscantur, vide Pererium li. 3. de communibus omnium rerum principijs & affectionibus a cap. 13. vsq; ad finem libri.

SCH O.

SCHOLIA IN CAP. 14.

a **N**O Nomnes causas hic enumerat Arist:
 ex quibus prouenit ignorantia negationis:
 sed eam tantum, qua necessario est ipsius causa:
 hac autem est defectus alicuius sensus: unde alias
 causas, quae ab hominis arbitrio & voluntate pen-
 dēt, praetermittit: tum (ut ait Zabarella) quod Phi-
 losophicā consideratione indignas indicabat: tum
 quod nullum de talibus certū praeceptum tradi pos-
 sit. Omnes tamen cause huius ignorantiae ad duas,
 tanquam ad precipuas & primarias revocari pos-
 sunt, nempe vel ad sensus, eiusq; usus defectum:
 vel ad sensus (ut ita loquar) non applicationem. Om-
 nis enim huiusmodi ignorantia oritur, vel quia sen-
 sus eiusq; usus deficit: vel quia non applicatur &
 accommodatur ad rem cognoscendam: causa autem
 cur sensus non applicatur, est voluntas humana: cau-
 sa verò cur sensus deficiat, in naturam referen-
 da est.

1
 Sensus deficit
 duobus mo-
 dis.

2

Sensus deficit duobus modis. Vno modo ab ortu seu
 nativitate: Et sic deficiente sensu deficit scientia
 eius rei, quae sub illum cadit, neq; unquam postea
 comparabitur: Alio modo post ortum & nativita-
 tem, utpote aliquo casu vel impotentia: Et sic de-
 ficiente sensu non deficit scientia obiectorum, quae il-

lo sensu percipiuntur, si quis huiusmodi prius cognoverit: verum si non cognoverit, eorum scientiam non habet, nec habere unquam poterit, si Natura vim & cursum spectemus. Sensus hic non tam pro actu & usu, quam pro potentia & facultate sentiendi accipitur: Plato dicebat deficere scientiam, sed usum scientiae.

b Sensus sunt vel interiores quae sunt tres, sensus communis, Phantasia, & memoria: vel ^{Sensus duplices.} exteriores, quae sunt quinque: visus, auditus, olfactus, gustus & tactus: Et hi hoc in loco intelliguntur. ^{Sensuum obiecta.} Visus obiecta sunt lux, lumen & color: auditus soni: olfactus odores: gustus saporis: tactus qualitates (ut loquuntur) tangibiles, quae vel sunt primariae: ut: Calidum, frigidum, humidum & sic: ^{Vide lib. 3. de Anima.} vel secundariae: ut: molle, asperum & reliqua. Omnes sensus possunt deesse praeter unicum tactum. Hic enim est, per quem animal est animal: Et quamprimum hic desinit esse, tollitur animal. Obiecta sensuum vel sunt propria, quae uno aliquo sensu percipiuntur: ut illa, de quibus iam dictum est; vel communia, quae pluribus percipiuntur: Ut: numerus, magnitudo, motus, quies & figura. Non hac, sed illa hoc in loco accipiuntur.

c Omnis cognitio intellectiva est vel principiorum, vel conclusionum: principia inductione: conclusiones Demonstratione cognoscuntur.

Indu-

d
Inductio est
per sensum
bisariam.

1. Directè, quando singularia sunt sensibilia:
ut: Iste ignis est calidus, & iste, & sic de
singulis. Ergo omnis ignis est calidus.

2. Indirectè, quādo singularia sensibus non
percipiuntur, sunt tamē cognita per sensum
mediatē.

1. Quaedam secundum suos effectus tan-
tum sensibus subiiciuntur: ut: Deus opt: max.
angeli, animæ & cetera substantiæ incor-
poreæ.

2. Quaedam secundum similia, ut: cum vi-
demus unam urbem, per eam, quas non vidi-
mus, intelligimus.

3. Quaedam secundum partes: ut: viso an-
ro, & monte, statim aureum montem animo
concipimus: sic omnia figmenta sunt in in-
tellectu.

4. Quaedam secundum se: ut: accidentia
sensibilia, & substantiæ quæ sub istis sunt:
unde nihil est in intellectu, quod prius quo-
dammodo non fuerit sub sensu: multò magis
nihil cognoscitur ab intellectu, quod prius nō
fuerit sub sensu

Tolet,

Que sensi-
bus subiiciun-
tur varia
sunt. Nam

ANALYSIS. CAP. 15.

ARGUMENTUM

HAstenus Arist: de Demonstrationum compositio-
ne egit: iam de earundem resolutione acturus est,
quæ fit, cum ex mediatis propositionibus conficiuntur,
quæ ad immediatas reuocari debent. Resolutio enim
Demonstrationum est reductio seu reuocatio propositi-
onum

Resolutio
Demonstrati-
onis quid?

onum mediatarum ad immediatas. Sed quia dubitari posset, utrum sint propositiones immediate necne, huc scrupulum eximit Philosophus, & ostendit esse huiusmodi propositiones, quarum Media assignari non possunt, nec in ijs fit progressus in infinitum. Hoc cap. in duas partes distinguitur. Primò tria fundamenta seu suppositiones a Philosopho ponuntur. Secundò tres proponuntur quæstiones de terminis Demonstrationum.

Quomodo propositiones immediate in immediatas resolvuntur?

Illud cognosci non potest, priusquam quædam quæstiones de terminorum processu in infinitum proponantur: necnon quædam fundamenta, quæ ad has quæstiones declarandas pertinent, prius iaciantur.

Primò mihi expeditas quæ sunt illa fundamenta?

Tria: primum fundamentum ex prioribus Analyticis desumptum) hoc est: Omnis syllogismus ex tribus constat terminis, nempe ex Maiori extremo: ex Minori extremo: & ex Medio.

* Lib. 1. prior
cap 4.

Quotuplex est syllogismus?

Duplex. Vnus, qui vim habet probandi, inesse A. ipsi C. hoc est, affirmativus, quia A. Maius extremum in omni B. Medio inest. Et B. iterum in omni C. Minori extremo inest: ut.

Omne B. est A.

Omne C. est B.

Omne C. est A.

Alius est privativus, hoc est negativus, alteram propositionem habens, qua significatur inesse quidpiam aliud alij: alteram qua significatur non inesse, hoc est, unam habens præmissam affirmantem, alteram negantem, quæ sunt Demonstrationis principia, quæq; suppositiones appellantur, ex quibus acceptis & dispositis necessaria efficitur conclusio. veluti hæc conclusio C. est A. efficitur ex B. Medio sicut iam dictum est. Rursum

K

illa

illa propositio B. est A. colligitur ex alio Medio (puta D.) Itidem illa, C. est B. ex alio, utpote E.

Quod est secundum fundamentum?

Secundum fundamentum hoc est. Dialecticus à Demonstratore differt. Ille enim id tantum studet, ut premissas, quam maximè probabiles accipiat, unde non respicit an sint immediatæ necne; qui verò mediatas accipit, etiamsi opinetur immediatas accepisse, probabiliter tantum & Dialecticè rem confirmat: Demonstrator autem non quod in opinione, sed quod in re immediatū est, semper accipit, unde hic veritatē: ille probabilitatem investigat: hic sciētiā: ille opinionē gignit.

Quod est tertium fundamentum?

Tertiū hoc est. In vnoquoq; genere quēdā sunt prædicata, quæ per se: quēdā sunt, quæ per accidens subiectis suis conueniunt. Per accidens: ut: album est homo: per se; ut: homo est albus. Illa enim dicendi ratio huic valdè dissimilis est. Homini enim per se, nō quia aliud quiddam est, album esse attribuitur: at albo nō alia ratione attribuitur homo, quam, quia fortè euenit, ut qui homo esset, albus esset. Nam accidit homini, ut sit albus. Syllogismus Demonstrativus constat ex iis quæ sunt per se, & non ex iis, quæ conueniunt per accidens.

Hic iactis sūdomētis, iā ad quæstiones proponēdas te incitas: quos sūt ergo quæstiones, quas proponere statuis?

Tres: quia tres sunt termini Demonstrationis. De horū enim quolibet instituitur quæstio.

Quæ est prima quæstio?

Verū, constituto infimo aliquo subiecto, quod de nullo affirmatur, infinita prædicata de hoc possint enunciari necne? vel an detur vnum supremum, in quo cōsistendū est, & de quo nullum amplius poterit affirmari: ut: si C. (Socrates) sit, quod alij nō insit, siuè infimum subiectū, de quo primò & proximè dicitur B. (homo.) Rursus si F. (hec linea) sit infimum, de quo proximè enunciat

E.

E.(linea,)Et de hoc iterum B.(quantitas continua) vtrum sic ascendēdo,progredi liceat in infinitum:vel an vnum supremum tandem possit assignari?

Quæ est secunda questio?

Verum,constituto aliquo supremo prædicato, de quo nullum superius dicitur, infinita subiecta seu interiora (quorum vnum sub altero cōtinetur) huic subiiciantur? vel an detur vnum infimum,quod de aliis non affirmatur:vt:si sit A.(Substātia)supremū,de quo nullum aliud affirmatur,quodq; primò de E.(corpore)& hoc de F.(viuēte)& hoc iterum de B.(animali)dicitur,vtum sic descendendo in infinitum cedere possimus? vel an vnum infimum reperiri queat?

Quid interest inter hanc secundam questionem, & illam primam?

In prima queritur,vtum ab infimo subiecto,quod nulli alij inest,incipientes possimus sursum versus ascendendo:in hac vero,vtum a supremo prædicato,quod nulli subicitur,exordientes possimus deorsum versus descendendo,in infinitū progredi: hoc est,in prima queritur an prædicata sint infinita?in secūda an subiecta sint infinita?

Quæ est tertia questio?

Vtrum,finitis & terminatis extremis, hoc est,lopremo & infimo,infinita sint Media?vt si A.& C.(substantia & Socrates)sint finita extrema,& Medium eorum sit B.(homo)atq; ipsius A.& B.alia sint Media.(animal, viuens)& horum alia (corpus) vtrum in his Mediis fieri possit progressus in infinitum? hoc est vtrum infinita sint Media,an finita?

Quis est sensus,& usus harū questionum,& quorsum à se proponuntur?

Sensus hic est:vtū Dēmōstrationes procedāt in infinitū:Et vtū omni sit dēmōstratio,an termini vicissim inter se cōcludantur, hoc est,an cuiuslibet cōclusionis sine aliqua primæ & immediatæ propositiones, quæ dēmō-

strari nequeāt, & in quibus probationū exit⁹ reperiatur.
hæ tres quæstiones in vnâ principalē cōtrahi possunt.

^b Num hæc quæstio potest institui de negatiuis Demonstrationibus & propositionibus, siue de earum terminis, & quæ atq; de affirmantibus?

Maximè Vt hæc propositio. Nullum B. est A. vel immediata est, vel Medium habet, nēpe E. Rursus hic queritur vtrum A. negetur de E. immediatè, vel per Medium, nempe D. In his enim quæritur an Media sint finita, & consistent, an infinita.

Num in terminis reciprocis, primæ duæ quæstiones locum habent?

Nequaquam. Nam in his non reperitur aliquid, cui primò, vel postremò attribuitur, hoc est, non reperitur supremū, aut infimū, quia omnia paria sunt inter se, & vnūquodq; alterius & subiectū, & prædicatū esse potest: vnde in his (si propriè loqui velimus) nec prædicatum, nec subiectū est, sed similiter affecta sunt: siue sint infinita, quæ eidē attribuuntur, hoc est, prædicata: siue ambo illa, hoc est, subiecta & prædicata, sint infinita: ideoq; illæ quæstiones huc non pertinet: quod de illis solū intelligi reciprocis volumus, quæ vtroq; modo proposita propositionē naturalē efficiunt. ^d In reliquis enim, quæ vno tantū modo proposita naturalē prædicationē cōstituunt, potest eiusmodi subiectū assignari, quod naturale prædicatū fieri nequit: & è contra prædicatū, quod verè subiectū esse nō potest, sicut videre licet in ^e subiecto & eius affectione. Cū enim hæc de illo affirmatur, est directum attributionis genus, hoc est prædicatio naturalis, directa & per se: at cum illud de hac enūciatur, est prædicatio indirecta & per accidens.

SCHOLIA IN CAP. 16.

Obiectio.

^a **N**ulla accidentia dicuntur per se, cap. 4. huius

ius lib: Ergo album nō dicitur per se de homine, neq;
hac propositio. Homo est albus, est per se.

Solutio.

Nōnulli volunt, per se hīc non sumi sicut in cap. 4.
nēpē pro eo quod inest primo aut secūdo modo, sed pro
eo, quod inest nō per alterū, siue vi & ratione alteri-
us. Nā homo nō est albus per alterum, sed per se albo
subicitur. Alij asserunt, per se & etiā, per accidēs
hīc accipi eodē modo, quo in cap. 4. sed propositiones,
qua hoc in loco à Philosopho adducuntur, exemplū
causa tantū adduci. Vtrāq; enim reuerā sunt per ac-
cidens, magis tamē illa, Albū est homo. Alij per
prädicationē per se hīc intelligi dicūt, prädicationem
naturālē, ordinatā & directā: per prädicationem per
accidens, non naturālē, inordinatā & indirectā, in
qua opinione, acquiescendum puto.

b Aliqui putāt hoc ad tres illas quæstiones referri,
quia per has ōnes queritur, an Demōstrationes pro-
cedāt in infinitum: primò ex parte supremorū, id est,
Maiorū extremorū, Secundo ex parte infimorū, id
est, Minorū extremorū. Tertiò ex parte Media-
orū. Alij hoc referūt ad tertiā quæstionē tantū, Nā
eum queritur, an Demonstrationes procedant in in-
finitū, idē est ac si quereretur, utrū propositiones in-
finita habēt Media. Tres hæ quæstiones ad vnā re-
vocari possunt, nēpē, ad hāc: An principia Demōstra-
tionis sunt infinita: quam quæstionē meminit Arist:
ca. 3. huius libri: at nunc ex professo eam disputat,
& negantem partem tnetur.

c Nā hīc quærit Philosophus an sit processus in infinitū secundū rectā lineā ascēdēdo vel descēdēdo, & nō secundū circulū: termini autē cōuertibiles in infinitū tendūt nō per lineā rectā sed secundum circulum, quia semper de se inuicem prædicantur, nec unquā erit finis Demonstrationis: tamē nō in infinitū est prædicatio actu sed potentiā. Zabarella.

d Hinc patet terminos reciprocōs esse in duplici differentia. Quidam enim sunt, qui utroq; modo prædicationem naturalem, directam & ordinatam efficiunt, siue hoc, siue illud subiectum aut prædicatum sit: cuiusmodi sunt relatiua & illa, inter quæ est circularis generatio: alij sunt, quæ altero solū modo naturaliter de se inuicem prædicantur: velut subiectū & forma illius, propriaq; passio. Crellius.

ANALYSIS CAP. 16.

ARGUMENTUM.

P Rædictarum quætionum solutionē aggreditur Arist: ac primò in hoc cap: incipit ab ultimā quæstione, & respondet in Mediis assignādis nō esse progressum in infinitum: quod probat ratione ducta ab impossibili.

Quid in propositis quæstionibus sentis?

Et primò quid in terciâ quæstione?

Sentio Media non esse infinita, si tam deorsum, quam sursum versus attributiones cōsistant, hoc est, si infima & suprema sint finita, quod nunc suppono.

Quas vocas sursum & deorsum versus attributiones siue suprema.

Sursum versus attributionē voco, quæ progreditur ad magis vniuersale: deorsum versus, quæ progreditur ad particularia, hoc est, suprema prædicata sunt, quæ maximè sunt generalia: infima verò, quæ maximè sunt particularia.

Qua ratione ostendis Media non esse infinita?

Hac ratione. Si extremis finitis infinita sint Media, tū necesse est, quoties a supremo ad infimum, vel è contra ab infimo ad supremum nobis progrediendum est, vt infinita Media percurramus: at hoc absurdum est. Infinitum enim pertransiri non potest. Ergo vel Media non sunt infinita, vel nunquā à supremo ad infimum: vel ab infimo ad supremum perueniri potest, quo concessio omnis nostra scientia euertitur. Exempli gratia. Sint A. & F. (substantia & Socrates) extrema finita, & A. dicatur de F. Sint infinita Media B. Non ergo ab A. supremo ad F. infimum, nec ab F. infimo ad A. supremū progrediemur, priusquam infinita illa Media percurramus, quod fieri non potest. Quare illa Media nō erunt infinita.

Obiectio.

Quid si nō omnia illa Media sint infinita, sed aliqua? Fieri enim potest, ut inter A. & B. (substantiam & corpus) non intersint Media, sed inter alia, Nonne tum poterimus ab uno extremo ad alterum peruenire, interim ut non infinita percurramus?

Solutio.

Non possumus. Nam etiam si inter aliqua non sint infinita Media, vt inter A. & B. tamen si inter alia sint infinita, vt inter B. & F. illa non possunt pertransiri, cum sint infinita. Quare non refert, siuè infinita sint statim, id est, immediata: siuè non statim, id est, mediata: siuè omnia, siuè aliqua. Nam numquam ad extrema peruenietur.

SCHO.

SCHOLIA IN CAP. 16.

Obiectio.

IN linea sunt duo finita extrema, nempe duo puncta: in medio autem ipsius sunt infinita puncta: sed tamen fit progressus ab uno linea extremo ad alterum: Ergo fit progressus ab uno extremo ad alterum, interim ut media sint infinita, quod negat Philosophus.

Solutio.

In linea sunt puncta infinita potentia non actu: at in Demonstrationibus si Media sint infinita, essent infinita actu. Zabarella.

ANALYSIS CAP. 17.

ARGUMENTVM

IN capite præcedente ostendit Media non esse infinita in Demonstratione affirmante: Hic ostendit illa non esse infinita in Demonstratione negante.

Num in privatiua Demonstratione erit terminus in quo consistitur, hoc est, num in negante Demonstratione Media sunt finita?

Maximè. Nam in attributiua consistitur ex utraque parte, hoc est, in affirmante Demonstratione Media sunt finita (sicut ostensum est in capite præcedente) si extrema finita sint. (Hoc enim nunc suppono, scilicet non

non esse in infinitum, Vel ab ultimo sursum versus, vel a primo deorsum versus.) Ergo in negante Demonstratione Media erunt finita. Argumentum probatur, quia negantes propositiones non demonstrantur nisi per affirmantes. Conclusio enim negatiua nunquam colligetur ex duabus negantibus præmissis, sed ex vnâ negante: alterâ affirmante. Cap 15.

Quod vocas ultimum & primum?

Ultimum seu infimum appello, quod nulli alij inest, cum ipsi aliud in sit, hoc est, quod de nullo alio dicitur, de illo autem plura. Ut F. (Socrates.) Primum autem seu supremum voco, quod de alio dicitur, cum de eo nihil aliud dicatur. Ut substantia.

Qua ratione ostendis, negantes propositiones demonstrari per affirmantes?

Illud fiet manifestum, si tres figuras, in quibus negantes per affirmatiuas demonstrantur, examinabimus, & primò in prima figura sit hic syllogismus conclusus in Celarent.

Nullum B. est A.

Omne C. est B. Ergo

Nullus C. est A.

id est.

Nullum viuens est quantitas.

Omnis homo est viuens. Ergo

Nullus homo est quantitas.

In hoc syllogismo BC. id est, Minor propositio & alterum interuallum, hoc est, vna præmissarum, tandè ad immediatam propositionem reuocabitur, cum sit affirmans. Quod ad Maiorem propositionem atinet, si ipsius prædicatum alij priori non inest, id est, non primò & immediatè negetur de suo subiecto, sed prius de D. (corpore) necesse est, vt ipsum D. de omni B. dicatur. Ut.

Nullum D. est A.

K 5

Omne

Omne B. est D. Ergo

Nullum B. est A.

id est.

Nullum corpus est quantitas.

Omne viuens est corpus. Ergo

Nullum viuens est quantitas.

Rursus si huius syllogismi Maior nō sit immediata, sed aliud Medium habeat, per quod probetur, nempe substantiam, necesse est, vt hoc Medium de omni D. affirmetur. vt.

Nulla substantia est quantitas.

Omne corpus est substantia. Ergo

Nullum corpus est quantitas

Quoniam ergo in hac probatione^b progressus deorsū versus consistit, id est, Minor propositio, quę est affirmatiua, immediata est; & progressus deorsum versus etiam consistet, id est, Maior propositio, quę est negatiua, erit immediata, atque erit aliquod primum subiectum, cui non insit, ipsius prædicatum, hoc est, de quo prædicatum immediatē negetur. Secundò hoc ipsum apparebit in secunda figura: sit ergo hic syllogismus in Camestres.

Omne A. est B.

Nullum C. est B. Ergo

Nullum C. est A.

id est.

Omne animal est Viuens.

Nulla qualitas est viuens. Ergo

Nulla qualitas est animal.

Huius syllogismi Minor propositio (cum mediata sit) demonstratur vel superiori modo: vel hoc, vel tertio, id est, vel per primā figuram: vel per secundam: vel per tertiam, de qua postea. Si per primam, ante ostensum est in ea esse finita Media; si per secundam, tum probatur per aliud Medium, nempe D. quod de omni B.

dicetur, hoc modo.

Omne B. est D.

Nullum C. est D. Ergo

Nullum C. est B.

id est.

Omne uiuens est corpus.

Nulla qualitas est corpus. Ergo

Nulla qualitas est uiuens.

Si adhuc Minor propositio probetur, necesse est eam probari per aliud Medium (nempe substantiam) quod de omni D. sed de nullo C. dicetur. Quamobrem, cum inesse semper superiori sistatur, sistetur etiam non inesse, id est, cum Maior propositio, quæ est affirmatiua, tandem ad immediatam reducat, Minor etiam, quæ est negatiua, erit quoq; immediata. Exempli causa.

Omne corpus est substantia.

Nulla qualitas est substantia. Ergo

Nulla qualitas est corpus.

Tertio. Simili ratione se res habet in tertia figura. Sit ergo hic syllogismus in Felapton. Nullum B. est C. Omne B. est A. Ergo quoddam A. non est C. Si huius syllogismi Maior propositio probetur, vel per supradictos modos, id est, per primam figuram, aut secundam probatur: vel similiter, hoc est, per tertiam: sed in illis consistitur, hoc est, finita sunt Media, sicut ante dictum est: si uero per tertiam, necesse est ut probetur per aliud Medium, nempe E. de quo in Maiori propositione negatur C. in Minori uero de eo omni affirmetur B. hoc modo: Nullum E. est C. Omne E. est B. Ergo quoddam B. non est C. Cum autem supponatur deorsum versus stare, id est, Minorem propositionem, quæ est affirmatiua esse immediatam, manifestum est fore, ut consistat C. negatum, id est, ut Maior, quæ est negatiua, tandem futura sit immediata.

Vniuersalis
negatiua nō
concluditur
in hac figura.

Obie.

Obiectio.

Non vnâ viâ & eadem ratione concluduntur Demonstrationes. Ergo infinita sunt Media?

Solutio.

Ratio non sequitur. Nam etiam si non vnâ viâ, id est in vna tantum figura fiat Demonstratio, sed in omnibus, id est, modo in prima, modo in secunda, modo in tertia; tamen cum hæ finitæ sint, & in qualibet earum Media sint finita, in omnibus etiam Media erunt finita. Nam finita finities accepta, sunt finita vniuersa.

SCHOLIA IN CAP. 17.

a Propositiones nonnumquam a Philosopho appellantur Τὰ διασῆματα, hoc est, distantia, intervalla, & spacia, quod nomen à Geometris (ut inquit Mathis:) similitudine quadam ducitur. Ut enim fluxu punctorum, seu terminorum linearum apud eos existunt, quæ ipsi intervalla Τὰ διασῆματα appellant: Ita hic ex terminis, hoc est, nominibus & verbis, propositiones instar linearum & intervallorum componuntur. Hoc vocabulo utitur in cap. 18. & 19. huius lib. 1. & 1. Prior: cap. 3. & alijs etiam in locis.

b Per progressum deorsum versus, intelligit Arist: Minorem propositionem: per progressum sursum versus intelligit Maiorem. Hæc enim sursum est, id est, in priori & superiori loco: illa deorsum est, id est, in inferiori loco ponitur.

c Tertia figura ad demonstrandum non est idonea.

nec in eâ Demonstrationes concluduntur, cum in ea conclusio sit particularis; tamen ad doctrinam & probationis abundantiam (ut inquit Zabarella) & ut omnis evasio tolleretur, in tertia figura Demonstrationes fieri ostendit Philosophus, non simpliciter tamen, sed respectu aduersarij, qui forsasse obiceret eas Demonstrationes, quæ in tertia figura concluduntur, infinita habere Media: Hoc refellit Philosophus & asserit, si in tertia figura conficiantur Demonstrationes, tamen finita esse ipsarum Media.

ANALYSIS CAP. 18.

ARGUMENTUM.

Tertiâ quæstione explicatâ, iam primæ & secundæ explicationem aggreditur. Hoc caput in duas partes distingui potest. Primò ostendit prædicata essentialia non esse infinita. Secundò ostendit nulla prædicata siue essentialia siue accidentiaria esse infinita, quod confirmat tribus rationibus, quarum duæ primæ Logicæ sunt & communes: tertia analytica & propria.

Quæ est sententia tua in prima quæstione & secundâ, num existimas extrema, nempe prædicata & subiecta esse infinita?

Existimo ea non esse infinita, quod fiet manifestum, si omnia prædicatorum genera percurramus.

Quot sunt genera prædicatorum?

Duo: Alia sunt essentialia, quæ attribuuntur in quæstione quid est: Alia sunt accidentalia.

Quæ

Quaratione probas prædicata essentialia non esse infinita?

Hac ratione. Si sit Definitio, & cognitio quid res sit, tum prædicata essentialia non sunt infinita: at est definitio (hoc enim in Logica principium est,) Ergo prædicata essentialia non sunt infinita. Maior prob. In definitione ponuntur omnia prædicata essentialia, quod fieri nequit, si sint infinita: siquidem infinita pertransiri nequeunt. Ergo si sit definitio, prædicata essentialia non sunt infinita.

Ex parte adhuc probasti prædicata non esse infinita: iam probes omnino & uniuerse ea non esse infinita, siue sint essentialia, siue accidentalia.

Illud ostendam, si prius quedam fundamenta iecero, quibus prædicatorum distinctio & discrimen perspicui possunt. Hæc fundamenta sunt tria.

Quod est primum fundamentum?

Primum fundamentum hoc est.^b Prædicatum accidentale triplex est. Vel enim prædicatur accidens de accidente: vt: album ambulat: vel subiectum de accidente: vt: magnum est lignum: vel accidens de subiecto: vt: homo ambulat.

Quod est discrimen inter has prædicationes?

Dux primæ per accidens conveniunt; tertia verò per se. Nam cum dico, album est lignum, intelligo, quod id, cui accidit album esse, est lignum: vnde album non est subiectum ligno. Nam si esset subiectum, tum dici posset album factum esse lignum (sicut dicitur lignum factum esse album) at dici non potest album vel in uniuersali, vel in specie seu particulari, hoc est, vel secundum se totum, vel secundum partem, factum esse lignum: quare album non est subiectum ligno, nec album est per se lignum, sed per accidens, nempe per id, quod albo substat. Pari ratione, cum dico musicum esse album, dico id, cui competit esse musicum, album esse, nempe

Per se hic sumitur, vt cap. 15.

ho

hominem: at cum dico, lignum est album, lignum, vel aliquod ligni, ea ratione, qua lignum est, subiectum est albo, & lignum non per aliud, sed per se est album: unde ea prædicatio est per se & naturalis.

Quomodo appellantur istæ prædicationes?

Si liceret nomina his imponere, & vnamquamq; prædicationē proprio nomine designare, vocarē eam solū & simpliciter prædicationē, quæ est accidentis de subiecto. Hæc enim est per se & naturalis; reliquas verò, accidentis scilicet de accidente, & subiecti de accidente, vel non omnino appellarē prædicationes: vel prædicationes non absolute & simpliciter, sed tantū per accidens.

Quod est secundum fundamentum?

Secundum fundamentū hoc est. Omne attributū siue prædicatum in Demonstratione per se simpliciter conuenit subiecto, & non per accidens: atq; secundum aliquam etiam Categoriā prædicatur, nempe vel in questione: quid est, hoc est, ut substantia, vel ut Quantū: vel ut Quale: vel ut aliquod aliud prædicamentum.

Quid interest inter prædicata, quæ ut substantia de substantia: & ea, quæ ut accidentia de substantia prædicantur?

Duo inter ea habentur discrimina. 1. Cum substantia dicitur de substantia, subiectum vel est illud prædicatū, cui subiicitur, vel pars eius, hoc est, vel prædicatum & subiectū eadē sunt: ut cum differentia aut, definitio dicitur de sua specie. Homo enim illud ipsū est, quod rationis particeps: vel prædicatum est de natura subiecti, sed tamē eo latius patet: ut cum genus, vel differentia generis de specie: aut species de individuo dicitur: at cum accidens de substantia affirmatur, subiectum non est totum illud, quod prædicatum est, nec pars ipsius. Homo enim non est illud, quod album est, nec pars albi, sed^d fortassē aliud quippiam: ut animal. Nam homo est ipsum quoddam animal. 2. Cum substantia dicitur

Hoc est quod ait Arist.

Quod si nomina ponere licet hoc modo dicere, esto attributa, illo autem modo, aut nullo modo attribueretur, aut attribueretur, non tamen simpliciter sed per accidens attribueretur.

de substantia, non inhaerent in eo subiecto, de quo dicuntur: at ea, quae essentiam non significant, id est, accidentia, in illo subiecto inhaerent, de quo affirmantur.

Obiectio.

Aliqua accidentia per se existunt sine subiecto, ut Ideas accidentium, quae per se existere statuitur Platone. Ergo non omnia accidentia inhaerent in eo subiecto, de quo dicuntur.

Solutio.

Ideas Platonicas non admittimus, sed valere iubemus. Primum, quia teretissima sunt. Secundum, quia ad hanc nostram disputationem non pertinent. Nam de huiusmodi, quae in subiecto non sunt, non habentur Demonstrationes.

Quod est tertium fundamentum?

Tertium hoc est. Si aliquid est alicuius qualitas, siue aliud accidens: non potest hoc vicissim esse alius qualitas aut accidens, quia qualitatis non est qualitas, nec accidentis est accidens: unde ab accidentibus ad subiectum non est retrò commeans attributio, siue reciproca praedicatio. Nam etiamsi lignum sit album, tamen album non est lignum, non quod verum hoc modo dicere non liceat, sed quod inter huiusmodi terminos non sit mutua reciprocatio.

Obiectio.

Quamvis in praedicatis accidentalibus non sit reciproca illa praedicatio, tamen locum habere potest in praedicatis essentialibus, qualia sunt genus & differentia generis. Nam ut genus & differentia de specie dicuntur: sic species vicissim de genere, ut genus ipsius, & de differentia, ut eius differentia dicuntur.

Solutio.

Respondeo, primum, etiamsi concedatur in his praedicatis esse reciprocam dicendi rationem: tamen in iis non est

Hic plerique interpretes primam rationem colligunt. Ego sequutus sum Zabarella.

est progressus in infinitum, vel sursum vel deorsum
versus; vel ascendendo, vel descendendo, sicut an-
te dictum est: veluti, homo est bipes, & hoc est animal
& hoc rursus est aliud, nempe substantia, quæ ultimò
de eo dicitur, & in qua consistendum est. Rursus
animal de homine, homo de Callia,* hoc de alio in
quæstione in quid est prædicatur, quod ei ultimò sub-
iicitur, quodque est omnium infimum. Quod ita-
que prædicata essentialia finita sunt, ex eo patet quod
hæc omnia in definitione collocantur, quod non fie-
ret, si infinita essent: siquidem definiri, ea substantia
non potest, cui infinita attribuuntur. Secundò, dico
in his prædicatis non reperiri illam reciprocam dic-
tationem. Nam quamvis genus de specie dicatur:
tamen hoc de illo vicissim non dicitur. Nam tum ge-
nus esset sui ipsius pars, quod est absurdum: nec etiam
species de differentia generis dicitur.

* Hoc exem-
pli tantum
causa ad-
ducit.

*His iactis fundamentis iam collige rationes: qui-
bus ergo possis confirmare in extremis non reperiri
progressum in infinitum & primo in prædicatis ac-
cidentalibus?*

Tribus rationibus illud possum confirmare, quarum
duæ erunt logicæ & communes; tertia analytica seu
propria.

Quæ est prima ratio logica?

Prima ratio, quæ fusiùs ab Arist: explicatur, sic bre-
uiter colligi potest. In prædicatione accidentis de sub-
stantia (eam intelligo, in qua vnum de vno dicitur)
nec sursum versus in ascendendo in prædicatis, nec
deorsum versus descendendo in subiectis est progres-
sus in infinitum. Ergo ex parte extremorum in ea non
est progressus in infinitum. Anteced: Primò in ascen-
dendo in prædicatis non est infinitum, quia omnia
genera Categoriarum accidentium finita sunt. Nouem
enim sunt; Quantitas, Qualitas &c. sed omnia prædi-

cata accidentalia reponuntur in aliqua Categoria accidentium. Ergo sunt finita. Secundo, descendendo in subiectis non est infinitum, quia substantie, quæ rei essentiam significant, non sunt infinitæ vel sursum, vel deorsum versus, ut dictum est antea: sed subiecta accidentium sunt substantiæ. Ergo subiecta accidentium non sunt infinita. Vnde in omni predicatione tam accidentali, quàm essentiali ad vnum summum, & alterum infimum, in quibus consistendū est, tandem perueniemus.

Quæ est secunda ratio Logica?

Eam audies præmissis quibusdam suppositionibus seu fundamentis, 1. Illorum est Demonstratio, quæ alia priora habet principia. 2. Illa, quorum est Demonstratio, non possunt melius sciri, quam per Demonstrationem, imò nec citra Demonstrationem omnino sciri possunt. 3. Si conclusio per principia cognita sit, ipsa autem principia nec scimus, nec ad ea melius affecti sumus, quàm si cognosceremus, ne id quidem sciamus, quod per hæc notum fieri debet, id est, conclusionem.

Hoc est quod
dicit Arist
Quod si hoc per
hoc notum sit.

Collige rationem.

Media non sunt infinita. Ergo nec extrema. Anteced: prob: Si aliquid per Demonstrationem simpliciter & non ex quibusdam, nec sub conditione sciri poterit, Media non sunt infinita: ac illud verū est. Ergo & hoc. Maior patet: quia tum sequeretur omnium esse Demonstrationem, quod fieri non posse ostendimus cap. 3. Minor patet ex cap. 1.

Quæ est tertia ratio eaq; & analytica?

3 Illa brevius sic colligitur. Nulla prædicata per se sunt infinita, Omnis Demonstratio continet prædicata per se. Ergo non continet infinita prædicata. Maior prob: Prædicata per se duplicia sunt. Quædam, quæ in sunt in attributione quid est, ut quæ conveniunt primo modo:

modos

modo: ut multitudo & diuisibile per se dicuntur de numero, & in eius definitione ponuntur: Quædā sunt, in quibus subiecta in sunt in attributione quid est, ut quæ conueniunt secundo modo: veluti impar de numero dicitur, & numerus in ipsius definitione adhibetur, sed neutra horum sunt infinita. Ergo prædicata per se non sunt infinita.

Quomodo probas ea, quæ secundo modo per se conueniunt, non esse infinita?

Si ea, quæ secundo modo per se conueniunt (hoc est, affectiones) infinita sint, tum sequeretur vnius subiecti innumeras esse passiones, sic se habentes, ut prima immediatè subiecto, insit, sicut impar numero, & secunda primæ, & tertia secundæ, & ita deinceps, in quarum definitione ponitur illud vnum subiectum; sed hoc absurdum est, ut infinite sint passiones in vno subiecto, & ut vnum in definitione infinitorum ponatur. Ergo & illud est absurdum. Minor prob: quia tum vnum & infinitum reciprocarentur: Et vnum esset infinitum, & infinitum esset vnum: siquidem hæc sit lex definitionis, ut cum suo definito vicissim retrò commeer.

Quomodo ostendis ea, quæ primo modo per se conueniunt, non esse infinita?

Si illa essent infinita, tum tolleretur omnis definitio. (Infinita enim in definitione collocari nequeunt, ut ante dictum est,) sed hoc absurdum est. Ergo & illud. Quocirca si omnia predicata per se locum habeant in Demonstratione, hæc autē non sint infinita, utiq; finita erunt quæ sursum versus sunt, proinde & quæ deorsum.

Quid ex his omnibus concludis?

Concludo esse quædam principia Demonstrationis, in quibus est consistendum: neque omnium esse Demonstrationem, sicut aliqui f. l. crediderunt de quibus in cap. 3. dictum est. Nam si sint principia Demonstrationis, tum nec omnia possunt demonstrari, nec in infinitum progredi licebit.

Quid illud est, non omnia posse demonstrari, nec in infinitum progredi?

Horum utrumlibet nihil aliud est, quàm nullum dari interuallum immediatum, hoc est, nullam dari propositionem immediatam, sed omnes esse diuiduas & mediatas.

Quomodo propositio mediata demonstratur?

Per Medium intrinsecus immixtum, & non extrinsecus assumptum, hoc est, per Medium intra extrema, nempe prædicatum & subiectum, non extra illa collocatum: quod fit cum in Maiori propositione sit subiectum: in Minori verò prædicatum: quo modo in prima figura disponitur: vnde patet Media non esse infinita, quia tum sequeretur inter duo finita extrema infinita Media reperiri posse, quod fieri non potest, sicut antè dictum est in cap. 16. Quod autem extrema finita sint, tum Logicis, tum analyticis ostensum est rationibus.

SCHOLIA IN CAP. 18.

Obiectio.

a **D**efinitio constat ex uno genere & ex una differentia. Ergo non omnia prædicata essentialia in ea continentur.

Solutio.

Costat ex uno genere & una differentia explicitè & expresse, sed constat ex omnibus generibus & differentijs implicitè & actu: ut: Homo est animal rationis particeps: in hac definitione continentur implicitè omnia ipsius hominis prædicata essentialia. In animalis enim continetur viuens, corpus, & substantia.

Omnia

- b
- Omnis vera prædicatio est vel.
1. Per se
 1. Primo modo, cum genus vel differentia de specie dicitur: ut addi potest prædicatio speciei de individuo.
 2. Secundo modo, cum propria passio de subiecto affirmatur.
 - Per acci- dens, quæ est vel.
 1. Directa & naturalis, cum accidens de suo subiecto prædicatur.
 - Indire- cta & non naturalis,
 1. Accidens de accidente
 2. Subiectum de accidente
 3. Inferius de superiori
- cum prædicatur.

c Quid est, siue substantia hæc sumi potest non solum pro primo predicamento, sed etiam pro quolibet predicato, quod de subiecto, in quid est dicitur; sic abstracta accidentia de suis inferioribus in quid est dicuntur: ut: quid est albedo? est color. Hinc vulgatum illud: Vñ quodq; in suo genere est ipsum Quid. Sumi etiam potest Quid est non solum pro eo, quod dicitur in quid est, qualia sunt genus & species, sed etiam pro eo, quod naturam & essentiã rei explicat, unde differentia dici potest, Quid est, & in hoc sensu intelligi potest illud, quod Arist: habet in hoc capite. Quæcunq; in Quid est non dicuntur, accidentia sunt, hoc est, Quæcunq; naturam rei non declarant, accidentia sunt. Quamvis melius dicamus Quid est, hoc in loco pro substantia sumi.

d Nonnulli volunt hanc particulam fortasse addi ab Arist: propter sectam Platoniorum, qui posuerunt vniuersalia (que Ideas vocant) separata à rebus singulis. Zabarella asserit Philosophum

addere fortasse, quasi dicat, exempli causa. Ego existimo eam non esse particulam dubitandi, sed assuerandi.

Ideæ Platonis
uicē quæ

c Uniuersalia non eodem modo ab Arist: & Platone statuuntur. Arist: statuit uniuersalia inesse in suis singularibus, & simul cum ijs consistere: Plato ponit uniuersalia seiuncta & separata à rebus singulis, & hac vocat Ideas, hoc est, species, formas & simulachra rerum, nescio ubi volitantia. Quod hac eius uniuersalia vocentur Ideas, patet ex cap: 6. lib. i. Eth. Ubi Philosophus hac habet uerba in principio capitis. Præstat de uniuersali bono considerare, hoc est, Ideas, sicut ipse postea interpretatur. Nonnulli, qui Platonē defendunt, dicunt eum huiusmodi non posuisse Ideas, sed per Ideas in signitas quasdam & impressas in mente Dei notiones eum intellexisse asserunt, ad quas cum opifex rerum Deus quippiam efficere moliretur, quasi ad æterna quedam simulachra & proposita exempla respiceret. Ergo existimo ipsum Arist: ut pote, qui tot annos Platonē legentem audiuit, melius Platonis sententiam intellexisse, nec non melius quid per Ideas ueller, cognouisse, quàm eos omnes, qui aut Platonem docentem non auscultaunt, aut Arist: primoribus labris non degustarunt. Quod si opifici notiones Idearum nomine intellexisset Plato, nunquam tam acriter (inquit Philoponus) contra Ideas Aristoteles disputasset, quia easdem cum Platone notiones agnouit.

fTeretismata (inquit Philoponus) sunt ergo *Ταλ- Teretismata,*
ματα τῶν κίθαρων, hoc est, (ut ait Mathisius)
 praeentiones, & quasi praelusiones, quibus Cithara-
 di fidium harmoniam, & discrepantiam explo-
 rant. Citharadi enim (ut habet Zabarella) ante-
 quam serio cordas pulsare incipiunt, prae mittunt
 quendam sonum inordinatū, ut experiātur an chor-
 da sint inter se consonantes necne, qui sonus dicitur
 omnino nihil, quia non est pars illius soni, quem ci-
 tharadus faciendum sibi proposuit. Teretismata
 significant etiā (ut alij volunt) cantum cicadae. Boë-
 tius vertit Monstra: Argypilus fidium attre-
 ctationes: alij portenta. per teretismata hic in-
 telligit Philosophus Ideas esse fabulas & figmenta, in
 rerum natura non consistentia.

g Duae primae rationes dicuntur Logicae, quia com-
 munes sunt, & desumptae ex principijs Logices. Nā
 prior ratio desumitur ex numero & ordine prae-
 dicamentorum, quo Medio non solum probat Demon-
 strationis terminos non progredi in infinitum, sed
 simpliciter omnium syllogismorum: Posterior etiam
 ratio ex principio ducitur, quod aequè convenit a-
 lijs syllogismis, atq; Demonstratiuo: Tertia ratio est
 analytica siue Demonstratiua, quia desumitur ex
 principio proprio huius disciplinae, quod est. Princi-
 pia siue prae dicata Demonstratiōnis sunt Per se
 Averroes & Crellius asserūt argumēta logica siue
 Dialectica esse in duplici differētiā. Quada proprie,
 sunt logica, quae ex Topicis desumuntur: Quadam

Argumenta
 logica sunt
 duplicia.

In p̄fat.
In Top.

improprie & per similitudinem, ea nempe, quæ non domestica, sed pluribus communia sunt: cuiusmodi hæc sunt, quæ à Philosopho hoc in loco adferuntur. Sicut enim Dialectica argumenta pluribus communia sunt, cum Dialecticus (ut Alexander ait) viam habeat introuittendi se in omni materia: sic quodcunq; argumentum commune est, id Dialecticum per similitudinem dicitur. Par ratione argumenta dicuntur analytica, vel quæ sunt Demonstratiua, in quibus propria affectiones de suis subiectis per Medium, & causam proximam demonstrantur: vel quæ sunt cuiusq; artis propria, quo in sensu hoc in loco sumitur ratio analytica.

ANALYSIS CAP. 19.

ARGUMENTUM.

Alii huius connexionē sic faciendū putant. Cum hætenus in prædicatione vnius de vno ostenderit Demonstrationem in infinitū nō progredi: hic ostendit in prædicatione vnius de pluribus idē non euenire.

TRIBUS illis quæstionibus, quas cap. 15. proposuerat, explicatis: iam ad propositum, nempe ad resolutionem demonstrationum accedit. Duæ sunt huius cap: partes. Primò, quædam corollaria ex ijs, quæ hætenus dicta sunt, colligit. Secundò, ostendit quomodo propositiones mediatae in immediatas, idq; in tribus figuris resoluantur.

Quæ corollaria ex ijs, quæ dicta sunt, colligi & inferri possunt.

Primum hoc est. Si vna affectio de duobus^a subiectis demonstretur. vt A. de C. & D. quorum vnum de altero vel non omninò, vel non de omnico dicitur, non semper secundum commune illis Medium de ijs demonstrabitur,

bitur, hoc est, nō per infinita Media, sed finita de iis ostendetur. Exempli causa. Hæc affectio, habere tres angulos pares duobus rectis, demonstratur de Isoscele & scaleno per aliquod Medium eis commune: Demonstratur enim quatenus figura quædam sunt, nempe triangulum: iam non semper erit aliud Medium, per quod aut de iis, aut de triangulo demonstratur illa affectio, sed tandem erit aliquod ultimum Medium, per quod demonstrabitur.

Quare affectio non semper per aliud Medium demonstratur?

Quia tum essent infinita Media inter duo finita extrema, quod fieri non potest. Ut si A. de C. & D. per Medium B. Et rursus de B. per aliud Medium semper demonstretur. Non ergo semper idem per commune Medium de multis demonstratur. Nam quædam sunt immediata intervalla, hoc est immediata propositiones.

Qualia debent esse Media Demonstrationis?

Debent esse ex eodem genere seu subiecto, & ex iisdem individuis, hoc est, principiis, & quæ sunt per se. Non enim licet ex vno genere in aliud genus transferre aut Media, aut ea quæ demonstrantur, hoc est, affectiones.

Quod est secundum corollarium?

Secundum hoc est. Cum A. ipsi B. inest, hoc est, cū propositio affirmativa Mediū habet, ut, omne B. est A. potest demonstrari per Medium: Et quot sunt eius Media, tot sunt eius elementa, hoc est, principia (Elementa voco propositiones immediatas vel universales). sin nullū sit Medium, nec erit illius Demonstratio, sed ad ipsa principia peruentum est. Eadem est ratio si A. ipsi B. nō inest, hoc est, si propositio negativa Medium habet, vel prius, cui non inest, demonstrari etiam potest per huiusmodi Medium: Et quot sunt Media sive termini, tot sunt elementa & principia. Ex eis enim terminis cō-

Propositio affirmativa proprie dicitur habere Medium: negativa improprie.

stitutæ propositiones, sunt principia Demonstrationis: Et quemadmodum sunt principia aliqua affirmantia: sic sunt & negantia, quæ demonstrari non possunt.

Quomodo propositiones mediatæ possunt resolui in immediatas, & primo in prima figura quale debet esse Medium, per quod resolvuntur propositiones in Demonstratione affirmanti.

Zabarella
per primum
intelligit quæ
genus ipsum;
sed illi assen-
tiri nequeo,
quia in reso-
lutione De-
monstratio-
nis Medium
non prædica-
tur de Minori
extremo vni-
uersaliter &
quatenus ip-
sum donec
ad primas &
immediatas
propositio-
nes perven-
tum sit.

In prima figura sumendum est Medium, quod^a primum & immediatè de Minori extremo affirmatur, & de quo etiam Maius extremum prædicatur: vt hæc propositio omne B. est A. demonstratur per C. Medium quod de omni B. affirmatur, & de quo affirmatur A. Et sic semper sumenda sunt Media, vt non^c extrinsecus, hoc est, extra terminos, sed intra assumantur; nec Medium sumendum est, quod inest ipsi A. hoc est, quod de Maiori extremo affirmatur, sed quod potius illi subiicitur, & de Minori extremo affirmatur; vnde eo modo debet densari, donec ad indiuisibilia & vnum quoddam peruentum sit.

Quando ad vnum peruentum sit?

Cum ad immediatam propositionem peruentum sit. Nam vna propositio simpliciter est, quæ immediata est: Et principium est res simplex.

Quomodo illud ostendis?

Argumento ducto à similitudine. Nam sicut in aliis rebus principium illud est, quod^a vnum & simplex est, licet in omnibus non sit idem, sed in ponderibus^b Minna, in concentu^c dixilis: ita in^d syllogismo propositio immediata, quæ est principium, vnum & simplex est: in Demonstratione autem & scientia est intelligentia si-
vè^m intellectus.

*Nam eodem modo propositiones in negante Demonstratione resolvuntur in immediatas, quo in af-
firmantes?*

Omni.

Omnino. Nam ubi quod oportet inesse, nihil extra hoc cadit, hoc est, quod attinet ad affirmatiuam propositionem, liquidò constat eam non posse demonstrari nisi per tale Medium, quod de Minori extremo dicitur: & de quo Maius extremum affirmatur: unde extra hos terminos non cadet. Exempli causa: sit hæc Demonstratio negans.

Nullum C. est A.

Omne B. est C.

Nullum B. est A.

id est:

Nullus habitus habet tres angulos &c.

Omnis fortitudo est habitus Ergo

Nulla fortitudo habet tres angulos &c.

Quod huius ratiocinationis Minor propositio probetur per tale Medium, quod extra terminos non cadat, manifestum est exiis, quæ iam dicta sunt: Deinde si Maior probanda sit, necesse est etiam, ut Medium ipsius C. & A. accipiat.

Quomodo in secunda figura sumendum est Medium?

Sumendum est tale Medium, quod numquam cadit Extra Minus extremum: ut si hæc propositio demonstretur, Nullum E. est D. sumendum est Medium, quod non cadit extra ipsum E. sed quod de eo affirmatur, in Cæsare.

Quomodo in tertia figura sumendum est Medium?

Accipiendum est tale Medium quod numquam progreditur extra id, à quo, vel quod negare oportet, hoc est, quod non cadit extra subiectum aut prædicatum, siue Maius extremum, & Minus extremum. Præsertim in Darapti.

*Pacius hic inserit hanc tetricam negatiuam Non quod in aliis codicibus non reperitur.

Extra cadere quidam accipiunt pro eo, quod est superius quodque aliud sub se tanquam angustius comprehenditur: Alii illud sumunt pro eo, quod est alienum & non essenziale. Tertia figura reuera non est idonea ad Demonstrandum.

SCHO.

SCHOLIA IN CAP. 19.

a **S**umenda sunt talia subiecta, quorum unum
de altero nō dicitur, saltem uniuerse. Nam si
huiusmodi sumantur, numquam inueniri potest tale
Medium, quod utriusq; immediatē conuenit. Nul-
lum enim Medium de superiori & inferiori imme-
diatē affirmari potest.

b Per Individua nonnulli extrema Demonstra-
tionis intelligunt: Alij principia immediata, quia in
his predicata de subiecto indiuiduē dicuntur. Patius
nō Individua legit. Sic enim habet, ἐν τῷ αὐτῷ τῷ
μὲν, hoc est, ex iisdem totis, id est, sectionibus: cum
aliy legant, ἐν τῷ αὐτῷ ἀ τῷ μὲν, id est, ex iisdem in-
diuiduis. Ego à communi lectione recedere non au-
deo.

c Propositiones immediate dicuntur elementa prop-
ter similitudinem, quam habent cum elementis.
Nam sicut elementa non possunt resolui in alia cor-
pora priora, ex quibus fiunt, sed ipsa sunt prima, ex
quibus omnia alia corpora mixta cōponuntur, & in
qua resoluuntur: Ita propositiones immediate nō pos-
sunt resolui in alias propositiones priores, sed ipsę prima
sunt, ex quibus reliqua mediate demonstrantur, &
in quas resoluuntur.

d Nonnulli dicunt Maiorem propositionem esse
elementum & uniuersalem: Elementum, quia in a-
liam

iam priorem non potest resolui: uniuersalem, quia
 Minorem continet tanquam partem. Ego existimo
 in resolutione Demonstrationis affirmatiua, si debi-
 to ordine resoluatur, Minorem esse immediatam, &
 Maiorem mediatam, donec ad primam & uniuers-
 alem Demonstrationem peruentum sit. Tum enim
 & illa est immediata. Exempli causa: haec propositio.
 Omnis Ifosceles habet tres angulos pares duobus re-
 ctis, demonstratur per Maiorem mediatam, sed per
 Minorem immediatam hoc modo. Omne triangu-
 lum habet tres angulos pares duobus rectis. Omnis
 Ifosceles est triangulum. Ergo omnis Ifosceles &
 Maior propositio probatur per immediatam, quae
 haec est. Omnis figura habens exteriorum angulum
 duobus interioribus, sibi oppositis, equalē, habet an-
 gulos pares duobus rectis. At omne triangulum est
 huiusmodi figura. Ergo &c.

Resolutio De
 mōstrationis
 est, quando
 conclusio me-
 diata eoultq;
 probatur, do-
 nec ad imme-
 diata princi-
 pia & prae-
 missas redu-
 catur.

e Medium in resolutione Demonstrationis in pri-
 ma figura non debet extra poni, quia, ut aliqui vo-
 lunt, inter duo extrema, hoc est, Maius & Minus
 extrema collocari debet, unde Medium appellatur.
 Alij dicunt non extra poni, quia non debet esse Me-
 dium extraneum, sed eiusdem generis.

f Illa propositio dicitur una simpliciter, quae est una
 simplex, hoc est, quae una & actu est, & potestate:
 qualis est immediata propositio. Nam mediata est
 una composita, quia ex illis constat, in quas resol-
 vitur: unde una est actu, sed potestate plures. Za-
 barella.

Mina.

g Illud in aliquo genere primum est & simplex; quod in aliud non resolvitur, sed in ipsum reliqua resolvuntur: ut mina in ponderibus, in cantu diasys.
 h Mina minimum in ponderibus ab Arist: supponitur, quæ sit mensura aliorum, ex qua reliqua omnia constituuntur, & in quam resolvuntur: sed reverà non ita se res habet. Non enim Mina est primum & simplex in ponderibus, sed potius uncia, in quam minæ resolvuntur, & qua in alia non resolvitur. Veruntamen veritas in exemplis non est requirenda. Mina non tantum ponderis, sed & rei numaria nomen erat. Mina in pondere duodecem uncias, ac semissem continebat: in re numaria centum drachmas Atticas teste Plinio li. 21. cap. ultimo.

Diasis.

i Diasis significat transmissionem, separationem, à verbo d'ĩnuĩ trāsmitto: sed hic sumitur pro minima sonorum differentia, seu pro tono, qui primum sensu percipitur: unde simplex dicitur in concentu, quia in minores sensiles non resolvitur: appellatur semitonium.

k Per syllogismum (ut ait Zabarella) intelligit Arist: Demonstrativum tantum. Nam in Dialecticis non fit resolutio in propositionem immediatam, sed solū in Demonstrativis syllogismis: quod autem postea addat Demonstrationem, non est existimandum Demonstrationem a syllogismo Dialectico seingere, sed potius Demonstrationem cum scientia coniungere, ita ut hic sit sensus: in syllogis-

logismo, hoc est, in Demonstratione illud, quod primum est & unū, est propositio immediata: at in Demonstratione & scientia illud, quod est primum, est intellectus: vel per Demonstratioem & scientiam intelligi potest (ut idem ait) scientia Demonstratione acquisita, cuius principium est intellectus, qui ad scientiam refertur, tanquam simplex ad compositum.

¶ Intellectus dicitur principium scientia, quia principia Demonstrationis, ex qua oritur scientia, intellectus cognoscuntur. Nam etiam si inductione, quæ fit sensu, probentur, tamē intellectus est, qui uniuersale ex singularibus colligit.

ANALYSIS CAP. 20.

ARGUMENTVM.

Explicatis quæstionibus de progressu Demonstrationum & earundem resolutione: iam quasdam Demonstrationū diuisiones tradit, quæ tres sunt
 1. Demonstratio alia est uniuersalis: alia particularis. 2. Demonstratio alia est attributiua siuē affirmans: alia est priuatiua siuē negans. 3. Demonstratio alia est directa siuē ostensiuā: alia est indirecta siuē quæ ducit ad impossibile. Prima diuisio ex quantitate: secunda ex qualitate: tertia ex modo probandi desumitur. Omnes has Demonstrationes inter se quoad earum dignitatē cōparat Arist: In hoc capite quærit an uniuersalis demonstratio præstātor sit particulari: ubi tria observat. Primò tres diuisiones Demonstrationis præmittit. Secundo, quasdam obiectiones aduersus uniuersalis Demonstrationis.

strationis dignitatem adducit, easq; resoluit. Tertiò septem rationibus confirmat vniuersalem præstantiorem esse particulari.

Quot sunt diuisiones Demonstrationis?

Tres. 1. Demonstratio alia est vniuersalis: alia particularis. 2. Alia est affirmans: alia negans. 3. Alia est, quæ directò demonstrat, quæ vocatur ostensiva: alia, quæ ducit ad impossibile.

Quæ Demonstratio in singulis diuisionibus est præstantior, ac primo in prima diuisione? Estne ergo vniuersalis præstantior, an particularis?

* Vniuersalis præstantior est: tamen possunt adduci rationes quædam, quibus particularis vniuersalem dignitate superare videtur.

Quæ est prima ratio?

1 Prima ratio, à virtute suæ perfectione Demonstrationis ducta, hæc est. Illa Demonstratio, per quam magis scimus, est præstantior, (Hæc enim est virtus & perfectio Demonstrationis) at per particularem magis scimus. Ergo particularis est præstantior. Minor probatur. Cum rem cognoscimus per se, magis scimus, quam cum cognoscimus per aliud: at particulari Demonstratione rem cognoscimus per se; vniuersali vero per aliud. Ergo particulari magis scimus. Maior manifesta est. Minor probatur duobus exemplis. Primò, cum demonstramus Coriscum esse musicum, scimus Coriscum per se esse musicum, & non secundum aliud: at si hominem demonstramus esse musicum, scimus Coriscum esse musicum non per se, sed per aliud, nempe, hominem. Secundò, cum demonstramus Iloscelem habere tres angulos pares duobus rectis, scimus Iloscele hanc affectionem habere per se: at cum triangulum demonstramus habere tres angulos &c. scimus Iloscele hanc affectionem habere non per se, quia est Ilosceles: sed per aliud, nempe quia est triangulum.

Quæ

Quæ est secunda ratio?

Secunda ratio ex subiecto demonstrationis desumpta, hæc est. Illa Demonstratio quæ est de Ente, siue de eo, quod est, præstantior est eâ, quæ est de Non Ente, siue de eo, quod non est: at particularis est de Ente: vniversalis de Non Ente. Ergo particularis est præstantior. Secunda pars Minoris prob: vniversalis, de quo est vniversalis Demonstratio, nõ est præter singulare: quare si quod vniversalis sumatur distinctum a singularibus, illud erit Non Ens.

Quæ est tertia ratio?

Tertia ratio ab effectu Demonstrationis deducta, hæc est. Illa Demonstratio, ex qua nõ oritur error & deceptio, præstantior est eâ, ex qua oritur: at ex particulari non oritur error & deceptio: ex vniversalis verò oritur. Ergo particularis est præstantior. Secunda pars Minoris prob: vniversalis Demonstratio efficit, vt arbitremur vniversalis esse aliquid per se existens præter singulæ, quod fieri non potest. Ergo ex ea oritur error & deceptio. Anteced: prob: Si fiat Demonstratio de triangulo, figura, aut numero, efficit, vt arbitremur esse triangulum, figuram & numerum præter singula triangula, singulas figuras, & singulos numeros. Eadem est ratio si demonstraretur *Analogum*, hoc est, *proportionale* de eo, quod est commune lineis, numeris, solidis & planis, hoc est, corporibus & superficiebus: hæc Demonstratio faciet, vt putemus esse aliquid vniversalis horum, quod nec est linea, nec numerus, nec solum, nec planum, sed aliquid aliud ab his distinctum: quod cum ratione & veritate pugnat: vnde patet vniversalem Demonstrationem, cum minus versetur in eo, quod est, quam particularis: & in errorem etiã nos inducat, multo deteriorem esse particulari.

Potestne hæc rationes, quas adduxisti,

diluere?

Possunt, idq; sine vllò negotio: atq; non solum hoc, sed

M.

eri-

etiam eas retorquere possum.

Quomodo primam rationem diluis?

Illa ratio non magis aduersus vniuersalem, quam particularem concludit. Nam Minor illa propositio falsa est, in qua dicitur, nos magis scire per particulare quàm vniuersale: Et contraria vera est: vnde illa retorquens, & contraria ratio pro vniuersali Demonstratione concludi potest hoc modo. Illa Demonstratio, per quàm magis scimus, est præstantior; at per vniuersale magis scimus. Ergo vniuersalis est præstantior. Minor prob: cum rem cognoscimus per se, magis scimus, quàm cū cognoscimus, per aliud: at vniuersali Demonstratione rem cognoscimus per se: particulari verò per aliud. Ergo vniuersali magis scimus. minor prob: Fiat Demonstratio vniuersalis, qua triagulū demonstratur habere tres angulos pares duobus, rectis: fiat altera particularis, qua Ilosceles demonstratur eandem affectionem habere. Iam qui nouit triangulum hanc affectionem habere, magis nouit, quàm qui nouit Iloscelem eam habere. Nā magis nouit, qui nouit rem, quàm res est, quam qui nouit rem, quàm res non est: at qui nouit triagulū habere tres angulos pares duobus rectis, nouit triagulū, quàm triagulū est: qui verò nouit Ilosceleptā illam affectionem habere, non eam nouit quàm est Ilosceles, sed quàm est triangulum. Nam illa affectio conuenit triangulo, quàm triangulum est, Ilosceli verò, non quàm est Ilosceles, sed quàm est triangulum.

Quomodo ostendis illā affectionem triangulo, non quàm est Ilosceles; sed Ilosceli, quàm est triangulum, conuenire? Hoc est, quomodo ostendis triangulum esse primum subiectum istius affectionis?

Istud ostendere possum ex tribus illis condicionibus, quæ in primo subiecto requiruntur. Primo, quia triangulum latius patet, quam Ilosceles. Secundo, quia eadem est vtriusq; definitio, idq; non secundum homonymiam.

Tercio

Tertio, quia illa affectio de omni triangulo, hoc est, de omnibus ipsius interioribus, affirmatur.

Quomodo secundam rationem soluis?

Illam propositio falsa est, in qua dicitur, quod particularis Demonstratio sit de eo, quod est: vniuersalis verò de eo, quod nō est. Nā vniuersalia, si sint vniuoca, non minus sunt quā particularia, imò magis sunt, ea ex parte, quæ æterna sunt & ab omni interitu aliena: particularia verò magis sunt interitui obnoxia: itaq; non solum illa propositio falsa est, sed etiam eius contraria summam in se continet veritatem: vnde hæc ratio etiam retorqueri potest, hoc pacto. Illa Demonstratio, quæ est de eo, quod magis est, præstantior est eâ, quæ est de eo, quod minus est: sed vniuersalis est de eo, quod magis est: particularis verò de eo, quod minus est. Ergo vniuersalis est præstantior. Minor prob: vniuersalia, de quibus est vniuersalis Demonstratio, magis sunt quam particularia, de quibus est particularis Demonstratio. Nam illa sunt magis æterna quam hæc, & minus corruptibilia.

Quomodo tertiam rationem euertis?

Illam propositio falsa est, in qua dicitur, quod vniuersalis Demonstratio efficit, vt arbitremur vniuersale esse aliquid præter singularia. Nam non ideo, quia aliqua affectio de vniuersali quopiam demonstratur, necesse est arbitrari vniuersale esse aliquid præter singulare. Quemadmodum enim cum accidentia, vt Qualitatem, Relationem, Actionem & reliqua æque atque Quid est, hoc est, substantiam consideramus, subiecto tamen, in quo consistunt, nō considerato, non ideo putamus illa a subiecto esse, seiuncta & seperata, quamuis intellectus beneficio ab eo abstrahamus: sic cum vniuersalia intuemur, non intuentes singularia, non ideo vniuersalia a singularibus avulsa esse credimus: quod si quis id opinatur, ipse potius est causa

suz deceptionis, quàm Demonstratio, quia male accipit.

Quibus argumentis iam possis confirmare vniuersalem Demonstrationem præstantiorem esse particulari.

His argumentis istud confirmari possum. Demonstratio est syllogismus ostendens causam & cur res sit, hoc iacto fundamento, prima ratio hæc est. Illa Demonstratio, quæ magis ostendit causam, & cur res sit, præstantior est eâ, quæ hoc minus præstat: at vniuersalis magis ostendit causam, & cur sit res, quàm particularis. Ergo vniuersalis est eâ præstantior. Minor prob: vniuersale est magis causa, quam particulare. Ergo Demonstratio vniuersalis, quæ est de vniuersali, magis ostendit causam quam particulare. Antecedens prob. Illud, cui per se inest affectio, est affectionis causa adæquata: ideo & magis causa, quam illud, cui per se non inest: sed vniuersale, nempe subiectum est, cui per se inest affectio, & non particulare subiectum, cum huic gratia illius inest. Ergo vniuersale est ipseus causa & non particulare: vnde & magis causa.

Secunda ratio. Illa Demonstratio, per quam magis scimus, præstantior est eâ, per quam minus scimus (Hæc enim est virtus Demonstrationis) at per vniuersalem magis scimus. Ergo vniuersalis est præstantior. Minor prob: per illam Demonstrationem, quâ primam causam cognoscimus, magis scimus: at per vniuersalem primam causam cognoscimus. Ergo per vniuersalem magis scimus. Minor probatur exemplo causæ finalis. Si quis interroget, cuius gratia quis venerit? respondeatur, vt pecuniam accipiat: cur pecuniam accipiet? vt restituat, quod debet, & creditori satisfaciat: cur restituet, quod debet? vt non iniuste agat: Hæc est prima causa, cur venerit: Et qui hanc nouit, maximè istius aduentum nouit. Sicut igitur se habet in causa finali ita & in omnibus alijs causis, quæ Media sunt De-

Hoc exemplum de causa finali non pertinet ad Demonstrationes nisi per quandam similitudinem & proportionem.

monstrationum. Nam tum maximè scimus, cum primam & vniuersalem causam nouimus. Vt si quis roget, quare exteriores anguli alicuius figuræ æquales sunt quatuor rectis angulis? Quia est Ilosceles: cur Ilosceles hanc affectionem habet? Quia triangulum eam habet: cur triangulum eam habet? Quia figura rectilinea eandem habet: hæc est prima causa, & qui eam nouit, maxime nouit, quia est vniuersalis causa, hoc est, vniuersale & primum subiectum. Quare Demonstratio vniuersalis præstantior est particulari.

Tertia ratio. Illa Demonstratio, per quam magis scimus, præstantior est; at per vniuersalem magis scimus. Ergo vniuersalis præstantior est. Minor prob: per illam Demonstrationem, quâ vniuersalia cognoscimus, magis scimus, quam qua particularia: at vniuersali Demonstratione vniuersalia: particulari verò particularia cognoscimus. Ergo per vniuersalem magis scimus. Maior prob: Sicut ea, quæ cognoscuntur, finita sunt non infinita: ita quæ magis sunt finita, magis cognoscuntur: sed vniuersalia [magis sunt finita, quam particularia. Ergo magis cognoscuntur, & per illorum Demonstrationem magis scimus.

Quarta ratio. Illa Demonstratio, secundum quam hoc & illud, id est, plura quis cognoscit, præstantior est eâ, secundum quam hoc solum, id est, pauciora cognoscit: at secundum vniuersalem plura quis cognoscit, quam secundum particularem. Ergo vniuersalis præstantior est. Minor prob: Secundum vniuersalem cognoscit quis vniuersale & particulare: secundum particularem verò solum particulare. Ergo secundum vniuersalem plura quis cognoscit.

Quinta ratio. Sicut illa Demonstratio, quæ fit per principium, hoc est, propositionem immediatam, præstantior est eâ, quæ non fit per principium: sic & ea, quæ fit per Medium propinquius principio, suâ, quæ ma-

gis fit per principium, excellentior est eâ, quæ non fit
at vniuersalis magis fit per principium quàm particu-
laris. Ergo vniuersalis est præstantior. Exempli cau-
sa. Si Demonstraretur A. de D. per Media B. C. quorum
B. est superius & prius, Demonstratio facta per B. ma-
gis erit per principium, & magis est vniuersalis, quam
ea, quæ fit per C. Sed ex his rationibus quædam sunt
logicæ & communes, nempe tertia & quarta, sicut duæ
sequentes.

6 Sexta ratio. Illa Demonstratio, quæ alterius rei cog-
nitionem potestate continet, præstantior est eâ, quæ
non cõtinet: at vniuersalis Demonstratio continet a-
ctu cognitionē ipsius vniuersalis; potestate etiam cog-
nitionē ipsius particularis: Demonstratio verò particu-
laris nec actu nec potentia continet cognitionem vni-
uersalis. Ergo vniuersalis est præstantior. Minor proba-
t. Nā qui duarum propositionū priorē, hoc est, superiorē
& generaliorē, qualis est conclusio vniuersalis Demo-
strationis, cognoscit, posteriorem etiā quodāmodo, hoc
est, inferiorē propositionem & minus generalē, quæ
est conclusio particularis Demonstrationis, potestate
cognoscit. Exempli causa: qui hanc generalem propo-
sitionem cognoscit: Omne triangulum habet tres an-
gulos, pares duobus rectis: quodammodo etiam nouit Is-
oscelem hanc affectionem habere, etiā si nō cognoscit
Isoscelē esse triangulū: at qui hanc propositionē nouit,
Omnis Isosceles habet tres angulos pares duobus re-
ctis, nullo modo nouit vniuersale, id est, triangulū eā af-
fectionē habere, nec potestate nec actu, hoc est, nō nouit
triangulū esse primū istius affectionis subiectum.

7 Septima ratio. Illa Demonstratio, quæ est intelligibi-
lis, præstantior est eâ, quæ in sensum definit: at vni-
uersalis Demonstratio est intelligibilis: particularis
vero in sensum definit, hoc est, Demonstratio vniuer-
salis constat ex propositionibus quæ intellectu, præ-
stantior

stantiore animæ facultate, cognoscuntur, nempe vniuersalibus: particularis verò ex ijs, quæ sensu, inferiore facultate, cognoscuntur, nempe particularibus. Ergo vniuersalis Demonstratio est præstantior particulari.

• SCHOLIA IN CAP. 20.

Demonstratio vniuersalis ea dicitur, in qua ^{Vniuersalis Demonstratio quid?} propria passio in conclusione demonstratur de primo suo subiecto adequato & reciproco per Medium conuertibile. Vt: omnis figura habens angulum exteriorem duobus internis oppositis æqualem, habet tres angulos pares duobus rectis: at ^{Particularis Demonstratio quid?} triangulum est huiusmodi figura. Ergo triangulum habet tres angulos pares duobus rectis. Demonstratio particularis illa dicitur, in qua propria passio demonstratur non de primo suo subiecto & adequato, sed de aliquo inferiori sub eo contento: Et hoc inferius potest esse species vel individuum, species: vt: omne triangulum habet tres angulos pares duobus rectis: Isosceles est triangulum. Ergo &c. Individuum: vt: omnis Isosceles habet tres angulos pares duobus rectis, sed hæc, qua in semicirculo descripta est, Isosceles est, Ergo &c? Tradit Aristoteles exempla utriusq; in initio huius, cap. Exemplum enim de Corisco est individui: de Isoscele verò est speciei: quamvis

illa, quæ ex singularibus siue indiuiduis constat propositionibus, non sit appellanda Demonstratio. Tria hinc notanda sunt. Primo, quod species dicitur particulare respectu generis. Secundo, quod propria passio generis non demonstratur de specie eiusdem generis primò & per se, sed secundariò & per accidens. Non enim ponitur species in huiusmodi passionis definitione, quæ est condicio secundæ modi per se. Tertiò, quod omnes propositiones alicuius Demonstrationis possunt esse vniuersales quoad formam earum, interim vt Demonstratio non sit vniuersalis, sed particularis: vt: omne triangulum habet tres angulos pares duobus rectis: at omnis Isosceles est triangulum. Ergo omnis Isosceles habet tres angulos pares duobus rectis. E diuerso, omnes propositiones Demonstrationis possunt esse particulares siue indefinitæ quoad formam earum, sed necesse est, vt sint vniuersales quoad materiam.

b Secundam & tertiam rationem coniungit Arist. & coniunctas vt vnā adducit, quippe vna ex alterâ dependet. Ego tamen eas diuisi, & in duas distinctas redegi, quia duæ earundem solutiones seorsim à Philosopho adhibentur.

Tria precepta, quibus primum subiectum a secundario internoscitur.

c Hæc sunt tria illa præcepta, quibus vniuersale & primum alicuius affectionis subiectum à particulari & secundario internosci potest. Primo, vt latius pateat. Secundo, vt sit commune, non æquiuocum, sed vniuocum vnā tribuens communem definitionem suis inferioribus. Tertiò, vt eius affectio de

omni

omnibus eius inferioribus affirmetur.

d Non omnia particularia, si pro indiuiduis sumantur, caduca sunt, veluti hic sol; Et nulla, si pro speciebus, vel minus vniuersalibus accipiantur, interitui sunt obnoxia: unde non dicit Arist: particularia esse corruptibilia, sed magis corruptibilia, quam vniuersalia: quia nullum vniuersale corrumpitur: at multa particularia intereunt, imo omnia quae luna amplexu continentur.

Ratione.

1. Durationis, vniuersalia dicuntur magis entia, quam particularia, quia sublatis multis particularibus, remanet vniuersale eorum.
2. Existentiae, particularia sunt magis entia, quam vniuersalia.
3. Rei ipsius, quam significant, ambo aequae sunt entia.

e Causa hic sumitur non pro Medio Demonstrationis, sicut sumi solet, sed pro subiecto adequato affectionis, quod ideo ipsius causa dicitur, vel quia continet causam probandi quae est Medium; vel quia est causa, quare affectio existit.

f Quarta ratio & sexta sic differunt. In illa intelligit Philosophus quod cognitio vniuersalis esse non potest actu & simpliciter sine cognitione alicuius particularis; unde qui vniuersale actu cognoscit, aliquod etiam particulare actu cognoscat necesse est, et si non omnia: In sexta ratione vult quod omnia particularia potentia cognoscuntur, si vniuersale actu cognoscatur: sed si particulare actu cognoscatur,

noscitur, non est necesse, Vt vniuersale vel actū, vel potestate cognoscatur.

g Septima ratio est intelligenda de Demonstratione cuius subiectum est singulare & corporeū. Quāuis huiusmodi non sit dicenda propria Demonstratio.

ANALYSIS CAP. 21.

ARGUMENTVM

IN hoc capite probat Arist: Demonstrationem affirmantem præstantiorem esse negante.

Verum Demonstratio affirmans, vel negans præstantior est?

Demonstratio affirmans multò præstantior est: quod
 * multis rationibus confirmari potest. Prima ratio à perfectione & sufficientia ipsius desumitur, quæ hæc est. Illa Demonstratio, quæ paucioribus indiget postulat, suppositionibus & propositionibus, vt in immediata principia resoluatur, præstantior est (Si * cætera sint paria) quam ea quæ pluribus indiget: at Demonstratio ostensiva siue affirmans paucioribus indiget, postulat &c. quàm negans. Ergo affirmans præstantior est. Maior prob: Illa Demonstratio, per quam citiùs & celeriùs cognoscimus, præstantior est illâ, per quam tardius cognoscimus: at per illam, quæ paucioribus indiget, citiùs & celeriùs cognoscimus. Ergo ea, quæ paucioribus indiget, præstantior est. Maior huius rationis, hoc exemplo fit manifesta. Demonstretur A. de B. per tria Media, B C D. Rursus demonstretur A. de D. per duo Media F G. Iam per hanc posteriorem Demonstrationem, quæ pauciora habet Media, citiùs conclusionis cognitionem assequimur, quàm per illam priorem

* Hoc est, si propositiones vtriusque Demonstrationis sint aliàs æquæ notæ, & quæ veræ, & æquæ necessariæ, & non differant nisi in hoc tantum, quod vna pluribus; altera paucioribus indigeat propositionibus vt ad immediatas resoluantur. Zabarella.

orem. Minor propositio, prioris rationis prob: v-
treque Demonstrationes, affirmans nempe & negans,
etiāsi ex tribus terminis, & duabus præmissis con-
stent, tamen non ex paribus constant præmissis. Nam
affirmans sumit esse quippiam, hoc est, indiget affir-
mantibus tantum; negatiua verò & esse, & non esse
quidpiam, hoc est, indiget affirmantibus præmissis &
negantibus. vna enim semper est affirmans, altera ne-
gans, quæ plures sunt (secundum speciem, etiāsi non
secundum numerum) quam duæ affirmantes.

Secunda ratio. Illa Demonstratio, quæ ex solis af-
firmatiuis propositionibus constat, & negatiuis non in-
diget, præstantior est eā, quæ vtriusque indiget; at De-
monstratio affirmans ex solis affirmatiuis propositio-
nibus constat, nec negatiuis indiget: negans vero v-
triusque indiget. (Nam ex duabus negatiuis eam non
constare probatum est) Ergo affirmans Demonstratio
præstantior est negante.

Tertia ratio. Illa Demonstratio, quæ est notior & cre-
dibilior, præstantior est: at affirmans Demonstratio est
notior & credibilior negante. Ergo affirmans præ-
stantior est. Minor prob: illa Demonstratio, per quam
alia demonstratur, est notior & credibilior eā, quæ de-
monstratur: at per affirmantem negans (in eius reso-
lutione) demonstratur. Ergo affirmans præstantior est
negante. Minor patet hoc exemplo. Sint duæ præmis-
sæ negantis Demonstrationis: Nullum B. est A. Et
Omnis C. est B. id est, Nulla planta est incorporea:
Omnis quercus est planta.* augeantur Demonstrati-
ones ac demonstrentur hæ duæ præmissæ, & ad imme-
diatas resoluantur: illa propositio Nullum B. est A. Per
Medium D. (corpus) demonstratur hoc modo.

Nullum D. est A.

Omnis B. est D.

Nullum B. est A. id est.

* Cum con-
clusio ad im-
mediata re-
solvitur, au-
getur nume-
rus Demon-
strationum.
vide cap. 11.

Nullum

Nullum corpus est incorporeum.

Omnis planta est corpus. Ergo.

Nulla planta est incorporea.

Illa verò propositio, omne C. est B. per Medium E. (Arborem) demonstratur hoc pacto.

Omne E. est B.

Omne C. est E.

Omne C. est B.

id est.

Omnis arbor est planta.

Omnis quercus est arbor. Ergo.

Omnis quercus est planta.

Videmus iam in priori Demonstratione negantē probari per affirmantem Minorem; at in posteriori affirmantem non probari per negantem: vnde ad affirmantem conclusionem probandam necessario requiruntur plures affirmantes præmissæ: sed ad negantem demonstrandam vna requiritur affirmans præmissa. Fiet enim non potest, vt negantes præmissæ plures vnâ reperiantur in vlllo syllogismo, quia semper Medium terminorum attributorum seu affirmantium, est attributum ab vtrâq. parte: priuatiuum verò interualliet vna parte erit priuatiuum, hoc est, affirmantis conclusionis præmissæ vtrâque erunt affirmantes: negantis verò vna præmissa erit negans, altera affirmans.

- 4 **Quarta ratio.** Illa Demonstratio, cuius principia sunt præstantiora, est præstantior: sed affirmantis principia sunt præstantiora negantis. Ergo affirmans est præstantior negante. Minor prob: Propositiones vniuersales aientes sunt præstantiores vniuersalibus negantibus: sed Demonstrationis affirmantis principia sunt propositiones vniuersales aientes; negantis vero negantes. Ergo Demonstrationis affirmantis principia sunt præstantiora. Maior prob: principia, quæ sunt notiora & priora, sunt præstantiora: at aientia sunt notiora &

priora negatibus sicut esse est prius, quam non esse. Ergo sunt præstantiora. Quod sint notiora & priora patet, quia per aientia probantur negantia, & nota fiunt.

Quinta ratio: Illa Demonstratio, quæ ad principij naturam magis accedit, est præstantior: at affirmans ad principij naturam magis accedit, quàm negans. (Hæc enim sine illa non erit: at illa sine hac esse potest) Ergo affirmans est præstantior negante.

SCHOLIA IN CAP. 21.

Nonnulli has rationes ad duas reuocant: Alij ad tres. Nam secundam & tertiam confundunt: sic etiam quartam & quintam. Ego secutus sum Zabarellam, & ipsum contextum: verumtamen non malum refert, utrum plures, an pauciores statuantur. Nam summam habent inter se similitudinem, ita ut vix, ac ne vix a se inuicem seiungi queant. Zabarella tamen sic eas distinguit. Secunda (inquit) à prima differt, quod prima hoc tantum fundamēto nitebatur, quod est, pluribus aut paucioribus propositionibus absolui, non considerat à dependentiâ affirmationis & negationis: secunda autem, numero propositionum non considerato, solâ nititur dependentiâ negationis ab affirmatione, cum affirmatio ad sui Demonstrationem sibi sufficiens sit, & negatione non indigeat. Secunda & tertia sic differunt. In tertia (inquit) non consideratur pendentia Demonstrationis negatiue à Demonstratione affirmatiua, sed solû à propositione affirmatiua: in secunda verò consideratur etiam pendentia Demonstrationis à Demonstratione.

ANA-

ANALYSIS CAP. 22.

ARGUMENTUM.

HIC ostendit Demonstrationem ostensivam præstantiorem esse eâ, quæ ducit ad impossibile. Tres sunt partes huius cap: Primo exempla utriusque Demonstrationis adfert. Secundò, discrimen utriusque ostendit. Tertio rationem colligit, qua probat illam hac esse digniorem.

Estne Demonstratio^a ostensiva præstantior eâ, quæ ducit ad impossibile: vel an hæc illâ præstantior?

Demonstratio ostensiva præstantior est eâ, quæ ducit ad impossibile.

Exemplum adducas Demonstrationis ostensivæ.

Exemplum illius hoc fit.

Nullum B. est A.

Omne C. est B.

Nullum C. est A.

id est.

Nullum rationale est aptum ad hinniendum.

Omnis homo est rationalis. Ergo

Nullus homo est aptus ad hinniendum.

Exemplum illius Demonstrationis, quæ ducit ad impossibile, adducas.

Sit hæc conclusio demonstranda. Nullum B. est A. id est, Nullus homo est aptus ad hinniendum; ut hæc demonstraretur, sumenda est ei contraria, hæc scilicet: Omne B. est A. id est, Omnis homo est aptus ad hinniendum, & ponenda est loco Maioris propositionis, & assumenda alia Minor propositio hoc pacto.

Omne B. est A.

Omne C. est B.

Omne C. est A.

id est.

Omnis homo est aptus ad hinniendum.

Omne rationale est homo. Ergo

Omne rationale est aptum ad hinniendum.

Conclusio est impossibilis & absurda. Ergo & vna præmissarum, non C B. id est, Minor: ergo A B. id est, Maior: ergo contraria illius vera erat, nempe, Nullum B. est A. id est, nullus homo est aptus ad hinniendum.

Quomodo hæc duæ Demonstrationes distinguuntur, & quo modo internosci possunt?

Secundum terminos non distinguuntur. Nam ex iisdem terminis vtræque confici possunt, sed discrimen in hoc consistit. Videndum est vtra ex duabus negativis notior sit & prior, illane, Nullum B. est A. id est, præmissa, nempe Maior propositio; an hæc. Nullum C. est A. id est, conclusio; si hæc sit notior, tum erit Demonstratio ducens ad impossibile: si illa, erit Demonstratio ostensiva. Prior autem naturâ est illa propositio, Nullum B. est A. id est, præmissa, quam hæc, Nullum C. est A. id est, conclusio. Nam præmissæ, ex quibus colligitur conclusio, notiores & priores sunt, quam ipsa conclusio: est autem hæc conclusio, Nullum C. est A. illa verò præmissa, Nullum B. est A. ex qua fit conclusio. Discrimen ergo hoc est, cum præmissæ sunt notiores conclusioni, est Demonstratio ostensiva: cum verò conclusio est notior, est Demonstratio ducens ad impossibile.

Obiectio.

In Demonstratione, quæ ducit ad impossibile illud quod reprehenditur & refellitur, non est conclusio, neque ea, ex quibus concluditur, sunt præmissæ. Ergo huiusmodi genus argumentandi non est legitimum.

So-

Solutio.

Ratio non sequitur. Nam illud, quod refellitur, non statim est conclusio, neq; ea, ex quibus concluditur, sunt semper præmissæ: sed illæ propriè dicuntur præmissæ, quatum vna in syllogismo ad alteram tanquam totum ad partem refertur: at duæ illæ propositiones prædictæ A B. & A C. non ita affectæ sunt, ut hæc sit propositio respectu alterius, Nam nō est Maior, quæ est instar totius, neq; Minor, quæ est instar partis.

Jam collige rationem, quâ probari possis Demonstrationem ostensivam præstantiorem esse, eâ, quæ ducit ad impossibile.

Ratio sic colligitur. Illa Demonstratio, quæ ex notioribus & prioribus præmissis constat, præstantior est ei, quæ ex huiusmodi non constat: at Demonstratio ostensiva ex notioribus & prioribus constat, quàm ea, quæ ducit ad impossibile, ut patet ex utriusq; discrimine, Ergo ostensiva est præstantior: neq; solum negativa, sed etiam affirmativa, quia hæc illa præstantior est.

SCHOLIA IN CAP. 22.

¹
Demonstratio
est duplex.

^a **D**emonstratio est duplex. Directa et ostensiva, quæ directò cōclusionē probat ex præmissis notioribus, & prioribus: Et est vel affirmans: ut: omne rationis particeps est aptum ad ridendum. Omnis homo est rationis particeps. Ergo omnis homo est aptus ad ridendum. Vel negans: ut: Nullum rationis particeps est aptum ad hinniendum. Omnis homo est rationis particeps. Ergo nullus homo est aptus ad hinniendum. Indirecta, obliqua & quæ ducit ad impossibile, in qua conclusio non per se & directè

demonstratur esse vera, sed oblique ex premissa, quæ est ei contraria, hanc scilicet falsam esse ostendendo. Ut si quis probet, quod nullus homo est aptus ad hinniendum, necesse est, ut accipiat illius contrariam, & loco Maioris collocet, & assumat Minorem veram, hoc modo: Omnis homo est aptus ad hinniendum. Omne rationis particeps est homo. Ergo omne rationis particeps est aptum ad hinniendum. Conclusio falsa est. Ergo & una premissarum, non Minor, ergo Maior: ergo illius contraria vera est, nempe. Nullus homo est aptus ad hinniendum. Idem dicendum est de Demonstratione negante, quam hoc in capite precipue tractat Aristoteles: Per impossibile (inquit Aristoteles: 2. Poster: cap. 11.) fit syllogismus cum ponitur contradictio conclusionis, & assumitur alia propositio. fit autem in omnibus figuris. Conclusio in Demonstratione ostensiva semper est vera: in Demonstratione, quæ urget incommode, siue quæ ducit ad impossibile, semper est falsa. Demonstratio ostensiva potest converti in Demonstrationem, quæ ducit ad impossibile: & e contra, hæc in illam. Deinde hæc duæ Demonstrationes differunt quoad modum, non quoad vim probandi. Ostensiva enim directè ex causis rem probat: altera verò oblique ex contrariore ostendit. Hæc Demonstratio, quæ ducit ad impossibile, progreditur etiam ab impossibili & absurdo. Nam non solum conclusio, ad quam aduersarium inducit quis, impossibilis est: sed etiam una premissarum, quam aduersarius concedit.

N

Hoc

Hoc genus argumentandi (ut inquit Arist. 8. Topic. cap. 2.) minus Dialectico conuenit, magis Demonstratori. Præterea concludi potest vel Syllogismo categorico & simplici, sicut concluditur ab Arist. in hoc cap. Vel hypothetico & coniuncto, quod videtur directius, aut saltē a quē directē aduersarij sententiam labefactare: ut.

Si omnis homo sit aptus ad hinniendum, tum omne rationale esset aptum ad hinniendum.

*At hoc falsum est. Ergo
Et illud.*

ANALYSIS. CAP. 23.

ARGUMENTUM

HAftenus multa de Demonstrationis vi & natura disceuit Arist. iam quædam effectum seu finem ipsius, nempe scientiam subiicit. Tria theorematum hoc in capite exponit, unde in tres partes distinguere potest. Primum est de scientiarum collatione, ubi ait vnā scientiam aliā priorem & exactiorem esse tribus modis: quorum primus à perfectione Demonstrationis: reliqui duo ex subiectarum rerum distinctione ac comparatione sumuntur. Secundum est de scientiarum vnitatem & diuersitatem, ubi ostendit quæ scientia dicatur vna, quæ plures. Tertium est de diuersis Demonstrationibus eiusdem conclusionis.

Quot modis vna scientia dicitur accuratior & prior aliā scientiā?

Tribus modis. 1. Illa est accuratior & prior, quæ præcipuum

cipimus & quod res sit, & cur sit, quàm ea, quâ cognoscimus tantum * quod res sit, hoc est, illa est accuratior, quâ cognoscimus conclusionem esse veram, & cur sit vera, quàm illa, quâ cognoscimus tantum eam esse verâ. In illa enim veritatem & causam: in hac verò veritatem tantum nouimus. 2. Illa est exactior & prior, quæ non est de ^a subiecto (sensibili) quàm ea, quæ est de subiecto, hoc est, ea est exactior, quæ considerat subiectum ab omni materia sensili abstractum, quàm ea, quæ subiectum in materia sensili contemplatur: sic Arithmetica exactior est Musicâ, quia illa considerat numerum, non vt est in subiecto, sed vt ab eo abstrahitur: hæc verò numerum contemplatur in materia sensili, nempe in sono. 3. Illa est accuratior scientia, quæ est ex paucioribus, quàm ea, quæ est ex adiectione, hoc est, illa est accuratior, quæ est de simpliciori subiecto, siue paucioribus constâre, quàm illa, quæ est de subiecto ex pluribus pendente: sic Arithmetica accuratior est Geometriâ, quia vnitas (sub qua comprehenditur numerus) quæ est illius subiectum, simplicior est pûcto, quod est huius subiectum. ^b Vnitas enim est substantia absq; situ & positione: punctum verò est substantia cum situ.

Quæ scientia dicitur vna, & quæ diuersæ siue plures dicuntur?

Vna scientia dicitur, quæ vnius est generis siue subiecti, & eorum, quæ ex primis componuntur: & partes sunt, aut affectiones horum per se. Diuersæ scientiæ sunt eorum, quorum ^d principia nec ex iisdem principiis oriuntur, nec altera ex alteris, hoc est, nec principia vnius ex principiis alterius proueniunt.

Quod signum est, quo dignoscere poterimus, utrum diuersæ sint scientiæ, an vna?

Signum est resolutio conclusionis in prima principia. Si ergo cognoscere velimus. Vtrum conclusiones diuersæ ad eandem scientiam, vel plures pertineant,

* Crellii, non Pacii versio. nem & expositionem sequutus sum. Crellius enim sic legit
Exquisitor autem scientiæ & prior & quæ ipsius quod & propter quid, sed non quæ seorsim ipsius quod absq; ea quæ ipsius propter quid. Vt hic sit sensus: Demonstratio, quæ vtrumq; dat, exactior est: non: quæ tñ dñt est absq; illa, quæ est tñ dñti.

resolue[n]dæ sunt in prima sua principia, quæ, si sint in eodem genere, in quo sunt conclusiones demonstratæ, tum illæ conclusiones ad eandem scientiam pertinet: sin minus, ad diuersas pertinebunt. Nam ea, quæ demonstrantur, sunt in eodem genere cum principijs & syngenea, hoc est, iis cognata,

Possuntne vnus & eiusdem conclusionis plures esse Demonstrationes?

Possunt, idq; per diuersa Media, non solum ex eadem classe sumpto termino (medio) non continenter coherere, sed etiam ex diuersis desumpta. Vt illa conclusio, Omne B. est A. id est, omnis aquila est sensus cõpositus, potest demonstrari per tria Media ex eadem classe, nempe per C D F. id est, per voluerem, brutum, & animal. Simili ratione illa conclusio, Omne B. est A. id est, omne, quod voluptate afficitur, mutatur, potest demonstrari per duo Media ex diuersis classibus deprompta, nempe D. & E. id est, per *Moueri*, & *tranquillari*, siue quod *effere*, hoc modo.

Omne D. est A.

Omne B. est D.

Omne B. est A.

id est.

Omne, quod mouetur, mutatur.

Omne, quod voluptate afficitur, mouetur. Ergo

Omne, quod voluptate afficitur, mutatur.

Rursus per E. hoc pacto.

Omne E est A.

Omne B. est E.

Omne B. est A.

id est.

Omne, quod tranquillatur siue quiescit, mutatur.

Omne, quod voluptate afficitur, tranquillatur. Ergo

Omne, quod voluptate afficitur, mutatur.

Nun huiusmodi Media ita diuersa esse possunt, ut

nam de altero non affirmatur?

Nequaquam: sed necesse est, ut vnum eorum de altero dicatur. Nam necesse est, ut ambo alicui eodem, id est, Minori extremo conueniant, quod fieri nequit, nisi vnum de altero dicatur. Quod dictum est de prima figura, idem dicendum erit de ceteris figuris.

SCHOLIA IN CAP. 23.

PER subiectum hic intelligitur subiectum con-
iunctum cum materia sensili, vel ei applica-
tum. Dua tantum scientie considerant subiectum,
ab omni materia sensili abstractum: Arithmetica
& Geometria.

b Cum dicitur quod unitas & punctum sint substā-
tia, aliqui hoc dictum volunt secundum Pythagori-
cos vel Platonicos, qui res Mathematicas substan-
tias esse, & per se subsistentes asseriebant: de qua re
disputat Arist. lib. 3. Metaph. cap. 5. Et etiam secun-
dum eorum opinionem has nonnunquam vocat sub-
stantias. Alij dicit Arist. hoc in loco ex propria sen-
tentia locutum fuisse: sed horum aliqui volunt eum
per substantiā naturam & essentiam intellexisse:
alij indivisibile: alij hac dici substantias aiunt, quia,
licet accidentia sint, tamen in ijs scientijs non consi-
derantur ut accidentia, & alijs inherencia, sed po-
tius ut affectionibus substant: proinde à Mathema-
tico non ut accidentia, sed ut eorum subiecta consi-
derari aiunt: unde substantia per similitudinem ap-
pellantur. Nonnulli substantias ea dici volunt, quia
si sublati substantia destruitur: sed hec ratio nulla
est.

est. Quidā volunt unitatem ideò esse simpliciore[m] puncto, quia unitas est sine puncto, at punctum non est siue unitate: posito enim puncto ponitur unitas: at posita unitate, non ponitur punctum: unde punctū est minus simplex, quia non est nisi cum appositione unitatis. Alij unitatē ideò simpliciore[m] puncto asserunt, quia paucioribus predicatis subicitur, quā[m] punctum. Nam punctum est substantia habens positionem, nempe in magnitudine, quæ punctis terminatur; at unitas est substantia sine positione. Vnde aliqui per positionem intelligunt situm, sicut in predicamento Quantitatis sumitur: unitas enim situm non habet, sicut nec numerus. Alij per positionem intelligunt appositionē siue adiectionem, sicut Pacius interpretatur: unde unitas est sine appositione puncti: sed punctum non est sine appositione unitatis: utræq[ue] opinioniones probabiles sunt.

Obiectio.

Positio siue situs nihil aliud est, quā[m] ordo partium permanentium in toto: at punctum non habet partes. Ergo non habet positionem.

Solutio.

Lib. 10. de
communibus
principiis &
affect: rerum
Natural.

Positio tria
significat.

Respondet Pererius positionē tria significare. 1. Ordinem partium permanentium in toto, sicut sumitur in predicamento Quantitatis, ubi dicitur quod linea superficies & corpus habent positionem: tēpus verò, numerus & oratio non habent; Et sic punctum non habet positionē. 2. Habitudinē partium locati ad partem loci, quo in sensu constituitur predicamentū Situs
siue

finē positionis: Sic etiam punctum non habet positionem. 3. Non per se constare se iunctum ab alijs, sed habere alijs, & in alio positum esse: quoniam autem punctum semper habet iunctum quod est continuo, siquidem terminat vel continuat lineam, idcirco habere positionem dicitur. Alij respondent punctum habere positionem primo modo. i. ordinē partium permanentium in continuo: non tamen per se, sed per accidēs, nēparatione magnitudinis. Nā quia magnitudo positionē habet, & in ea reperitur punctū; ideo positionē habere dicitur punctū: quae quidē responsio magis placet. c Sensus hic est, una scientia dicitur, quae est unius subiecti generis, si quid praeter ipsum in scientia considerari videtur, id ad ipsius subiecti unitatem redigitur. Est enim vel ipsius principium: vel pars, hoc est, species: vel affectio: unde patet generis & speciei unam & eandem esse scientiā. Hec Zabarella. Nonnulli ex praedicta definitione colligunt quatuor esse necessaria ad unitatem scientiae. 1. ut subiectum sit vel natura unū, hoc est, uniuocum; vel analogiā & proportionē unū, hoc est analogū. 2. Ut habeat principia. 3. Ut habeat partes seu species, 4. Ut habeat affectiones, quae de eo per se demonstrentur. Etiam si haec omnia vera sint, tamen aliena sunt (inquit Zabarella) a scopo Philosophi. Oportuisset enim eū conjunctione uti, cum scientia ver setur & in subiecto, et in principijs, & in speciebus, & in affectionibus: tamen distinctione usus est dicens, aut affectiones: unde sensus Philosophi est, qui iam est expositus.

d Et per consequens, non est idem subiectum. Nam quarum scientiarum diuersa sunt principia, earum etiam diuersa erunt subiecta: Et quarum eadē sunt principia, earum idem erit subiectum: vel dicendum est principia hīc non solum significare principia complexa, quales sunt propositiones immediate; sed etiam simplicia: cuiusmodi est subiectum. Vnā ergo scientia de sumitur ab unitate subiecti: unde scientia subalterna dicuntur vna, non diuersa, quia vnum & idem est earum subiectum.

Obiectio.

e Non possunt esse diuersa Media eiusdem conclusionum, ut supra dictum est in cap. 9. Ergo male hīc contrarium asseritur.

Solutio.

Unicum est Medium proximum conclusionis, quae proxima ipsius causa est, sed plura possunt esse Media remota: Et hoc est, quod ait Philosophus in hoc capite. Plures possunt esse Demonstrationes eiusdem conclusionis, ex eadem classeumpto termino non continenter coherente, hoc est, medio termino non proximo.

Crellius.

f Per classem nonnulli classem & seriem praedicamenti intelligunt: Alij seriem causarum. Sicut enim in Categorijs certa series est, qua à summo ad imum certo ordine descenditur: ita Causarū certus ordo & series est, qua à remotissimā ad proximā peruenitur. Eadem igitur series est: cum Media ex eodem genere causa sumuntur Verbi gratia, vel ex

eff-

efficiente tantum: vel finali tantum: vel formali: ex
 quarum singulis unica quidem tantum simpliciter
 proxima causa desumitur: plures autem remotæ,
 quibus omnibus eadem demonstrari conclusio potest.
 Non eadem series est, quando Media vel à diversis
 causarum generibus petuntur: vel partim causa sunt
 partim effecta: sic Medium continuum causa prima
 est, quæ cum effecto sive Maiori extremo continue
 id est, immediate coheret: non continuum, remota.
 g. Dua hinc oriuntur dubitationes: Altera, quomo-
 modo is, qui afficitur voluptate, dicatur moveri &
 quiescere, siue quomodo voluptas sit motus & quies?
 Altera, quo modo quiescere & moveri de se inui-
 cem affirmantur, cū sint opposita? Nonnulli utrāq;
 dubitationem unā & eādem responsione tollūt. Di-
 cunt enim Philosophum hac tantum exempli causa
 adduxisse. Ideoq; has non esse Demonstrationes per
 per causam. Alij sic utramq; diluunt: priorem hoc
 modo: Nonnulli dicunt voluptatem à Philosopho di-
 ci motum iuxta Platonis opinionem: dici quietem
 secundum propriam sententiam. Alij asserunt vo-
 luptatem vocari & motum & quietem iuxta pro-
 priam sententiam. Nam voluptas corporea, quæ hic
 accipitur, quæ est dilataatio arteriarum & venarū,
 & diffusio spirituum in ipsa adeptione rei desideratæ,
 est quidem motus: sed quæ opponitur motui appeti-
 tus (Appetitus enim movet ad rem optatam conse-
 quendam, quæ acquisita dicitur Anima quiescere, Zabarella
 cum desinit appetere) est quies: non tamen illa quies,

qua eiusdem motus priuatio est, Quare non sunt opposita Motus & quies, qua de voluptate affirmantur: Hinc posteriorem dubitationem solvunt. Dicunt enim Moueri & quiescere, qua hic intelliguntur, non esse opposita. Alij sic eam solvunt: asserunt Moueri & quiescere hic sumi pro aptitudine, non actu mouendi & quiescendi: ut: Omne quiescens mouetur, id est, aptum natum est moueri: Et: omne mobile quiescit, id est, aptum natum est quiescere.

h Et sic non solum plures sunt Demonstrationes vnius conclusionis ratione materiae, hoc est, terminorum & propositionum, sed etiam respectu formae, hoc est Modi & Figurae, quarum hac terminorum: illa propositionum est dispositio. Quod dictum videtur, cum conclusio Demonstrationis est uniuersalis negativa. Tum enim in tribus Modis concluditur, nempe in Celarent, Cesare & Camestres. Nam cum est uniuersalis affirmatiua, in Barbara tantum concluditur.

ANALYSIS CAP. 24.

ARGUMENTUM.

IN hoc cap: de obiecto scientiae: Agit Arist: & primo ostendit rerum fortuitarum non esse scientiam. Secundo rerum, quae per sensum percipiuntur, hoc est, singularium non esse scientiam. Tercio ostendit
scn.

sentum ad scientiam adipiscendam multum conferre, etiam si sola scientiæ causa non sit.

Quarum verū non est scientia per Demonstrationē?
Fortuitarū: cuiusmodi sunt, quæ casu & fortunâ leuēiūt.

Quaratione ostenditur verum fortuitarium non esse scientiam?

Hac ratione. Fortuitarum non est Demonstratio. Ergo eorum non est scientia per Demonstrationem. Anteced: prob: Nulla fortuita sunt necessaria, id est, semper vera: nec plerumq; vera, sed quæ præter hæc sunt, id est, quæ raro eueniūt: at omnis Demonstratio est aliter horum, hoc est, vel eorum, quæ necessaria sunt, & semper eodem modo se habent: vel eorum quæ plerumq; sunt. Ergo nulla Demonstratio est fortuitarū. Minor prob: omnis syllogismus, vel fit ex necessarijs propositionibus: vel ex ijs, quæ plerumq; veræ sunt: at omnis demonstratio est syllogismus. Ergo omnis Demonstratio fit vel ex necessarijs, vel ex ijs quæ plerumque eueniunt: Et si ex necessarijs propositionibus siue præmissis fiat, necesse est, ut conclusio (quæ sub scientiam cadit) sit necessaria. Nam si præmissæ sint necessariae, conclusio erit necessaria: si plerumque sint veræ, conclusio plerumque erit vera.

Num per sensum acquiri potest scientia Demonstratiua?

Nequaquam. Nam nulla vniuersalia acquiruntur, vel cognoscuntur per sensum: at omnes scientiæ Demonstratiuæ sunt vniuersaliū. Ergo nulla scientia Demonstratiua acquiritur per sensum. Maior prob: omne, quod per sensum cognoscitur, est hoc aliquid, & alicubi & nūc, hoc est, singulare est, certo loco & tēpore definitū, quamuis ipse sensus, id est, potentia sentiendi sit rei talis, & non huius alicuius, hoc est, sit ipsius vniuersalis & non singularis: at nullum vniuersale est alicubi & nunc, quia tū nō esset vniuersale. Quod enim est semper & ubiq; id

Vel sic? Demonstrationes sunt vniuersalia: sensus nō est vniuersalium. Ergo sensu non acquirimus scientiam Demonstratiuā sensusq; cognitio non est scientia. Crg

id dicimus esse vniuersale. Ergo nullum vniuersale conoscitur per sensum.

Nonné ergo sentire est scire?

Minimè. Nam etiam si sensu, (nempe visu) perciperemus aliquod triangulum habere tres angulos pares duobus rectis, nihilominus tamen huius rei Demonstratiōē requireremus, nec scientiā haberemus, sicut quidam (Heraclylei) affirmarunt. Quod enim sensu percipitur, particulare est: quod verò scientia comprehenditur, vniuersale est. Idcirco si supra lunam positi terram obiectam & interpositam oculis intueremur, non tamen causam defectionis suæ eclipsis cognosceremus. Nam quamuis particularem istam eclipsim, quātum luna laborat sentiremus: non tamen vel eclipsim vniuersalem, vel causā vniuersalem ipsius, quamobrem omninò deficiat Luna, sentiremus, quia sensus, hoc est, ipsa sensatio, suæ actus sentiendi non est ipsius vniuersalis, sed singularis, quamuis potentia sentiendi illius sit, sicut dictum est.

Nihilné ergo sensus ad scientiam confert?

Etiā si scientia per sensum, tāquā per causam proximā nō acquiratur: tamen magnū affert adiumentum ad eam consequendā, siquidem per sensum cognoscuntur singularia, ex quibus perspectis ipsū vniuersale, de quo fit Demonstratio & scientia, manifestum fit, quo inuento Demonstrationem assequamur.

Num vniuersalis cognitio, hoc est, Demonstratiua, præstantior & nobilior est cognitione particulari, quæ sensibus acquiritur?

Maximè, quia causam patefacit (Nam per causam acquiritur,) & non solum nobilior est sensuum perceptionibus, hoc est, cognitione particulari & sensitua, sed etiam intelligentia, id est, omni alia cognitione vniuersali & intellectiua, si modo sit earum, quæ causam aliquam habent.

Estné

Ne qu
horum
nis, sic
Ex his
diactu
quis se
bere p
falso
sum &

Argum
modi p
fius per
de sequ
causam
re. Si e
reremur
actu scie
gulariur
niuersal
cio ipso
foramin
conspic
perspect
scientia

Estne cognitio Demonstratiua, siue conclusionis nobilior cognitione primorum principiorum?

Nequaquam. Principiorum enim alia est ratio, hoc est horum cognitio præstantior est cognitione conclusionis, sicut ipsa principia præstantiora sunt conclusioni. Ex his perspicuum est, sentiendo, hoc est, ipso sentiendi actu, scientiam Demonstratiuam non acquiri, nisi quis sentire tateatur nihil aliud esse quàm scientiam habere per Demonstrationem, quod nonnulli ex antiquis falso asseruerunt, qui sentire & intelligere, siue sensum & intellectum confuderunt.

Obiectio.

Quedã sunt, quæ si sentiremus, de illis nõ dubitaremus, sed perfectã scientiã haberemus; qualia sunt problemata, præsertim illud: Quare lumen per vitrum ingreditur? Quia in vitro sunt foramina, quæ sensu percipi non possunt: iam si hanc causam sentiremus, Demonstrationem huius rei haberemus. Ergo per sensum acquiritur scientia.

Solutio.

Argumentum non sequitur. Nam quamuis sint huiusmodi problemata, quorum obscuritas ad sensus, vel ipsius perspicacitatis * defectum refertur: tamen non inde sequitur, per sensum acquiri scientiam tanquam per causam proximam, neque sequitur quod sentire sit sentire. Si ergo sentiremus, causam, non amplius eam quæreremus, non quia sentiendo, hoc est, ipso sentiendi actu scientiam acquirimus, sed quia ex plurium singularium, quæ sentimus, inspectione & cognitione vniuersale, de quo est Demonstratio & scientia, beneficio ipsius intellectus colligimus. Vt si vitri weatus & foramina vnã cum lumine, quod per ea ingreditur, conspiceremus, proculdubio causam, cur ingrediat, perspectam haberemus, non quia ipso videndi actu scientiam comparamus, sed quia scorsim in singulis vi-

* Defectus ipsius sensus hic proprie non illum defectum significat cuius supra (C. 14.) facta mentio est: sed illum, quando res vel remota vel abstrusa est, vt sensu percipi nequeat, vel alioquin externo impeditur. mento sensus impeditur. Crellius.

tris hoc videntes, simul etiam intelligimus rem ita se habere in omnibus: vnde non tantum singularia videntes, sed vniuersalem etiam propositionem ex his vniuersalibus colligentes, scientiam acquirimus.

SCHOLIA IN CAP. 24.

a **P**er fortuita hic intelligi volunt nonnulli subiecta fortuita; Alij non subiecta, sed accidentia, & fortuitos eventus & effecta. Hec enim excludit Philosophus (inquit Zabarella) à Maiori extremo Demonstrationis. Nam in genetico casu dicit, Eius, quod fit à fortuna, τὸ ὑπὸ τῆς τύχης. Deinde dicit, Demonstratio est alterius horum. Per fortuitum intelligitur fortuita conclusio, quæ dicitur fortuita non ratione subiecti, sed prædicati siue effecti. Fortuna est causa per accidens eorum, quæ raro fiunt, neque ob certum finem, & in habentibus propositum seu deliberationem. Casus est causa per accidens eorum, quæ raro fiunt, neque ob certum finem, & non in habentibus propositum siue deliberationem. Hic non solum intelligitur per fortuitum effectum quod fortunâ, sed etiam, quod casu euenit.

Fortuna
quid?

Casus quid?
Vide lib. 1.
Phil. c. 4. §. 6.

b Cum dicit Aristoteles quod Demonstratio sit alterius horum, hoc est, vel necessariorum,

v. l.

vel eorum, qua plarumq; eveniunt: aliqui dicunt per Demonstrationes eorum, qua plarumq; sunt Philosophum, intelligere Demonstrationes Naturales seu effectorum Naturalium, qua fiunt ex principiis plarumq; veris: per Demonstrationes necessariorum intelligere Demonstrationes Mathematicas. Principia enim Mathematica sunt summè necessaria: principia autem Naturalia sunt necessaria cum defectu. Alij asserunt, quod, cum Arist: dicit Demonstratio est alterius horum, non intelligit alterius indistinctè sed determinatè alterius, id est, necessarij & non eius, quod plarumq; sit. (Propositio enim disiunctiva vera est, cum una pars est vera) ideo cum postea subiungit, omnis syllogismus, non intelligit syllogismum Demonstrativum, sed syllogismum in genere, sicut comprehendit Demonstrativum & Dialecticum.

Zabarella.

Obiectio.

Eorum, qua raro fiunt, est Demonstratio; ut eclipsis luna, sicut Philosophus in cap. 8, huius lib. Ergo fortuitorum est Demonstratio.

Solutio.

Non pati eclipsim (quod raro evenit) sed posse pati eclipsim (quod semper contingit) demonstratur de luna. Vnde aliquid raro evenit vel respectu temporis siue subiecti: ut eclipsis. Et huius erit Demonstratio. Hoc enim non est fortuitum, sed necessarium respectu causa, quia semper &

Pererius lib.
9. de principiis & affectionibus Naturalium

ne-

necessario ponitur posita ipsius causa: ut respectu
causa, & non subiecti, quia ex talis causa raro exi-
stunt tale effectum: sicut raro euenit, ut quis fodien-
do agrum inueniat thesaurum: Et haec non est
Demonstratio. Unde ipsius eclipsis, ut raro euenit,
non est Demonstratio. Sic enim singulare est, non u-
niuersale.

c Sensus, id est, potentia sentiendi est ipsius uniuers-
salis, quia obiectum eius est uniuersale: ut: visus
obiectum est color; auditus vero sonus; non hic color,
non ille sonus; sed sensatio, id est, actus sentiendi, si-
ue sentire est rei singularis: unde obiectum sensus,
hoc est, sentiendi est singulare; sed obiectum scientia
est uniuersale.

d Uniuersalia dicuntur esse semper & ubique, vel
quia aliter se non habent uno tempore aut loco, quam
alio: unde illa propositio negativè venit intelligenda
ut hic sit sensus: uniuersalia non determinat locum
aut tempus requirant: vel quia omni tempore ma-
nent, & in omnibus locis, non absolute, sed ex condi-
tione, si aliqua singularia semper sunt & ubique: unde
uniuersalia semper sunt & ubique, quando, & ubi
existunt aliqua singularia.

Obiectio.

Uniuersalia sunt semper & ubique. Ergo sunt nunc
& alicubi, quod tamen negat Arist: in hoc cap.

Solutio.

Per, Nunc, & Alicubi, intelligit Arist: determi-
natum tempus, & definitum quendam locum, ad si-
dicat,

dicat, singularia definitio tempore, & certo aliquo loco circumscribuntur: at universalia definitum tempus & certum locum non habent, sed in omni tempore, & in omni loco suorum singularium sunt. Singularia enim alicubi sunt, hoc est, in loco suo tantum, nempe hoc vel illo, & non in locis aliorum: sed universalia sunt ubiq, hoc est, in omnibus locis suorum singularium: und illud argumentum non sequitur. Universalia sunt semper & ubiq, Ergo sunt nunc & alicubi, si, Nunc & Alicubi, definite & determinate pro hoc tempore, vel illo loco sumantur: si verò indefinite accipiantur, argumentum valere quodammodo potest. Non solum universalia simplicia sunt aeterna, sed etiam complexa, quales sunt propositiones universales. Nam ut illa semper & ubiq, sunt: ita haec omni tempore, & omni loco vera sunt.

e Eclipsis luna est interpositio terrae inter solem & lunam, hoc est, defectio luminis ipsius luna ob umbram terrae interpositam inter aspectum nostrum & lunam.

Vide l. 1. c. 2.
Eclipsis quid?

f Quatuor cognitionum genera hic tangit Aristoteles. Primum genus est, cognitio particularis, quae sensu acquiritur. Secundum est rei causam habentis cognitio per suam causam, hoc est, Demonstrativa cognitio. Tertium est rei causam habentis cognitio sine causa. Quartum genus, cognitio principiorum. Cognitio Demonstrativa praestantior est primâ & secundâ, sed non quartâ.

Quatuor cog.
nitionum
genera.

Zabarella.

g Hoc exemplum non proprium est, sed alienum. Quidam enim ex Antiquis Philosophis, ut Anaxagoras & Empedocles, asseruerunt lumen esse corpus: cum autem ijs obijceretur, si lumen esset corpus, tum contingere penetrationem corporum, cum per vitrum ingreditur: hunc nodum ita soluebant: Tamen si lumen per vitrum transmittatur, tamen non accidere corporum penetrationem dicebant, quia in vitro sunt quidam tenues & exigui meatus, pori, siue foramina, per quae lumen intronititur, quae tamen foramina oculis conspici nequeunt: unde in duos errores lapsi sunt. Primo, quod tenuerint lumen esse corpus, cum accidens sit, & in tertia qualitatis specie reponatur. Secundo, quod asseruerint lumen per poros vitri pertransire. Non enim ideo ingreditur lumen, quia vitrum habet meatus, sed quia est, corpus diaphanum, hoc est, transparent. Meminit Aristotelis huius exempli Lib. 2. cap. 11.

ANALYSIS CAP. 25.

ARGUMENTUM.

CUm scientiarum diuersitatem ex diuersitate principiorum prouenire docuisset: iam ostendit principia scientiarum & Demonstrationum non eadem esse, sicut quidam Sophistae putant.

runt. sed diuerſa. Tres ſunt partes huius cap. Primò of-
tendit ſyllogiſmorum in genere non eſſe eadẽ prin-
cipia. Secundò, non eſſe eadem principia Demonſtra-
tionum. Terriò, quãdam dubitationes remouet.

*Num omnium Demonſtrationum eadem ſunt
principia?*

Nequaquam: quod rationibus tum ^a ligicis ſeu cõmu-
nibus: tum analyticis ſeu propriis confirmari poteſt.

Quæ ſunt rationes logicæ?

Prima ratio hæc eſt. Omnes ſyllogiſmi vel ſunt veri, vel
faſi, hoc eſt, Syllogiſmorum cõcluſiones vel ſunt veræ,
vel falſæ: at non ſunt eadem principia veri & falſi. Er-
go non ſunt eadem principia omnium ſyllogiſmorum.
Minor prob: principium verum & principium falſum
non ſunt eadem, ſed diuerſa. Ergo veri & falſi non ſunt
eadem principia. Argumentum patet, quia veri princi-
pium eſt verum: falſi verò falſum, hoc eſt, vera conclu-
ſio ex veris præmiſſis: falſa ex falſis efficitur.

Obiectio.

*Vera conclusio efficitur ex falſis principiis ſeu præ-
miſſis. Ergo corrumpit tua ratio.*

Solutio.

Si efficiatur, hoc tamen non contingit niſi ſemel, hoc
eſt, in vno ſyllogiſmo & in vna cõcluſione: vt ſi hæc
cõcluſio vera ſit: Omne C. eſt A. id eſt, omnis homo eſt
viſibilis, et probetur per Medium falſum B. id eſt,
lignum: vt:

Omne B. eſt A.

Omne C. B.

Omne C. eſt A.

id eſt.

Omne lignum eſt viſibile.

Omnis homo eſt lignum. Ergo.

Omnis homo eſt viſibilis.

Iam ſi vna præmiſſarum proſyllogiſmo per aliud
Medium

Conclusio vera efficitur ex falsis præmissis. si quoad vim inferendi, non probandi.

Medium probetur, non amplius vera conclusio ex falsis præmissis; sed falsa ex falsis semper efficitur. unde vera conclusio ex falsis præmissis in vno syllogismo inferitur: sed si vna præmissarum verarum rursus prosyllogismo confirmanda sit, ex veris semper præmissis colligetur.

Quæ est secunda ratio logica?

3 Secunda ratio, a Minori ducta, hæc est. Falsorum syllogismorum non sunt eadem principia. Ergo multò minus omnium syllogismorum erunt eadē principia. Anteced: prob: Contrariorum & repugnantium non sunt eadem principia, sed diuersa: at multæ falsæ conclusiones syllogismorum sunt contrariæ & repugnantes: Vt hæc tres: ^b iusticia est in iusticia, aut ignauia: homo est equus aut bos: æquale est maius vel minus. Ergo falsarum conclusionum siuè syllogismorum non sunt eadem principia, sed diuersa.

Quæ sunt rationes analytica scilicet propria, quibus probetur syllogismorum verorum, hoc est, Demonstrationum non esse eadem principia?

8 Prima ratio hæc est. Diuersorum subiectorum diuersa sunt principia & non eadem: at Demonstrationum diuersa sunt subiecta, quæ non aptantur, neque in villo conueniunt. Ergo Demonstrationū diuersa sunt principia, & non eadē. Maior patet. Minor prob: vnitas & punctū diuersa sunt subiecta. (Hoc enim Geometriæ: illud Arithmeticæ est subiectum) & in nullo conueniunt: Quod sint diuersa patet, quia vnitas non habet positionem: punctum autem habet: quod non conueniant, sic ostendi potest. Si vnitas & punctū cōuenirēt, tum vel conueniunt in Medio: vel supra, id est Maiori extremo: vel infra, id est, Minori extremo: aut inter terminos, vt in prima figura: aut extra, vt in secūda & tertia: sed in nullo horum conueniunt, id est, non possunt esse Medium: vel Maius extremum: vel Minus extre-

um

mum, aut in prima figura: aut in reliquis figuris. Ergo non conueniunt.

Quæ est secundaratio.

Secunda ratio hæc est. Principia communia non sunt eadem. Ergo multò minus principia propria erunt eadē, (communia appello quale illud est: Quidvis vel affirmatur vel negatur.) Anteced: prob: Genera entium, hoc est, subiecta, non sunt eadem, sed diuersa, vt Quantitas & qualitas. (* Alia enim Quantis, alia Qualibus solis insunt.) Ergo & cōmunia principia, per quæ accedētia subiectis cōueniunt, non sunt eadem, sed diuersa.

Quæ est tertiatio?

Tertia ratio est ista. Cōclusiones non sunt omnes eadē, sed plures & diuersæ: at principia non multò pauciora sunt quā conclusiones (imò plura sunt, quia ad vnā cōclusionē efficiendā duo adhibētur principia.) Ergo principia non sunt eadē. Minor prob: Nam principia sunt propositiones: propositiones autem fiunt vel interiectio termino (medio) vt in prima: vel assumpto, vt in reliquis figuris: vnde plures sunt quam conclusiones, quia ad vnā conclusionem efficiendam duæ propositiones adhibentur.

* Quarta ratio. Conclusionis infinitæ sunt (quod nos) etiam si termini earum sint finiti. Ergo multò magis principia erunt infinita, cum conclusiones multitudine superent. Quare non eadem erunt.

Quinta ratio, Contingentia & necessaria non sunt eadem: at principia alia sunt contingentia: alia necessaria. Ergo principia non sunt eadem.

Dubium.

* Qui dicunt principia esse eadem, dicunt quod principia eiusdem scientiæ sunt eadem, & nō diuersarū. Nam facile dabitur principia diuersarum esse diuersa: quia alia sunt Geometriæ: alia numerorum, id est, Arithmetici: alia Medicinæ.

Solutio.

Qui hoc dicunt, nihil aliud dicunt, quàm quodd scientiarum sint principia propria. Ridiculum autem est asserere omnium principia ideò esse eadem, quia sibi met ipsis eadem sunt. Sic enim omnia fiunt eadem.

Dubium 2.

Qui dicunt principia esse eadem, non negabunt fortasse quin plura sint: sed hoc voluit, quòd etiamsi plura sint, tamen ex quibuscumque quolibet possit demonstrari conclusio.

Solutio.

Hoc eorù dicto nihil ineptius dici potest. Nam in manifestis disciplinis, hoc est, in Mathematicis, quælibet conclusio non inferitur ex quibuscumque principijs, vel in Demonstrationis compositione: vel in eiusdè resolutione. Ergo multò minus hoc fiet in alijs scientiis. Anteced: prob: Ex quibuscumque propositionibus immediatis non efficitur quælibet conclusio, nec in quacumque resolvitur: at principia sunt propositiones immediatæ. Ergo non ex quibuscumque principiis inferitur quælibet conclusio, nec in quacumque resolvitur, sed in sua principia.

Dubium 3.

Qui dicunt principia esse eadè, non dicunt omnia esse eadem, sed tantum propositiones immediatas.

Solutio.

Neq; hi verum dicunt. Nam diversi generis suè subiecti diversæ sunt primæ & immediatæ propositiones. Ergo non sunt eadem.

Dubium 4.

Qui dicunt principia esse eadem, nolunt fortasse ita esse eadè, ut ex quibuscumque quolibet inferatur conclusio, quæ fuit secunda expositio: neq; ita esse diversa, ut singularem scientiarum sint diversa, quæ prima fuit expositio: sed in medio quasi euntes hoc dicunt, principia neq; prorsus esse eadem: neq; prorsus diversa; sed spe-

cie diuersa: genere verò eadem.

Solutio.

Neq; hi veritatem attingunt. Non enim omnia principia sunt genere eadem, quia ostensum est diuersorū genere subiectorū diuersa esse genere principia. Nā duo sunt genera principiorum, Ex quibus & circa quod: illa communia sunt: hæc propria, quæ perinde atq; communia in diuersis scientiis & specie & genere differunt: veluti: numerus & magnitudo.

SCHOLIA IN CAP. 25.

a *Ua prima rationes dicuntur logicae siue communes, quia non probant definitè Demonstrationum eadem esse principia: sed syllogismorum in genere, siue sint Demonstratum, siue Dialectici. Reliquæ rationes analyticae siue propriae dicuntur, quia determinatè probant Demonstrationum non esse eadem principia.*

b *Hæ propositiones non solum falsæ sunt, sed etiam repugnantes; Et si probetur, necesse est, ut per repugnantia principia probentur.*

c *In quantitate sunt numeri & magnitudines: in qualitate virtutes, insita rerū vires, patibiles qualitates & consimilia, ad quæ dum generale axioma applicatur, quasi proprium cuiq; scientia efficitur. In quantitate numerum Arithmeticus spectat: magnitudines Geometra: in qualitate morales virtutes Ethico subiecta sunt: herbarum vires & patibiles qualitates Medicus considerat:*

& vocum discrimina persequitur *Musicius. Mathematicus.*

d Quinta ratio analytica non est propria, sed logica & communis. Contingentia enim principia non ingreditur syllogismum Demonstrativum, sed Dialecticum. Zabarella has tres ultimas rationes ad unam renocat hoc modo. Si omnium Demonstrationum eadem essent principia, tum non magnus esset eorum numerus: sed magnus est eorum numerus. Ergo non sunt eadem. Minorem probat tribus rationibus. Ego plerosq; interpretes sequutus, eas distinxit: tamen non multum refert, utrum distinguantur necne.

e

Hec propositio, principia sunt eadem, potest exponi quatuor modis.

1. Quod in eadem scientia sint eadem, in diversis diversa.
2. Quod ex quibuslibet principiis quolibet inferatur conclusio.
3. Quod prima principia, id est, propositiones immediatae, sint eadem, & non omnia.
4. Quod sint genere eadem, specie vel ratione diversa.

Nota.

Quatuor has expositiones refellit Arist: in ultima parte capituli, & ostendit quod principia nullo horum modorum sunt eadem.

f Nam sicut in compositione Demonstrationis universalis, non ex quibuslibet principiis oritur quolibet conclusio, sed ex determinato principio oritur determinata conclusio: sic in resolutione Demonstrationis

strationis particularis, conclusio non in qualibet principia resoluitur, sed in determinata, quæ propria ipsius sunt.

g Principia circa quod, denotant subiectum, sub quo comprehenduntur principia propria. Principia enim Demonstrationis sunt duplicia (ut dictum est cap. 8.) Quædam sunt simplicia; ut subiectum: quædam complexa: ut propositiones immediate. Numerus & magnitudo sunt exempla subiecti, & ut hæc genere differunt; ita & eorum principia, nempe Arithmetica & Geometria, genere etiam distinguuntur. Ex hoc loco colligit Zabarella Quæritatem non esse genus, quia Philosophus ait numerum & magnitudinem genere differre.

ANALYSIS CAP. 26.

ARGUMENTUM.

IN his duobus ultimis cap: secernit Arist: scientiam ab iis habitibus, quibuscum maximam habere similitudinem videtur; hi sunt opinio & solertia seu sagacitas. In hoc cap: Primò scientiam ab opinione distinguit, tum ex parte obiectorum utriusque: tum ex parte credulitatis seu probationis, ubi tacitam obiectionem remouet, & ostendit quo modo obiectum utriusq: sit idem. Secundò excusat se de conferenda scientia cum aliis intellectiuis habitibus, quæ semper circa verum versantur.

Num scientia distinguitur ab ^a opinione?

O 5

Maximè

Maximè: quod probari potest primò ab obiectis vni-
 usque hac ratione. Illa, quorum obiecta sunt diuersa, à
 se inuicem distinguuntur: at scientiæ & opinionis ob-
 iecta sunt diuersa. Ergo scientia & opinio à se inui-
 cem distinguuntur. Minor prob: obiectum scientiæ
 est vniuersale, siue vniuersalis propositio ex necessari-
 is præmissis: obiectum autem opinionis non solum est
 vniuersale, sed etiam particulare, idque ex non neces-
 sariis præmissis. Ergo eorum obiecta sunt diuersa. Ar-
 gumentum patet. Anteced: prob: & primò prior eius
 pars: Quæ vera sunt, vel possunt aliter se habere: vel
 non possunt, hoc est, vel contingentia sunt, vel neces-
 saria: at scientia non est contingentium, alioquin non
 possent aliter se habere, quæ possunt aliter se habe-
 re, neque horum est^b intelligentia (voco intelligen-
 tiam principium scientiæ) neque^b scientia indemon-
 strabilis (hæc autem est^c existimatio siue cognitio pro-
 positionis immediatæ) Ergo scientia est tantum neces-
 sariorum. Secunda pars Antecedentis prob: cum tres
^dsint veri habitus, hoc est, quibus verum cognoscitur, ne-
 pe intelligentia, scientia & opinio, cumq; duo primi, &
 eorum obiecta verorum tantum sint, & eorum quæ a-
 liter se habere non possunt: opinio verò & verorum &
 fallorum, hoc est, contingentium esse potest: quod ostē-
 di potest: primò, ex vi & natura opinionis. Nam opi-
 nio est res inconstans, hoc est, cognitio incerta & in-
 stabilis. Secundò, ex communi hominum consen-
 su. Nemo enim dicit se opinari, sed potius scire, cum
 putat rem non posse aliter se habere: at cum putat rem
 posse secus habere, tum dicit se opinari & non scire:
 Vnde patet opinionem & scientiam distingui: quia eo-
 rum obiecta sunt diuersa. Obiectum enim scientiæ est
 necessarium: opinionis verò contingens.

Obiectio.

*Obiecta scientiæ & opinionis non sunt diuersa sed
 eadem*

eadem. Ergo scientia & opinio non distinguuntur. Anteced: prob: Nihil cadit sub scientiam, quod non sub opinionem cadere potest: Et nihil quis scit, quod opinari idem non potest. Nam sicut sciens, ita & opinator Media percurrit, donec ad immediata perueniat: unde si ille nouit, & hic nouit & quod res sit & cur sit. Nam opinio non solum quod res sit, sed etiam cur sit, ostendit, hoc est, non solum est ipsius conclusionis, sed etiam Medij, quod est causa ipsius. Ergo obiecta utriusq, non sunt diuersa, sed eadem.

Solutio.

Respondeo, primò illud primum argumentum non sequi. Nam etiam si obiecta scientiæ & opinionis nō sint diuersa, sed eadem: tamē non inde inferri potest, quòd ipsa sunt eadem. Secundò dico, quòd non eodem modo Media percurrit sciens & opinator, neque eadem Media. Nam sciens definitiones inuestigat, quas necessarias esse summa cum animi certitudine cognoscit quasque certo nouit esse Media ex quibus Demonstrationes conficiuntur: opinator verò ea Media accipit, quæ non certò cognoscit, sed cum hæsitatione credit esse necessaria. Quare non secundum essentiam & formam, hoc est, per se putat ea subiecto conuenire, Vnde eiusdem omninò obiecti scientia & opinio non sunt. Et hæc est secunda ratio qua probatur scientiam & opinionem a se inuicem distinguere ex parte credulitatis. Nam per scientiam firmiter alicui assentimur: per opinionem verò cum hæsitatione: Et cum scimus rem, ex necessariis: cum opinamur, ex contingentibus progredimur.

Quomodo probas scientiam & opinionem non prorsus & omninò eiusdem esse obiecti?

Exemplo & similitudine. Sicut opinio vera, & opinio

nio

nio falsa dicuntur esse eiusdem obiecti: ita scientia & opinio sunt eiusdem obiecti: sed opinio vera & opinio falsa non prorsus & omninò, sed quodammodo sunt eiusdem obiecti, Ergo scientia & opinio non prorsus & omninò, sed quodammodo sunt eiusdem obiecti. Minor probatur ratione ducente ad incommo- dum: Si opinio vera & opinio falsa (sicut nonnulli, vt Protagoras, asserunt) essent omninò eiusdem obiecti, tum multa sequerentur incommoda, præsertim verò hoc, quod is non opinatur, qui false opinatur.

Quod modis ergo obiectum dicitur idem?

Duobus modis: Primò, dem re, materiâ & subiecto. Secundò, ratione, formâ & prædicato. Opinio ergo vera & opinio falsa sunt eiusdem obiecti quoad rem, sed non quoad rationem. Nam cum id, quod cadit sub opinionem, hoc est, propositio, ex duabus constet partibus, subiecto & prædicato: subiectum habet rationem materiæ: prædicatum verò formæ: opinio vera & opinio falsa possunt esse eiusdem subiecti, sed non eiusdè prædicati, hoc est, eiusdem rei, sed non eodem modo consideratæ: vt hæc propositio, Diameter siuè dimeti- tiens eandem cum latere habet mensuram, non er- dit sub opinionem veram, sed falsam: tamen subiectum huius propositionis, nempe *Diameter*, sub vtramq; ca- dit (qui enim opinatur Diametrum non eandem cum latere habere mensuram, verè opinatur) Parira- tione, scientia & opinio dicuntur esse eiusdem subiecti, sed non eiusdem prædicati: vnde eiusdem sunt obiecti quoad materiam, sed non eiusdem quoad formam. Sci- entia enim de animali ita est, vt nō possit (scil: homo) nō esse animal: opinio verò de eo est, vt contingat ho- minem non esse animal: Itaq; vtræque sunt eiusdem subiecti, sed non eadem ratione considerati. Ratio enim ipsius hominis diuersa est, quâ sub scientiam, & sub opinionem cadit.

Quid

Quid ex his, quæ dicta sunt, colligi & inferri potest?
 Hoc colligi potest, nempe eundem hominem eodem tempore eiusdem rei scientiam & opinionem habere non posse: quod ostendi potest argumento ad incommodum ducente. Nam si hoc fieri posset, tum sequitur, quod vnus idemq; eodem tempore putet rem posse aliter se habere, & non posse aliter se habere; at hoc absurdum est (Contradictoria enim de eodem non affirmantur) Ergo & illud est absurdum.

Possuntne diuersi homines eodem tempore eiusdem rei scientiam & opinionem habere?

Possunt: sed vnus idemque homo hoc nunquam consequi potest. Nam alioquin simul existimaret hominẽ esse necessariò animal, & non esse necessariò animal. quod fieri nequit.

Num scientia distinguitur à diuina, hoc est, discursu: ab intelligentia: ab arte: à prudentia & à sapientia?

Hoc discutere non ad presens institutum, vel ad Dialecticam: sed partim ad Naturalem, partim ad Moralem Philosophiam pertinet.

SCHOLIA IN CAP. 26.

NON distinguit Philosophus scientiam, ab omni opinione (etiam si ab omni reuèrà distincta sit) sed ab ea, cum qua maximam similitudinem habet, hoc est, à vera opinione. Scientia est effectus syllogismi Demonstratiui; opinio est effectus Dialectici: unde artes scientiam: Dialectica opinionem gignit.

Scientia

Scientia ab
opinionem
differt.

1. Ex parte obiecti. Scientia enim est neces-
sarij: opinio contingens.

2. Ex parte cognoscentis. Sciens enim cer-
tus & constans est: opinator dubius & va-
cillans.

3. Ex parte modi cognoscendi siue Medij.
Media enim, quibus sciens rem probat, neces-
saria sunt: quibus vero opinator probat, contin-
gentia sunt, saltem respectu ipsius: Vnde ne-
cessarium dicitur respectu rei: respectu persona
cognoscentis: & respectu Medij. Sic dicendū
est de contingente.

Zabarella.

Opinio su-
mitur tri-
bus modis.

1. Amplissimè & maximè improprè, pro
quacunq; cognitione: siue sit opinio, siue intel-
lectus, siue scientia.

2. Minus propriè, pro quacunq; cognitione
cum dubitatione: siue sit rei contingens, siue
necessaria.

2. Maximè propriè, pro sola cognitione rei
contingens.

Nota.

Opinio primo modo sumpta hic à Philosopho non in-
telligitur; sed secundo & tertio modo accepta.

b Per intelligentiam nonnulli volunt hic intelli-
gi cognitionem principiorum communium; per sci-
entiam indemonstrabilem cognitionem princi-
piorum propriorum. Alij intelligentiam & sci-
entiam indemonstrabilem pro eodem sumi di-
cunt: Vnde Zabarella illam particulam, Neq; hoc
in loco declarantem, non coniungentem esse asserit;
Et hac opinio probabilis mihi videtur, quia, cum po-
stea Arist: habitus veros enumerat, hos tres re-
censet, Intelligentiam, scientiam & opinionem, ubi
per

per intelligentiam promiscuè intelligit cognitionem principiorū; siue communium siue propriorum: scientiæ verò nomine conclusionis cognitionem comprehendit.

Obiectio.

c Propositio immediata non est nisi in materia necessaria. Ergo in materia contingenti non est: Et per consequens opinio non est cognitio propositionis immediata, sicut dicitur in contextu.

Solutio.

Quoad rem: sic nulla est propositio immediata, quæ non sit necessaria.
 Propositio dici-
 tur immediata } Quoad opinionem: sic contingens propositio potest esse immediata.

d Tres sunt habitus veri, hoc est, quibus verum cognoscitur, intelligentia, scientia & opinio: illa sunt verorum & necessaryorum: hac autem verorum & falsorum: quod ab eo ita dictum est, non quod hic de opinione falsa verba faciat: sed ne quis erret, existimans opinionem esse tantum verorum, & non falsorum.

e Hinc duo notata digna colligit Zabarella. Vnum, quod principia, ex quibus reuera constitutuntur vera Demonstrationes, sint Definitiones: Alterum, quod duo tantum sunt modi Demonstrandi, quorum altero solum Quod ostenditur: altero autem Quod & propter Quid. Tertius enim modus nō datur, quo demonstratur propter Quid tantum.

ANALYSIS CAP. 27.

ARGUMENTUM.

IN hoc cap: scientiam à sagacitate siue solertia distinguunt.

Num scientia à sagacitate distinguitur?

Tota ratiocinandi difficultas in Medio inueniendo consistit. Nam cum in omni syllogismo res sint terminij: duos semper habemus, & sine aliquo negotio cognoscimus, nempe Maius & Minus extrema: unde in Medio tantum excogitando laboramus.

Maximè: quod ostendi potest ex definitione sagacitatis. Sagacitas enim siue solertia est bona quedam Medij coniectatio breuissimo tempore. Vt si quis videns lunam semper in ea parte, quæ est versus solem, splendere, statim cõiciat huius rei causam esse, quia luna à sole illustratur, & lumen suum accipit: Et si quis videns pauperem cum diuite colloquentem, hanc causam excogitet, quod pecuniam ab eo mutuo accipit: Et si quis duos, qui antea inimici erant, videat reconciliatos & in gratiam redeunt, causam hanc esse existimet, quia aliquem tertium & communem inimicum habent: unde sagax perspectis extremis siue conclusione, Media siue præmissas quàm citissimè excogitabit. Vt hac conclusione perspecta, C. est A. id est, luna splendet versus solem: his extremis C & A. cognitis, statim inueniet Medium, per quod A. inest ipsi C. nempe B. id est, lumen à sole accipere. Vt.

Omne B. est A.

Omne C. est B.

Omne C. est A.

id est:

Quod lumen accipit a sole, splendet versus solem.

Luna lumen accipit à sole. Ergo

Luna splendet versus solem.

Rursus.

Qui pecuniam mutuo accipit, colloquitur cū diuite.

Pauper

*Pauper pecuniam mutuò accipit. Ergo
Pauper colloquitur cum diuise.*

Iterum.

*Qui habent communem inimicum, in gratiam redeunt.
Qui antea inimici erant, habent commune inimicū. Ergo
Qui antea inimici erant, in gratiam redeunt.*

SCHOLIA IN CAP. 27.

1. *Pro facultate Medium coniectandi bre-
uissimo tempore.*

Sagacitas **2.** *Pro actione, nempe ipsā coniectione Me-
dij: Et sic videtur hoc in loco definiri: sed tamē
hic non tam pro actione, quā pro facultate ac-
cipi potest.*

*Sagacitas est quadam ingenij celeritas, quā subito
& repenti causam rei quis coniecat. Sagaces vo-
cantur ingeniosi, prudentes, artificiosi, acuti.*

b *Duo postrema exempla non sunt Demonstratio-
nes, sed syllogismi Dialectici: neq; hic de inuentione
Medij syllogismi tantum Demonstratiui, sed et-
iam Dialectici agitur.*

P

ARI.

...
...
...
...
...

SCHOLIA IN ...

...
...
...
...
...

...
...
...
...
...
...
...
...

...
...
...
...
...
...
...
...

ARISTOTELIS POSTE- RIORVM ANALYTICORVM.

LIB. 2. ANALYSIS. CAP. I.

ARGVMENTVM



Argumentum huius cap. non est ob-
scurum. Hic enim quatuor quæstio-
num genera exponuntur: de^a argu-
mento huius libri in scholiis dicitur.

Quos sunt quæstionum genera?

Tot sunt, quot sunt ea, quæ^b scimus:
hæc autem quatuor sunt, Quod sit,

Cur sit, An sit, & Quid fieres.

Quomodo diuiduntur hæc quæstiones?

Diuiduntur in simplices, quæ de vna re tantum, hoc
est, de subiecto: Et in complexas, quæ de duabus
rebus, hoc est, de subiecto & predicato instituuntur.

Quos sunt quæstiones complexæ?

Duz: Quæstio^c Quod sit, & quæstio Cur sit. Cum e-
nim, vtrum sit hoc an hoc, quærimus^d plura comple-
xentes: (veluti vtrum sol deficiat, hoc est, eclipsim
patiarur) tum quærimus Quod sit, hoc est, quod talis
sit, vel quod ita sit. Huius rei signum est, quia cum no-
timus solem deficere, non amplius quærimus, nec si
ab initio cognosceremus quod deficiat, quæreremus an
deficiat. Cum autem Quod sit res cognouimus, proxi-
mo in loco quærimus cur sit: Veluti cum scimus solem
deficere: vel terram moueri, tum quærimus^e cur defi-
ciat sol, ^f cur moueatur terra. Et hæc sunt quæstio-
nes complexæ.

Quos sunt quæstiones simplices.

Pa

Sunt

Quando de
vna re tantū
quæritur, hæc
duo quærun-
tur, nempe
An sit, & Quid
sit: quando
autem de du-
abus quæri-
tur, duo ite-
dem quærun-
tur, nempe
An hæc res
illi insit, &
cur insit,

Ide præcla-
râ de Centu-
ris disputatio-
nem apud
Galenum. lib
3 de usu par-
tium.

Sunt tamen duæ. Quæstio An sit, & quæstio Quid sit.
Veluti cum quærimus an Centaurus sit necne, vel
Deus: est quæstio An sit, simplex tamen non comple-
xa, qualis hæc est, an homo sit alius necne. Hæc e-
nim est quæstio Quod sit. Cum autem scimus an sit
res siue rem esse, statim quærimus quid sit: & veluti quid
sit Deus? quid sit homo. Quæ igitur quærimus, & quæ
inuenta cognoscimus tot & talia sunt.

SCHOLIA IN CAP. I.

Pleriq; interpretes asserunt Aristotelem
in hoc libro de Medio Demonstrationis tra-
ctationem institueret, cum in prioribus libro Demon-
strationis vim ac naturâ copiose ac luculenter exp-
suerit; quam connexionem, ut vitiosam, reprehen-
dit Zabarella, & aliam veriorẽ admittendam
censet, quæ hæc est. Cum duæ (inquit) sint quæstio-
nes præcipue, Cur sit, & Quid sit, cumq; in prioribus
libro egerit Arist: de instrumento ducente ad cog-
noscendum Cur sit: nunc agit de instrumento, quo
ducamur ad cognoscendum Quid sit.

Scire hoc in loco non sumitur proprie pro scientia
per Demonstrationem acquisitâ, in qua significati-
one definitur in capite secundo præcedentis libri: sed
large pro quacunq; certâ cognitione, siue per Do-
monstrationem, siue per quacunq; aliam rationem
comparetur. Zabarella tamen ait Scire hic pro-
priè sumi ratione scopi, licet large sumatur ratione

tractationis: quia si scopum ipsius spectemus ad so-
lam accidentium Demonstrationem scientiam idcirco
hec quaestio non ac facti orum declaratio insituta est.
Etsi quaestio à scientiâ distet, una tamen & ea-
dem res dissimili modo, & in quaestione poni, & sci-
entia contineri potest. Quod enim imperitia et ra-
dubium in quaestione positum est, id doctis & intelligen-
tibus scientiâ comprehensum est: quod priusquam
Demonstratio conficiatur, obscurum & dubium
est, id, posteaquam explicata est Demonstratio,
aliquid & explicatum euadit. *Mathis.* Pri-
morum principiorum cognitio hac propositione non
comprehenditur, quoniâ hic de ijs tantum scitis agi-
tur, quae post quaestionem sciuntur: Nec cognitio sig-
nificationis nominis, quia haec in scientiis nunquam
queritur, sed est principium omnis inquisitionis.
Zabarella.

e Complexas quaestiones (inquit *Zabarella*) propo-
suit *Arist.* simplicibus, quia de illis in prioribus libro-
g: de his vero in hoc libro acturus est. Quare si na-
turalem earum ordinem spectemus, simplices debent
precedere complexas, hoc modo. Quatuor sunt qua-
stionum genera: An sit, Quid sit, Quod sit, & cur
sit: Inter has quaestiones est naturalis quedam
connexio. Omnes enim à prima dependent. Nam si
subiectum sit in rerum naturâ, queritur quid sit;
deinde quale sit: Postremo cur tale sit. Si vero sub-
iectum non consistat, nemo querit quid sit, quale sit,
aut cur sit. Complexae quaestiones sunt accidentium;

Ordo questi-
onum.

Quaestio
quod sit du-
plex.
Quaestio an
sit duplex,

simplices verò & substantiarum & accidentium.
d Hoc est, subiectum & predicatum, quando non
quaritur de una re tantum, sed de duabus, utrum
nempe una insit in altera: Unde quaestio Quod sit
duplex est: simplex, quā queritur an res sit, hoc est,
an existat in rerum natura: complexa, quā queri-
tur an res sit talis. Similiratione quaestio An sit
vel simplex est: veluti an homo sit necne? Vel com-
plexa: ut: an homo sit aptus ad ridendum? Et hac
est quaestio Quod sit, vel Qualis sit res, sicut patet
ex verbis Philosophi hoc in cap: Ubi dicit. Di-
co autem an sit necne simpliciter, non, an
sit albus.

Vide c. 2.

e Sol deficit, quia luna, quae ex se est corpus opacum,
inter aspectum nostrum & solem interponitur: sicut
luna deficit, quia terra obicitur inter solem & lu-
nam.

Vide cap. 7.
& 8. lib. 2.
Meteor: Et
Plinium lib. 2
c. 79. 80. 81.
82. 83. 84. 85.
& sequentib.

f Terra mouetur, quia exhalationes seu venti (ut
aliqui volunt) terra inclusi pugnare inter se, ac e-
rumpere conantur naturā suā in altum, & cum vi-
am non inueniunt, vi eam concutiant, trevereq;
faciunt, ut aut hiatum patiat, aut in similitudi-
nem montis aut collis eleuetur. Stanihuphius.

Centaury.

g Centaurus hic dicitur animal, vel potius mon-
strum, quod superiorem partem humanam: inferio-
rem equinam habet. Centauri reuera fuerunt
Thessaliae populi, secus Pelion montem habitantes,
qui primi equos domare, & ex ijs pugnare capi-
runt: quo factum est, ut à vicinis populis primum

conspetti, membra partim humana, partim equina
habuisse creduntur. Nomen habent à πὸ τῆς ταυ-
ρῆς τοῦς ταύρους, hoc est, à tauris ac bobus stimu-
landis ac pungendis.

h Simonides, poeta sapientissimus, à tyranno Hie-
rone interrogatus, quid aut qualis esset Deus, de-
liberandi causà sibi unum diem postulavit: cum i-
dem ab eo postridiè rogaretur, biduum petijt: cum
verò sepius duplicaret numerum diernm, ad mira-
tu(g) Hiero quæreretur, cur ita faceret? Quia quan-
tò(m)q(ue) diutius considero, tantò mihi res videtur
obscurior. Quod si fecisset Philosophi, qui more An-
dabatarum gladium in tenebris ventilantes tot de-
liramenta commenti sunt, profectò Deum creatore
suum tam impijs sententijs non offendsent. Satiùs
enim est, vera ignorare, quàm falsa docere. Polyd:
Virg: lib. I. de rer: inuent.

i Ha quatuor quaestiones dicuntur scientiales &
reales, quia sunt quaestiones rerum: quatuor quaesti-
ones quae tradit Arist: I. Top: cap: 3. (nempè generis
definitionis, proprij & accidentis) quaestiones dicun-
tur dialecticae & intentionales, quia sunt quaestio-
nes intentionum, circa quas versatur Dialecticus:
Vnde ha quaestiones nullam habent cum illis com-
munitatem. Quare Aliqui non rectè dicunt qua-
estiones Dialecticas comprehendi sub quaestione.
Quod sit.

ANALYSIS. CAP. 2.

ARGUMENTUM.

N Vmro quæstionū exposito, iam omnes quæstiones ad vnā reducit Arist. nēpē, ad quæstionem Medii: quod probat tribus rationibus.

Num omnis quæstio est quæstio Medij?

1
Medium,
quod quæritur
in quæstione
simplici,
non est Medium
in syllogismo,
quia ex duobus
terminis non
fit syllogismus,
sed ex tribus.

Maximè quod his rationibus probari potest. Primò inductione. Nam in omni quæstione quæritur vel an sit Medium: vel quodam sit Medium. Ergo omnis quæstio est quæstio Medii. Ant. prob: In quæstione *Quod sit* aut *An sit simpliciter* quæritur an sit Medium necne? cum autem cognoscimus *Quod sit*, vel *An sit*, siuè in parte, siuè simpliciter, tū in quæstione *Quid sit & Cur sit* quærimus quoddam sit illud Medium. Ergo in omni quæstione quæritur vel an sit Medium: vel quod nam sit.

Quid intelligis per quæstionem Quod sit vel An sit in parte & simpliciter?

1
Per *Quod sit*, vel *An sit in parte* intelligo quæstionem *Quod sit complexam*: veluti cum quæritur, an luna deficiat, vel augeatur? In his enim non omnino, & de tota re quæritur, sed hoc aut illud, & in parte quæritur: per *Quod sit* vel *An sit simpliciter* intelligo quæstionem *An sit simplicem*: ut: *An sit luna*, an sit nox necne?

2
Zabarella
hic Arist. non
probationem
sed declarationem
facere
existimat: De
Secundò, In omni quæstione quæritur causa. Ergo in omni quæstione quæritur Medium. Argumentum patet, quia Medium est causa. Anteced. prob: In quæstione *Quod sit* quæritur causa: veluti cum quæritur, an luna deficiat: nihil aliud quæritur: quam, an sit aliqua causa defectus ipsius necne. Postquam hæc esse

cogno-

cognouimus, quærimus quænam sit illa causa in quæ-
 stione *Cur sit*. Nam causa cur sit non hoc, vel illud, sed
 simpliciter essentia: vel non simpliciter, hoc est, cur in
 rerum natura cohæreat: item causa cur subiecto ali-
 quod attributum per se conueniat, aut per accidens,
 utraque (inquam) causa Medium est. Esse autem id sim-
 pliciter dico, veluti subiectum quoddam: cuiusmodi est
 luna, terra, sol, triangulum: Esse vero hoc, aut illud
 dico, veluti solem vel lunam deficere: triangulum esse
 æquale vel inæquale: terram esse in medio mundi.
 In his enim omnibus perspicuum est idem esse *Quid*
fit & *Cur sit*. Exempli causa: Quid est eclipsis lunæ?
 est priuatio luminis in luna ob terræ oppositionem.
 Cur est eclipsis lunæ? quia lumen ipsius deficit ob
 terræ oppositionem. Item: quid est concentus? est
 ratio seu proportio numerorum in acuto & graui. Cur
 concinunt acutum & graue? quia habent nume-
 rorum rationem. Dinde cum quæritur *An (res) sit idem*
 est, ac si quæretur *Cur sit*: ut: concinuntne acutum
 & graue? hoc quæritur: an in numeris sit ratio a-
 cuti & graui: Et cum cognouimus esse, quærimus
 quænam illa sit.

* Tertio, Ignorato Medio sensibili quærimus, & eo cogni-
 to non quærimus. Ergo signū est quod omnis quæstio
 sit quæstio Medii. Anteced: prob: Ignorata causa eclip-
 sis lunæ, quærimus cur luna eclipsim patiatur: cum au-
 tem eam videmus, non amplius quærimus. Nam si esse-
 mus supra lunam, & videremus causam eclipsidis (nem-
 pe interpositionem terræ) non amplius quæreremus
 an sit, vel cur sit eclipsis, sed vtrumque esset nobis
 manifestū: non quod sentire sit scire, sed quod ex hac
 & simili cognitione particulari, quæ sensu acquiritur,
 vniuersalis cognitio (intellectus ipsius beneficio) col-
 ligatur. Quare nosse quid sit res & cur sit, idem sunt
 tum in his, quæ simpliciter sunt, & non alteri in sunt,

clarat enim
 le nomine *Mo*
 di nihil aliud
 intelligere
 quam *Causa*
 vnde ait il-
 lam dictionē
 enim, quæ in
 contextu re-
 peritur, non
 probatiuam,
 sed declarati-
 uam esse.

* Omne quæ-
 stionem esse
 quæstionem
 Medii pro-
 bat a signo,
 quod a causis
 sensibilibus
 sumit.

* His duabus
 quæstionibus
 omnes quatu-
 or quæstio-
 nes intelligit.
 Nam quæstio
 one *An sit*
 quæstionem
 Quod sit: quæ-
 stione *Cur sit*
 quæstionem
 Quid sit intel-
 ligat.

hoc est in subiectis & substantiis: tum in iis, quæ sub-
iecto semper insunt, hoc est, in propriis accidentibus,
cuiusmodi sunt habere duos angulos rectos, siue tres duo-
bus æquales: maior esse vel minus.

SCHOLIA IN CAP. 2.

Cum quæri-
tur An sit &
Quod sit, quæ-
ritur Mediū
confusè im-
pliciter & po-
testate: cum
querimus
Quid sit &
Cur sit, quæri-
tur causa ex-
pliciter distin-
cte & actu.

a **C** V M dicitur quod omnis questio sit ipsius
Medij, nihil aliud intelligitur, quàm quod
in omni questione queritur ipsum Medium,
nempe an sit, vel quodnam sit: unde omne quod est,
(ut ait Zabarella) habet aliquam causam sui esse.
Vel enim extra se habet causam, quæ est: vel saltem
propria eius natura & essentia est sibi causa ut sit:
sic Deus habet causam.

b In Demonstratione potissima Medium est causa
Maioris extremi, non interna sed externa: non in
cognoscendo tantum, sed etiam in essendo.

c Nonnulli per prædicata per se intelligunt pro-
pria accidentia, quæ in syllogismo Demonstratiuo:
per prædicata per accidens communia accidentia,
quæ in Dialectico locum habent. Zabarella per præ-
dicata per se intelligit illa propria accidentia, quæ
internam causam habent, & in subiectis semper in-
herentem: sic Risibile, causam habet in subiecto suo
nempe Rationale, quod semper est in homine: per
prædicata per accidens non intelligit ea, quæ om-
nino per accidens inharerent, sed ea, quæ causam habent

extra suum subiectum: qualis est eclipsis, cuius causa est interpositio terræ, quæ in luna non est.

d. Questio cur sit, propriè respicit causam externam, scilicet effectricem vel finalem: questio Quid sit respicit causam internam, quæ est forma & essentialis rei: tamè quia hæc essentia à causa externa pendet, viri sapientes in hac responsione non acquiescunt, sed simul cum essentia ipsam essentia causam responderi volunt. Zabarella.

ANALYSIS CAP. 3.

ARGUMENTUM.

CUm in cap: præcedente ostendisset Quid sit, & Cur sit idè esse: ne quis inde colligeret idè posse definitione & Demonstratione cognosci: in hoc cap: ostendit illud non ita se habere. In principio huius capituli quatuor sibi tractanda proponit. Deindè quandā dubitationem proponit, quam in tres partes distinguunt: de quibus suo loco.

Quæ iam restant tractanda?

Hæc quatuor. 1. Quando Quid est, hoc est, definitio possit probari? 2. Qua ratione ad Demonstrationem possit reduci, siue in eâ locum habere? 3. Quid sit definitio? 4. Quarum rerum sit definitio?

Quam methodum & ordinem in his pertractandis observabis?

Primò de iis dubitabo hoc est; de iis probabiliter, quasdam dubitationes proponendo, disputabo. Deindè ad ipsorum veritatem eliciendam accedam.

A qua dubitatione exordium sumes?

Ab illâ, quæ maximè pertinet ad ea, quæ sequuntur, intelligenda, nempe ab hac: An idem eadem ratione suè secundum idem definitione & Demonstratione sciri possit?

In quas partes hanc questionem distingues?

In has tres. Primò, An omne quod demonstratur, etiâ definiatur? Secundò, An omne quod definitur, demonstretur? Tertiò, An aliquod, quod demonstratur, definitur, vel è contra?

Quid existimas in prima questione?

Existimo non omne, quod demonstratur, definiri, idq; his rationibus adductus: primò, omnis definitio, cum explicet quid res sit, est vniuersale & affirmativum, hoc est, vniuersaliter & affirmatiue de suo definito enunciatur: at non omnis Demonstratio est vniuersale & affirmativum, cum Demonstratio in secundâ figurâ sit negans: in tertiâ verò particularis. Ergo non omnis Demonstratio est definitio: Et per consequens: non omne, quod demonstratur, definiri potest.

Obiectio.

Etiamsi non omne illud, quod demonstratur in secunda & tertia figura, definiatur; tamen quod in prima figura demonstratur, definiri possit, cum hoc sit vniuersale & affirmativum.

Solutio.

Neq; hoc verum est. Nam hæc conclusio: Omne triangulum habet tres angulos pares duobus rectis, demonstratur in prima figura: sed definiri, aut aliqua definitione sciri non potest. Nam si definitione posset sciri, tunc res demonstrabilis posset sciri sine demonstratione: at hoc absurdum est. Ergo & illud. Maior patet, quia definitio potest esse sine demonstratione. Minor etiam manifesta est, quia rem demonstrabilem scire, est eius Demonstrationem habere.

Secundo, hoc ipsum probari potest inductione. Si enim singula percurramus, quæ demonstrantur, nullum, vel eorum, quæ per se insunt: vel eorum, quæ per accidens inhaerent, definitione possumus cognoscere, hoc est, eorum inhaerentiam non definitione: sed Demonstratione tantum cognoscimus: siquidem Definitio est in complexorum & simplicium: Demonstratio vero complexorum. Tercio Definitio est essentiae notificatio, cum naturam rei explicet: at Demonstratio non est essentiae, sed inhaerentiae notificatio: neque illud, quod demonstratur, essentia subiecti est, sed eius affectio. Ergo non omnis Demonstratio est definitio, nec omne, quod demonstratur, definitur.

Quid arbitraris in secunda questione?

Arbitror non omne, quod definitur, demonstrari: Primo, si omne, quod definitur, demonstratur, tum (per conversionem per accidens) aliquod Demonstrabile definiretur, unde & sciretur sine Demonstratione: sed hoc est absurdum, Ergo & illud. Minor prob: quia tum Demonstrabile scitur, cum illius Demonstratio habetur: idque propter ea: quia unus, quæ unus est, una est scientia. Secundo, principia Demonstrationis sunt definitiones: hoc est, principia aliqua Demonstrationis, nempe subiecta possunt definiri: at non possunt demonstrari, ut ante probatum est (Nam sic essent principiorum principia, & in infinitum esset progressus) Ergo non omne, quod definitur, demonstratur.

Quid sentis in tertia questione?

Sentio non aliquod, siue nullum, quod demonstratur, definiri posse. Primo, omnis definitio explicat quid sit res, & essentiam rei declarat: at nulla Demonstratio explicat quid sit res, aut essentiam rei declarat, sed supponit & accipit hoc tanquam principium: sicut in Mathematicis videmus hoc statim in initio accipi, quid sit unitas, quid impar. Ergo &c. Secundo, in omni Demon-

Vide scholia
cap. 2. in c.

Hec ratio huic questioni cum priore communis est sicut habet Philosophus in contextu.

Vel sic: Principia Demonstrationis aliquæ sunt definitiones: at principia sunt indemonstrabilia. Ergo & definitiones. Et quia definitione etiam definitur: cum definitio id sit cum definito. Crellius.

stra-

**Definitione*
hic sumit pro
prædicato
non pro pro
positione cō-
stante ex defi-
nitione & de
finito.

stratione aliquid probatur de aliquo, hoc est, vna pars
ipsum, nempe affectio probatur vel inesse, vel nō inesse
alteri parti, hoc est, subiecto: at in definitione aliquid
non probatur de aliquo: vt in hac definitione, *homo est*
animal bipes, nec *animal* de *bipede*, nec *bipes* de *ani-*
mali probatur: Item in hac definitione, *Triangulum*
est figura plana: nec *figura* de *plano*: nec *planum* de
figura affirmatur. Ergo &c. Tertiō *Quid sit*, & *Quod*
sit, sunt diuersa: at Demonstratio ostendit quod res sit,
vel non sit: definitio verō quid sit. Ergo Demonstratio
& definitio, nec non illud, quod demonstratur, & quod
definitur, diuersa sunt: rerum autem diuersarum di-
uersa est Demonstratio & scientia, nisi vnum sit pars
subiectiua: alterum vero totum. Tum enim vna potest
esse vtriusq; Demonstratio, vt trianguli & Isoscelis vna
est Demonstratio, quā probantur habere tres angulos
pares duobus rectis, quia Isosceles est pars trianguli:
atqui non ita affecta sunt inter se ista duo *Quid sit* &
Quod sit, nec vnum est pars alterius. Perspicuum igitur
est, nec omne, quod definitur, demonstrari: nec omne
quod demonstratur, definiri: neq; vllius rei Demon-
strationem & definitionem habere posse. Vnde patet
Demonstrationem & definitionem neq; idem esse: nec
alterum sub altero tanquam partem (subiectiuam) con-
tineri. Nam alioqui subiecta earum similiter se ha-
berent.

SCHOLIA IN CAP. 3.

a **N**onnulli volunt Arist: 3.4.5.6.7. cap.
secundum aliorum opiniones dubitando,
& nihil certi statuendo agere, nec ex animi senten-
tia & iuxta rei veritatem instituire tractationem,
donec

donec ad octavum caput perveniat: unde colligunt
nullum firmum locum ex hisce cap: ad aliquam
conclusionem vel confirmandam: vel infirmandam
adduci posse: quibus ego omni ex parte assentiri
nequeo. Nam quamvis sæpè ea, quæ probabilia
tantum sunt, hisce capitibus intermisceat, nec
non multa minus rectè, sicut ex cap. 8. patet, affe-
rat: tamen nonnunquam quæ verissima, & certis-
sima sunt, interponit: sicut ex eodem capite & alijs
manifestum est.

b Idem secundum diversa cognosci potest & defi-
nitione & Demonstratione. Triangulum enim
quid sit, definitione: quod autem habeat tres angulos
pares duobus rectis, Demonstratione cognoscitur.
Zabarella.

c Nonnulla ex his rationibus non directè probant
ea esse diversa, quæ definitione & Demonstratione
cognoscuntur: sed non idem esse definitionem & De-
monstrationem probant: Et per consequens diversa
esse earum objecta.

ANALYSIS CAP. 4.

ARGUMENTUM.

Nōnulli volūt Aristotelē nūc aggredi explicationē
illarū quatuor quæstionū, quas in initio capitis
tertij proposuerat, & in hoc c. à prima quæstione

EXOR-

exordiri, nempe quomodo ipsum *Quid est*, siue definitio probetur: quam opinionem, ut falsam & ab Aristotele alienam, reprehendit Zabarella. Non enim (inquit) adhuc absolutæ sunt dubitationes, sed in fine capitis septimi absoluentur. Ego existimo Arist: primam quidem questionem iam aggredi, sed eam ex animi sententia, & iuxta veritatis normam, donec ad octauum caput peruenirit, non tractare. Quæ enim de eâ ad illud usque locum dicta erunt, disputandi ac dubitandi gratiâ dicentur. Tria instrumenta seu modos proponit, quibus ipsum *Quid est* probari posse videtur, nempe syllogismum, diuisionem & definitionem definitio- nis. In hoc cap: ostendit ipsum *Quid est* per syllogismum non probari. Duo hic agit, Primò, quasdam suppositiones præmittit, in quarum quartâ modum, quo probari videtur ipsum *Quid est*, exponit. Secundò, hunc modum confutat vnâ cum quorundam errore.

Num Quid est siue definitio syllogismo & Demonstratione probari potest?

Nequaquam.

Illud probet.

2. Prior. c. 22.

Illud probabo, si quedam fundamenta prius iecero, seu quasdam suppositiones præmisero. Primum fundamentum hoc est, Syllogismus aliquid de aliquo probat. Secundum, Quidditas siue definitio est propria rei, quæ definitur, & de ea in questione quid est affirmatur. Tertium, Omnes termini syllogismi, in quo definitio concluditur, sunt reciproci & conuertibiles. Nam si A. hoc est, definitio, quæ est Maius extremum, sit proprium ipsi C. nempe definito, & cum eo conuertatur, necesse est etiam, ut sit proprium ipsi B. nempe Medio: vnde omnes hi tres termini recipiuntur. Quartum, si definitio concludenda sit de suo definito, necesse est ut in utraque præmissa prædicata affirmetur de subiecto in quid, siue, ut definitio. Ut si A. concludatur

atur de C. in quid, siue vt definitio, necesse est, vt in
 Maiori propositione A. affirmetur de B. Medio in quid:
 Et in Minori etiam B. dicatur de C. in quid. Nam si
 præmissæ, sint sine illa ^b geminatione & duplicati-
 one, (in quid, siue vt definitio) non potest in con-
 clusione A. de C. dici in quid siue vt definitio: vnde
 si in sola Maiori propositione A. de B. dicatur in quid,
 & non in Minori B. etiam de C. dicatur in quid: num-
 quam in conclusione A. de C. diceretur in quid, siue vt
 definitio: atque hic est modus, quo videtur ipsum
Quid est siue definitio probari, nempe per geminati-
 onem prædicationis in quid, siue vt definitio in v-
 trisque præmissis: qui tamen modus penitus est re-
 liendus.

*Quam ob rem reijciendus est hic
 modus:*

Quia in tali ratiocinatione fit petitio principij, & re-
 sumitur illud quod probare oportet: quod repugnat
 naturæ Demonstrationis, & legitimo argumentandi
 modo: Exempli causa: probetur definitio hominis si-
 ue quid sit homo: esto C. homo: A. definitio ipsius,
 nempe *animal bipes*, siue quævis alia: iam vt hæc de-
 finitio probetur de homine, necesse est, vt tale Medi-
 um adhibeatur, de quo *animal bipes* in quid affirme-
 tur, & quod de homine etiam in quid siue, vt definitio
 dicatur: vnde fit petitio principij. Nam definitio homi-
 nis probatur per definitionem hominis: quod nihil al-
 liud est, quam eiusdem per idē probatio: quæ repug-
 nat naturæ Demonstrationis, in qua conclusio inferitur
 ex duabus præmissis primis, & immediatis, non iisdem.
 Hinc patet eos toto cælo errasse, qui definitionem rei
 probabant per aliam definitionem reciprocā, sicut
 nonnulli definitionem Animæ probabant per aliam e-
 iusdem definitionem, quæ cum illa definitione retrò
 comitat, hoc pacto.

Q

Quic

Quicquid est numerus seipsum mouens, est sibi causa viuendi.

Anima est numerus seipsum mouens sicut, voluit Pythagoras, & Xenocrates. Ergo.

Anima est causa sibi viuendi.

In hac ratiocinatione hæc definitio, *sibi causa viuendi* probatur de anima per aliam definitionem, nempe per hanc, *numerus seipsum mouens*, quæ cum priori reciprocatur.

Quare hic probandi modus vitiosus est?

Primò, quia in hoc itidem est petitio principij. Nam idem resumitur, quod erat probandum, nempe definitio anime. Secundò, quia etiãsi definitio de definitione affirmetur: tamen probari non potest, quod de ea affirmetur vt definitio. Non enim si A. de omni B. quoquo modo dicatur, & B. etiam de C. indè concludi potest, quod A. dicetur de D. in quid, siuè vt eius definitio: sed hoc tantum concluditur A. de C. verè affirmari, non tamen vt eius definitionem, neque talis erit conclusio, etiam si A. de omni B. ita dicatur, vt B. sit id ipsum, quod A. Nam *animal esse*, conuenit huic, *hominem esse*, hoc est, animal verè affirmatur de homine. Hæc enim propositio vera est, quicquid est hominem esse, est animal esse (siquidem omnis homo est animal) sed tamen non ita, vt sint vnum (animal & homo) hoc est, animal non ita dicitur de homine, vt sit ipsius definitio. Quare vt definitio de suo definito probetur, necesse est, vt in vtrisque præmissis reperiatur illa geminatio prædicationis in quid: aliãt numquam in conclusione A. de C. dicetur in quid, siuè vt definitio: siñ autem illa geminatio fiat in præmissis, non erit Demonstratio. Nam in Minori B. est quidditas & definitio ipsius C. vnde in ea resumitur id, quod erat probandum, & committitur petitio principij.

SCHO.

SCHOLIA IN CAP. 4.

a **Z** Abarella dicit duas priores esse suppositiones: duas posteriores non suppositiones esse, sed consequentia siue corollaria: quorum prius ex priori suppositione, & ex priori parte posterioris: posterius verò ex prima etiam suppositione, & ex secunda parte posterioris inferitur.

b Nonnulli dicunt hanc geminationem siue duplicationem expresse ponendam esse in syllogismo: ut. Omne B. est A. in quod quid est: omne C. est B. in quod quid est. Ergo omne C. est A. in quod quid est. Unde talem vocant syllogismum duplantem. Alij dicunt eam non fieri addendo illam particulam, sed reipsa accipiendo tales propositiones, in quibus singulis predicatum affirmatur de subiecto in quid est, siue ut definitio. Nam sicut Demonstratio ex causis procedit, tamen non est adiicienda particula, que illas exprimat: Sic in tali probatione accipiende sunt tales propositiones, quarum predicata dicuntur de subiectis in quid est, licet illud verbis non exprimat.

Tolet.

Q 2

ANA-

ANALYSIS CAP. 5.

ARGUMENTUM.

IN hoc capite ipsum *Quid est* siue definitionem non posse probari per diuisionem duabus rationibus ostendit, ubi diuisionis vtilitatem exponit, & quandam obiectionem remouet.

Nū ipsū quid est, siue definitio probari potest per diuisionem?

Non potest, sicut in resolutione ad figuras, hoc est, 1. lib. prior: cap. 32. dictum est.

Quibus rationibus hoc confirmare possis?

Primò, Diuisio non est syllogismus, sicut nec inductio est Demonstratio. Ergo per eam (tanquam per syllogismum) definitio non potest concludi. Anteced: prob: In omni syllogismo conclusio sequitur necessariò ex præmissis: at in diuisione siue syllogismo diuisiuo conclusio non sequitur necessariò ex præmissis. Ergo &c. Minor prob: conclusio, quæ interrogatur, & ex concessione respondentis vim ac robur habet, non sequitur necessariò: at in diuisione conclusio interrogatur, & ex concessione respondentis vim ac robur habet. Ergo in diuisione non sequitur necessariò. Maior patet, quia conclusio necessariò ex iis quæ posita sunt, sequitur, etiam si non fateatur, qui responder. Minor probatur hoc exemplo: Cum quis definitionem hominis per diuisionem inuestigat, primò sumit aliquod genus, vtpotè corpus, quod diuidit in animal & in inanimatum: tum interrogat, nonne homo est animal? hoc ei concessio, diuidit animal in pedestre & aquatile: ac interrogat, nonne homo est pedestre? hoc etiam ei concessio, tandem concludit. Ergo homo est animal pedestre. ^b Hanc

con-

conclusionem non necessario infert ex præmissis, sed ex cōcessionē respondentis. Sic dicendum est cū argumentamur per diuisionem, vtrum illa diuisio ex multis, vel ex paucis constet partibus. Nam diuisio numquam vim habet concludendi sicut syllogismus.

Nonne animal pedestre verè concluditur de homine?

Etiamsi verè de eo concludatur, tamen non concluditur quod sit definitio ipsius, quod iam quærimus.

Alia ratione probes ipsum Quid est sine definitionem non probari per diuisionem.

Cum argumentamur per diuisionem, fieri potest, vt, cum aliquod genus diuidimus, vel accidentalem differentiam * adiiciamus: vel essentialē detrahāmus: vel eam transiliamus. Ipsa enim diuisio non ostendit an differentia sunt accidentales, an essentialē: an proximæ, an remotæ: quæ tamen sunt necessaria, vt ostendatur *Quid est*. Ergo per diuisionem definitio probari non potest.

Concedo hæc vitia in diuisione alicuius generis committi, sed vitari tamen possunt: Si ergo omnes differentia essentialē, eæq, tantum accipiantur, nullæq, omittantur à prima generis diuisione donec ad individuum, hoc est, ad ultimam speciem, quæ non amplius in species diuidi queat, perueniamus, nonne tum definitio per diuisionem probari potest.

Nequaquam. Nam adhuc syllogismus non est, neque vim necessario concludendi habet.

Quæ ergo potest esse utilitas diuisionis, si rem non probes?

Eius utilitas non est, vt rem prober, sicut nec inductionis utilitas est, vt rem demonstret: sed utilitas ipsius est, vt alio quodam modo rem notam faciat. Nam qui per diuisionem definitionem colligit, syllogismum

non conficit, nec rem probat: sed declarat tantum: unde utilis est ad definitionem conficiendam: sed non concludendam.

Quid id probas?

Argumento a simili ducto. Nam sicut illa conclusio, quæ non probatur per proprium Medium, sed per aliquid (utpote causam remotam, signum, effectum aut aliquid tale) non necessario sequitur, nec eam scimus, sed adhuc quærimus quamobrem illa conclusio sequitur, & quæ est illius causa: sic si definitio aut eius partes per diuisionem probentur: adhuc quærimus quamobrem illud sequitur: ut si quis per diuisionem singulas partes definitiones ipsius hominis inuestiget, & concludat quod sit animal mortale, pedes habens, bipes, pennis carens: adhuc quærit quamobrem conclusio sequatur. Et tota illa definitio ex præmissis inferatur.

Obiectio.

Conclusio, quæ inferitur per diuisionem, necessario sequitur ex præmissis. Ergo illud verum non est, quod profers. Anteced: proba hoc exemplo. Omne animal est vel mortale, vel immortale; at, omnis homo est animal. Ergo omnis homo est mortalis, vel immortalis.

Solutio.

Non adhuc probatur definitio. Nam tota illa conclusio non est definitio hominis: quia contrarias habet differentias.

SCHOLIA IN CAP. 5.

D*Vo libri Priorum dicuntur resolutio figurarum, quia in ijs agitur de resolutione circulo*

conclusionis in modos & figuras, quæ sunt principia formalia syllogismi, siue principia inferendi.

b Hac conclusio, Homo est animal pedestre, necessario ex præmissis non sequitur: primò, quia ex sola concessione respondentis inferitur. Secundò, quia ibi committitur fallacia coniunctionis. Nam etiamsi homo sit animal, & sit pedestre, tamen (quoad legitimam argumentandi formam) non inde sequitur, quod sit animal pedestre: unde qui per divisionem ratiocinatur, tribus modis peccat. Primò, interrogat genus. Secundò interrogat differentiam. Tertiò orationem consunctam colligit ex diuisa. Quare non omninò necessario concludit.

c Adiicere ad differentias accidentales referitur: detrahere verò & transilire ad essentielles: sed hoc ad proximas: illud ad remotas. Zabarella.

d Notum est illud scomma Diogenis Cynici in Platonem, qui ut refert Rodolphus Agricola, cum diligenter hominis proprium reddidisse videretur, bipidè & implumem, & definiret hominem esse animal bipes implume: Diogenes Cynicus gallinaceum, cui dempserat plumas, in auditorium illius proiciens: hic est (inquit) homo Platonis. Ridet Platonem Cynicus sed magis ipse (ut ait Phrisseuius) ridendus. Neq; enim à Platone implume animal dicitur, quod vicinè plumis nudatum est, sed cui natura plumas non dedit.

* Lib. 1. de inuentione.

Vide Diogenem Laertium in vita Diogenis Cynici.

Cum utraq; differentie disidentes & oppositae cum disunctione in ea collocantur. Vt: Omne animal est vel rationis particeps, vel rationis expertus: at omnis homo est animal. Ergo omnis homo est vel rationis particeps, vel rationis expertus: Et haec conclusio inferitur ex praemissis necessario, licet definitio non concludatur.

Conclusio, quae per disjunctionem inferitur, fit vel

Cum differentiae oppositae in ea non reperiuntur: Vt: Omnis homo est animal rationis particeps: Et haec conclusio non sequitur, nisi qualibet ipsius pars interrogetur.

ANALYSIS CAP. 6.

ARGUMENTUM.

Tertium instrumentum, quo ipsum *Quid est* siue definitio videtur probari, confutari, nempe definitionem definitionis. Duae sunt partes huius cap: Primo ostendit ipsum *Quid est* non posse probari per definitionem suam. Secundo, non per definitionem contrarii. Hos duos vocat modos probandi ex hypothese, quia supposita unius definitione, altera per eam videtur probari.

Crellius secundum modum appellari per hypothesein ait, quia per modum hypothetici syllogismi ex unius contrarii definitione alterius contrarii definitio colligitur.

Nonne ipsum Quid est, siue definitio potest probari per essentiam, hoc est, per definitionem suam hoc modo. Illa oratio, quae explicat quid sit res, & est rei propria, est definitio ipsius: at animal rationale est oratio, quae explicat quid sit homo, & est ei propria. Ergo animal rationale est definitio hominis.

Neque hoc modo potest probari, primo quia in hac etiam

etiam ratiocinatione committitur petitio principij. Nam definitio hominis, de qua instituta erat questio, quæque erat probanda, in præmissis resumitur, nempe in ² Minori, quod fieri non debet, cum demonstratione conficimus. Nam sumere debemus Medium^b diuersum scilicet a re demonstrata, quod in hac ratiocinatione non obseruatur: siquidem idem demonstratur per idem, nempe ipsum *Quid est per Quid est*. Secundò hoc probationis genus vitiosum esse confirmari potest argumento à simili in hunc modum. Quoties aliquid syllogismo concludimus, non accipimus, nec accipere debemus in præmissis definitionem syllogismi, sed duas propositiones, quarum vna est verum, quæ est Maior, altera vt pars, quæ est Minor. Ergo simili ratione quoties definitionem rei concludimus, non debemus sumere definitionem definitionis. In eo syllogismo, quo illam concludimus, sed seorsim à syllogismo ponenda est.

Cui vsui inservit definitio syllogismi & definitionis seorsim posita à syllogismo?

Huic nempe, vt, si postea controuersia orta fuerit, vtrū illa argumentatio, an è conclusa, sit syllogismus: aut aliqua oratio sit definitio necne, hoc ipsum probari possit. Nam si illa habeat definitionem syllogismi, erit syllogismus: Et si hæc habeat definitionem definitionis, erit etiam definitio.

Num definitio potest probari per definitionem contrarij sui: vt: mali definitio est diuiduum, siue diuisibile (hoc enim supponimus) Ergo boni definitio est indiuiduum, siue indiuisibile, per locum à contrarij.

Contrariarum enim contraria sunt consequentia.

Neque hic probandi modus est legitimus.

Quam obrem?

Quia in hoc etiā committitur petitio principii. Nam hinc iterum sumitur definitio ad probandam definitionem.

Crællius sic colligit. Si mali definitio sit diuisibile esse, tum boni definitio est indiuisibile esse: sed verum est Primum. Ergo & secundum.

Q

Ob.

Obiectio.

At non eadem definitio sumitur ad probandam definitionem, sed diuersa. Ergo non est petitio principij.

Anteced: prob: quia sumitur definitio Contrarij.

*Etiam si non sumatur eadem definitio, sed diuersa: nihilominus est petitio principij. Nam in Demonstratione non modò non debet idem sumi: sed nec aliud, quod sit eiusdem ordinis & rationis, quodq; reciprocetur: Vnde etiam si non sit eadem definitio secundum numerum, tamen est eadem secundum speciem, id est, alia est æque ignota definitio.

Potesne aliâ ratione hunc probandi modum confutare?

Hæc ratio præcipue diuisionis modum con-
gruat.

Possum: Eaque communi & huic & modo per diuisionem. Nam quod attinet ad modum diuisionis, etiam si per eum ostendatur hæc omnia separatim *animal*, & *pedestre*, & *bipes*, de homine prædicari: non idcò sequetur hominem esse animal pedestre bipes. Nihil enim in præmissis ponitur, ex quo necessariò lequitur illa, quæ de homine diuisim dicuntur, de eodem etiam coniunctim dici, ita vt ex iis vnum fiat per se, qualis esse debet definitionis. vnitas, sed potius vnum per accidens, sicut musicus & grāmaticus vnum sunt, quia accidit eundem hominem esse & musicum & grāmaticum. Idem dicendum est de hoc modo, qui est per suppositionem definitionis contrarij. Quamuis enim concedamus ex iis, quæ vni contrario competunt, inferri posse illa, quæ alteri contrario conueniunt, tamè non propterea apparet ex his *Vnum* fieri per se, quod sit huius definitio.

Zabarella.

SCHO.

SCHOLIA IN CAP. 6.

a *P*etitio principij est in *Minori* propositione. Nā animal rationis particeps, quod erat definitio hominis demonstranda, in *Minori* sumitur.

b *Hinc* patet, quod *Medium* in *Demonstratione* non debet esse definitio essentialis *Maioris* extremi seu propriae passionis. Nam hac eadem est cum definito: unde fit petitio principij.

c *Non* solum committitur petitio principij, cum idem sumitur, quod erat demonstrandum: sed etiam quando aliud sumitur: quod sit aequè ignotum, & cum eo ita reciprocetur, ut ex utrolibet alterum inferri liceat, cuiusmodi sunt contraria & eorum definitiones. Nam & contraria aequè nota, vel aequè ignota sunt, & etiam eorum definitiones: nec magis ex hac illam inferre possumus, quam hanc ex illa. Aequè enim nota sunt definitiones boni & mali, & inter eas consequentia reciprocatur: quia non minus ex definitione boni potest inferri definitio mali: quam ex definitione mali definitio boni. Zabarella.

d *Hoc* enim non sequitur: homo est animal, & pedestre, & bipes. Ergo est animal pedestre bipes: quia est fallacia coniunctionis, ut ante dictum est.

Petitio principij fit multis modis: nempe siue omnino non concludatur siue per ignotiora, siue per aequè ignota; siue per posteriora. 1. prior. c. 13. vide Arist. ibidem.

ANALYSIS. CAP. 7.

ARGUMENTUM

Nonnulli existimant Arist : hoc in capite epilogum quēdam seu collectionem eorum, quæ hactenus dicta sunt, afferre : Deindē cōmuni-
bus argumentis confirmare definitionē nullo modo probari posse : Zabarella hoc non esse consilium Philolophi asserit, nec quærere quomodo probeatur definitio : sed hoc quærere : an in ipso definiendi actu, dici possit, quod probeatur *Quid est* ? Vnde (inquit) refutatis omnibus instrumentis & methodis, quibus videtur ipsum *Quid est* probari : nunc demum ostendit ipsam definitionem non notificare ipsum *Quid*, hoc est, non esse instrumentum sciendi. Hoc caput in duas partes distingui potest. Primò, ostendit d : finitionem in ipso definiendi actu non probare ipsum *Quid est*. Secundò disputandi gratiā ostendit per definitionem ipsum *Quid est* posse innotescere.

Num definiens siue definitio in ipso definiendi actu essentiam, hoc est, ipsum Quid est probare possit ?

Non potest, quod his rationibus fiet manifestum. Primò suppono cognitionem ipsius *Quid est*, siue definitionis non sensu aut digito acquiri posse, hoc est, non esse sensitivam sed intellectivam : omnem autem intellectivam cognitionem aut Demonstratione aut inductione comparari : hoc iacto fundamento, prima ratio hæc erit. Si definitio probeat quid sit res, hoc sit vel quia ex præmissis necessariò inferitur conclusio, sicut fit in Demonstratione : vel quia ex singularibus colligitur, sicut fit in inductione : at neutrum dici potest.

Ergo

Ergo definitio non probat quid sit res. Maior patet ex illo fundamento prius iacto. Minor probi. Non primum dici potest, quia sic definiens esset demonstrans, & definitio esset Demonstratio: non secundum, quia inductione non ostenditur quid sit res, sed quod sit, vel non sit.

Secunda ratio. Necessse est, ut omnis, qui cognoscit quid sit homo, aut alia res quæpiam, cognoscat etiam quod sit: at definiens in ipso definiendi actu non cognoscit quod sit, nec definitio ostendit rem esse. Ergo nec quid sit. Maior patet: quia nemo cognoscit quid sit id, quod omnino non est, nisi tantum quid nomen aut oratio significet: veluti quid significet, hæc vox, *hircocervus* aliquis cognoscere potest (etiamsi non existat) quid autem sit *hircocervus* cognoscere non potest: quia definitio essentialis, non est eorum, quæ reuera non sunt. Minor probatur tribus rationibus. Primò, si definitio ostendit quid sit res, tum non ostendit quod sit; at ostendit quid sit, ut supponitur. Ergo non ostendit quod sit. Maior prob: quia Quid sit & Quod sit diuersa sunt, & ad diuersa pertinet. Definitio enim vnum eorum tantum declarat, nec non Demonstratio: quid autem sit homo, & esse hominem differunt. Secundò, tantum Demonstratio ostendit quod sit res, vel rem esse, nisi sit essentia, esse autem siue existere nullius rei essentia est, quandoquidem Ens non est genus. Ergo Definitio non ostendit quod sit res. Quod Demonstratio ostendat quod sit res & non quid sit, testantur omnes scientiæ. Geometra enim quid sit triangulum non Demonstrat, sed hoc sine vlla probatione accipiens, demonstrat quod sit triangulum.

Triangulum
hic sumitur
pro affectione
Geometrice
ca: non pro
subiecto.

Quare definiens non cognoscit tantum quid triangulum, vel res quæpiam sit, sicut demonstrator

san-

tantum cognoscit quod res sit?

Quia tum sequeretur eum cognoscere quid sit res, cum tamen eam rem esse ignoret: quod fieri non potest.

Tertio probes definitionem non ostendere quod res sit?

Hæc ratio confirmat definitionem non ostendere quod sit res, & etiam definitionem non ostendere hoc esse illius Quid est.

Inductione hoc probari potest. Nam si singulas definitiones, quæ in scientiis assignantur, percurramus, videbimus nullam ostendere quod res sit, neque quod hoc sit illius Quid est. Exempli gratia hæc definitio, *à cuius medio lineæ ductæ ad circumferentiam sunt æquales*, non ostendit ipso definiendi actu circulum esse, nec ostendit quid sit circulus, magis quam quid sit orichalcum: nec magis ostendit is, qui sic definit, hanc esse circuli definitionem, quam orichalci. Definitiones enim nec rem esse, quæ definitur, neque quod illæ sint huius rei definitiones ostendunt, sed semper quæstioni cur eorum utrumque sit, locum relinquunt.

Potesne contrarium iam docere, nempe definitionem posse ostendere quid sit res?

Possum: idque hac ratione. Is, qui rem definit, vel ostendit quid sit res, vel quid nomen significet; sed absurdum est eum ostendere tantum quid nomen significet. Ergo ostendit quid sit res: Vnde & definitio hoc præstabit. Minorem probo: primò, si ostendit tantum quid nomen significet, tum non substantiæ, hoc est, non Entia, possunt definiri: (quia huiusmodi, hoc est, nomina, quæ iis imponuntur, possunt aliquid significare) at hoc absurdum est. Ergo & illud. Secundò, si definitio ostendat quid nomen significet, tum omnes orationes essent definitiones, & sic^a tota Illias Homeri esset definitio: at hoc absurdum est. Ergo & illud. Maior patet, quia cuilibet orationi nomen imponi potest. Tertio, si illud

illud verum esset, tum scientiæ, quæ definitionibus
utantur, ostenderent, quid nomen significet: at hoc ab-
surdum est, cum illud sine probatione accipiant. Ergo
& illud est absurdum.

*Quid ex his, quæ hæcenus dicta sunt colligi
potest?*

Hæc tria colligi possunt. 1. non idem esse definitio-
nem & syllogismum, nec esse eiusdem rei esse. 2. defini-
tionem nec demonstrare, nec probare quidpiam. 3. ip-
sum *Quid est*, nec definitione nec Demonstratione
cognosci posse?

SCHOLIA IN CAP. 7.

a **H**ircoceruus significat animal seu mōstrū, Hircoceruus
quod partem birci, partem cervi habet.

Græcè τραγέλαφος dicitur, ἀπό τῆς τραγῆς,
καὶ ἐλάφου: quorum hoc ceruum, illud hircum signi-
ficat. Plinius de hircoceruo sic scribit. Est eadem
specie (cum cervis) barbâ tantum & armorum villo
distans, quem tragelapbon vocant, non alibi quam
iuxta Phasin amnem nascens.

Lib. 8. ca. 38.

b Nonnulli volunt Arist: hoc in loco objectionem
quandam tollere. Nam credere aliquis posset sub
Quod est comprehendere Quid est. Quando enim
ostendimus quid sit homo, ostendimus quod hæc est
essentia hominis: quare Demonstratio ostenderet e-
tiā quid est, si ipsum Quod est solâ Demōstratione
osten-

ostenditur: ideo Aristoteles hoc remouens negat
essentiam rei ostendi Demonstratione. Nam De-
monstratione ostendimus Quod est: hoc autem nō est
rei essentia, sed est sola existentia: Ens autem dum
existentiam significat non est genus rerum sed ac-
cidens: unde patet Ens sumi vel pro essentia rei,
qua significatione dici potest genus non uniuocum
sed analogum: vel pro existentia rei, quo sensu hic
sumitur.

Zabarella.

Mathis.
Orichalcum.

c Orichalcum est metalli quoddam genus ad au-
ri colorem accedens (quamuis alij album as esse du-
cant) id quod olim magno in precio erat. Cic. 3. of-
ficio: Si, quis aurum vendens, orichalcum se putet
vendere, indicetne illi vir bonus, esse aurum. Dici-
tur πικρὸν τὸ ὄρος καὶ χαλκός, quorum illud montem:
hoc as significat: quia in montibus hoc genus eris nas-
citur. Nonnulli volunt orichalcū hic sumi pro aereo
corpore eoq; rotūdo, à cuius medio (sicut cō circuli)
omnes lunae ductae ad extremitates eiusdem, sunt
equales. Alij dicunt illud hic accipi, non magis pro
eo quod est, quam pro eo, quod non est in rerum na-
tura: unde (inquiunt) Aristoteles vult per hac ver-
ba, quod ille, qui circuli definitionem adducit, non
ostendit eam magis circuli, quam cuiuslibet rei de-
finitionem esse: imò non magis eius, quod est, quam
eius, quod non est.

Zabarella.

Ilias.

d Illas dicitur illud opus siue poema Homeri, in
quo traditur historia eorum, qua gesta fuerunt apud
Illiū, nempe Troiā. In hoc enim omnis enarratio
belli.

belli ad Troiā gesti 24. libris explicata continetur.

Obiectio.

Videtur Arist: sibi ipsi contradicere. Nam in hoc cap: Primo negat definitionē, ostendere quid sit res: Deinde hoc ipsum affirmat: Deniq; illud negat.

Solutio.

Cum negat definitionem ostendere quid sit res, hoc vult: non posse aliquo argumentationis genere, aut aliqua ratione (praesertim Demonstratione) concludi, aut probari quod definitio ostendat quid sit res, vel quod sit definitio rei: cum affirmat definitionem ostendere quid sit res, hoc disputandi tantum causā asserit, ut nonnulli volunt: licet alij dicant definitionem ostendere quid sit res hoc est, explicare naturā & essentiā rei, quae definitur, & de eā re in quid est affirmari, non in conclusione alicuius argumenti, sed seorsim, & per se positam. Hec omnia vera sunt, sed tamen existimo Arist: voluisse definitionem in ipso definiendi actu non ostendere quid sit res, sicut ante dictum est. Quomodo ipsum Quid est innotescat, vide in duobus cap: sequentibus.

ANALYSIS CAP. 8.

ARGUMENTVM.

CV M haec Aristoteles dubitando multa de prima illa quaestione, nempe quomodo ipsum *Quid est* probetur, exposuerit: iam ex animi
sententia,
R

sententia, & iuxta veritatis normam illius explicatio-
nem aggreditur : Et quoniam multa argumenta ad
eam explicandam coaceruauerit, nunc quid in illis
benè quid non benè dictum sit, declarat : Et ostendit
quo sensu verum sit dicere ipsum *Quid est* probari:
quo sensu falsum : Duos itaque modos exponit, qui-
bus ipsum *Quid est* probari possit ; alterum in hoc
cap: alterum in sequenti ; in hoc cap: ostendit mo-
dum, quo per syllogismum Dialecticum in sequen-
ti, quo per Demonstratiuum ipsum *Quid est* siuè defini-
tio probari dicitur.

* Nonnulli
hæc ad tria
illa, quæ in
epilogo capi-
tis prædeden-
tis continen-
tur, referri
Volunt.

*Iam rursus videamus quid hætenus * rectè, quid non
rectè de prima illa questione dictum fuerit : primò
ergo mihi expedias utrum aliquo modo ipsum Quid
est possis probare?*

Potest.

Quomodo, aut per quod Medium?

Per causam. Nam cum idem sit (vt supra diximus cap:
2.) nosse quid sit res, & nosse causam, qua quæstio An
sit absoluitur, hoc est, nosse cur res sit, ratio autem istius
est, quia aliqua est causa: hæc causa duplex est. Nam
vel eadem est cum re, vel diuersa; si diuersa, vel de-
monstrari potest, vel non potest: & si potest, necesse
est, vt illa causa sit Medium & definitio: Vnde hic vnus
modus est, quo ipsum *Quid est*, siuè * definitio probatur
de suo definito, nempe per aliam definitionem, quæ
est Medium & causa ipsius.

In qua figura probatur definitio per definitionem?

In prima figura, idque in primo ipsius Modo: quia defi-
nitio vniuersaliter & affirmatiuè de suo definito enun-
tiatur: cæterarum autem figurarum conclusiones non
sunt vniuersales & affirmatiuæ.

Dubium.

Qui fieri potest, vt definitio per definitionem probetur, cum hoc antea in cap: 4. negaueris?

Solutio.

Definitio,
quæ est eadẽ
cum definito
est definitio
essentialis: de-
finitio vero,
quæ est diuer-
sa, est defini-
tio causalis.

Solutio.

Hoc negavi in syllogismo Demonstratiuo: non in Dialectico: itaque definitio non potest syllogismo Demonstratiuo probari per definitionem: quia Demonstrator vnica rei definitionem admittit: at syllogismo Dialectico potest: quia Dialecticus plures eiusdem definitiones admittit, & vnā per alteram probat: neque à qualibet petitione principii abhorret, sed ab eā, quæ inepta est, cuiusmodi sophistæ vtuntur.

SCHOLIA IN CAP. 8.

Nonnulli volunt definitionem, quæ concluditur & probatur, esse materialem: definitionem verò, per quam concluditur, esse formalem siue finalem. Alij dicunt definitionem, quæ concluditur, esse essentialē ipsius accidentis; eam verò, per quam concluditur, esse causalem.

ANALYSIS. CAP. 9.

ARGUMENTUM

CVM in cap: præcedenti ostendisset modum, quo ipsum *Quid est* per syllogismum Dialecticum probetur: iam ostendit modum, quo per Demonstratiuum innotescat, duobus fundamentis prius iactis.

Potestne ipsum Quid est per Demonstrationem innotescere?

Maximè.

R2

Quo-

Quomodo?

Illud statim ostendam, si prius quædam fundamenta
huius rei iecero: quæ duo sunt.

Quod est primum fundamentum?

Primum fundamentum, in quo ponitur similitudo in-
ter causas, hoc est. Quemadmodum in causis com-
plexis postquam cognouimus quod ita sit res, vel quod
talitudo sit, statim quærimus cur ita sit: Et interdum
utrumque simul cognouimus; sed nunquam poterimus
cognoscere cur ita sit res, priusquam cognoui-
mus quod ita sit: sic in quæstionibus simplicibus num-
quam quærimus aut cognoscere poterimus quid res sit,
nisi prius intelligamus an res sit, siue rem esse. Ne-
mo enim scire potest quid res sit, si ignoret rem
esse.

Quod est secundum fundamentum?

Secundum fundamentum hoc est. Rem esse, siue an
res sit, duobus modis cognoscimus: vel per ^b accidens,
id est, non causam, & sine cognitione causæ: vel per ^b
aliquid ipsius rei, id est, per causam, eamque proximam.
Veluti esse ^c tonitruum cognoscimus, quia sonum quæ-
dam nubium; esse eclipsim, quia priuationem luminis;
esse hominem, quia animal quoddam: esse animam,
quia id, quod seipsum mouet, cognouimus.

*Quod est discrimen inter utramque illam cognitionem,
aut quid interest, cum cognoscimus rem esse per acci-
dens, & rem esse per causam?*

Hoc interest: cum cognoscimus rem esse per accidens
nullo modo cognoscimus quid ea res est, cum non in-
telligamus propter hoc pacto utrum res sit necne: at cum
cognoscimus rem esse per causam, facile intelligimus
quid ea res est, quia (ut ante dictum est) idem est nos-
se Quid est, & Cur est.

*Adducas ex. m. l. posterioris cognitionis, cum rem est
per essentiam siue per causam cognoscimus.*

Vnum

*An sit hoc in
loco compre-
hendit quæ-
stionem an
sit complex-
am & simpli-
cem; acciden-
tis tamen nō
substantie,
aut subiecti;*

Vnum exemplum hoc est, Sit eclipsis A. luna C. interpositio terræ B. querere ergo, utrum luna deficiat necne, nihil aliud est, quam querere B. id est, Medium siue causam: Et hoc querere, nihil aliud est, quam querere an sit ipsius ratio, hoc est, definitio: Et si interpositionem terræ cognoscamus, eclipsim esse cognouimus per causam ipsius. Interpositio enim terre est causa eclipsis. Pari ratione (ut alterum exemplum subiiciam) querere an hæc proprietas, habere duos angulos rectos, siue tres angulos pares duobus rectis sit necne, est querere utrius contradictionis sit ratio, id est, definitio & causa: num affirmationis, quæ est, habere duos rectos: vel negationis, quæ est, non habere duos rectos: cum ergo illam rationem inuenimus, & quod res sit, & cur sit cognoscimus, si per propria Media demonstratum sit, si minus, cognoscimus tantum quod res sit, & non sit.

Exemplum huius rei afferas, nempe cum cognoscimus rem esse, sed non causam, cur sit.

Exemplum hoc erit. Sit C. luna A. eclipsis B. in plenilunio umbram non facere, cum nihil inter nos & lunam interiectum sit. Si ergo ipsi C. conueniat B. hoc est si luna non possit umbram facere in plenilunio omnino remoto impedimento: Et ipsi B. conueniat A. id est, eclipsis, cognoscimus quod A. conueniat ipsi C. id est, quod luna patiatur eclipsim, sed cur eclipsim patiatur, nescimus. Quod enim sit B. nempe ipsius Medium, adhuc querimus, utrum sit oppositio terræ: vel lune conuersio: vel lucis extinctio. Nam vnum horum est ratio & definitio alterius, hoc est, Maioris extremi nempe ipsius eclipsis. Eclipsis enim est oppositio terræ. Sit etiam (ut aliud subiungam exemplum) C. nubes. A. tonitruum: B. extinctio ignis: iam B. (Medium) est ratio & definitio ipsius A. primi, hoc est, Maioris extremi, nempe toni-

trui, Nam tonitruum est extinctio ignis in nube: Et si
rursus sit huius aliud Medium, necesse est, ut sit defini-
tio ipsius.

*Fam expedias quomodo ipsum Quid est siue de-
finitio possit innotescere per Demonstrationem?*

Quomodo hoc fiat, ex iis quæ dicta sunt, manifestum
est. Innotescit ergo ipsum Quid est per Demonstrationem,
quia per eam innotescit Cur est: cum quid sit, &
cur sit scire idem sint.

*Nonne antea negasti ipsum Quid est siue defini-
tionem per Demonstrationem ostendi?*

Negavi ipsum Quid est siue definitionem posse de suo
definito in Demonstratione probari aut concludi: sed
non negavi per Demonstrationem aut syllogismum ip-
sum Quid est notum & manifestum fieri: unde etiam si
ipsum non sit Demonstratio aut syllogismus: tamē per
Demonstrationem & syllogismum innotescit: in sum-
ma, potest per Demonstrationem notificari, sed non
concludi definitio. Itaque nec sine Demonstratione li-
cet ipsum Quid est, cuius est alia causa, cognoscere, nec
est eius Demonstratio, sicut in disputationibus diximus.

SCHOLIA IN CAP. 9.

IN priori fundamento ponitur similitudo inter
questionem cur sit, & questionem quid sit, qua
similitudo in tribus consistit. 1. Sicut quærimus cur
sit res: postquam cognovimus quod sit: sic quærimus
quid sit res, cū intellexerimus rem esse. 2. Sicut in-
terdum simul cognoscimus Cur sit, & Quod sit: ita
aliquando simul cognoscimus Quid sit & An sit. 3.

Sicut nunquā querimus & cognoscimus cur sit res, nisi prius intellexerimus quod sit: ita nunquam querimus, nec cognoscimus quod sit res, nisi prius rem esse cognovimus. Sed de questione Quod est tertium tantum expressit Aristoteles. Ratio primi (inquit Zabarella) est, quia potest cognosci Quod sit & An sit non modo per cognitionem causae, sed sine eiusdē cognitione: ratio secundae est, quia dum utrūq; ignorantes querimus Quod sit aut An sit, possumus in causam rei incidere, ita ut simul rem esse, & eius causam cognoscamus: ratio tertiæ est, quia questio Cur sit, supponit questionem Quod sit, imò ipsam in se includit: par ratione questio Quid sit supponit questionem An sit eamq; in se continet.

b Nonnulli per aliquid ipsius rei intelligunt partem essentialē rei, & causam internam, cum propriam, qualis est differentia proxima; tum communem: qualia sunt genus, & differentia remota: per accidens intelligunt accidens propriè dictum, siue sit commune, siue sit proprium: Unde (inquiunt) qui rem esse cognoscit per accidens commune, longissime distat a cognitione ipsius Quid est: Et qui per proprium, longè abest: at qui rem per genus, aut differentiam communem, proprius: qui vero per differentiam proximam, proxime accedit ad cognitionem ipsius Quid est: Unde hi asserunt quatuor hæc exempla esse posterioris cognitionis, quæ sit per causam, quia sonus est genus tonitruī; privatio genus eclipsis; animal

genus hominis: Et Quod seipsum mouet genus anima: Sed hanc expositionem non immerito reiecit Zabarella, qui Auerroem secutus, per aliquid ipsius rei non partem essentialem, aut causam internam intelligit: sed causam externam, proximam tamen, quae posita necessario ponitur effectum: qualis est oppositio terrae respectu eclipsis: extinctio ignis respectu tonitruum: per accidens intelligi non accidens proprie dictum: sed omne illud, quod non est causa proxima rei externa: qualia non solum sunt accidentia, sed etiam cause interna, cuiusmodi est genus: unde ait haec quatuor exempla esse prioris cognitionis, quae fit per accidens. Nam qui nouit tonitruum esse per sonum: eclipsim per priuationem: hominem per animam: animam per id, quod seipsum mouet: non uerum per causam proximam & adequatam. Non enim sonus est causa cur sit tonitruum; nec priuatio luminis cur sit eclipsis: nec anima cur sit homo: nec quod seipsum mouet cur sit anima: sed ratio sunt causa sine qua Non, ut loquuntur. Quare qui hoc modo cognoscit, confuse non distincte cognouit. Ego hanc expositionem secutus sum, quia mihi per suadeo eam propriam ad mentem Philosophi, nec non ad ipsam veritatem accedere. Nam nullum exemplum affert Philosophus, quae ostendat rem proprie cognosci per genus, aut partem essentialem.

Ex quatuor illis exemplis duo prima sunt accidentia: duo postrema sunt substantiarum: tamen illa distinctio cognitionis non ad substantiam, sed ad acciden-

ciden-

cientia propriè pertinet.

d Triangulum duos rectos habet, quia anguli, qui circa unum punctum coherent, duobus rectis aequales sunt 9. *Metaphys. cap. II.*

e In plenilunio semper, vel circa contingit eclipsis luna: unde umbram non facit: luna autem, cum sit plena, semper facit umbram, si omne impedimentum remoueat, & nullum corpus (velut nubes) interiectum sit inter nos & lunam: sed cum eclipsi patitur, umbram non facit propter interpositionem terrae: unde per ipsius umbram obscuratur luna: iam non ideo fit eclipsis, quia tunc luna omni remoto obstaculo non facit umbram: sed quia interponitur terra inter solem & lunam, quod etiam causa est, quod luna umbram non projiciat: unde in plenilunio umbram non facere omni remoto impedimento, non est causa cur fit eclipsis, sed est accidens consequens oppositionem terrae. Syllogismus sic conficitur: Omne corpus à sole illuminatum in plenilunio umbram non porrigens, nullo corpore existente medio, deficit & eclipsi patitur: at luna est corpus illuminatum à sole in plenilunio umbram non porrigens, nullo corpore existente medio. Ergo luna deficit & eclipsi patitur. Eclipsis non contingit in quolibet plenilunio, sed cum luna est in capite, vel cauda Draconis. Eclipsis solis in nouilunio, & numquam in plenilunio contingit. Unde (inquit Sacroboscus) cum esset solis eclipsis in passione Domini, & eadem passio esset in plenilunio, illa eclipsi non fuit naturalis, immo miraculosa,

Eclipsi lune quando contingit.

Cap. 4. de sphaera.

⁊ contraria natura: quia eclipsis solis in novilunio, vel circa debet contingere: unde cum Dionysius Areopagita eam eclipsim conspiceret, dixisse fertur, aut Deus naturæ patitur, aut mundi machina dissoluetur.

Causa eclipsi-
sis lunæ.

1

f. Hic tres opiniones de eclipsi luna recenset, quarum prima tantum vera est: dua relique falsa. Quidam enim ex antiquis Philosophis arbitrati sunt lunam duas facies habere, unam lucidam ⁊ splendentem: alteram opacam ⁊ tenebris oppletam: hac ad nos accedente: illâ verò à nobis recedente, existimabant eclipsim luna contingere: unde illius causam statuebant conversionem lune, nempe cum ea pars, quæ opaca est, ad nos converteratur. Alij putabant lunam ⁊ reliquas stellas splendere, quia ignea sunt nature (quam opinionem recenset Aristoteles lib. de cælo cap. 7.) unde dicebant humidos vapores à terra elevatos ascendere usque ad lunam, quæ est omnium stellarum infima, ⁊ lumen ipsius extinguere, donec iterum paulatim pristinas ignis vires recuperaret: Et sic extinctionem lucis statuebant esse causam eclipsi luna. Sed vera ipsius causa est oppositio terre. Demonstratio sic conficitur: Omne corpus à sole lumen recipiens, inter quod ⁊ solem interponitur terra, deficit ⁊ eclipsim patitur: at luna est corpus à sole lumen recipiens, inter quod ⁊ solem interponitur terra. Ergo luna deficit ⁊ eclipsi patitur.

g. Hoc loco questionem mouent interpretes, v-

rum Medium Demonstrationis sit definitio
 Maioris extremi, nempe propria passionis: an verò
 Minoris extremi, nempe subiecti: an utriusq.
 Varia de hac re exstiterunt interpretum opinio-
 nes. Quidam putarunt Medium in Demons-
 tratione potissimā semper esse definitionem subiecti, nū-
 quam affectionis: Alij e contra tenuerunt Medium
 semper esse definitionem affectionis, numquam sub-
 iecto. Alij, quasi in medio euntes, & contrarias su-
 periorum opiniones reconciliantes, asserunt Mediū
 potissimā Demonstrationis definitionē esse utriusq.
 extremi: Et Maioris, & Minoris: sed Minoris
 siue subiecti esse definitionem, essentialem, &
 formalem: Maioris siue affectionis causalem. Nōnul-
 li, his omnibus repugnātes, existimant Mediū neu-
 trius extremi esse definitionē, sed causam tantū esse
 affectionis, quia, cū Arist: huius rei mētionē faciat,
 nō dicit quòd Mediū sit extremi definitio, sed λόγος
 hoc est, ratio & causa: quasi verò λόγος nō eque de-
 finitionē, atq. causam significet. Quidā Demōstra-
 tionē potissimā in tres species distinguūt; vnā, in qua
 Mediū sit definitio & causa Minoris extremi tantū:
 aliā, in qua Maioris tantū: tertiam, in qua utriusq.
 Toletus affectiones siue proprias passiones, qua in
 Demonstratione concluduntur, hunc in modum di-
 stinguūt. Quadā habet causam externā, nempe extra
 subiectum suum, secundum quam ei insunt: sicut e-
 clipsis luna causa est interpositio terra, que ta-
 men in luna non reperitur: Quadam habens
 inter-

Affectiones
sunt in dupli-
ci differen-
tia.

internam causam, quæ sit in eodem subiecto cum illis affectionibus (ut: Risibile, cuius causa est ipsum, Rationale, quod est in eodem subiecto cum eo, nempe in homine.) Hac præmissa distinctione, sic hunc nodum soluendum putat. Cum proprietates siue affectiones subiectis insunt priori modo, crediderim (inquit) potissimam earum Demonstrationem esse per causam, & non per definitionem: cum verò posteriori modo conueniunt, Mediū erit definitio subiecti. Sed, his omissis, dicendum est Medium in Demonstratione potissima non necessario esse definitionem subiecti sed tantum affectionis: Et huius nō formalem & essentialem: quia tum committeretur petitio principij, sicut expresse docet Arist: c. 6. huius libri, sed tantum, causalem. Causa enim cur accidens sit, est semper externa: non interna. Tamen non est disfitendum, quin Medium in Demonstratione potissima nonnunquam sit pars definitionis, & essentia ipsius subiecti. Nam cum Demonstrationis propositiones sint: per se, ut patet ex ca. 4. lib. 1. post: cumq; propositiones per se conueniant vel primo: vel secundo modo, ut ibidem testatur Arist: & etiam in ca. 6. & 18. eiusdem lib. fieri non potest, quin aliqua Demonstrationis propositio sit per se primo modo: Illa non erit Maior propositio (Nam ea semper, sicut & conclusio, est per se secundo modo) Ergo erit Minor: idē ipsius prædicatum, quod est Medium, erit pars definitionis & essentia Minoris extremi, quod est in eadem subiectū: siquidem ea cōueniunt per se primo

Hoc verum
est cum affe-
ctiones ha-
bent Medi.

primo modo que insunt in attributione quid est, hoc est, que in definitione rei ponuntur. c. 4. lib. 1. Poster. Non ergo tota definitio subiecti est Medium in Demonstratione, sed tantum pars ipsius, nempe ultima differentia, que, quia totam rei naturam significat, & præcipua est definitionis pars, nonnunquam appellatur tota rei definitio, sicut docet Arist. cap. 12. lib. 7. Metaph. Consule (si placet) Zabarellam optimè de hac re differente libro primo de Medio Demonstr.

um quod est causa interna Nam cum est causa externa, nempe extra subiectum non potest esse ipsius essentia.

h Empedocles & Pythagoras existimabant causam ipsius tonitrus esse extinctionem ignis in nube, iuxta quorum opinionem hic loquitur Arist: Reverà tamen tonitrus causa non est extinctio ignis in nube, sed concussio exhalationis ad latera nubis. Tonitrus enim in hunc modum generatur, quando exhalatio calida & sicca una cum vapore humido & aqueo eleuatur aestu solis in media regionis aërea partem superiorem, atq; adeò frigidiorē: ibi tum exhalatio illa, materia conuscationis & fulminis, circumquaq; à vapore ambitur & concluditur, nō ita dilatabilis ipsa, nempe terrestris & sicca, idemq; vapor aqueus à frigida te condensatur in nubem spissam & valde frigidam, cuius nubis frigiditatem intensam agere ferens exhalatio calida intra nubē, huc & illuc agitur indignabūda, querens exitū, tandemq; istā agitatione & antiperistasi instar stupa incensa rumpit latera nubis vi sua ignea & celeri. Sicq; & effracta disruptaq; latera nubis

An extinctio ignis in nube sit causa tonitru?

Velcurio lib. 3. Comment. Physic. 10. Vide Arist. 2. lib. Meteorol. c. 9. & Plinium lib. 2. c. 43

Seneca lib.
2. Natural.
Quæst. vult
tonitru fieri
posse ex sola
extinctione
exhalationis
in nube, ex
tra vllum im-
petum mo-
tus, nihilo se-
cius quàm
stridor excita-
tur a ferro cā-
dente aquæ
immerso.

An tonitrus
arte fieri pos-
sit, vide Plini-
um lib. 28. c. 8
& lib. 36. c. 13
Beuerus.

nubis spissa & ipse fumus suâ eruptione violentâ
fragorem ingentem edit, quem Tonitru vocamus.
Simulq; incensione sui, qua inter mouendum magis
augetur, lumen longè latequẽ de se emittit, quod
Coruscatio aut fulgur vocatur. Sic fumus ex
lignis ardentibus erumpens sonitum facit. Unde
Tonitrus nihil aliud est quam fragor suẽ sonus edi-
tus disruptione nubis facta per violentam exhalationis
sicca expulsionem à frigore per anteperistasis.
Et Coruscatio est lumen inflammata exhalationis
è nubibus expulsa, Unde videre licet eandem
esse generationẽ fulguris & Tonitrus: Tonitrus ta-
men generationem paulo ante precedere, licet no-
bis fulgur prius videatur, quam audiatu Ton-
trus, quod sit ex natura & vi auditus & visus: quo-
rum hic ut nobilior est & excellentior: ita rem lon-
gius positam citius & euidentius percipit, quàm au-
ditus. Nam ut in 2. lib. de Anima. c. 8. visus per-
cipit obiectum suum immutatione subitã: auditus
verò non nisi concurrente motu, qui defert sonum
per medium: sic videmus ante sublatam esse in al-
tum securim, quàm sonum audiamus ante suble-
natam securim excitatum. Hinc illud poëta.

Segnius irritant homines demissa per aures,
Quam quæ sunt oculis subiecta fidelibus. &c.

ANALYSIS CAP. 10.

ARGUMENTUM.

CUm primam quaestionem, in tertio capite propositam, absoluerit: iam reliquarum trium explicationem aggreditur: primò quartæ: deinde tertiæ: deniq; secundæ: vnde tres sunt partes huius capituli. Primò ostendit quarum rerum sit illa definitio, quæ Demonstratione innotescit. Secundò, quid sit definitio & quod duplex. Tertiò, quomodo definitio reducat ad Demonstrationem, ubi tria definitionum genera exponit.

Quarum rerum sunt illæ definitiones, quæ Demonstratione innotescunt?

Sunt^a definitiones accidentium, non substantiarum. Nam cum res sint in duplici differentia: quædam, quæ causam habent à se diuersam: vt accidentia: quædam, quæ nō habent, vt substantiæ: duo etiā sunt definitionū genera. Alia enim sunt immediata & principia, quæ & quod sit, & quid sit res, supponunt: quales sunt definitiones subiecti vniuscuiusq; scientiæ, vt definitio vnitatis, per quam Arithmeticus supponit vnitatem esse, & quid sit: Alię sunt definitiones eorum, quæ Medium habent a se diuersum; cuiusmodi sunt definitiones accidentiū (priorū) Et hæc Demonstratione innotescūt, non quòd demonstrentur ipsæ definitiones, sed quòd per Demonstrationem notificentur.

Quid est definitio?

Definitio dicitur esse oratio explicans quid sit.

Quod duplex est definitio?

Duplex: nominis & rei.

Quid est definitio nominis?

Est oratio declarans quid nomen significet, siue oratio altera nominalis, hoc est, nominis interpretatio: ut oratio, quæ explicat quid triangulum significat, seu quid est, quâ triangulum vocatur, hoc est quid denotat hæc vox, *triangulum*.

Num illa definitio explicat cur triangulum sit?

Nequaquam: Vnde per illam definitionem non cognoscimus triangulum esse nisi per accidens, Nam (ut dictum est in cap: præcedente) sine causæ cognitione non scimus rem esse, nisi per accidens.

Quor modis oratio dicitur una?

Definitio verò oratio est una, non conjunctione, ut Ilias, sed eo quod vnius est. 8. Metaphys. cap. 6.

Duobus modis: 1. conjunctione, cum vni tribuuntur multa, licet ipsa non efficiant per se vnum: sic Ilias Homeri vna oratio dicitur: quia verborum ac sententiarum quadam conjunctione ac compositione totum bellum Troianum, tanquam vna quædâ oratio, exponit: 2. Significatione, cum partes plura significant, ex quibus tamen vnum per se conflatur, & non per accidens, nempe definitum. Illo modo Demonstratio est vna; hoc modo definitio vna est.

Quid est definitio rei?

^b Est oratio declarans cur sit res.

Quid interest inter has definitiones?

Prior illa significat *Quid est*, non tamen probat vel rem esse vel cur sit: posterior verò est quasi Demonstratio probans quid sit. Nam terminorum situ & positione tantum differt à Demonstratione. Differt enim dicere, cur tonat? & quid est tonitrus? Ad illud enim respondetur, quia ignis extinguitur in nubibus; ad hoc verò, est sonus extincti ignis in nubibus. Quare eadem oratio diuerso modo enunciata Demonstratio est continua & definitio: per se prolata est definitio: in syllogismum redacta est Demonstratio.

Quomodo definitio ad Demonstrationem reducitur, vel ad eam refertur?

Cum

Demonstratio est continua, quia est vna per conjunctionem partium cum ordine syllogistico disponitur. Crel-lus.

Cum triplex sit definitio, una quæ est propriæ passionis ostendens quid sit, & non cur sit: ut: tonitrus est sonus in nubibus: Altera, quæ est immediatorum, nempe definitio subiecti, quæ est positio, quæ demonstrari non potest: Tertia, quæ ostendit cur sit res, terminorum collocacione tantum differens à Demonstratione: iam quomodo unaquæque harum ad Demonstrationem pertineat, manifestum est. Prima enim est conclusio Demonstrationis: secunda est Demonstrationis principium: tertia est ipsa Demonstratio, cum in formam syllogismi redacta sit.

Subiungitur in contextu epilogus & conclusio primæ huius libri partis de definitione.

SCHOLIA IN CAP. 10.

a **N**on omnium accidentium definitio per Demonstrationem probatur: sed priorum tantum: unde non solum substantiarum definitio non probatur, sed nec definitio subiectorum scientiarum, quamvis sint accidentia. Hac enim quamvis naturâ suâ accidentia sint: tamen in scientiis & Demonstrationibus habent rationem substantiarum. Definitio ergo accidentium priorum probatur: quia hac causam habet à se diuersam, per quam tantum cognosci potest.

b Illa definitio, quæ est interna rei natura & essentia non definitur hoc in loco: sed ea, quæ causam etiam externam continet, qualis est perfecta definitio propriæ passionis, quæ constat ex genere, causa & subiecto, quæ etiam Demonstratio est, si in formam syllogismi

*mi reuocetur: unde definitio substantia, subiecti,
& accidentium communium hic non intelligitur.*

¶ 1 Vna subiecti, quæ demonstrari non potest. ut: Numerus est multitudo unitatum: Et hæc est principium Demonstrationis.

*In sci-
entijs
duplex
tradi-
tur de-
finitio.*

*Altera
proprie
passio-
nis, quæ
est du-
plex.*

*Imper-
fecta,
quæ est
duplex*

*¶ 1 Vna essentialis, quæ traditur
per genus & subiectum: ut: toni-
trus est sonus in nube. Et hæc
est conclusio Demonstrationis.*

*¶ 2 Altera causalis, quæ causam ip-
sius externam continet: ut: toni-
trus est extinctio ignis: Et hæc
est Medium Demonstrationis.*

*¶ 2 Perfecta, quæ constat ex genere, subiecto
& causa: ut: tonitrus est sonus in nubibus
propter extinctionem ignis. Et hæc est ip-
sa Demonstratio, si in syllogismum redu-
catur: ut: extinctio ignis est sonus: in nube
est extinctio ignis. Ergo in nube est sonus.*

Nota.

*Quamuis tres illæ definitiones ad Demonstratio-
nem, pertineant, tamen precipuus Arist: scopus est
agere de illa definitione, quæ terminorum situ à De-
monstratione differt. Zabarella.*

ANALYSIS CAP. II.

ARGUMENTVM.

*C*um scire sit causam rei cognoscere, & quatuor
sint causarum genera, Materia, forma, efficiens
& finis: hic ostendit Arist. per quod genus causæ
acquiratur scientia, & quodnam sit Demonstrationis

Me.

Medium. Tres sunt partes huius cap. Primò ostendit Demonstrationem & scientiam per quatuor causarum genera comparari. Secundò, ostendit idem effectum, siue sit permanens, siue transiens, ex duplici causa provenire, nempe materiali & finali. Tertiò, tria effectorum transcuntium genera, ex temporis ratione desumpta, exponit, quæ omnia simul cum suis causis existunt.

Cum scire sit causam rei cognoscere, cumq; quatuor sint causarum genera: unum, quod explicat quid sit res, id est, forma: alterum, quod, si quedam sunt, necesse est esse, id est materia: tertium, quod primum movet, id est, efficiens: quartum, id cuius gratia, id est, finis: per quod genus causæ acquiritur scientia?

Per omnia hæc causarum genera. Vnumquodq; enim in Demonstratione pro Medio adhiberi potest.

Ostendo materiam esse Medium in Demonstratione?

Mediū respectu conclusionis dici potest materia, quatenus ex eo duæ propositiones, quæ sunt præmissæ constanter, quæ dicuntur materia syllogismi (siquidem ex una præmissa syllogismus non constat) ex hoc Medio necesse est conclusionem sequi: itaq; sicut præmissæ: ita & Medium materia conclusionis dici potest, quia hoc posito, necesse est conclusionem esse. Illud etiam exemplo ostendi potest. Sit ergo quæstio, cur rectus est angulus, qui est descriptus in semicirculo: aut quo posito, necesse est, ut sit rectus? Esto igitur rectus A. dimidiū duorum rectorum B. angulus, qui describitur in semicirculo. C. Cur ergo A. id est, rectū conveniat ipsi C. id est, angulo, qui describitur in semicirculo, est B. id est, dimidiū duorum rectorum Exempli causa.

Omne B. est A.

Omne C. est B.

Omne C. est A.

id est:

^b Dimidium duorum rectorum est rectum, & ei e-
quale.

Angulus descriptus in semicirculo est dimidium du-
orum rectorum. Ergo

^c Angulus descriptus in semicirculo est rectus,

In hac Demonstratione Medium B. nempe dimidium
duorum rectorum est materia, quia ea posita necesse
est hanc cōclusionem (C. est A.) lequi: Et hoc Medium
est etiam causa formalis, cum sit quidditas & definitio
Maioris extremi, quam esse Medium Demonstrationis
antè ostendimus cap. 9.

Ostende causam efficientem esse Medium in Demon-
stratione.

Sit hæc quæstio. Cur Atheniensibus bellum factum est
à Medis? seu quæ erat causa efficiens belli gerendi
aduersus Athenienses? Hæc nimirum, quoniam A-
thenienses vnâ cum ^d Eretriensibus in ^e Sardes, vr-
bem Medis vectigalem, prius incursionem fecerunt:
Sit ergo Medorum bellum A priores impetum facere
B. Athenienses C. fiat ergo Demonstratio.

B est A.

C est B.

C. est A.

id est:

^e Qui priores impetum fecerunt, ijs ab ijsdem, in qui
fecerunt bellum inferunt.

Athenienses priores in Medos impetum fecerunt.

Ergo

Atheniensibus bellum inferunt à Medis.

In hac Demonstratione causa efficiens est Medi-
um.

Ostende finem esse Medium in Demon-
stratione.

Sint hæ quæstiones. Cur quis deambulat? Ut bene vi-
leat.

leat, siuè vt sanus fiat: cur domus ædificatur & Vt conseruetur supellex: in priori quæstione *benè valere*: in posteriore *conseruari supellectilem*, est causa finalis. Nam hæ interrogationes, cur post cænam deambulare oportet? & cuius gratia oportet? Eadem sunt omnino. Fiat ergo Demonstratio.

Qui sanus est, deambulat post cænam.

Qui non habet cibos fluentes in stomacho, sanus est. Ergo

Qui non habet cibos fluentes in stomacho, deambulat post cænam.

Potestne causa finalis demonstrari per causam efficientem: sicut efficiens per finalem?

Potest, nempe cum orationes commutantur, hoc est, cum Maius extremum mutatur in Medium, quod fit, si Maior propositio conuertatur simpliciter. Exempli causa: sit deambulare post cænam C. non fluere cibos in stomacho, siuè ad os stomachi non ascendere B. Benè valere, siuè sanum esse A. fiat ergo Demonstratio.

Omne B. est A.

Omne C. est B.

Omne C. est A.

id est:

Qui non habet cibos fluentes in stomacho, sanus est.

Qui deambulat post cænam, non habet cibos fluentes in stomacho. Ergo

Qui deambulat post cænam, sanus est.

Hic causa finalis, nempe sanum esse, demonstratur ex causa efficiente, nempe non habere cibos fluentes in stomacho, quæ est ratio & definitio ipsius.

Estne aliquod discriminè inter duas illas Demonstrationes, eam scilicet in qua efficiens per finalem: & eam, in qua

quæ finalis per efficientem demonstratur?

Est. Nam secundum ordinem generationis contrario modo se habent: quia in Demonstratione per causam efficientem Medium est generatione primum, & Maius extremum est ultimum: at in Demonstratione per causam finalem C. id est, Minus extremum est primum ordine generationis: secundum Maius extremum: ultimum verò est Medium. Nam primò fit deambulatio; deindè fit descensus cibi ad imum seu fundum stomachi; deniq; fit sanitas.

Num idem effectus per duas causas demonstrari possit?

Maximè, per materiam scil: & finem: vt: cur lumen per laternam transmittitur? respondere possumus primò per materiam necessitatem, quia^h laterna habet meatus & poros, per quos ingreditur lumen. Cū enim huius partes sint tenuiores & subtiliores, necesse est lumen per eos meatus, qui maiores sunt, transire. Secundò per finem possumus respondere, scil: ne offendamus. Idem dicendum est de effecto transeunte, quod non esse, sed fieri dicitur. Vt: tonitrus fit primò propter materiam, nempè quiaⁱ ignis extinguatur: secundò propter finem, vt ii, (sicut credunt Pythagorei) terrore afficiantur, qui sunt in Tartaro, vel apud inferos.

Qui sunt illi effectus, qui per materiam & finem demonstrantur?

Hinc necessitas
materiam:
Et necessitas
finis.

Plurimè sunt effectus, qui reperiuntur in rebus Naturalibus. Alij enim fiunt propter aliquem finem: alij propter (materiam) necessitatem.

Quotuplex est necessitas?

Duplex: vna naturalis & interna, quæ est secundum naturam & propensionem rei: vt cum lapis deorsum fertur, necessariò descendit propter ipsius materiam gravitatem: Altera est violenta & externa, quæ est contra, vel præter naturalem propensionem: vt cum lapis sursum proicitur, necessariò ascendit propter vim ip-

27
fius proiicientis, cui nequit resistere: Vndè lapis sursum
& deorsum fertur ex necessitate, sed non eâdem: sur-
sum enim fertur violentâ proiicientis: deorsum natu-
rali ipsius materiæ necessitate.

*Quid interest inter effecta, quæ à Natura, & ea,
quæ à ratione & humano consilio, utpote quæ ab ar-
te proveniunt?*

Effecta, quæ à ratione & artificio proficiuntur, nō fi-
unt casu & propter materiæ necessitatem, sicut effecta
naturalia: sed fiunt, vel solum propter finem: ut domus
& statua: vel à fortuna, veluti fortuita effecta: ut sani-
tas aut salus.

In quibus locum habet fortuna?

In iis maxime locum habet, quæ sic & aliter evenire
possunt: hoc fit cum agens finem ab eo intentum, asse-
qui potest, & non assequi. Finis enim ab agēte intentus
interdum acquiritur: interdum non acquiritur, sed op-
positum evenit: Ut in Medecina & in reliquis conie-
cturalibus artibus: vndè quæ propter finem bonum fi-
unt, numquam à fortuna: sed vel à Natura, vel ab arte
fiunt.

*Quos sunt effectuum genera ex temporis
ratione?*

Tria. Quædam sunt præsentia: quædam præterita: quæ-
dam futura.

*Num omnium horum eadem est
causa?*

Eadem est causa quoad naturam, sed non quoad tem-
poris rationem. Nam effectuum præsentium causæ
debent esse præsentia: præteritorum causæ sunt
præteritæ: futurorum causæ erunt futuræ. Exem-
pli gratia: cur fuit eclipsis? quia terra interposita
fuit. Cur est eclipsis? quia iam est interpositio ter-
ræ. Cur erit eclipsis? quia futura est interpositio
terræ. Simili ratione (ut alterum subiiciam exemplum)

Vide lib. 1
Meteor. cap.
12. Au'um
Gellium. lib.
9. c. 5. & Pli-
niam lib: 24.
1, 13, & 17.

sumatur glacies esse aqua concreta siue congelata, & eius causa esse defectus totius caloris: quia constringi aquam necesse est, cum ob externi frigoris vim toto suo calore destituatur: Esto aqua C. concretum A. totius caloris defectio B. quæ est causa cur aqua concre-
cat, quæ quidem causa semper est simul cum effectu: ut: Cur fit glacies? quia fit caloris defectio. Cur fuit gla-
cies? quia fuit caloris defectio. Cur erit glacies? quia erit caloris defectio.

Quid ex his colligis?

Colligo^k effectum simul fieri: simul esse: simul fuisse
& simul futurum cum causa: Vnde & reciprocari ea colligo.

SCHOLIA IN CAP. II.

a **N**on est consilium Aristotelis (inquit Zabarella 2. lib: de Medio Demonstrat: ca. 7.) hic ostendere quod omnes quatuor causa proprie ac-
ceptæ possint esse Demonstrationis Medium: sed solum ostendere vult in quonam sensu, siue proprio siue improprio contingat, ut hoc dogma iuri possi-
mus, nepe omnia quatuor causarum genera in De-
monstrationibus Medium esse posse. Nam cum causa non subiecti, sed affectionis hic considerentur, constat materiam proprie dictam non esse Medium in Demonstratione: quia accidentia hanc materiã, nempe ex qua conficiantur, non habent (Hec enim in corporibus tantum locum habet) sed aliam, nempe in qua inhaerent: atq; hæc est ipsorum subiectum, non quod ipsam subiectum, quod est materia acci-
dentis,

Nonnulli ma-
teriam pro-
priè dictam
hic intelli-
gunt: unde
dicunt Mate-
riam posse
esse Medium
in De mon-
stratione, nõ
tamen affe-

dentis, possit esse Medium Demonstrationis (Est enim hoc semper in Demonstratione Minus extremum) sed quod ex necessitate ipsius materia, siue sit ipsius natura, siue aliquod accidens ipsum consequens, huiusmodi affectio in tali subiecto insit, & de eo demonstretur: Unde non ipsa materia affectionis hoc est, subiectum, sed materia necessitas est illa causa materialis, de qua hic Arist: loquitur, siue aliquid ipsi subiecto insitum, & ab eo inseparabile, à quo per necessariam emanationem huiusmodi effectus producat: hac enim materialis causa dicitur, quia ex ipsa natura subiecti, quod accidentis materia est, desumitur. Sed animaduertendum est eas affectiones, quae in subiecto causam non habent, non fieri ex necessitate materia: veluti eclipsis non habet à luna existendi necessitatem. Ergo illae affectiones producuntur ex necessitate materia, quae causam suam in subiecto habent: Veluti risibile. Non enim (inquit ibidem Zabarella) à ratione absolum est, si dicamus Demonstrationem illam, quae ostenditur hominem esse risibilem per rationale Medium, esse per causam materiale in eo sensu, in quo Arist: hic causam materiale intelligit. Quod ad causam formalem attinet eodem modo dicendum est, eam, si proprie sumatur pro altera parte totius compositi, non posse esse Medium Demonstrationis, quia, si affectio per formam demonstraretur, committeretur principij petitio, cum per eundem probetur, sicut docuit Arist: cap. 4. 5. & 6.

tionis sed
subiecti mate
am. Eodem
modo formā
statuunt esse
Medium non
affectionis,
sed subiecti
formam.

Causa effici-
ens est du-
plex.

Deinde cum accidentia non magis formam proprie dictam, quam materiam habeant, fieri non potest, ut per formam, tanquam per Medium demonstrantur. Quid ergo? dicendum est Aristotelem per Quid est siue formam hic non essentiam, sed definitionem affectionis, non internam & formalem, sed externam & causalem intellexisse. Medium enim Demonstrationis semper est definitio Maioris extremi, sicut dictum est cap: 9. Exemplum causa formalis hic non subiecit Arist: quia in hoc sensu cum reliquis tribus confunditur: Quare satis erat earum exempla subiunxisse. Quod ad causam efficientem attinet, sic distinguendum est. Causa efficiens (ut ibidem docet Zabarella) duplex est, una cum verâ actione efficit, & proprie dicitur efficiens: alia, quæ non per actionem, sed per emanationem efficit, & absq; patientis resistentia, cuius actio non transiens est, sed immanens: non illa, sed hæc est Medium Demonstrationis: quippe simul sit cum effecto. Causa finalis, nisi simul sit cum effecto, non erit Medium Demonstrationis. Causa enim in Demonstratione debet esse simul cum effecto, ut docet Arist: capite sequenti, & cum eoreciprocar. Sic etiam dicendum est de efficiente.

b Hæc Demonstratio dicitur esse per materiam, quia propriam ipsius anguli naturam ex necessitate sequitur, ut sit rectus: Arist: autem, ut ipsis quoq; vocabulis faceret speciem quandam & apparentiam causa materialis dixit dimidium duorum re-
etorum

Etorum, quia dimidium significat partem, & pars respectu totius locum habet materiae. Zabarella.

c *Angulus in semicirculo rectus* is dicitur qui ad peripheriam, hoc est, circumferentiam ex duarum rectarum concursu efformatur.

d *Medi Asiae populi sunt, Parthis Persisque vicini.* Medi.
Eretrienſes
Eretrienſes sunt Euboeae insulae habitatores, Atheniensibus confederati. Eretria enim est Euboeae insula urbs clarissima, Sardes, Sardium, urbs Lydiae insig- Sardes.
nis ad Tmoli montis latus sita, Cræsi olim regia, societate cum Medis coniuncta. In ea Ecclesia fuit una ex septem Asiae, quam B. Iohannes meminit, 1. Apocalyps.

e *Hic syllogismus Demonstratio non est: primo, quia est singularis. Res enim singularis per Medium singulari concluditur. Secundo, quia Medium siue causae non est simul cum effectu.*

f *Deambulatio est causa efficiens quod cibi non fluitet in stomacho; Et hoc est causa sanitatis: sanitas finis est utriusque, quae hic pro concoctione sumi videtur, aut pro ea sanitate, quae ex concoctione prouenit.*

g *Quamuis idem effectum à materia & sine proueniat: tamen ab una earum, tanquam à causa proxima, dependet.*

h *Hoc exemplum non est ipsius Aristotelis, sed aliorum, ut ante dictum est cap: 24. Nomine laterne* Louan.
per synecdochen cornu est accipiendum, & vitrum etiam. Demonstratio à materia sic conficitur.

Omne corpus amplos habens meatus, luminis ad-

Hinc illud
poetæ: Dux
laterna viæ
clausis feror
aurea flâmis,
Et tuta est
gremio par-
ua lucerna
meo.

admittit egressionem.

Laterna est huiusmodi corpus. Ergo

Laterna admittit luminis egressionem.

A sine hoc modo.

Quicquid efficit ne pedes aliâne mēbra offen-
damus, luminis admittit egressionem.

Laterna efficit ne pedes aliâne membra offen-
damus. Ergo

Laterna luminis admittit egressionem.

i Materia tonitrus non est ignis, sed nubes. Non
enim fit ob ignis extinctionem, sed ob concussionem
nubis, sicut dictum est cap. 9. Nec finis tonitrus est,
ut territentur Demones, sed aëris repurgatio: iux-
ta illud poetæ 2. de Trist: Eleg. I.

Nunc ubi detonuit, strepitusq; exterruit orbem,
Purum discussis aëra reddit aquis.

k Omnis causa, quæ est Medium in Demonstrati-
one, est simul cum effectu; sunt quedam causa quæ
priora sunt vel naturâ, ut causa remota; vel tem-
pore, ut, quæ effecta tempore precedunt, neutra sunt
Medium Demonstrationis potissima.

ANALYSIS CAP. 12.

ARGUMENTUM.

OMNIA effecta vel simul sunt cum suis causis:
vel posteriora. Priora enim esse non possunt:
in capite precedente de illis agit: de his verò
in

in hoc cap: acturus est, ubi primò duas quæstiones proponit ealq; resoluit. Secundò ostendit quomodo huiusmodi causæ & effecta se habeant.

Quando causa & effectum non sunt simul, hæc duo à te sciscitor: Primò, utrum locum habeant in Demonstratione necne? Secundò, utrum sint in tempore continenti siue continuo: ita ut effectum & causa sint continua, & effectum præteritum sit continuum cum causa præterita: præsens cum præsentis: & futurum cum futura, hoc est, utrum effecti tempus cū causæ tempore continuè & immediatè cohereat?

Prior quæstio implicat à Philosopho proponitur: posterior expressè: ad priorem tamen, ut præcipuà primò idque expressè refert. Zabarella.

Quod ad priorem quæstionem attinet, dico ea locum habere in Demonstratione à posteriori: non à priori. Nam id quod factum est, id est, causa potest demonstrari per id, quod posterius factum est, id est, per effectum: quæ Demonstratio est à posteriori; at effectum non potest demonstrari per causam, quia si sit causa, non sequitur esse effectum; & quamvis causa demonstretur per effectum: tamen causa est huius effecti principium, nempe essendi: sicut effectum est ipsius vicissim principium inferendi.

Qua ratione probas effectum non demonstrari & inferri ex causâ?

Hac ratione. Inter causam & effectum est aliquod tempus interiectum, in quo verum est dicere causam esse, sed falsum est dicere effectum esse, cum illa sit facta: hoc verò non sit factum. Ergo effectum non inferitur ex causa, nec ponitur posita causâ.

Quid dicendum est de effectis futuris & præteritis, num illa possunt ex causis inferri: ut: Est causa domus, nempe architectus & lapides. Ergo eris domus?

Non possunt. Primò, quia Medium simul genitum esse debet cum ea re, cuius est Medium, hoc est, cum Maiori extremo, adeò ut rei præteritæ sit Medium præteritum: futuræ futurum: præsentis præsens: & rei, quæ sit, Me-

Medium etiam quod fit: at causa, quæ iam facta est, & effectum, quod futurum est, non sunt simul genita. Ergo hæc causa non potest esse Medium effecti: Vnde effectum non potest ex ea inferri. Secundò, neque tempore definito, neq; indefinito inferri potest effectum ex tali causa, quia in illo medio tempore non inferitur (Non enim sequitur, crastino die erit architectus, lapides cëmëta &c. Ergo crastino die erit domus: neque, sequitur: erit causa domus. Ergo erit domus.) Ergo in nullo tempore effectum inferitur ex tali causa. Sic dicendum est de effectis præteritis.

Quid respondes ad posteriorem questionem, suntne huiusmodi causa & effectum continua, & in tempore continuo necne? & si sint, quid est, quod ea continuant?

Respondeo ea non esse^a continua, nec^a contigua, quod hac ratione fiet manifestum. Factum & factum (quæ res sunt eiusdem generis) non sunt continua. Ergo multò minùs factum & faciendum, siuè id, quod fit, hoc est, causa, & effectum (quæ res sunt diuersi generis) erunt continua. Anteced: prob: termini & indiuidua siuè indiuisibilia non sunt continua, veluti punctum non est continuum puncto, nec punctum lineæ: cum illud sit indiuisibile: hæc verò diuisibilis: at factū & factum sunt termini & indiuidua. Ergo non sunt cōtinua: vnde etiam nec factum & faciendum erunt continua, quia illud est indiuisibile: hoc verò diuisibile, & in tempore Quod enim punctum est ad lineam, hoc est factum ad faciendum: Quādoquidem in eo, quod fit, insunt facta infinita: sicut in linea infinita existunt puncta, nō actu sed potentiā. Sed de his dilucidius in libris vniuersalibus de motu, hoc est, in libris Physicorū, dicendum est.

Si huiusmodi causa & effectum non sint continua aut contigua, quomodo ergo se habent, & qualis est vtriusq; generatio?

Vide 3. & 6.
Physicorum.

Ut ea, quę deinceps & consequēter fiunt, se habent: Et viriusq; generatio non continuē & immediatē fit sed consequentē; quia inter causę & effecti generationē nulla intercedit media generatio alterius effecti.

In Demonstratione, in qua huiusmodi causa & effectum locum habent, quomodo Medium, quod est causa inferendi, se habet?

Primum, id est, Maius extremum, & Medium debent esse immediata Exempli causa, sumantur tres termini A. Maius extremum & causa essendi D. Minus extremum C. Medium, & causa inferēdi. Factum est A. quia factū est C. vbi C. posterius est, prius verò A. ob id autem C. principium est (inferendi) quia propius accedit ad ipsum Nunc siuē iustans, quod est principium temporis, fiat ergo Demonstratio.

Si C. factum est, necesse est prius factum fuisse A.

Si verò D. factum est, necesse est prius factum fuisse C. Ergo

Si D. factum est, necesse est prius factum fuisse A.

In qua Demonstratione C. est causa inferendi: non essendi, cum effectum sit.

Num in huiusmodi Demonstratione, in qua demonstratur causa per effectum, consistetur aliquando in Medio immediato? vel an infinita erunt Media? quādoquidem factum facto non sit continuum aut contiguum, sicut prius dictum est.

Quāuis factū facto non sit continuū aut contiguū, neq; effectū & causa inter se cohereant: tamen infinita non erunt Media & effecta, quia post factam causam datur primum instans, in quo incipit esse effectum posterius.

Num eadem est ratio in effectis futuris, quę fuit in pręteritis?

Eadem prorsus Sumantur enim iidem termini A. Maius extremum: D. Minus extremum: C. Medium: fiat Demonstratio.

Si C. erit, prius erit A.

Si verò D. erit, prius erit C. Ergo

Si D. erit, prius erit A.

A. denotat
causam futu-
ram: C. effe-
ctum conse-
quenter futu-
rum: D. aliud
effectum eti-
am consequē-
ter, sed post
C. futurum.

In hac Demonstratione C. est causa inferendi: Et quā-
vis in futuris videatur infinita esse Media, quia, ut in
præteritis factum facto non est continuum: ita in futu-
ris duo futura videntur esse infinita, quia hæc etiam nō
sunt continua: tamen infinita Media non sunt, sed vñ
principium dari potest: quia, ut præterita: sic futura eti-
am si non sint continua, tamen consequenter fiunt, &
post futuram causam accipi potest primum instans, in
quo incipiet effectum.

*Quæ hætenus obscurè exemplo, à literis accepto, o-
stenderis: iam planè exemplo ab operibus sumpto, hoc
est, à rebus ipsis ostendas velim.*

Ea, quæ hætenus obscurè ostendi, iam faciam manife-
sta in hunc modum. Primò in effectis præteritis: su-
mantur ergo loco trium illarum litterarum A C D hi
tres termini, lapides, Maius extremum & causa essendi:
fundamenta, Medium & effectum, quod est causa infe-
rendi: Domus, Minus extremum, & alterum posterius
effectum, fiat ergo Demonstratio.

*Si fundamenta facta sunt, necesse est prius incisos
esse lapides:*

*Si domus facta est, necesse est prius facta esse funda-
menta. Ergo*

*Si domus facta est, necesse est prius incisos esse la-
pides.*

Secundò, in futuris.

Si erunt fundamenta, erunt prius incisivi lapides:

Si erit domus, erunt prius fundamenta. Ergo

Si erit domus, erunt prius incisivi lapides.

SCHOLIA IN CAP. 12.

Continua sunt ea, quorum ultima siue extre-
ma sunt unum: ut duae partes lineae, quae in
puncto coniunguntur. Contigua sunt, quorum vlti-
ma sunt simul & se inuicem tangunt: Ut aqua &
terra sunt corpora contigua, quia se inuicem tan-
gunt, & inter ea nullum intercedit medium, vel eu-
iusdem generis, vel diuersi. Consequentèr ea esse di-
cuntur, inter quae nullum medium eiusdem generis
siue speciei interponitur: ut duo homines, qui se non
tangunt, inter quos alius homo non intercedit, sed
solus aër. Causa ergo, quae prior est, & effectû, quod
est posterius, neq; cõtina, neq; contingua sunt, quia
tempora utriusq; non sunt continua, aut contigua.
Nam Medium tempus inter ea intercedit: sed sunt
consequentèr, quia inter huiusmodi causam & effe-
ctum nullum aliud effectum intercipitur: Vnde im-
mediata sunt, non ratione temporis, sed ipsius rei.

5. lib. Phil.
cap. 3.
Continua,
Contigua.

Consequentèr

ANALYSIS CAP. 13.

ARGUMENTVM.

CV M haftenus Demonstrationem explicuerit in
eo causarum & effectorum genere, quod separa-
tim, per se, directò atque absolutè spectatur: nunc tran-
sit ad id Demonstrationis genus, quod in causis & ef-

Mathic

T

fectis

fectis vltro citroque inter se reciprocantibus ac com-
meantibus consistit. Dux sunt partes huius capituli.
Primò ostendit in quibus Demonstratio circularis lo-
cum habet. Secundò, duo genera effectorum seu acci-
dentium eorumq; causas exponit.

²Sicut in his,
quæ apud
Philosophū
inueniuntur,
non est verè
circularis, quia
non est ab eo-
dem ad idem
sic nec de iis
verè Demon-
stratio confi-
ei potest, sed
circularis
quædam pro-
batio: de qua
hic & 2. prior
cap. 5.

*Estne aliqua * Demonstratio circularis?*

Est.

In quibus locum habet?

In iis, quorum generatio quodammodo circularis est,
quando scilicet causa producit effectum: Et iterum eadem
non numero, sed specie ab effecto producit: in quo
probationis genere omnes termini sese mutuò conse-
quuntur, & inter se reciprocantur. Nam cum probatio
est circularis, conclusiones conuertuntur in præmis-
sas, sicut dictum est in primis libris, hoc est, in 2. Prior
cap. 5. Exemplum huius generationis in quibusdam
rebus naturalibus cerni potest. Nam ex terrâ madefa-
ctâ, sicut ex causa materiali (adueniente solis calore)
fit vapor: ex vapore (condensato) fit nubes; ex nube
(resolutâ & liquefactâ) fit pluuia: Et iterum circulo
quodam ex pluuiâ fit terra madefacta: Vbi videmus
terram madefactam causam esse pluuiæ, sed remotâ;
& pluuiam causam proximam esse terræ madefactæ.

Quos sunt effectorum genera?

Duo: Alia, quæ vniuersaliter fiunt, hoc est, quæ omni-
bus subiectis capacibus semper, & eodē modo insunt;
vt: risibile omnibus hominibus semper inest: Alia verò,
quæ non semper, sed plerumq; veluti, non omnes viri
barbam emittunt, sed pleriq;.

Quales sunt causæ & Media horum effectorum?

Effectorum: quæ vniuersaliter fiunt, causæ sunt, quæ v-
niuersaliter sunt (vniuersale voco, quod inest omni &
semper) Effectorum, quæ plerumq; fiunt, causæ sunt,
quæ plerumq; contingunt: vt si Medium esset vniuer-
saliter, tum effectum non plerumq; sed vniuersaliter

sub.

subiecto conveniret. Exempli causa: sit hæc conclusio
C. est A. plerumque vera: iam si B. Medium non esset
plerumque; sed uniuersaliter, tum conclusio talis esset,
cuius contrarium supponebatur Ergo necesse est ut B.
sit plerumque. Deinde horum effectorum principia e-
runt immediata sicut effectorum, quæ uniuersaliter
contingunt.

SCHOLIA IN CAP. 13.

IN perfecto circulo, qui in primo Modo prima fi-
gura, nempe in Barbara reperitur, sex sunt
syllogismi. Nam primò inferitur cōclusio ex suis præmissis. Secundo, ex conclusione & Maiore simplici-
ter conuersa inferitur Minor, Tertiò, ex conclusione
& Minore simpliciter conuersa Maior cōcluditur.
Quartò, conclusio simpliciter conuersa fit Maior
Quintò, Maior simpliciter conuersa syllogismum
infer. Sextò, Minor simpliciter cōuersa, fit Maior,
ex qua etiã syllogismus cōcluditur. Exempli causa.

Vide 2. lib.
prior. c. 5.

1

Decidente pluuia liquefcit vapor.

Cum terra madefit, pluuia decidit. Ergo

Cum terra madefit, liquefcit vapor.

2

Cum terra madefit, liquefcit vapor:

Decidente pluuia, terra madefit. Ergo

Decidente pluuia, liquefcit vapor.

3

Liquefcente vapore, pluuia decidit:

T 2

Cum

Cum terra madefit, liquefcit vapor. Ergo
Cum terra madefit, pluuia decidit.

4

Liquefcente vapore, terra madefit:
Decidente pluuia, liquefcit vapor. Ergo
Decidente pluuia, terra madefit.

5

Cum terra madefit, decidit pluuia:
Liquefcente vapore, terra madefit. Ergo
Liquefcente vapore, decidit pluuia.

6

Decidente pluuia, madefit terra:
Liquefcente vapore, decidit pluuia. Ergo
Liquefcente vapore, madefit terra.

Quod ad harum Demonstrationum qualitatem,
attinet: neq; omnes sunt (inquit Crellius) tñ dñti
& à priori, ut quidam existimant esse: cum nihil
causa & effectum simul fit respectu eiusdem: neq;
omnes sunt tñ òti, & à posteriori tantum, cum de
reciprocis hñc Philosophus loquatur: quorum unum
quodq; Medium fit: sed tres: sunt tñ dñti, & à pri-
ori, ut in nostro exemplo tertius, quartus & sextus:
tres tñ òti, & à posteriori: veluti primus, secundus,
quintus. Conspectur autem ista κύκλω γένεσις &
κύκλω δειξίς, id est, circularis generatio & circu-
laris monstatio siue probatio, non solum in physicis:
sed etiam in hyperphysicis & Theologicis, id quod
exemplis planum facere, si liberet possem. Hæc
Crellius.

ANALYSIS. CAP. 14.

ARGUMENTUM

Absolutâ tractatione causarum, & modo, quo ipsum *Quid est* per definitiones proberetur, nec non quo demonstraretur ac definiatur, explicatio: iam modum venandi definitionem non per Demonstrationem, sed per aliam methodum aggredditur: quæ methodus duplex est, vna compositiua: altera diuisiua. Hoc caput tres præcipuas continet partes. Prima pars methodum tradit inuestigandi definitionem tum speciei infimæ: tum generis subalterni, quod hic *totum* vocatur. Secunda pars de diuisione agit, siuè de methodo diuisiua. Tertia pars methodum compositiuam resumit.

Quid iam restat agendum?

Vt viam & methodum, quâ rerum definitiones inuestigari possint, declaremus.

Quomodo species infima definiri possit?

Modum statim explicabo, si prius prædicatorum distinctionem exposuero: prædicata ergo, quæ cuiq; rei semper insunt, hoc est, essentialia, sunt in duplici differentia. Quædam enim latius patent quàm subiectum siuè species, & sunt etiam extra genus illius, hoc est, latius etiam patent quàm genus illius speciei (latius patere voco, quæ insunt alicui rei vniuersaliter, & etiâ aliis rebus) sic Ens latius patet, quàm ternarius, & est extra genus ipsius, nempe numerum. Quædam latius patent quàm species, sed non sunt extra genus ipsius: ut: impar latius patet quàm ternarius. Nam conuenit quinario) sed non est extra genus ipsius, nempe

* Zabarella & Crollius legunt *terminos* quia Arist. non dicit *ὑποκείμενα*, sed *ὑποκείμενα* vnde hic intelligunt terminos Demonstrationis: quia ad Demonstrationem siuè ad ipsius terminos renouatur. Sed res est exigui momenti.

Hic agit Arist. de definitione tam substantiæ, quàm accidentis, eaq; formali & essentiali.

numerum : quando quidem ternarius est numerus, nihil autem extra numeros est impar : his præmissis, methodus definiendi speciem infimam hæc est . Accipienda sunt omnia prædicata essentialia, quæ extra genus ipsius non sunt vnà cum genere ipsius quousque omnia, simul sumpta, soli illi speciei conueniant, sed seorsim accepta latius pateant, & singula aliis competant ab illa specie : Et sic habebimus essentiam & definitionem ipsius . Exempli causa, definiendus sit *ternarius* . Esto ergo ternarius numerus impar utroque modo primus, & quod eum numerus non metitur, & quod non componitur ex numeris . Numerus impar ^o utroque modo primus est definitio ternarij, Cuius definitionis partes per se, ac seorsim sumptæ singulæ latius patent quàm ternarius (Nam prius illud, *numerus impar*, conuenit omnibus numeris imparibus : posterius verò, *utroque modo primus*, binario competit) tamen coniuncta & simul accepta soli ternario insunt.

Quomodo probas numerum imparem utroque modo primum necessario de ternario affirmari, & ipsam ipsius essentiam constitueret?

Quod necessario de eo affirmetur sic probo. Quæcunque de numero in quid est prædicantur, necessaria sunt : sed *numerus impar utroque modo primus* de numero in quid est prædicatur . Ergo necessario de eo affirmatur . Maior probatur : vniuersalia sunt necessaria : at quæ prædicantur in quid (completè) sunt vniuersalia . Ergo quæ prædicantur in quid, sunt necessaria . Quod totam *ternarij* essentiam constituat, sic ostendo, hoc prius iacto fundamento, quicquid prædicatur in quid est (de specie) vel genus est, vel definitio . Ratio itaque sic se habet . Quicquid est definitio rei, totam eius essentiam constituit : at *numerus impar utroque modo primus* est ternarij definitio.

finis. Ergo totam eius essentiam constituit. Minor prob. Quicquid prædicatur de ternario in quid est (vniuocè) est genus, vel definitio, sicut patet ex fundamento prius iacto: ac numerus impar utroq; modo primus de eo prædicatur in quid est vniuocè. Ergo est vel genus nominatum, aut innominatum: vel definitio: non est genus. Ergo est definitio. Quod non sit genus probo: si sit genus, tum latius patet, quàm ternarius, sed hoc falsum est. Nam nullis præterquam ternario, & eius indiuiduis conuenit. Ergo non est genus: Vnde concludo esse definitionem ipsius. Nam illa est definitio, & tota rei essentia, quæ est in indiuiduis vltima attributio, hoc est, quæ prædicatur de indiuiduis alicuius speciei (in quid est) nec aliud remanet, quod de iis in quid affirmatur.

Quomodo totum, id est, genus (subalternum) definiendum est?

Si genus subalternum definire velimus, hæc quatuor obseruanda sunt. Primò, diuidendum est illud genus in prima indiuidua specie, hoc est, in infimas species: Vt si numerus definiatur, diuidendus est in ternarium & binarium. Secundò, definiendæ sunt illæ species: vt si linea diuidatur in lineam rectam & circularem: & angulus in rectum, obtusum & acutum, definiendæ sunt hæ species propriis suis definitionibus. Tertiò, inspiciendum est prædicamentum siue genus ipsius generis subalterni: Veluti vtrum sit Quantitas, Qualitas, vel aliquid aliud. Quartò, reiciendæ sunt omnes propriæ affectiones, hoc est, differentie illarum specierum, & sumendæ sunt (vna cum genere) omnes differentie, quæ sunt communes illis speciebus præsertim primæ, hoc est, proximæ: Et sic habebimus definitionem generis subalterni. Quæ enim differentie & passionis compositis, hoc est,

Quia genus multas sub se species continet, quas partes subiectas, ideo totum dicitur, non essentialiter aut integrale, sed vniuersale.

Species infimæ dicuntur indiuidua, quia in inferiores species diuidi nequeunt: unde à Philolopho hic dicuntur indiuidua specie, ad differentiam in diuiduorum numero: quæ in plures numero res, quæ indiuidua sunt diuidi non possunt.

generibus accidunt ex indiuiduis, id est, speciebus, ex specierum definitionibus manifeste sunt. Nam definitio specierum infimarum & ipsum simplex, nempe species, est principium cognoscendi & indagandi definitionem generis subalterni, quæ definitio specierum immediate, & per se speciebus: mediatè verò, & per accidens generi conuenit.

Num diuisio seu methodus diuisiua utilis est ad veniendas definitiones?

Diuisio per se, ac sola inutilis est ad definitionem veniendam. Non enim aliquam probandi vim habet: sed quomodo rem probet, dictum est. Reuerà enim nihil probat, sed sine aliqua probatione petit & accipit illud, quod erat probandum, sicut supra diximus cap. 5. sed tamen utilis est, si compositioni siue methodo compositionis tanquam ministra adiungatur. Et hoc est quod ait Arist: *diuisiones utiles sunt ad ita progrediendum.*

Quot modis sic accepta diuisio utilis est ad definitiones?

Duobus modis: Primò utilis est, ut debitus ordo partium definitionis obseruetur. Plurimum enim interest quo ordine quæque pars collocetur, & quæ primum, quæ secundum locum occupet. Multum enim refert utrum dicas *homo est animal, mansuetum, bipes: an: homo est bipes, animal, mansuetum.*

Potestne is, qui diuidit, probare quod due definitionis partes coniunctæ unum quiddam constituant: ut: animal mansuetum & bipes hominem?

Non potest, sed illud diuidendo petit & accipit.

Quomodo adhuc utilis est diuisio ad definitionem?

Secundò utilis est, ut nihil in definitione omittatur. Diuisio enim efficit, ut omnia prædicata, quæ quid est, id est, essentiam denotant, in definitione collocentur. Sumpto enim primo genere, quod diuidendum est, si quis non primas & proximas differentias accipiat, sed inferior

inferiorum, in tali diuisione non continentur omnia, quæ primo illo genere comprehenduntur: vt si quis diuidat animal per has differentias, *habere scissas vel diuisas alas*: Et *habere continuas alas*, non cõprehendit omne animal, sed tãtum animal alarũ, hoc est, volucrẽ. Hæc enim animalis primæ differentiæ non sunt: sed potius illæ, in quas cadit, quicquid sub animali cõtinetur: quales sunt *rationis particeps & rationis expertus*. Eodem modo dicendum est de singulis generibus siuẽ non contineantur sub animali, siuẽ contineantur: vtputa volucris prima diuisio est, in quam omnes volucres cadunt: Et piscis, in quam omnes pisces. Ergo per diuisionẽ cognoscimus vtrũ aliquid omittatur in definitione: Et eã destituti necesse est, vt aliqua prætermittamus & ignoremus.

Num oportet definiẽtem & diuidẽtem habere cognitionem omnium rerum, quæ sub definitionem & diuisionem cadunt?

Nequaquam. Hæc enim erat opinio quorundam, qui è medio definitionem & diuisionem tollere conabantur, hac vsi ratione. Qui definitionem & diuisionẽ assignare velit, is res omnes nosse debet, quæ sub illa definitione & diuisione cõtinentur: at hoc fieri nequit. Ergo neq; illud. Maiorem probabant: non possunt cognosci differentię sine cognitione omnium rerum, quarum sunt differentię: neq; ipsæ res possunt cognosci sine cognitione omnium differentiarum: quia vbi nulla est differentia, ibi res sunt eẽdem: Et vbi aliqua extat differentia, ibi res sunt aliæ, & omninò diuersæ. Ergo definiẽtẽ & diuidẽtem oportet res omnes & differentias nosse.

Nonnẽ illud argumẽtũ satis virũ habere arbitraris?

Nequaquã. Primò enim illud, quod vltimo loco adducitur, falsum est, nempe illud: vbi extat aliqua differentia, ibi res aliæ & omninò diuersæ sunt. Non enim omnis differentia rem aliam constituit. Nam quædam per differentia accideatã, qualis est differentia communis

Quæ habent scissas alas dicuntur

τὰ σχιζόα

τετα,

quales sunt milui, & plerique volucres quæ verò continuas habent, vocantur

τὰ ὀλόα

τετα,

cuiusmodi sunt aper, mulæ, vespertiliones &c.

Hæc opinio Speusippo, Platonis ne potib; ascribitur.

Vide Porphyrium cap. de differentia.

& propria, distinguuntur, quæ tamē aliæ, & omnino diuersæ nō sunt, cuiusmodi sunt individua eiusdē speciei: veluti Socrates cum puer est, & cum in virili est ætate, per differentiā distinguitur: non tamen alius est à seipso, nec essentia ipsius diuersa. Deinde, quòd dicitur differentias non cognosci sine rerum omnium cognitione: nec res cognosci sine cognitione differentiarū, non multum habet virium. Sufficit enim ad cognitionem differentiarum & diuisionum, si hæc duo cognoscantur. Primum quod, quicquid sub aliquo genere (vt animali) continetur, sub altera ipsius differentiarum diuidentium (vt rationali vel irrationali) comprehenditur. Alterū, quod determinatē vna harū differentiarū rei definitæ cōueniat, & nō altera: si hæc duo cognoscamus, non refert utrū sciamus vel ignoremus, quibus aliis hæ differentię attribuatur, hoc est, nō necesse est, vt omnia singularia cognoscamus, sed satis est, si species oppositas siuē differentias oppositas cognoscamus. Nā si ad ultimā differentiā peruenierimus, hoc sufficit, vt definitio habeatur.

* In secundo fit petitiō principii. Cum enim notum sit hominem esse animal, & quærat differentia, nulla ratio cogit vt rationale potius quam irrationale dicatur. Zabarella.

Sub locis generis continentur loci differentię. Differentia

Nonne in priori illo, quod cognoscere debemus, fit postulatum & petitiō principij?*

Nō fit, si duæ illę differentię ita sint oppositę, vt mediū nō habeāt. Nā necesse est ōne sub alterā earū cōtineri.

Ad definitionē per diuisionē cōficiendā quot sunt necessarię Triæ. Primò, vt tārū adhibeātur prædicata in quid est, hoc est, essentialia. Secūdò, vt ea debito suo ordine disponātur. Tertiò, vt ōnia prædicata essentialia accipiātur

Quomodo primum horum consequi poterimus?

Si locos ipsius generis (ab Ari. 4. Top. traditos) cognitos habeamus: quæadmodum, si cognoscere velimus, utrū aliquod prædicatū, vt accidēs, rei inhæreat, locos accidentis (de quibus 2. & 3. Top.) nosse debemus.

Quomodo secundum consequi poterimus?

Si in primo loco collocetur primū, siuē prædicatū maximè

Imò cōmune & gēnerale, quod est reliquis cōsequens, quo sublato illa tolluntur, sed quo posito illa non ponūtur: Et in secundo loco illud prædicatū quod hoc est inferius, sed reliquis cōmunius: Et in tertio illud, quod est sequētibus communius: hoc est, si in primo loco ponatur genus: in secundo differentia hoc genere inferior, sed cæteris sequētibus superior: in tertio etiā alia priori inferior, sed sequenti comunior: Et sic deinceps, (si tot fuerint loci) donec ad ultimū locum peruenerimus, in quo talis differentia accipiēda est, quæ reliquis præcedentibus inferior sit & angustior.

enim (inquit Arist. 1. Top. c. 3) in eodem numero, quo genus repōnenda est.

Quomodo tertium consequi poterimus?

Si primum genus, à quo initium diuisionis factum est, & omnes differentię, rei definitę competentes, adhibeantur, donec ad ultimā peruētum sit, qua adiecta, totum illud aggregatum à definito non distinguitur. tum enim definitio erit perfecta, quia nihil in ea redundat, nihil deficit: nihil redundat, quia tantum prædicata in quid, id est, essentialia accipiuntur: nihil deficit, quia omnia ea sumuntur. Nā si non omnia sumerētur, vel genus, vel differentia deesset: nō genus, quia illud primum est: non differentia, quia omnes adhibētur, nec vlla adiiciēda est. Nā alioqui totū illud aggregatū (nēpē definitio) à definito specie differret, cui⁹ cōtrariū antè docuimus

Quomodo internoscere poterimus utrum definitio allicuius generis subalterni sit vera ipsius definitio nec ne? & an illud genus sit definiendum?

Vidēdum est, an illud, quod definire volumus, sit genus necne: an potius vox homonyma & ambigua: Nam si non sit genus sed homonymum, frustra laboramus in vna illius definitione assignanda.

Qua ratione inter verum genus & vocem homonymam iudicare poterimus?

Hęc tria obseruāda sunt. Primò sumēda sūt similia, hoc est, indiuidua, quæ sub vna specie huius generis (quod defini-

defini-

finiendum proponitur) continentur, & cōsiderāda sunt ea, quæ iis cōmunia sunt. Secundo, accipienda sunt individua alterius speciei huius generis, & similiter cōsiderāda sunt ea, quæ iis cōmunia sunt. Tertiò cōparāda sunt hæc individua diuersarum specierū inter se, & vidēdū est an vnā & eādē ratione cōmuni illi generi subiiciantur, & in illo cōueniant: si conuenerint, tum illud in quo conueniunt, genus est, & definiri potest, definitioq; ipsius erit communis illis indiuiduis: si non conuenerint vnā & eādē ratione, tū illud homonymū est, & vnā definitione definiri nequit.

Exemplo rem illustres.

Si cognoscere velimus vtrum *magnanimitas* sit verum genus, & definiendū, eiusq; vna definitio singulis indiuiduis specierū ipsius coueniat, considerandi sunt particulares magnanimi: primò, ij, qui magnanimi secundū vnā magnanimitatis speciē dicūtur, nēpē impatiētiā (vt ita loquar) acceptæ iniuriæ: cuiusmodi sunt Alcibiades, Achilles & Ajax. Hi enim dicūtur magnanimi vnā & eādē ratione, quia cōtumeliā perpeti noluerūt. Alcibiades enim Atheniensī dux, re parū faustè gesta in Sicilia, vbi audiuit se nō modo ab iis dānatū, sed per omniū sacerdotū religiones Dijs deuotū, impatiēs iniuriæ, totū cōuertit ingenium, vt Atheniēsis bellū inferret: Achilles, cū Agamēnō, Græcorū dux, sibi amicā Briseida eripuit, ira cōmotus est, & à bello Troiano diu abstinuit. Ajax, cū denegata ei fuerint Achillis arma, cōtumelię impatiens quòd Agamemō vlissē sibi pręulerit, mortē sibi consciiuit: vnde, his tribus iniurias non ferre cōmune erat. Secūdò, videndi sunt ij, qui magnanimi dicuntur secundū aliā magnitudinis speciē, nēpē vacuitatē affectionū: quales fuere lysāder, invictissimus Lacedæmoniorū dux, & Socrates. Hi enim appellantur magnanimi, quia omnes fortunæ casus æquo animo pulchrè pertulerunt: vnde his cōmune erat, eodem

modo

De Alcibiade
de vide lib. 5.
Iustini & Plu-
tarchum in
vitis: de Achil-
le lib. 1. Ilad.
Homeri: de
Aiace lib. 13.
Metamorph.
Ouidii, & So-
phoclem in
Aiace flagel-
lato: non A-
jax Oilcius,
sed Telamo-
nius hic intel-
ligitur. De Ly-
sandro vide
Plutarchum
in vitis & lib.

modo in rebus secundis & aduersis se habere, nec illis extolli, nec his deprimi. Terriò, hi duo magnanimi conferèdi sunt cū illis tribus, & vidèdū est, nū cōmune quid habent, quā sunt magnanimi. Et an vnā & eādē ratione dicuntur magnanimi: videmus eādē ratione hos quinq; magnanimos nō dici: vnde colligimus magnanimitatem vocem homonymā esse, neq; ipsius vnā definitionem tradi posse, quæ his omnibus æquē conueniat: sed duæ sunt necessariò cōstituendæ ipsius species, quæ eādē ratione illi non subiiciuntur: vnde non vnā, sed duæ etiam sunt ipsius definitiones.

5. Iustini de Socrate Platonē passim in Dialogis consule.

SCHOLIA IN CAP. 14.

Duplex (inquit Zabarella) statuitur methodus indagandi definitiones: vna compositiua, quæ nihil aliud est, quàm collectio & compositio predicatorū essentialium, quæ competunt alicui definito & toti illi definito: Et per hanc methodū Aristoteles asserit nos posse alicuius definitionē venari: Altera diuisiua, quæ diuisione fit, per quā Plato omnes definitiones indagare solebat: eam Arist: hoc in capite non tā methodum, quàm methodi ministram esse innuit.

Duplex methodus indagandi definitiones.

b Numerus dicitur primus bifariam Vel quia numerus non mensuratur: numerus numerū mensurare suē metiri dicitur, cum toties acceptus totum illū metiēdo absumit: sic quaternari⁹ nō est primus, quia illum binarius bis sumptus absumit. Idem dicendū est de novenario & similibus. Vel quia ex numeris

Numerus dicitur primus bifariam.

non

Notz.

nō componitur, sed vel ex duabus unitatibus, ut binarius: vel ex numero & unitate, ut ternarius. Ternarius est primus utroq; modo. Nā numeris nō mēsuratur: nec ex numeris componitur: quia illum mensurant & componunt non numeri, sed unitas & numerus.

Obiectio.

C In definitione ternarij tria sunt predicata, nempe numerus, impar, & utroq; modo primus. Ergo nō tantū duo sunt, sicut habet Arist Vbi dicit priorē partem omnibus imparibus numeris, posteriorem binario convenire.

Solutio.

Si definitio ex pluribus predicatis cōstet, omnia predicata, prater ultimum, quodammodo unum appellatur. Nam suppleant locum generis: ultimum verò locum differentie: Et hoc contingit cum proximo generi nomen, quo vocetur, non imponitur.

Obiectio.

Differentia specifica seu ultima speciei conuertitur cum specie. Ergo non omnia predicata in definitione seorsim sumpta latius patent quā definitum, sicut ait Arist.

Solutio.

Præceptū Philosophi locū habet, cū differentia ultima speciei nobis ignota sit. Tū enim differentia generū superiorū, quæ latius patent quā species definita, in definitione adhibende sunt.

d Uniuersalia hic sumuntur in eo sensu, quo in ca.

3. 1. li. nēpē pro eo, quod est de omni, per se & quatenus ipsum: sed nō omne, quod predicatur in quid, est tale vniuersale (Genus enim dicitur de sua specie in quid, nō quatenus ipsum) unde omnia illa predicata sumit Philosophus in definitione ternarij conuenientim non seorsim. Totū enim illud affirmatur de ternario vniuersaliter & quatenus ipsum.

e Hinc nonnulli colligunt indiuidua eiusdem speciei non essentiā, sed accidentibus tantum differre, quibus assentiri nequeo. Existimo enim, ea propriā & constituyente differentiā distingui: singulari tamen, non vniuersali.

f Ha sunt condiciones bonae definitionis, nempe, ut in ea nihil redundet, nihil deficiat, quas tangit Porphyrius cap. de genere in fine.

ANALYSIS CAP. 15.

ARGVMENTVM.

Cum in capite praecedenti methodum, qua definitio inuestiganda sit, exposuisset iam quaedam praecipua, quae in definitione obseruanda sunt, exponit: quae tria sunt. 1. Ut sit vniuersalis. 2. Ut sit perspicua. 3. Ut sit propria, hoc est, ut ex propriis & genuinis, non metaphoris & translaticijs vocibus constet.

Quae sunt praecipua obseruanda in definitione?

Primū hoc est. Omnis definitio debet sepe esse vniuersalis, hoc est, omni definito debet conuenire, idq; omni tempore, nec nō totā ipsius naturā explicare. Si enim Medi-

Cus

Medicus quo
ad speculatio
nem respicit v.
niuersales;
quoad prax
im respicit
singulare.

cus velit definire quid oculo sit salubre, non definit, quid huic, vel illi oculo, sed quid omni, aut certæ speciei, nempe oculo humano, sit salubre.

Verum facilius est definire singularia an vniuersalia?

Facilius est definire^a singularia: vnde in definitionibus assignandis à singularib⁹ ad vniuersalia progrediendū est.

Qua ratione ostendes facilius esse singularia definire, quàm vniuersalia?

Illud, in quo homonymia^a & ambiguitas, minus latet, facilius definitur, quàm id, in quo magis latet: sed ambiguitas minus latet in singularibus: magis in vniuersalibus. Ergo singularia facilius definiuntur.

Quod est secundum præceptum?

Secundū hoc est. Definitio debet esse admodū clara & perspicua. Nam vt in Demonstratione vis cōcludendi: ita in definitione perspicuitas inesse debet.

Quomodo definitionem efficiemus per spiciam?

Si non statim genus, sed ipsius singularia seu species seorsim definiamus: vt si proponatur definiendum *simile* vel *acutum*, definire non debemus *simile* in genere siue in cōmuni, sed^b distinguendum est in^c simile in coloribus, & in simile in figuris, & vnum horum est definiendum. Pari ratione non debemus definire *acutum* in genere, sed acutum in voce: ita ad cōmune progrediendo, sed semper cauendo ne incidat homonymia siue ambiguitas.

Quod est tertium præceptum?

- 3 Tertium hoc est. Definitio non debet tradi per metaphoras. Nam sicut^d in disputationibus: ita in definitionibus non licet metaphoris vti, nec iis, quæ per metaphoram dicuntur. Nam si in definitionibus metaphoris vtamur, iis etiam in disputationibus vti necesse est, quod fieri non debere diximus.

SCHO.

SCHOLIA IN CAP. 15.

Nonnulli per singularia hic intelligunt
 Species infimas, vel quamlibet aliam re-
 spectu generis sui: per vniuersalia intelligunt
 genera. Cum ergo speciei definitio colligatur ex
 compositione individuorum, illius tantum speciei,
 & eorum, qua de illa essentialiter dicuntur: defi-
 nitio autem generis colligatur ex compositione
 plurium specierum, & individuorum, qua
 sub eis continentur: facilius autem sit pauciora
 componere, quam plura: ideo facilius volunt de-
 finitionem speciei hac methodo colligi, quam
 generis. Alij per singularia intelligunt minus
 vniuersalia: quales sunt species respectu generum,
 at per vniuersalia non intelligunt genera, sed
 magis vniuersalia, non vniuoca, sed equivoca.
 Nam per vniuersalia (inquiunt) ea sunt intel-
 ligenda, in quibus latet ambiguitas: in generibus
 (veris) non latet ambiguitas. Ergo genera hic non
 intelliguntur. Secundo illud probant ex exemplis
 Philosophi. Nam simile in coloribus non est equo-
 vocum, nec simile in figuris: sed simile in commu-
 ni, quod de ijs enunciat, quia non eadem rati-
 one de simili in figuris, & simili in coloribus enunci-
 atur, sicut patet ex cap. 17. huius libri. Pari ratio-
 ne acutum in voce non est ambiguum, sed acu-
 tum

Zabarella.

tum in communi, quod non eâdem ratione dicitur de acuto in voce, in instrumento, & in sapore, sicut habet Philosophus I. Topic. 11. In genere, & non in specie latere ambiguitas dici potest, quia nomen siue vocabulum, quo genus significatur, est magis obnoxium ambiguitati, quàm illud, quo species denotatur.

b Hinc tritum illud: equiuocum siue ambiguum prius est distinguendum, quàm definiendum. Fieri enim non potest, ut equiuocum, quâ equiuocum, definiaur.

c Colores dicuntur similes, (ut ait Aristoteles cap. 17.) quia simili & eadem ratione sensum afficiunt: figura dicuntur similes, quia latera habent proportionalia & angulos similes, hoc est, aequales. Vnde non eâdem ratione dicitur simile de coloribus & figuris. Quare ambiguum est, & defini nequit, priusquàm distinguatur.

d Sicut in disputationibus vocabula propria & non metaphorica: ita trita & usitata retinenda sunt: à quibus quàm plurimos tum in differendo: tum in docendo deflectere non parùm miror; in quorum attributibus hæc sordent, vniuersale, prædicabile, species, ijs magis arrident illa, genus vniuersum, attributum, forma. Sed ab usitatis non recedendum puto.

ANALYSIS CAP. 16.

ARGUMENTUM.

Nonnulli (inter quos est Crellius) volunt Aristotelem hoc in capite rationem inueniendi Medium Demonstrationis particularis tradere. Zabarella hic non rationem inueniendi Medium tradi vult, sed quo pacto problema, siue conclusio Demonstratiua ritè componenda, & proponenda sit: quam ritè componi ait, cum affectio primo suo subiecto tribuitur: ideoq; existimat hic primò doceri qua ratione primum alicuius affectionis subiectum sit inueniendum. Secundò quo pacto plura problemata dicantur esse vnum problema.

Qua ratione possumus cognoscere utrū problemata, hoc est, conclusiones Demonstrationis, ritè sint cōpositæ?

Per sectiones & diuisiones assequemur, vtrum conclusio Demonstratiua ritè conficiatur: Et an ea, quæ proponitur, sit conclusio verè Demonstratiua necne.

Quomodo diuisiones hoc præstabunt?

Cum conclusio verè Demonstratiua ea sit, in qua affectio de primo suo subiecto demonstratur, per diuisiones primum cuiusq; affectionis subiectum inuenire poterimus: vt si videamus species alicuius generis (vt puta coruum & aquilam) habere aliquam affectionem (sit volâ di potestas) & inuenire velimus primū subiectū huius affectionis, accipiendum est genus, quod in illas primò diuiditur (esto volueris) & videnda sunt omnia illius consequentia, hoc est, ea, quæ de illo prædicantur, inter quæ si volandi potestatem inuenerimus, tum illud genus erit primum ipsius subiectum, & speciebus propter illud genus competet. Sit (vt alterum subiectam exemplum, & rem magis illustrem) B.

Haec duæ opinioniones quodammodo in idem recidunt

Problemata siue quaestiones, ablata interrogatiōe, fiunt conclusiones

Per sectiones intelligit totius in partes integrales partitiones Per diuisiones generis in species partiu ones.

sensibile, quod conueniat his tribus C D E (homini, leoni, equo) si velimus cognoscere vtrum B conueniat his tribus, vel eorum vni primò, tanquam adæquato subiecto necnè; sumendum est genus horum A. (nempe animal) & videndum est an ipsi A. conueniat: si conuenit, tum A (nempe animal) est primum eius subiectum, & ipsi D (leoni & reliquis) conuenit propter animal, id est, quatenus sunt animal, non quatenus sunt homo, leo, equus: vnde conclusio ex vno horum trium composita (vt homo est sensibilis) nō est apta ad Demonstrationem, sed conclusio facta ex illo genere, nempe animali (vt animal est sensibilis) quia in conclusione Demonstrationis debet esse primum subiectum alicuius passionis. Idem dicendum est, si generi nomen non sit impositum. Sint enim hæc duæ affectiones, *habere^b omasum* siue plures ventres, & *non habere^b dentes in vtraq; maxilla*, hoc est, potestas habendi omasum, & non habendi dentes in vtraq; maxilla, quæ de ceruo, capro & boue dicuntur. Si velimus primum subiectum harum affectionum inuestigare, accipiendum est genus horum proximum, cui nomen non est impositum (voceatur animal cornigerum) Et videndum est an huic conueniant illæ affectiones: si conueniant, tum hoc erit primum ipsarum subiectum, & illis propter hoc conueniunt. Quare hæc conclusio, (animal cornigerum habet potestatem habendi omasum.) est Demonstratiua, non illa (cervus habet potestatem habendi omasum)

Num in omnibus subiectis assignandis idem modus observandus est?

Nequaquam. Nam si affectiones non naturā, sed proportionem vnum quiddam sint, tum assignandum est harum subiectum non naturā sed proportionem vnum: vt *habere os, spinam & sepium*, hoc est, potestas habendi os, spinam & sepium speciebus animalis proporti-
one

one quadam conveniunt, unde primum earum subiectum (nempe animal) non uniuocum sed analogum est. Non enim eadem ratione dura illa pars in omnibus animalibus inest, sed secundum analogiam & portionem. Quod enim in animalibus terrenis siue ossa habentibus os dicitur dicitur illud in piscibus *spina*: in *sepia* *sepium* dicitur. Nam pisces non dicuntur habere os, sed spinam: Et *sepia* non spinam, aut os: sed *sepium* habere dicitur.

* *Animal* dicitur analogum non quia est analogum genus: sed quia est analogum subiectum respectu harum affectionum.

Num plura problemata possunt unum appellari problema?

Possunt, quia unum idemque habent Medium.

Quot modis problemata & Media dicuntur eadem?

Duobus modis: vel specie: vel genere dicuntur eadem.

Quae problemata siue conclusiones dicuntur eadem specie?

Quae habent idem specie Medium: ut ea, quorum Medium aut causa est^d antiperistasis: (ut haec duo problemata: Cur fontes calidiores sunt in hyeme, quam in aestate? cur ventres animalium calidiores sunt in hyeme quam in aestate? ob antiperistasis, hoc est, contrarii obiectionem & circumobstantiam.)

In contextu sic legitur: *velut quia omnia sunt antiperistasis: ubi notandum est illam predicationem esse causalem non formalem: ac si dixisset Propter antiperistasis sicut recte exponit Suesianus.*

Quae problemata dicuntur eadem genere?

Quae habent idem genere Medium: qualia sunt haec tria: cur fit Echo? cur in Speculo appareat imago? cur fit Iris seu arcus pluuialis? Medium seu causa est reflexio: at genere non specie eadem reflexio. (Nam causa cur Echo fiat, est reflexio vocis per aerem delata: causa cur imago appareat, est reflexio specierum rei visae ab ipso speculo: causa cur fiat Iris est reflexio radiorum solis a nube.)

Num adhuc plura problemata possunt dici unum.

Possunt, nempe cum Medium unius continetur sub Medio alterius: ut: cur Nilus, Egypti fluuius, in fine men-

Hac dicuntur eadem Medii subiectione.

sis (lunaris) maior & concitator est, hoc est, magis a-
 quis abundat? quia finis mensis est hybernior, hoc est,
 magis hyemi similis, quo tempore vberior existit aqua-
 rum copia. Cur finis mensis est hybernior? quia lumen
 ipsius lunæ decrescit. Hæc duo problemata vnum di-
 cuntur ratione Medij, quia Medium prioris continetur
 sub Medio posterioris, & Medium posterioris est Me-
 dium prioris.

SCHOLIA IN CAP. 16.

a Cum tres sint termini in Demonstratione:
 Maius extremum, quod est affectio: Mi-
 nus extremum, quod est ipsius subiectum: Me-
 dium, quod est causa cur affectio in sit in suo sub-
 iecto: in his duobus cap: ostendit quomodo hi pos-
 sint inveniri: in hoc cap: duo priores. Nam cum in
 conclusione hi solum locum habeant, ideo Philo-
 sophus, cum ostendit, quomodo conclusio compo-
 nenda & invenienda sit, ostendit quomodo hi ter-
 mini inuestigari queant. Ergo in qualibet conclusi-
 one potissima & vniuersalis Demonstrationis de-
 bet esse talis affectio, qua de primo suo subiecto in
 eadem demonstratur.

b Omnia animalia, qua cornibus armata sunt, in
 Lib. 3, de part. superiori maxilla dentes non habent. Materia e-
 Animal. c. 14- nim, ex qua isti dentes crescere debuerunt, nempe a-
 nimalis excrementum, in cornua consolidatur. Hæc
 animalia (inquit Arist.) plures habent ventres, ut,

cum officium oris non satis in molendo cibo adhibeatur, propter inopiam dentium, munus ventrum expleat, dū alius ab alio cibū recipit, scil: primus in cōfectū: secundus aliquantulū cōfectū: tertius plenius: quartus per quā plenē cōfectū. Itaq; sic ut genus hoc animalū receptacula cibi habeant plura, quibus nomina aut indita sunt, aut indere licet, venter, araneum siue reticulū, omasum, abomasum. Quonā modo hac se habeant tum situ, tū etiā specie ex historia dissectioneq; animalū petēdū est. Hactenus Arist. plura vide apud eundē 2. de hist. Ani. ca. 17. & 9. c. ult. & 3. de part. Ani. c. 15. Animalia, quę plures habent vētres, ruminare solent. Camelus etiā, quamvis cornibus careat, in utrāq; maxilla dentes nō habet, sed in inferiori tantū: plures habet vētres & ruminare solet, sicut testatur Ari. 3. de part. Animal c. 14. vnde animal cornigerū nō videtur esse primum subiectum illarum affectionum.

Vide Plin. lib.
11. cap. 37.

c Sepia est genus quoddam piscis albo colore ex ovo natum, atramento, quod ei pro sanguine est, ne deprehendatur, aquas inficiens atq; turbans. Hec enim (ut ait Pierius Valerius) cum spectandam se venatoribus prębuerit, simulatquē in se aciem instrui conspexerit, & classicum cani, atramentum in aquas evomit, quibus infectis, demptāquē ita venatoribus congregiendi copiā, elabatur. Anglicē vocatur a cuttle: tres sunt pisces, qui atramentum effundunt, sepia, Polypus & lolligo, quam vulgō piscem atramen-

Sepia.

Lib. 28. Hieroglyph. Ægypt. c. de Sepia.

Lib. 9. de hi-
storia Ani-
mal. c. 37.

Plinius lib. 32
cap. 10.

Antiparista-
sis quid sit

Echo quid sit

tarium vocant: verum ij (ut testatur Arist.) novita-
si metu perculsi: sepia verò saepe sine pauore: animi
interdum gratiâ suo utitur atramento ad se oculan-
tandam. Ei verò atramento tanta vis est, ut in
lucerna addito Aethiopes videri, ablatopriore lu-
mine, Anaxilans tradat. Quod in sepia sepium: id in
lolligine gladiolum dicitur. Vide Arist. passim in li-
bris de historia Animalium, praesertim lib. 4. ca.
1. lib. 5. cap. 6. 12. & 18. lib. 9. cap. 37. Plinium lib.
9. cap. 28. & 29. Et Pierium Valerium lib. 28. hi-
eroglyph. cap. de Sepia. Antiparistasis nihil aliud est (si vim verbi spe-
ctes) quam contrarij circumfistentia & obiectio. (Cum
enim contrarium à contrario obsidetur, fugiendo se
colligit: unde fortius & potentius redditur. (virtus
enim unita fortior.) Hinc fit, ut, hyeme propter ae-
ris frigus circumstans calorem undiq; ita circum-
sistens, ut erumpere nequeat, aquae fontales, & A-
nimalium ventres multo calidiores sint, quam in a-
estivo tempore, quo calor inclusus propter calorem ex-
ternum ambientem sese diffundit: unde tum debili-
or redditur. Vide valetium li. 1. Controuers. Medici
& Philosoph. ca. 5. ubi annuem anteperistasimè me-
dio tollere conatur.

E Echo nihil aliud est, quam sonus reflexus & re-
percussus à corpore sibi obstante, à quo corpore reper-
cussus redit ad suum efficiens. Ita saepe in syluis,
montibus, cameratis aut cavernosis locis, in lito-
ribus, eundem sonum, quem ore emisimus,

reci-

recipimus: debiliorem tamen, & ultimas tantum,
voces eius: quia virtus reflexa est infirmior quam
directa: non secus quam pila projecta referitur a
corpore, cui impacta erat & illisa, regrediens ad ia-
culatorem suum. Vel curio lib. 4, comment: Physt
Hic sonus siue soni percussio semper fit, quamvis
non semper percipiat, sicut testatur Arist: 2.
de Anima cap. 8. Vide Arist: ibidem. Ovidium 3.
Metamorphos: Erasmus in dialogo Echo: & Pla-
nium lib. 2. cap. 44.

f Natura mira est imagines reddendi, quod reper-
cussio aëre, atq; in oculos regeſto fieri conuenit. Ea-
dem vi in speculis usu polita crassitudine, paulumq;
propulsa, dilatatur in immensum magnitudo imagi-
num. Tantum interest, percussum illum respiciat,
an accipiat. Plinius lib. 33. cap. 9.

g Manifestum est, radium solis immisſum cana-
nubi, repulsa acie in solem refringi, colorumq; va-
rietatem mixturâ nubium, aëris igniumq; fieri.
Certè nisi sole aduerso non fiunt Irides, nec unquam
nisi dimidia circuli forma. Plinius lib. 2. cap. 59.
Vide supra lib. 1. cap. 10.

h Nilus Egypti fluvius, à Nileo rege sic dictus,
vel a novoluto, quo totam feracem reddit Eryp-
tum: Vnde nonnulli Nilum dici existimant quasi
νέαν ἰλον, hoc est, novum trahentem lumen, quod
oblumet, hoc est, limo obliues Egyptum & opplet.
Nam quotannis solo existente in Cancro exundat,
& aquis totam Egyptum operit, quare in ijs a-

* Etesiz sunt venti quotannis statis temporibus flantes, biduo incipientes post Caniculæ exortum & ad dies fere quadraginta continuantes. Plinius lib. 3. cap. 47. Hinc Etesiz dicti sunt, quasi annui, flant ab Aquilone.

Imaginem Nili. vide apud Chartarium lib. de imaginibus Decorum fol. 55. Nili. effigiem vide apud eundem fol. 181.

gris maxima fecunditatis causa putatur, cuius incrementi varias causas Philosophos prodidisse refert Plinius lib. 5. c. 9. sed maxime probabiles* Etesiarum eo tempore ex aduerso flantium repercussum, vltro in ora actomari: aut imbres Æthiopia æstiuos, iisdem Etesis nubila illò ferentibus è reliquo orbe. Sicut anni tempora (inquit Crellius) à sole pendent: ita mensis tempora à luna pendent: Et sicut æstas tunc est, cum solis lumen maxime diuturnum potensq; est: hyems verò, cum debile est, & non ita diu durans: ita mensis pars illa, qua luna lumen augefcit, æstati: illa verò, qua decrefcit, hyemi proportionè respondet. Quemadmodum igitur hyeme, quod experientia docet, prop- terniues, & frequentes imbres, maior aquarum copia est, quàm æstate: ita quoq; Nilus, mense decrefcente, siuè illa mensis parte, qua luna lumen decrefcit, magis aquis abundat: quàm ea, qua augefcit. De Nilo vide Arist. lib. 1. Meteor. cap. 13. 14. & lib. 2. cap. 2. Et Plinium lib. 5. cap. 9. li. 18. cap. 18.

Luna, decrefcente mense, cum sole coire dicitur, qua coitione lumen suum amittit, quo deficiente, & calor ipsius unà diminuitur. Quamobrem calore eius diminuto, cum vapores in aère dispergi ac dissipari non possint: fit, ut ijs frigore in nubem coactis, ac nube in plūuiam dissolutâ, imbrium magna copia existat, qua fluij augefcunt, & in Ægypto Nilus maior & concita-
tior

rior euadit. *Mathis.*
 k Nonnulli tertiam questionem addunt, hanc nempe. Cur lumen luna decrescit? quia tum luna cum sole coit & coniungitur: quæ coniunctio est prima causa cur Nilus magis exuberet.

ANALYSIS. CAP. 17.

ARGUMENTUM

IN hoc capite tradit quomodo siue quale Medium ad conclusionem vniuersalem demonstrandam inueniendum sit, vnà cum quibusdam obiectionibus & earum solutionibus: in fine capitis omnium Analyticorum librorum, tam priorum, quam posteriorum conclusionem subiungit, quæ procemio horum quatuor librorum in initio primi libri Priorum respondet.

Quale Medium ad conclusionem vniuersalem demonstrandam adhibendum est?

Tale, quod sit causa Maioris extremi, siue affectionis & cum eo reciprocatur.

Nam, sicut^a causâ positâ effectum ponitur: ita effecto positâ causa etiam ponitur, ita ut simul sint, & reciprocantur: veluti num his effectis positis defrondescere, siue arborum folia defluere, & eclipsi ponuntur etiam eorum causæ, nempe latius constare foliis, & terræ interpositio?

Maximè, Nam, si his positis eorum causæ non ponantur, tum aliæ essent horum causæ: at non sunt. Ergo &c. Minor prob. Nam posita tantum interpositione terræ

terræ, ponitur eclipsis lunæ: Et posito ^b latissimis confli-
re folijs, sequitur talem arborem, cui sunt lata folia,
defrondescere.

Obiectio 1.

Si hoc, quod asseris, verum sis, tum causæ & effecta
per se inuicem demonstrarentur, & circulus esset in
Demonstratione: at hoc negatum est lib. 1. cap. 3. Er-
go &c. Maior probatur exemplo. Sit A defrondescere,
B. latifolium, C. Vitis: fiat Demonstratio, omne B.
est A. Omne latifolium defrondescit, Omne C. est B.
Vitis est latifolia. Ergo Omne C. est A. Vitis defron-
descit. In hac Demonstratione effectum demonstra-
tur ex causa: at potest è contra causa demonstrari
ex effecto tanquam Medio, nempe si Maius extre-
mum in Medium mutetur, hoc modo. Esto D. la-
tifolium, E. defrondescere, F. Vitis: fiat Demonstra-
tio: Omne B. est D. Omne defrondescens est latifo-
lium. Omne F. est E. Vitis est defrondescens. Ergo
Omne F. est D. Vitis est latifolia. In hac Demon-
stratione defrondescere, quod est effectum, est
causa & Medium per quod latifolium, quod in
illo altera Demonstratione erat causa, demon-
stratur.

Solutio.

Etiamsi causa demonstretur per effectum, sicut effe-
ctum per causam: tamen non sequitur circulus esse
in Demonstratione. Nam sibi inuicem causæ essendi
non sunt. (causa enim prior est eo, cuius est causa, nem-
pe effecto) veluti interpositio terræ est causa eclipsis:
sed non è contra eclipsis est causa interpositionis ter-
ræ: circulus autem est, cum veræque Demonstrationes
sunt à priori, siue propter Quid, quod fieri nequit:
hic verò prior Demonstratio est à priori, & propter
Quid: secunda verò à posteriori & Quia. Nam o-
stendit rem ita esse, sed non cur ita sit. Veluti eclipsis
ostendi

ostendit terram esse interpositam, cur autem interponatur, non ostendit.

Qua ratione probas eclipsim non esse causam interpositionis terræ: sed potius interpositionē terræ esse causam ipsius eclipsis?

Hac ratione. Illud, quod ponitur in definitione rei, est eius causa: at interpositio terræ ponitur in definitione eclipsis, non eclipsis in definitione illius: siquidem eclipsis est interpositio terræ, non interpositio terræ est eclipsis. Ergo interpositio terræ est causa ipsius eclipsis: non hæc illius est causa.

Obiectio 2.

Vnius effecti plures possunt esse causæ. Ergo causa & effectum non reciprocantur, neq. simul sunt. Anteced: probo. Esto A. effectum: vi: laudabile: hoc potest demonstrari de D. & E. diuersis subiectis, nempe de iusto & forsi per B. & C. diuersas causas, nempe iusticiam & fortitudinem. Nam A. demonstratur de D. per B. Et de E. per C. Ergo sunt plures causæ eiusdem effecti, quarum una posita ponitur effectum: at posito effecto, non ponitur alterutra causa, sed una tantum.

Solutio.

Respondeo: vnius effecti non sunt plures causæ: primò, quia si conclusio sit vniuersalis, id est, reciproca, Mediū siuè causa erit totum, vniuersale & reciprocum, hoc est, si Maius & Minus extrema, quæ sunt in conclusione, reciprocenter, Medium etiam erit iis æquale, & cum iis conuertetur: at illa reciprocari dictum est antea. Ergo etiam & Medium cum iis reciprocabitur. Exempli causa, defrondescere reciprocatur cum suo subiecto, cui primò conuenit (esto arbor latifolia) & Medium etiam erit his æquale, quod est ^b concretio siuè congelatio humoris. Nam si arbores defrondescant, humor siuè succus earum concreuit: Et si succus arborum concreuat,

Demonstratio per se est in qua omnes termini sunt reciproci & Medium est causa: Demonstratio signi est, quæ est ab effectu Demonstratio per accidens est Demonstratio particularis, in qua affectio generis demonstratur, quæ affectio non per se conuenit speciei, sed per aliud nempe ratio ad generis.

crescat, folia ipsarum decident. Secundò, quia vnus rei vna est definitio proxima. Ergo & vna erit causa: quod dictum velim, cum Demonstratio est per se siuè *subiecti*, in qua Medium est definitio Maioris extremi: at si Demonstratio sit per signum siuè *obiecti*, vel Demonstratio per accidens, tum vnus rei siuè effectus plures possunt esse causæ, non essendi: sed cognoscendi, & inferendi.

Possuntne id cuius est causa, id est, Maius extremum, & id cui est causa, nempe Minus extremum considerari per accidens, hoc est, possuntne problemata siuè conclusiones in quibus Maius & Minus extrema reperiuntur, esse accidentaliter, & habere in se accidentia communia?

Possunt: sed tum problemata non sunt Demonstratiua nec ad scientiam pertinent: si tamen ad scientiam pertinere dicantur, tale quoque Medium, per accidens scilicet esse oportet: Et si problema sit homonymum siuè æquiucum, Medium erit homonymum: si verò ut in genere sit problema, ut in genere erit Mediū (In genere, & homonymum problema appello, cuius Maius extremum est in genere, & homonymum) Exempli causa, *commutata proportio* est Maius extremum ut in genere quia de numeris & lineis demonstratur non primò, quia numeri & lineæ sunt, sed secundariò, quia sub aliquo genere continentur. Ergo & Mediū erit ut in genere nempe *æquale incrementum*, per quod de iis demonstratur: quod Medium, quia absolutè & in se consideratur, vnicum est, & idem omnibus speciebus: quia verò ad numeros & lineas applicatur, & per illud *commutata proportio* de iis demonstratur, diuersum est. Iterum *simile* in coloribus & in figuris est æquiucum, quia non eadem ratione in coloribus & in figuris inest. Ergo & Medium siuè causa ipsius erit æquiucum. Nam causa cur colores sint similes est, quia eodem modo sensum mouent

mouent & afficiunt: causa verò cur figuræ sint similes est, quia latera habent proportionalia, & æquales angulos. Eodem modo dicendum est, si problema sit analogum, Medium etiam erit analogum: Vnde Medium semper erit eiusdem generis cum Maiori extremo, quia mutuo se consequuntur & reciprocantur hæc tria, causa, id est, Medium: Et id cuius est causa, id est, Maius extremum: Et id cui est causa, id est, Minus extremum siue subiectum.

*Quid si Maius extremum non primo suo subiecto conuenias, sed seorsim de speciebus eiusdem subie-
Eti demonstratur, an tum hæc tria reciprocantur
necne?*

Nequaquam: quia tum latiùs patet id, cuius est causa, hoc est, Maius extremum: Veluti, *quatuor angulis æquales esse angulos externos*, latiùs patet, *quam triangulum, vel quadratum*. sed omnibus his, hoc est, generi ipsorum, nempe *figuræ rectilineæ* est equale & cum eo reciprocatur. Similis est ratio ipsius Medii. Hoc enim, si primum subiectum accipiat, cum eo reciprocatur: alias latiùs patet, eò quòd Medium sit definitio primi siue Maioris extremi in omni scientia: Vnde ad subiectum eodem modo se habet, quo definitum. Exempli causa, *defrondescere* consequens est, *Vitis & ficui*, & de iis demonstratur, sed tamen latiùs patet quàm *Vitis*, quàm *ficus*: at si harum generi, nempe *arbori latifoliæ* attribuat, æquale ei erit, & cum eo conuertetur. Si ergo primum sumatur Medium, erit definitio ipsius *Defrondescere*.^{*} Erit enim in altero primum Medium, quòd omnia sunt talia. Deinde huius Medium est, quòd succus con- crescit, quòd est definitio ipsius *defrondescere*. Hoc enim nihil aliud est, quàm concrecere succum in con- tactu foliorum cum ramo, siue in ea parte, qua folium cum ramo coniungitur.

*Id est, in alio
ro syllogismo
acceptum est
primum Me-
dium respe-
ctu subiecti:
hoc est, res-
pectu specie*

Es,

rum: quia omnes species tales sunt, id est, subiiciuntur illi generi attamen hoc Medium non est primum respectu affectionis demonstrata, quia inter hæc est causa media. Zabarella.

* *Vniuersale* hic sumitur non pro predicabili, sed pro communi-ori siue generaliori.

Ea, quæ hæcenus dicta sunt, figurarum siue literarum exemplis illustres: ac primò, quomodo vnius rei plures possunt esse cause.

Sit effectum, siue Maius extremum A. subiectum D. Medium, quod latius patet quàm singulæ species ipsius, B. fiat ergo Demonstratio. Omne B. est A. Omne D. est B. Ergo Omne D. est A. In hac Demonstrazione A. effectum Demonstratur per B. quod est vniuersale & latius patet quàm singulæ species subiecti, sed non est vniuersale primum.

Quod vocas Vniuersale, & Vniuersale primum? Vniuersale voco, quod non recipitur, siue quod latius patet: vniuersale primum voco id, cum quo singula non recipiuntur, omnia vero simul sumpta recipiuntur.

Num in illa Demonstrazione effectum A. latius patet quàm B. Medium?

Maximè Nam aliàs non minùs ex A. inferri posset ipsam B. quàm ex B. inferri A. id quod fieri nequit, cum A. ipso B. communius sit.

Perge.

Idem etiam A. effectum potest demonstrari de E. alio subiecto per C. aliam causam. Vt: Omne C. est A. Omne E. est C. Ergo Omne E. est A. In neutra Demonstrazione effectum cum causa recipitur.

Pieri ergo potest, ut vnius effecti plures sint cause.

* Maximè, sed ita tamen, ut illud effectum æquiuocum sit: Et non de eodem, sed diuersis specie subiectis demonstretur illud effectum: ut: *longanimitas* esse effectum est, sed huius in diuersis specie subiectis diuersæ sunt causæ. In quadrupedibus enim causa est, quod felle siue bile, à qua radicalis humor extinguatur, vel careant, vel certè non abundant: in volatilibus, quod naturæ sicca sunt, quæ calorem magnum & recipere & diu conseruare potest.

Num

Num unus effecti uniuoci possunt esse plures cause?

Possunt.

Quando illud contingit?

Quando medium & Maius extremum ad indiuiduum, id est, speciem infimam statim & immediatè non perueniunt, hoc est, quando affectio non de primo suo subiecto seu genere, sed de aliqua specie eiusdem infima demonstratur. Tum enim illius affectionis plures sunt causæ, non distinctæ sed subordinatæ: Vnde & plura Media eiusdem erunt.

Verum Medium est causa singulis speciebus, ut de ijs demonstretur illa affectio generis? idne quod ad primum uniuersale, id est, primum subiectum, an quod ad singulas species eiusdem magis accedit? hoc est, utrum potius speciei causa sit cur illi generis affectio competat: causane affectionis: an ipsum genus?

Ipsam genus est magis causa, quia hæc propinquior est speciei causa quàm causa affectionis. Exempli causa: sit A. effectum, nempè *habere tres angulos pares duobus rectis*: D. species, nempè *Isosceles*. C. primum subiectum, *triangulum*: B. causa affectionis, *figura rectilinea*: iam A. conuenit ipsi D. per C. causam: conuenit ipsi C. per B. causam: conuenit ipsi B. per seipsum: quia hæc propositio (B. est A.) est immediata: cum ergo effectum A. duas habeat causas, tamen cur ipsi D. insit, magis causa est C. quàm B. quia C. propinquius est.

SCHOLIA IN CAP. 17.

a **P**ER causam hîc intelligit Philosophus Medium in Demonstratione à priori: per effectum intelligit affectionem, siue Maius extremum, quod conuenit primo suo subiecto: Unde sensus hic est. An Medium in Demonstratione à priori reciprocetur cum Maiori extremo? Hic duas habemus regulas inueniendi Medium: Unà est hac: Medium debet esse causa Maioris extremi in essendo (ut loquuntur) non in cognoscendo, proxima non remota: Altera hac est: Medium debet reciprocari cum Maiori extremo: Ratio utriusq; est, quia Medium est definitio ipsius.

b Habere lata folia non est causa, cur folia arboribus decidant, sed potius congelatio humoris, siue concretio succi. Ubi notandum est in arboribus quendam esse succum, quo folio nutriuntur: cum ergo hic succus uerbo & astiuo tempore ratione caloris per omnes partes arboris sese diffundat, causa est tum productionis, tum conseruationis foliorum: sed in autumnali & hyberno tempore,

gra-

Due regulæ
inueniendi
Medium.

grassante frigore, (cuius est constringere, ut caloris dissolvere) concrefcit & congelat, quia aquosus est: adeò ut ad omnes partes arboris non possit liberè permeare, nec alimentum folijs præbere. Hinc folia, concreto succo, & ablato incremento, defluunt. Quædam tamen arbores, ut laurus & oliua hyeme folia non amittunt, quia succum habent magis viscosum magisq; pinguem. Pinguedo enim est causa quòd illud, in quo est, non concrefcit, vel saltem non tanta fiat concretio, quæ possit impedire transitum ipsius succi ad folia nutrienda: hinc est, quod oleum non concrefcit: tamen si summa ingruat frigoris immanitas, folia lauri, ut experientia comperimus, etsi non defluant, tamen summâ corripuntur ariditate, quæ, adueniente calore, iterum paulatim virescunt.

c Problema ut in genere est, in quo affectio generis siue totius de specie & parte demonstratur: Et dicitur ut in genere, quia affectio de specie cõcluditur: quâ in genere est.

d De commutata a proportionem dictum est lib. 1. c. 5.

e Vnius effectus plures possunt esse cause: 1. Quando Demonstratio non est à prior & per se, sed ex signis, & per accidens. 2. Quando effectum est æquiuocum: effectum æquiuocum est, quod in diuersis subiectis reperitur non vnâ & eadem ratione, vel non ob eandem causam.

Proptio est
duarum eius-
dem generis
quantitatum
certa vnus
ad alteram
comparatio
& habitudo:
De proporti-
onibus vide
Tonstallum
lib. 4. de Arre
supputandi.

Ut: longæuum in quadrupedibus & volucribus.

3. *Quando subiectum primum non sumitur sed species ipsius: tamen tum cause non sunt omnino diuersæ, sed subordinate: quia una continetur sub altera.*

Duz cause
longioris
vitæ in anima
libus.

f. *Duplicem ferè causam longioris vitæ in animalibus constituit Philosophus: quarum altera est fellis siue bilis vacuitas, quæ in gradientibus & maximè in quadrupedibus; altera est natura siccitas, quæ in volatilibus exemplo corni, cornicis, aquilæ & consimilium reperitur: huius cause meminuit 2. Prior cap. 23. Ubi ait non solum in quadrupedibus, sed etiam in homine bilis vacuitatem causam esse longioris vitæ: illius meminuit, lib. 4. de Part. animalium cap. 2. Ubi hæc habet verba. Fel igitur non alicuius gratia, sed purgamentum atque inutilem esse materiam constat. Quamobrem pulchrè à veteribus dicitur illis, qui causam, cur diutius viuatur, fellis vacuitatem esse aiunt, argumento ex solipedum, ceruorumque genere deducto. Hoc enim & felle vacant & diu viuunt. Et eodem cap. Ut bilis, quæ qualibet aliâ corporis parte gignitur, excrementum quoddam liquamentumque est: sic fel iecori adiunctum, non rei cuiquam delegatum, sed excrementum esse videtur, quomodo & alui intestinorumque sedimen. Et rursum.*

ius. Quibus igitur iecoris constitutio salubris est, & sanguinis natura, quæ iecur subeat, dulcis accedit, hæc aut nullum fel suo iecore habent, aut venis quibusdam inclusum continent, aut partim habent, partim non habent. *Vide Arist: ibidem: Et Plinium lib. 11. cap. 37.*

ANALYSIS CAP. 18.

ARGUMENTVM.

Absolutâ ac pertractatâ omni quæstione de vi ac natura tum syllogismi tum Demonstrationis: nunc subiicit qua ratione vtriusque principia nobis innotescant. Hoc caput in duas partes distingui potest. Primò ostendit Arist: qua methodo principia cognoscantur, præmissis quibusdam dubitationibus. Secundò qualisnam sit habitus cognitionis principiorum declarat.

Que restant de principijs tractanda?

Hæc duæ quæstiones. Primò, quomodo nota fiant, hoc est, qua methodo cognoscantur. Secundò, qualisnam sit habitus cognitionis principiorum. Has quæstiones absolvam, si prius quasdam dubitationes de acquirendâ principiorum cognitione præmiserò.

Cedo illas dubitationes.

Cum non possit quispiam scire per Demonstrationem, nisi prius cognoscat prima principia immedi-

Hæc tractatio principiorum sciundâ est a tractatione syllogismi & Demonstrationis, sicut patet ex epilogo capitis præcedentis.

Duae primæ
dubitationes
eædem sunt
cum secunda
quæstione:
Tertia verò
eadem est
cum prima.

ata, ut ante dictum est in 1. lib. cap. 2. & 3. Prima dubitatio est, utrum principiorum cognitio sit eadem cum cognitione conclusionis, quæ per Demonstrationem acquiritur. Secunda (ut planius quid velim, intelligas) utrum utriusque cognitio sit scientia, an potius sola conclusionis cognitio sit scientia: principiorum verò aliud sit cognitionis genus. Tertia, ^a utrum habitus principiorum à nobis acquiratur: an naturâ nobis insitus sit, nos tamen aliquantisper, tempore scilicet iuventutis, ob nimiam humiditatem lateat, ita ut eo tempore principia penitus ignoremus.

Quid existimas de habitu principiorum? num cum insitum à natura, sed latentem, habemus: an verò illum acquirimus?

Existimo neutrum dici posse. Utrumque enim absurdum est. Nam si insitus sit, lateat tamen per aliquod tempus, sequitur, ut exquisitiores & nobiliores, quam Demonstratiua sit, cognitiones, quales principiorum sunt, à nobis ignorarentur, & quidem, dum eas habemus, ignorarentur: Vnde res certissimas eodem tempore cognoscimus & ignoramus: quo quid absurdius? Sin verò hunc habitum acquirimus, & accipimus, cum antea non habuerimus, tum sequeretur cognitionem nostram non fieri ex præcedente cognitione: at hoc fieri nullo modo potest, sicut in Demonstratione, hoc est, in tractatu præcedente, qui de Demonstratione est, diximus. Ergo nec illud. Quocirca manifestum est habitum principiorum neque nobis naturaliter insitum esse: neque à nobis, prius ignorantibus, acquiri posse.

Si hic habitus sine cognitio principiorum neque insit nobis à natura: neque alià cognitione acquiratur, quomodo illum assequimur? Non enim tertium inueniri potest, quo hic habitus nobis innotescat.

Imò mediâ quadam viâ insistendum est. Nam etiam si neque naturâ nobis insita sit cognitio principiorum: neque ex alia præcedente cognitione, utpote principiorum, & quæ nobilior sit, acquiratur: tamen non absque omni præcedente cognitione à nobis, prorsus ignorantibus, acquiritur. Nam congenitam quandam facultatem habemus, quæ his, nempe principiorum habitibus, neque præstantior sit, neque propter certitudinem nobilior, aut exquisitior, sed multò inferior & ignobilior, quæque respectu horum habituum non domina, sed potius ancilla sit, cuius ministerio principiorum cognitionem assequimur. Hæc facultas inest omnibus animalibus, & vocatur *sensus*, quo obiecta sensilia iudicant.

Num omnibus animalibus hæc facultas, nempe sensus eadem ratione attribuitur?

Nequaquam. Nam quædam animalia præter sensum habent memoriam, in quibus rei sensilis absentis imago & species permanet: quædam memoriam non habent: ut vermes, muscæ, culices & huiusmodi: Et hæc nullam habent cognitionem præter cognitionem sensus, quam in ipso sentiendi actu tantum acquirunt. Nam nihil cognoscunt, nisi cum sentiunt, cum illa rei etiam absentis cognitionem habeant. Deindè animalia, quæ memoriam habent, non vnius sunt generis. Nam quædam rationem, quæ similes rerum sensilium conceptus inter se componit, & vniuersale ex illis colligit, habent: ut homo:

Hinc animalia sunt triplicis generis: valde perfecta: valde imperfecta: media.

Vidè lib. I. Me-
taphys. c. 1.

*Zabarella
per omne in-
telligit totū:
Crelius per
omne vniuer-
sale intelligit
supremum v.
niuerfale.

quædam non habent: vt cætera bruta animan-
tia. Hæc cognitionem tantum singularem; ille e-
tiam vniuersalem habet: Vnde in homine ex sen-
su, siuè ex sensatione fit memoria: ex memoriâ se-
pè rei eiusdem (non numero sed specie) factâ fit
experientia: siquidem multæ memoriæ numero v-
nam experientiam constituunt: ^b ex experientia, si-
uè ex ^a omni vniuersali ^c quiescente in anima, nimi-
rum ^d vno præter multa, quod in omnibus est vnum
& idem, fit artis & scientiæ principium: artis si per-
tineat ad ^e generationem: scientiæ, si pertineat ad id,
quod est, siuè quod iam existit.

Quid ex his colligi potest?

Hæc duo, de quibus antea diximus, ex his colligi
possunt, nempè quòd habitus principiorum non in-
sunt nobis definiti, hoc est, non sunt actu, & per-
fecti nobiscum nati: Et quòd non sunt ita acquisiti,
vt ex aliis notioribus ac præstantioribus habitibus, sed
ex sensu, tanquam ex inferiori facultate, acqui-
rantur.

*Quomodo probas cognitionem principiorum per sen-
sum acquiri?*

Hoc simili, siuè exemplo. Sicut enim commisso
prælio, & exercitu in fugam conuerso, si vnus stet, &
ad pugnam reuertatur: deindè alter: tum tertius: Et
sic deinceps, donec ad principium ipsius exercitus
peruentum sit, & prælium redintegretur: ita ani-
ma hoc ipsum, quod de exercitu dictum est, pati
potest, vt ex multis singularibus colligere queat v-
niuerfale, quod est principium scientiæ, vel artis,
sicut exercitus statio est principium nouæ pugnæ.
Nam (vt hoc planius explicem) stante in memo-
ria vno vel altero ^a indifferente, hoc est, perspecto vno
vel altero singulari, tum primum in anima est v-
niuerfale.

*Per indiffi-
rens siuè adia-
phorom Zaba-
rella intelli-
git indiuiduū
quod ab alio

uniuersale. (Nam etiamſi ſentiatur ſingulare, hoc eſt, actus ſentiendi in ſingularibus conſiſtat: ta-
men ſenſus, id eſt, facultas ſentiendi eſt ipſius vni-
uerſalis, veluti hominis, non Calliz hominis) Et
ſicut ex vno vel altero ſingulari anima colligit vni-
uerſale: ita ex vno vel altero vniuerſali colligit ad-
huc magis vniuerſale, donec tandem ad ſummum &
indiuſum peruenit, in quo conquieſcit: Vt enim
ex pluribus indiuiduis ſpecies colligitur: veluti homo:
ita ex pluribus ſpeciebus genus: veluti animal: Et ex
hoc aliud, donec tandem ad ſummum & ad ſimpli-
ciſſimum petuentum ſit. Ex his colligi poteſt ſolu-
tio prioris quæſtionis: methodus ergo, qua princi-
pia cognoſcuntur, eſt inductio, quia adminiculo ipſius
ſenſus cognoſcuntur, qui vnâ cum intellectu vniuerſa-
le in anima efficit.

non differt ra-
tione vniuer-
ſalis: Crelh-
us non indi-
uiduum ſed
ſpeciem inſi-
m: m, quæ ea-
dem eſt in
omnibus in-
diuiduis; hæc
ſpeciem ait
appellatam
ab Ariſtotele
primum vni-
uerſale.

Solutio prio-
ris quæſtionis

*Cum priorem quæſtionem de methodo abſolueris:
iam alteram quæſtionem de habitu principiorum
explices velim. Qualis nam ergo eſt, & quomodo
appellandus eſt habitus principiorum?*

Habitus principiorum dicitur *inſelligentia* ſiue *intel-
lectus*.

Solutio poſte-
rioris quæſtio-
nis.

*Qua ratione probas habitum principiorum eſſe
intellectum?*

A ſufficienti enumeratione habituû, qui in diſtincta ſpe-
ctantur, hoc eſt, intellectualium, hoc modo: ſ habitus
principiorum vel eſt opinio: vel logiſmus ſiue ratioci-
natio: vel ſcientia: vel intelligentia: ſed neque
eſt opinio, neque logiſmus: neque ſcientia. Ergo eſt
intelligentia. Maior patet, quia illi ſunt habitus in-
tellectuales, qui in diſtincta ſpectantur, Minor proba-
tur. Primò, non eſt opinio, aut logiſmus, quia hi
habitus falſi eſſe poſſunt, habitus autem principiorum
ſemper verus eſt, & numquam falſus: Deindè, quod
non

- 1 non fit scientia, probari potest: primò, sicut principia Demonstrationibus, hoc est, conclusionibus Demonstrationum notiora sunt & exquisitiora (vt patet ex lib. 1. cap. 2.) ita habitus principiorum est certior & exquisitior habitu conclusionis. Ergo habitus principiorum non est scientia: siquidem habitus, qui scientiâ conclusionis certior est, non est scientia.
- 2 Secundò, omnis scientia cum ratione est siuè discursu: habitus principiorum non est cum ratione. Ergo non est scientia.
- 3 Tertiò, principium scientiæ non est scientia: at habitus principiorum est principium scientiæ. Ergo non est scientia. Maior patet, quia principium Demonstrationis non est Demonstratio: Sic enim esset progressus in infinitum. Quare habitus principiorum est intelligentia, quæ etiam est principium scientiæ, & principium principij, nempe quo principia cognoscuntur: Et vt scientia se habet ad omnes res scibiles: sic intelligentia ad principia ipsius Demonstrationis. Nam sicut illæ scientiæ ita hæc intelligentiæ nobis innotescunt.

SCHOLIA IN CAP. 18.

- a **H**ec questio ob Platonem mouetur, qui scientias unâ nobiscum nasci, non temporis progressu, studijs ac usu postea comparari aiebat: quam sententiam hîc & 3. li. de Anima Arist: reprehendit. Mathis.
- b **Aut**, ex experientia siuè vniuersali, quia experi-

experientia nondum sufficit, & imbecillior adhuc est, quàm ut artis atq; scientia principium fiat. Est enim rerum singularium, & respectum ad singularia & particularia habet: Et non omnia, sed quaedam tantum, siue plura singularia completitur: ideoq; mens humana in experientia non acquiescit, sed ulterius progreditur, & tandem ex multis illis singularibus, quorum experientiam habet, universale, quod omnia sub se particularia, non quaedam tantum, uti experientia comprehendit: quodque absolute sine respectu ad singularia, consideratur, fabricat. Crel-
lius.

c Universale (inquit Zabarella) dicitur quiescere in Anima siue intellectu, quia non transit amplius ab intellectu ad superiorem facultatem animae: movetur enim quodammodo obiectum cognoscendum, & transit per diversas animae partes, & tandem in intellectu quiescit, ubi finis est huius motus.

d Universale dicitur unum prater multa, quod ab intellectu tanquam unum sumitur prater singularia, licet revera à singularibus non sit separatum. Etenim subditur, quod in omnibus illis inest, ut Platonica excludatur sententia de universalibus. Lovanienses.

e Non simpliciter generationem sumit, sed eam quae à nobis fit, non eam, quae fit à natura.

Con-

Considerat enim scopum precipuum scientiæ & artis, ex quo reverà sumenda est earum differentia. Scopus enim artis est efficere ac generare aliquid, quod non est, à nobis tamen effici queat: (Nam Ars est habitus aliquid verà cum ratione faciendi 6. Eth. c. 4.) scientiæ verò scopus est scire id, quod iam est. Zabarella.

Obiectio.

¶ Quinq; sunt habitus intellectuales, in quibus tamen opinio & logismus non enumerantur. 6. Ethicorum cap. 3. Ergo non sunt hi quatuor, quos hic recenset Aristoteles.

Solutio.

Respondet Zabarella in Ethicis verorum tantum habituum mentionem fieri: opinionem autem & veram esse & falsam, sicut & logismus: artem autem & prudentiam hic taceri, quia actionem & effectum respiciunt: eodemque modo sapientiā, quia à scientiā & intelligentiā simul sumptis non differt, quippe quæ, ut ibi Philosophus habet, scientia est, quasi caput habens, quod caput est intelligentia. Per logismum Zabarella, non habitum aliquem à ceteris, qui hic nominantur, diversum intelligit: sed communiter discursum:
sub

*sub quo etiam opinio & scientia comprehendantur.
Grecis tamen per logismum habitum à reliquis
distinctum intelligere placet. De intelligentia
vide lib. 6. Ethicorum cap. 3. & 6. De
ceteris habitibus intellectualibus
vide cap. 4. 5. & 7. ibidem.*

FINIS.